



LVIII

B

7

BIBLIOTECA NAZ.
Vittorio Emanuele III

LVIII


B


7

NAPOLI









PETRI PETITI
Philosophi & Doctoris Me-
dici Parisiensis

De

SIBYLLA

Libri tres.




LIPSIÆ,

Apud Hæredes FRIDERICI LANKISCH,
Typis CHRISTOPHORI GVNTHERI.

M DC LXXXVI.



Clarissimo Viro
FRIDERICO BENE-
DICTO CARPZOVIO
Petrus Petitus
S. P. D.

 I quisquam erit, *Vir celeberrime*, qui admiretur, me hominem apud Gallos Luteciæ natum, neque aliter fere tibi quam tenui famæ prædicatione cognitum, nunc abs te et tam longinquis regionibus præsidium meis Musis quærere, ac lucem a Lipsia petere; desinet profecto mirari, cum quæ me, ut id consilii caperem, impulerit causa intelliget. Quin istud, sat scio, consilium meum probabit, dignumque homine ingenuo & liberali iudicabit. An hoc adeo mirandum est, si, quam of-

DEDICATIO.

ficiosissima humanitate tua viam studiosis omnibus ad bene de literis merendum aperis, eam mihi nunc huiusce libri, quem tibi offero, dedicatione insistere visum est? Cum præsertim te ipsum incredibili incensum amore literarum intelligam, nec ullis negotiorum curis impediri posse, quo minus ad libros interim recurras, quos subinde etiam a remotis undecumque locis ad te mandas perferri, ne quid vspiam in republica literaria noui geratur, quod tuam sciendi cupiditatem prætereat. Itaque mirum videri non debet, si tantum eruditionis consecutus es, quantum in hominem occupatum cadere posse vix quisquam credat. Te sane non esse vnum e multis, antea ex doctorum virorum, quibus familiariter vtor, prædicatione cognoueram; nonnulla ipse Græco & Latino sermone abs te perscripta videram, ex quibus iudicare licuit, quid in literis præstare possis, si tibi maius otium


ad eas excolendas aliquando contingat: cum ne in illo quidem negotiorum æstu, partim publicorum, quibus cum dignitate in patria præes, partim domesticorum, quibus magnifice rem familiarem auges atque amplificas, temperare possis, quin ad nostras subinde tuasque artes respicias, quantumque in iis proferis ostendas. Quæ cum vitæ tuæ decora quemuis ad te amandum impellere possint, non tamen, ut verum fatear, his adduci potuissem, ut te statim ignotus literis meis interpellarem, nisi ÆGLIVS MENAGIVS, vir illustris, & probitatis mihi longo usu perspectæ, me verecundia cunctantem pulsare fores amicitiae tuæ, eo perpulisset. Nam cum illi indicassem, me librum composuisse de Sibylla, mox in lucem, si occasio eius edendi daretur, emittendum; non distulit homo amicissimus, quin statim ad te de me & eo libro scriberet. Quo pacto mihi plane occasionem dedit, immo

DEDICATIO.

necessitatem imposuit, literas quamprimum ad te mittendi gratiarum agendarum causa; cum te libenter eius libri editionem amplecti, ac tibi curæ fore, verbis officiosissimis pollicitus fuisses. Ne mireris igitur, quod amicitiaæ tuæ fores hoc scripto pulsem: si tamen nunc pulsandæ sunt, quas pridem mihi officiosissimis literis aperuisti. Quo maior me spes tenet, non fore tibi ingratham, quam tibi dedico, lucubrationem novam de Sibylla: si præsertim hanc, non ex ipsius merito, sed ex auctoris affectu æstimes. Quod ut facias, meque in tuorum numero habeas, rogo. Faxit Deus optimus maximus, ut qui nunc libertuo beneficio in lucem prodit, in longum tempus ea luce, quam illi dedisti, tuo patrocinio fruatur. Vale. Ex Museo nostro, Luteciæ Parisiorum, Idibus Octobris, anni instaurationis salutis 1685.



In libros
DE SIBYLLA
Præfatio.

Uo plures extant conscripti doctorum virorum de Sibyllis libri, eo grauior me cura incessit, quam homines de isto consilio meo opinionem habituri sint, dum me videbunt argumentum iam satis superque, ut videtur, ab aliis explicatum, denuo incudi reddere, ac noua opera recentatum ponere, ceu quicquam potuerim in eo inuenire, quod priorum diligentiam fugerit. Itaque metuo equidem, ne me statim multi ex titulo explodant. Quid igitur? Quia complures ante me de Sibyllis scripserunt, non licebit mihi in eadem palæstra exercere ingenium meum? Quia multi existunt literarum

PRÆFATIO.

osores, multi alienæ industriæ oppugnatores, mea ipse reperta tenebris damna-
bo? Absit ut talibus terriculamentis
me a proposito abduci patiar. Quin
spero non defuturos lectores eius æqui-
tatis, ut prius quid hoc in nouo opere
afferam, perspicere velint, quam de illo
iudicium ferant: eius autem candoris,
ut cum serio ipsum ac diligenter euolue-
rint, non me in eo elucubrando inuti-
lem omnino operam posuisse fateantur.

Id quanquam meo iure postulare vi-
deor, ac futurum confido; visum est ta-
men ad præuertendâs aliorum suspicio-
nes pauca hic de meo instituto attinge-
re, quo libentius omnes ad eius, quem
offero, libri lectionem accedant.

De Sibyllis ago, immo de Sibylla,
quod nomen cur singulariter usurpem,
totius libri intentio & series declarat.
De Sibylla inquam, verum longe alio
modo & iudicio, ac qui de Sibyllis ha-
tenus scripserunt. Illi testimoniis ex

PRÆFATIO.

Varrone & aliorum auctorum lectione congerendis potius, quam pensitandis, quam essent diligentes ostendere voluerunt: nihil interim expiscati, nisi quod ad rem Christianam, ac fidem illi arrogandam, atque auctoritatem conciliandam, pertinere videretur. Ad hunc dumtaxat scopum omnis eorum industria & labor collimat. Mibi vero propositum est, non historicum modo me, aut criticum, aut theologum præstare Sibyllæ, sed etiam philosophum. Quod non ideo profiteor, ut aliquid mihi maius supra alios arrogem; sed ut omnes ex hac confessione melius præsentis operis ingenium & rationem dignoscant. Quid enim hinc sequatur, iam omnes cordatos puto intelligere; nempe ut longe alia, hoc modo contemplant, rerum facie & apparatu se offerat mihi Sibylla, multoque ampliorrem aperiat campum, atque iis qui Sibyllina attingunt, eorum tantum ora-

PRÆFATIO.

culorum causa, quæ de Christo & Ecclesia circumferuntur.

Enimuero si me iisdem finibus coerceri vellem, difficilius fateor vitare possem, quin, quod metuendum mihi dixi, id accideret, sæpe ut, imprudens licet, in aliorum vestigia incurrerem, atque etiam, quod summe abominor, compilerator aut plagiarius audirem: quorum duorum utrum magis detester, non facile dixerim. Nunc mihi quo dixi proposito in Sibyllæ res & præscita inquirenti, ea conuenit diligentia, quæ nihil Sibyllinum a se alienum putet. Cui consentaneum, ut quæ alii, ut parum proposito suo necessaria, consulto omiserunt, studiose mihi, ut meo congruentia, undiquaque expiscanda fuerint atque explicanda. Hinc sane factum est, ut non solum de natura Sibyllæ, corporis temperamento, animi indole, vaticinandi facultate, & causis dicendum fuerit: sed etiam alia multa bis

PRÆFATIO.

affinia & adiacentia, ex eorum genere quæ Hippocrates τὰ ἑξῶθεν vocat, Philosophi etiam τὰ ἑξῶ, fuerint necessario adiungenda. Patria, inquam, educatio, & victus ratio, vita longa, solitudo, peregrinationes, antra in quibus habitasse dicitur, mors, sepulcrum, epitaphium; omnia e veterum monumentis expressa.

In quibus interim persequendis me interdum ingenio obsecutum meo, ultra etiam limites euagatum non diffitebor: dum materia inuitante in quædam diuerto, non quidem abhorrentia plane a proposito, sed tamen non valde necessaria. Quo in genere est interpretatio allegorica antri Nympharum in portu Ithacensi, ab Homero graphice expressi in Odyssæa. Quam expositionem a Porphyrio acceptam, Sibyllæ specuum occasione, illustrare atque etiam tutari aduersus Caesaris Scaligeri censuram visum est. Nec potui temperare porro,

PRÆFATIO.

quin multa de priscis Græciæ ariolis, & principe omnium, ut ego arbitror, Sibylla referens, nonnullorum posterioris æui vatum, atque in primis Michaelis Nostradami, in Gallia nati, prædictionumque centuriis celeberrimi, mentionem facerem. Quæ si quis tetricus, ut aliena a proposito, explodere audebit, meque in his abusum otio & literis contendet; videat ne iustius ipse temeritatis arguatur, dum Platonem, Polybium, Liuium, Plutarchum, Galenum, Erasmus, Cardanum, Bodinum, & alios complures viros magnos, atque extra ingenii aleam positos, eadem censura explodendos non diiudicat.

Sane non video, quid tantopere diuerticula offensionis habeant, si nihil interim eorum, quæ ad rem pertinent, omittatur, quo minus propositæ disputationi ad plenum satisfiat; isque adhibeatur modus, ut neque remotiora sint ab iis quæ aguntur, nimisque e longin-

PRÆFATIO.

quo petita, neque diutius lectorem morerentur. Immo his conditionibus admittenda esse contendo, præsertim in opere satis prolixo, parumque benigna materia & ingenii capace: qualis profecto hæc est, quam suscepi tractandam, si remota omni rerum extrinsecus incidentium specie, in se nuda spectetur.

Tum si qui me in rebus parum fide dignis atque ipsa vetustate suspectis nimis credulum & diligentem fuisse arguent, dum omnia quæ de Sibyllæ oraculis & gentium sacris veteres prodiderunt amplector, multa antiquos vates de futuris ad verum respondisse defendo: sciant, me non alia potiore indicatura inuita mentoue hanc operam condixisse, quam ut illa, quæ multi profectis aspernantur atque repudiant, fide non indigna ostendam. An tibi, Quiritator, hæc falsa sine testimonio, sine solida ratione, iactanti vis credi potius, quam summorum totius ævi auctorum

PRÆFATIO.

consensui, qui hæc historica fide in literas miserunt? Quorum auctoritas cum tanti in aliis ponderis ac momenti apud omnes sanos habeatur: equidem non video, cur in unius Sibyllæ negotio, atque aliis ethnicorum superstitionibus, ita iaceat, ut quæ iidem magni auctores de hisce rebus prodiderunt, ne digna quidem videantur, quæ in disputationem adducantur, ut quid de his sentiendum sit constituatur. Tu vero (placet enim verbis Apuleii, quibus similem cuiusdam contumaciam coercet, uti) crassis auribus & obstinato corde respuis, quæ fortasse vere perhibeantur. Minus hercule calles, prauissimis opinionibus ea putari mendacia, quæ vel auribus noua, vel visu rudia, vel certe supra captum cogitationis ardua videntur; quæ si paulo accuratius exploraris, non modo compertu euidencia, verum etiam factu facilia senties.

PRÆFATIO.

*Valeant igitur isti antiquæ eruditionis
osores, literarumque destructores, qui
nihil, nisi quod ipsi viderunt, aut quod
usu obuium omnibus tritumque est, cre-
dere volunt. Mibi prouidentia maie-
statem contemplant, ordinemque uni-
uersi, in quem nullæ non rerum vices,
nulla non rationum omnigenum varie-
tas & distinctio incidit, pridem hæc sen-
tentia sedit, nihil omnino eorum quæ
in magnorum auctorum monumentis
occurrunt, quantumuis inusitatum &
stupendum, sine valida & euidenti ra-
tione esse repudiandum. Hæc autem
una est ratio, si hæc fieri non potuisse
idoneis argumentis probetur. Fuerint
illa quidem superstitiosa & friuola, ca-
codæmonum fraude inducta, non ta-
men propterea neganda, aut indigna
cognitione: cum ex iis maxime intel-
ligatur, qualibus vitæ e tenebris & ca-
ptiuitate Deus per Filii sui gratiam mor-
tales eduxerit. Quemadmodum enim*

PRÆFATIO.

artis medendi utilitas nulla ex re melius, quam ex morborum, quos depellit, variis molestiis & periculis cognosci potest; sic neque Dei optimi maximi misericordia & bonitas ineffabilis aliter clarius innotescat, quam si quis errorum atque superstitionum portenta consideret, quæ Christus, ceu densissimas nubes, immo plusquam Cimmerias tenebras, in hunc mundum prodicens, lumine suo animis hominum depulit. Quo sane consilio me ad hanc de Sibylla, quæ magna earum superstitionum pars fuit, commentationem impulsam profiteor.

PETRI PETITI

Philosophi, & Doctoris medici,

DE

SIBYLLA

LIBRI TRES.

LIBER PRIMVS.



CAPVT I.

Auctorum pugna de numero Sibyllarum. Vnde primum ad nos Sibyllarum notitia processerit. Lactantii in his perplexitas.



Um nobis propositum sit in
hos de Sibylla libros conferre
quæcumque de ipsa veterum
monumentis prodita observa-
uimus, quemadmodum præfa-
tio aperuit; statim in ipso tra-
ctationis exordio explicandum videtur, cur de
Sibylla promittam, non de *Sibyllis*, in niultitudi-
nis numero, vt fere omnes qui id argumentum
tractarunt. Est autem in promptu responsio;
quia non arbitror plures fuisse Sibyllas, sed
vnâ tantum extitisse ostendo. Quod cum a
A vulgata

vulgata opinione magnopere abhorreat, statim hunc scrupulum ex animis lectorum eximendum censui, ut eos ad reliqua propositi mecum decurrenda habeam promptiores.

Ac primum velim omnes considerare, quanta sit eorum, qui plures Sibyllas profitentur, in numero earum assignando dissensio. Quo sane probatur, nemini satis esse de numero isto, qualis aut quantus censeri debeat, exploratum. Quod si ita est, cur non dubitemus, pluresne omnino fuerint Sibyllæ, an vnica tantum? Quod igitur parum inter auctores de numero Sibyllarum conueniat, id primum attingam paucis; postea vnicam fuisse dumtaxat, dilucidis veterum atque omni exceptione maiorum auctorum testimoniis probabo. Enimuero Varro, quem Lactantius & alii complures ducem sequuntur, decem omnino Sibyllas commemorat; quæ hoc ordine apud eundem Lactantium lib. i. de falsa religione cap. 6. recensentur: Persica, Libyssa, Delphica, Cumæa, Erythræa, Samia, Cumana, (quæ & Amalthæa, Demophile, siue Herophile nuncupata) Hellepontica, Phrygia, Tiburtina. Ita ille auctor ex Varrone. Sed & aliquot alias his adjungit Suidas, si non eadem censendæ diuersis nominibus: Helissam, Colophoniam, quæ & Lampusa dicta sit, Thessalam item, tum quæ Sarbis quibusdam, aliis Taraxandra est nuncupata.

Quod ad Thessalam attinet, Turnebus Adversariorum lib. 28. cap. 44. eandem esse putauit,

uit, quam Maro in sexto *Amphrysiam vatem* appellat; propterea quod Amphrysus amnis est in Thessalia. Quæ ratio profecto hic locum non habet. Cum enim Poeta eam Sibyllam, qua duce Æneam regna infera perlustrantem introducit, Cumæam ipsam fuisse, & in eo libro sexto magni operis, & in tertio eiusdem dicat; hanc autem ipsam postea Amphrysiam vatem vocet; cur iis verbis allusionem subesse ad Thessalam Sibyllam putet vir ille doctissimus non video. Tametsi enim poetica licentia confundi interdum personas haud prorsus negauerim, non tamen eo confugiendum videtur, nisi magna urgeat necessitas, quæ hic nulla apparet. Multo enim est probabilius Cumæam Sibyllam ibi ab Apolline, qui apud eundem Poetam *pastor ab Amphryso* in Georgicis dicitur, Amphrysiam, hoc est, Apollineam, itidem nominatam fuisse. Quæ & Seruii Grammatici ad eum locum interpretatio est.

Cæterum alii non desunt, qui ad longe pauciores hunc numerum redigant. Ælianus quidem *ποικίλης ιστορίας* lib. 12. cap. 35. quatuor tantum agnoscere videtur: Erythræam, Samiam, Ægyptiam, Sardianam. Solinus autem alios secutus tres dumtaxat nominat. Quem & Sibyllarum numerum amplexus est Aufonius in Grypho numeri ternarii:

Et tres faridica nomen commune Sibyllæ,

Quarum tergemini fatalia carmina libri.

Hæ tres apud Solinum sunt: Delphica, Ery-

thræa, Cumana. Postremo Martianus Capella duas tantum esse dixit, Erythræam & Phrygiam, illamque a Cumana haud distinguit.

Cum tanta sit auctorum de Sibyllarum numero dissensio & pugna, quis de hoc numero aliquid se certum posse reperire confidat? aut quis ex tali opinionum varietate non intelligat, fieri posse ut omnes in numero earum constituendo hac etiam causa errent, quod plures fuisse arbitrentur Sibyllas, cum una tantum extiterit? Quod esse probabilius, aliorum complurium & præcipuorum dictis auctorum mox planum faciam: sed prius de recentiorum, qui de Sibyllis tractatus ediderunt, proposito & tractandi ratione quid sentiam, eloquar.

Hi omnes propemodum nihil mihi dixisse videntur; quia in tanta multitudine nemo aut initium unde esset proficiscendum, aut viam qua incedere deberet, perspicere potuit. Ita omnes diuersa veterum auctorum de Sibyllarum numero testimonia colligentes, Varronis, Pausaniæ, Clementis Alexandrini, Lactantii, Augustini, Isidori & aliorum, ex hisque nomina & patrias earum referentes, nihil aliud, (pace eorum liceat dixisse) quam quod vulgo dicitur, faciunt centones. Hoc erat statim initio constituendum, unam an plures Sibyllas Græcorum vetustissimi posuissent. Eos dico, qui priscorum Græcorum superstitionem secuti, ex Sibyllinis oraculis pendebant. Quibus si plures Sibyllas innotuisse constaret, exinde ad earum numeri investigationem

nem procederent: sin vnam tantum iis cognitam fuisse & celebratam pateret, id defenderent, alios qui plures ponunt, errasse ostenderent.

Sibylla profecto & vniuersum istud diuinationis genus res Græca est, a Græcis primum prodita; a quibus ad alias gentes literarum monumentis manauit. Non quia diuinæ apud alias nationes femina non fuerunt, sed quia non sequitur, si qua sit mulier vaticinio clara, continuo esse Sibyllam. Id enim est quod multos in errorem induxit, quod Sibyllam a fatidica quauis femina non distinguunt. Quem errorem suo loco detegam, & quid inter Sibyllam & alias prophetides differat, certis bonorum auctorum testimoniis perspicuum dabo.

Nunc quibus coniecturis Sibyllam eiusque vaticinium Græcorum proprium esse arbitrer, exponam. Primum id ex ipsorum Christianorum disputationibus aduersus paganos colligo: qui inter alia argumenta & testimonia, quibus eos de vera religione conuinci posse arbitrabantur, Sibyllina quoque oracula iis proponebant, (vera an ficta nihil in præsentī interest) in quibus de Christi aduentu & regno esset proditum: quod scirent, non minoris apud eos auctoritatis esse Sibyllinos libros quam Pythiæ responsa. Cæterum omnia Sibyllina græca fuisse ex Lactantio colligitur loco supra citato. Verba adscribam: *Harum omnium Sibyllarum carmina & feruntur & habentur, præterquam Cumæ: cuius libri a Romanis occulantur, nec eos ab vilo*

nisi a quindecim viris inspicere fas habent. Et sunt singularum singuli libri: qui quia Sibyllæ nomine inscribuntur, unius esse creduntur: suntque confusi, nec discerni ac suum cuique assignari potest, nisi Erythrææ, quæ & nomen suum verum carmini inseruit, & Erythraeam se nominat, ubi prælocuta est, eum esset orta Babylonix. Sed & nos confuse Sibyllam dicemus, sicubi testimoniis earum fuerit abutendum. Ex his Firmiani verbis luce meridiana clarius apparet, omnia Sibyllina græcis literis comprehensa fuisse: aliter non fuisset confusiōi locus, neque vlla in discernendis, quæ cuius essent, oraculis difficultas esse potuisset, si Sibyllæ patrio diuersarum nationum sermone scripissent. Cum igitur Lactantius dicat, solius Erythrææ quæ essent propria cognosci potuisse, quod hæc nomen suum vaticiniis inseruisset; sequitur, & aliarum Sibyllarum præscita græce fuisse conscripta. Quis porro in animum inducat, aliarum nationum Sibyllas, siue Phrygiam, siue Cumæam Italiæ, ut volunt, indigenam, aut Tiburtem, Albuneam dictam, & alias barbaras vates græco potius quam patrio idiomate scribere instituisse? Quorsum enim? ut Græcis solis Christi aduentum & tanta bona, quæ Deus per eum hominibus facturus esset, nuntiarent? cur his potius quam aliis gentibus? Tum si ita est, cur Græcorum nullus ante Apostolos de Christo quicquam rescivit, aut scriptis meminit? Quæ eadem dubitatio exoritur opinantibus, vnamquamque proprio idiomate oracula scri-

scripsisse. Cur neque barbarorum ulli de Christo auditum ante id tempus, si neque iis Sibyllæ defuerunt, quæ (quod multo est in ea hypothesis verisimilius) veræ religionis mysteria illi vernaculo sermone præcinerent. Nego præterea (& est alia difficultas) potuisse mulierculas in Chaldæa natas, aut Phrygia, aut Italia, alia quam patria lingua vaticinari; nisi forte aliquis fingat, eodem quo futura præviderent afflatu peregrinæ linguæ usum accepisse. Sed hoc nullo modo verisimile est, & credendum Latantio testanti, omnia Sibyllina græco idioma te perscripta fuisse. Ex quo efficitur, omnes Sibyllas (si quidem plures fuerunt) genere fuisse Græcas.

CAPVT II.

Vnam tantum Sibyllam Græcis cognitam fuisse.

Nunc vnam Græcis cognitam & celebratam fuisse Sibyllam maximorum eius gentis auctorum testimoniis probandum est. Plato igitur ubicumque Sibyllæ mentionem facit, id nomen in numero singulari vsurpat. Ita enim in dialogo qui inscribitur Phædrus, siue de pulchro: καὶ εἰν δὴ λέγωμεν Σίβυλλαν τε καὶ ἄλλας, ὅσοι μαντικῇ χρωμένοι ἐνθάδε, πολλὰ δὲ πολλοῖς παρέλεγον εἰς τὸ μέλλον ὀρθῶς. id est: Et si dicamus Sibyllam & alios, quotquot diuino afflatu vsi multa multis in futurum recte prædixerunt.

runt. Idem in Theage: *ἔιποις ἂν ἔν μοι, τίνα ἐπωνυμίαν ἔχῃ Βάκεις τε, καὶ Σίβυλλα, καὶ ὁ ἡμεδαπὸς Ἀμφίλυτος.* id est: *Potes mihi dicere, quo nomine appellentur Bacis, Sibylla, & cuius noster Amphilytus?* Tres profecto ibi vates singulares nominat: duos viros, Bacidem & Amphilytum; feminam vnam, quæ Sibylla dicitur.

Sed nequē Heraclitus aliter Sibyllæ, quam ut vnus singularis feminæ, mentionem facit. Quod ex loco Plutarchi in lib. de Pythiæ oraculis patet. *Σίβυλλα δὲ μαινομένη σόμασι καθ' Ἡράκλειτον, ἀγέλαστα καὶ αἰμύριστα φθελομένη, χιλίων ἐτῶν ἐξικεῖται τῇ Φωνῇ διὰ τὸν θεόν.* id est: *Sibylla autem insano ore, iuxta Heraclitum, tetrica & horrida nullisque delibuta vnguentis sonans, voce attingit usque ad mille annos propter Deum.* Eodem spectant eiusdem Plutarchi verba de priorum nominum mutatione: *τὴν γὰρ Ἀλεξάνδρου μητέρα Πολυξέαν, εἴτα Μυρτάλην, Ὀλυμπιάδα τε καὶ Στρατονίκην κληθῆναι λέγουσι. τὴν δὲ Κορινθίαν Εὐμῆτιν ἄχρει νῦν Κλεοβούλῃν πατρῷον οἱ πλεῖστοι καλεῖσιν. Ἡεροφίλην δὲ τὴν Ἐρυθραίαν μαντικὴν γενομένην Σίβυλλαν προσαγόρευουσιν.* id est: *Aliunt, matrem Alexandri Magni, cum prius vocaretur Polyxena, postea Myrtalem, & Olympiadem, & Stratonicem dici cœpisse: Eumetiam autem Corinthiam plerique omnes ad hoc usque tempus Cleobulen patris nomine appellant. Sed & Herophilen illam, Erythris oriundam, cum esset vates, Sibyllam nuncuparunt.* Non esse igitur Sibyllam nomen appellatiuum omnibus feminis

minis vatibus commune, sed proprium vnius,
 ex his Plutarchi verbis discimus. Idem Plutar-
 chus in eodem libro eos refellens, qui negabant
 amplius Delphis superesse vim illam fatidicam,
 quod Pythia non vt olim solebat versibus, sed
 prosa & pedestri oratione responsa daret, hoc
 modo disputat: *τί δὲ δὴ πολεῖται τῶν λέγων* ἔρω-
τικήν μόνην γεγονέναι Σαπφῶν γυναικῶν, μαντι-
κήν μόνην γεγονέναι Σιβύλλαν, καὶ Ἀριστονίκην, καὶ
ὅσαι διὰ μέτρων ἐπὶ μίστευσαν. id est: *Quid re-*
fert, aliquis vnam e feminis Sappho amatoriam
fuisse dicat, an solam pertendat Sibyllam apto ad
vaticinandum ingenio praeclatam fuisse, an Aristo-
nicen, & alias quotquot versibus vaticinatae sunt?
 Vbi velim obseruent studiosi, quam aperte Plu-
 tarchus Sibyllam ab Aristonice vate alia distin-
 guat. Quod non faceret, si Sibyllam nomen es-
 se omnibus fatidicis mulieribus commune pu-
 tasset. His adde alium eiusdem locum ex li-
 bello qui inscribitur *γυναικῶν ἀρεταί*, quo osten-
 dit eandem esse rationem virtutum in viris &
 feminis: *τί δὲ εἰν ποιητικήν πάλιν ἢ μιμητι-*
κήν δὴ ποφαίνοντες, ἔχ' ἐτέρων μὲν ἀνδρῶν,
ἐτέρων δὲ γυναικῶν ὄσαν, ἀλλὰ τὰ Σαπφῶς
μέλη τοῖς Ἀνακρέοντι, ἢ τὰ Σιβύλλης λό-
για τοῖς Βάκιδι ἀντιπαραβάλλοιμεν, ἐξ ἧς
αἰτιάσασθαι δικαίως τὴν ἀπόδειξιν. id est: *Quid*
si poeticam rursus facultatem, aut quae penicillo
imitatur, non esse aliam in feminis, ab ea quae in
viris, dicamus; tum porro Sapphus cantica cum
Anacreonticis contendamus; jure quisquam id ge-

nus demonstrationis reprehendat. Nempe hic, ut Sappho, in iis quæ ad lyricam poesim attinent, Anacreonti melico poetæ comparatur, vna scilicet mulier particularis cum vno viro item particulari; sic etiam Sibylla cum Bacide, ut vates vna particularis cum altero singulari vate componitur.

Idem ex verbis Dionis Chrysostomi in oratione 13. colligi potest: ταῦτα δὲ ταῦτα καὶ Σίβυλλαν εὐρήσετε μαρτυρομένην ὑμῖν καὶ Βάκιν. εἴπερ ἀγαθὴ χρησμολόγῳ καὶ μάντι ἐγενέσθην. id est: *Hæc ipsa & Sibyllam inuenietis & Bacidem vobis diuinasse, qui quidem ambo fatidici & vates boni fuerunt.* Ecce in duali numero Sibyllam & Bacidem, ut duo humanæ naturæ indiuidua, componit.

His accedat Aristidis locus in Platonica prima, in quo etiam de Sibylla & Bacide fit mentio, ut de duobus indiuiduis: ὅσοι δ' αὖ καὶ καθάπαξ ὑποδύντες θεῶν καὶ τέχνης ἔδὲ μικρὸν μετασχόντες ἔ μόνον τοῖς ἐφ' αὐτῶν, ἀλλὰ καὶ τοῖς ὑστερον πολλὰ δὴ καὶ θαυμάσια περὶποιον, οἷον εἰ βέλεις, Βάκιν, Σίβυλλα, ἑτέροι μὲν τῶν. id est: *Quotquot rursus vel semel numine repleti, nec artis habentes quicquam, non suis tantum, sed & posteris, multa & miranda prædixerunt, ut Bacis, Sibylla, & ceteri.* Nec modus futurus dicendi, si cuncta quæ apud Græcos loca in eandem sententiam occurrunt, exscribere studeam: tum frustra eum laborem suscipiam, cum ex iis quæ attuli, id quod dixi, abunde demonstratum videatur.

CAPVT · III.

*Ciceronis loca de Sibylla; item
Varronis.*

NEc vero Græci tantum hoc modo de Sibylla locuti sunt, sed & Romani eorum exemplo: vt videre est apud Ciceronem, quoties occasio incidit, vt Sibyllæ mentionem faciat. Quod aliquot eius locis ostendere placet. Ita ergo in primo de natura Deorum scribit: *Cumque omnis populi Romani religio in sacra & in auspicia diuisa sit, tertium adiunctum sit, si quid prædictionis causa ex portentis & monstris, Sibyllæ interpretes haruspicesque monuerunt: harum ego religionum nullam unquam contemnendam putavi.* In primo etiam de Diuinatione, vbi de iis agit, qui furore correpti vaticinantur, vt, inquit, *Bacis Boeotius, vt Epimenides Cres, vt Sibylla Erythræa.* Recte autem Erythræam nominat, quia vt infra ostendam, aliam Græci non agnouerunt. Rursus eodem libro: *nam terra vis Pythiam incitabat, naturæ Sibyllam.* Neque vero est quod quisquam argutetur, & ipsam Pythiam singulari numero ibi efferri a Cicerone, cum tamen non vnā, sed multas fuisse constet: hæc disparitas est, quod Pythia vna quidem semper munere eoungebatur, ideo in singulari vsurpatur a Cicerone & aliis; quod non obstat quin plures fuerint successione, quia vna extincta, alia in eius locum substituebatur, inque eo munere suc-

succedebat. Quod de Sibylla dici non potest, cui alias eiusdem nominis & facultatis successisse non legimus. Idem in 2. de Diuinatione: *Sibyllæ*, inquit, *versus obseruamus*, quos illa *furens fuisse dicitur*. Infra etiam: *Sibyllam quidem sepositam & conditam habeamus*. Et in epistola 7. ad Lentulum, vbi de Ptolemæo rege reducendo in regnum: *sine multitudine reducatur, quemadmodum homines religiosi Sibyllæ placere dixerunt*. Denique nusquam Cicero de Sibylla, nisi vt de singulari femina. In quo non leuis, fateor, mihi exoritur scrupulus. Cum enim M. Varro, vt visum est, decem fuisse Sibyllas scripserit, mirum sane videri possit, nihil de eo numero vnquam a Cicerone proditum fuisse: neque enim hunc Varronis latuisse de numero Sibyllarum sententiam verisimile est. Cur igitur huius non saltem meminit in libris de Diuinatione? si vellet meminisse, non alius opportunior erat locus. Quæ igitur silentii causa? negligentia? non credo. Quid igitur? oblitus huius mentionem facere? ne id quidem. Nihil video probabilius, quam non putasse hanc opinionem dignam cuius aliquam rationem haberet.

At Varro, vt fere omnes qui eruditionis & *πολυμαθείας* amore ducuntur, omnia quæ vsquam legisset, siue vera siue falsa, studiosè colligebat, vt multorum conditor voluminum diceretur. Quo sane fiebat, vt vtilibus & scitu dignis quædam, vt Gellius de eo prodidit, congereret frigidiuscula: vt quæ in Hebdomadibus de numeri

meri septenarii potestate commemorat. *Septem opera esse in orbe terrarum miranda, & sapientes item veteres septem esse: curricula ludorum Circensium solennia esse septem: ad oppugnandas Thebas duces septem electos: se quoque duodecimam annorum hebdomadam ingressum esse: & ad eum diem septuaginta hebdomadas librorum conscripsisse.* Hæc & alia id genus friuola Varro, ne quid, quod in literis esset, intactum relinqueret.

Cæterum absit hæc vanitas a nobis, ut puteamus tantum virum, in iis omnibus quæ ab aliis prodita exciperet, voluisse obstringere fidem suam. Quin neque hunc plus vna Sibylla agnovisse, coniectare licet ex verbis eius in Præfatione librorum de Re Rustica: *Neque patiar, inquit, Sibyllam non solum cecinisse quæ, dum viveret, prodesse hominibus, sed etiam quæ cum periisset ipsa, & id etiam ignotissimis quoque hominibus. Ad cuius libros tot annis post publice solemus redire, cum desideramus, quid faciendum sit nobis ex aliquo portento: me, ne dum vivo quidem, necessariis meis quod profit, facere.*

CAPVT IV.

Non plures fuisse Sibyllas insuper aliorum testimoniis probatur.

IAm vidimus, ut Plutarchus Sibyllam ab aliis fatidicis mulieribus distinguat; id vero nunc aliorum testimoniis confirmare libet. Quo autem

tem certiore quam doctissimi Plinii lib. 7. cap. 33. quod *de diuinatione* inscriptum est? *Diuinitas*, inquit, *& quedam celitum societas nobilissima ex feminis in Sibylla fuit, ex viris in Melampode apud Græcos, apud Romanos in Marcio.* Vbi quos diuinissimos hominum habuerit vetustas, refert; nempe in eo albo fuisse Melampodem apud Græcos, Marcium apud Romanos: at Sibyllam ex feminis nobilissima celitum, hoc est, Deorum societate venerabilem & augustam fuisse censet: diuinissimam inquam inter feminas, nedum huic alias pares fuisse arbitretur. Quod cum Sibyllæ proprium facit, sine dubio hanc vnam & singularem eius nominis fuisse declarat.

Id cum adeo manifestum sit Plinii de vna vate Sibylla eaque diuinissima testimonium, fatis mirari non possum, quosdam extitisse, eosque non indoctos, qui plures ex Plinio Sibyllas profiterentur. In his est Onuphrius in libro quem de Sibyllis composuit; vbi Plinio falsam hanc opinionem affingit his verbis: *Plinius lib. 34. cap. 5. auctor est, Romæ in foro iuxta rostra trium Sibyllarum fuisse statuas cæteris minores: ex his vnam Pacuuius &c.* Quem errorem & Ludouicus Viues sequitur, ei adstipulatus inconsulto Plinio, quod miror: adeo bona fide exscripsit Onuphrii locum, ad caput 23. lib. 18. de civit. Dei: *Plinius est auctor, Romæ trium Sibyllarum fuisse statuas iuxta rostra, vnam quam Pacuuius Taurus edilis plebis instituit, duas quas Marcus Messala.* Has censet esse, Cumanam, Delphicam,

cam, & Erythræam Heriphilen, Solino memoratas cap. 8. Ambo hallucinati. Quod ut pateat, locum Plinii adscribam: *Equidem & Sibyllæ* (supple *statuas*, nam de his loquitur) *iuxta rostrum esse non miror, tres sint licet: una quam Sextus Pacuvius Taurus ædilis plebis restituit: duas quas Marcus Messala.* Hæc igitur cum Onuphrius legeret, trium Sibyllarum statuas putavit induci, cum Plinius unius eiusdemque Sibyllæ tres intelligat statuas non eodem tempore positas: dum quidem uni ævo corruptæ alteram substituit ædilis Pacuvius, huic postea duas Messala, non eodem tempore. Neque enim absurdum, aliquo casu una priore consumpta, alteram non multo post ab eodem magistratu denuo substitui. Immo vero eiusdem Sibyllæ tres statuas in rostris fuisse positas quid vetat, velut in eodem templo apud nos plures eiusdem Sancti effigies videre est? Quin Demetrio Phalereo trecentas & sexaginta statuas Athenis eodem tempore positas fuisse, idem Plinius ibidem refert, & ex Græcorum etiam monumentis nemini non erudito compertum. Quod autem tria hæc simulacra non fuerint trium diuersarum Sibyllarum, satis ipse Plinius declarat his verbis, quibus nihil clarius: *Equidem & Sibyllæ* (statuas) *iuxta rostra esse non miror, tres sint licet.* Primum enim Sibyllæ ait statuas, non Sibyllarum: deinde se non mirari, licet tres sint statuæ; quod non erat opus admonere, si totidem has effigies Sibyllarum, non autem unius eiusdem putasset. Nempe
idem,

idem, quod modo dixi, intellexit, eiusdem viri aut mulieris plures eodem tempore imagines siue statuas posse constitui.

CAPVT V.

Quod Sibyllæ nomen non, ut vulgo creditur, appellatiuum sit, pluribus probatur contra Grammaticos.

CÆterum quia multas fuisse feminas vates inconfesso est, nomenque istud *Sibyllæ* Grammatici appellatiuum esse docent, ideoque commune omnibus diuinandi peritis, ad earum vim & facultatem indicandam: quæ id fiducia affirmant, audire, & quæ afferunt accuratius considerare operæ pretium censeo; eoque impensius, quod plures citant testes, in quibus & Varronem teste Lactantio citato loco. *M. Varro*, inquit, *quo nemo vnquam doctior, ne apud Græcos quidem, nedum apud Latinos vixit, in libris rerum diuinarum, quos ad C. Cæsarem Pontificem maximum scripsit: cum de quindecim viris loqueretur, Sibyllinos libros ait non fuisse vnius Sibyllæ, sed appellari vno nomine Sibyllinos, quod omnes feminae vates Sibyllæ sint a veteribus nuncupatæ. Varro*ni adstipulatur *Seruius ad tertium Æneidos: Sibylla*, inquit, *appellatiuum nomen est, adeo ut Varro, quot Sibyllæ fuerint, scripserit. Sibylla autem dicitur omnis puella cuius pectus numen recipit.*
Ad-

Adstipulatur & Hesychius Illustrius : Σίβυλλα
 Ῥωμαϊκὴ λέξις ὅτιν, ἐρμηνευομένη Περγῆτις· ὅθεν
 αἱ θήλειαι μάντιες ἐνὶ ὀνόματι Σίβυλλαι ὠνομαζοντο.
 idest: *Sibylla dictio est Romana, fatidicam mu-*
lierem significans: unde vates femina vno nomi-
ne Sibylla vocabantur. Quod latinam esse di-
 ctionem censeret *Sibyllam*, infra perpendemus
 vbi de etymo.

Eadem habet Isidorus in libris Originum,
 item Antimachus in libro de oraculis Sibylla-
 rum. Quæ considerans Lilius Gyraldus, ac
 tanto Grammaticorum consensu persuasus, Si-
 byllam nomen esse facultatis atque officii; con-
 sequens putauit, multo plures quam decem fuis-
 se Sibyllas: totidem scilicet, quot seculis omni-
 bus feminæ futura prænuntiasse inueniuntur.
 Ita enim in 2 dialogo de Poetarum historia lo-
 quitur: *Nolim vos tamen decem tantum Sibyllas*
nuncupatas existimare, ut scriptorum fere magna
pars ad hanc diem credidit: nam quæcumque di-
uino afflarentur numine & futurum prædicerent, hæc
Sibylle græca voce dictæ fuere. Nam & Phemo-
noen & Cassandram Sibyllas vocatas inuenimus.
 Non male ille quidem, si Sibylla nomen appel-
 latiuum est, commune omnibus feminis vati-
 bus: & si, quæcumque aliquid de futuris prædi-
 ceret, Sibylla olim nuncupata. Verum hæc
 quam sit falsa opinio, nunc certe faciam ut
 omnes intelligant.

Quod igitur & Phemonoen & Cassandram eo
 nomine appellatas se inuenisse autumat, quære-

rem ab illo libenter, si viueret, apud quos auctores id scriptum inuenerit: si indoctos, nihil moror; si eruditos & prisci æui, horum & nomen & locum indicaret. Quod cum non facit, & fieri non posse certo scio, superest vt hunc mentitum dicamus. Damus autem testes contra eum omni exceptione maiores. Audiamus Pausaniam in Phocicis: Φαεννὶς δὲ θυγάτηρ βασιλευσάνθη ἀνδρὸς ἐν Χαόσι, καὶ αἱ Πέλεια παρὰ Δωδωναίοις ἐμαντεύσαντο μὲν ἐκ θεῶ καὶ αὐτὰρ Σίβυλλαι δὲ ὑπὸ ἀνθρώπων ἐκ ἐκλήθησαν. id est: *Phaennis vero, hominis in Chaonibus regnantis filia, & Peleæ apud Dodonæos, diuinarunt quidem ipse, non tamen Sibylle ab hominibus nominatæ fuerunt.*

Idem ex Hygini veteris Grammatici libro Fabulosæ historiæ intelligi potest: vbi de antiquis vatibus vtriusque sexus singulari capite tradit hunc in modum: *Amycus Elati filius, Mopsus Amyci filius, Amphiaræus Oeclei vel Apollinis filius, Manto Tiresia filia, Polyidus Cærami filius, Helenus Priami filius, Cassandra Priami filia, Calchas Thestoris filius, Theoclymenus Polyphidei filius, Theonoe Protei filia, Telemus Eurymi filius, Sibylla Samia, alii Cumæam dixerunt.* Ibi cum vates feminas complures enumeret, non tamen harum vllam Sibyllæ nomine appellat, præter vnam, quam expresse Sibyllam vocat, & ab aliis distinguit. Jam vero quot alias memorare possum diuinandi peritia celebres feminas, quæ nunquam Sibyllæ fuerunt vocatæ? Non enim

Cassanæ

Cassandram eo nomine appellauit Hyginus, vt vidimus; non Maro, non alii scriptores, quicquid Gyraldus contra obstrepat; non idem Maro Carmentem Euandri matrem,

cecinit quæ prima futuros

Aeneadas magnos, & nobile Pallanteum.

Huic antiquum nomen fuisse Nicostratæ ferunt; post Carmentam dictam a furore, quasi mente carentem, si Plutarchum audimus, qui nominis hujus hanc originem tradit in *Quæstionibus Romanis*. vnde etiam *carmina* censet dicta, quod insanae illæ mulieres sua responsa versibus modulari solerent.

De Phemonoe nulla mihi obicitur dubitatio, quin vates simpliciter habita & dicta fuerit, nunquam Sibylla. Et semper credam, donec mihi proferatur locus antiqui alicuius auctoris, qui hanc nomine Sibyllæ appellet. Certe Plinius lib. 10. cap. 3. hanc testem citans, Apollinis quidem filiam vocat, non tamen Sibyllam: *Phemonoe dicta Apollinis filia dentes ei esse prodidit*. De tertia aquilarum specie ibi tradit, quod genus Græci *μορϕονόν*, Homerus *περκνόν* vocat. cui dentes inesse præter aliarum auium naturam, Phemonoes istius auctoritate confirmat.

Sic & Plato in Symposio Diotimæ fatidicæ mulieris sermonem recitans, habitum cum Socrate de natura amoris, hanc *γυναικα πανλην* simpliciter vocat; ita enim lego, non *παντινικην*, vt quibusdam placet. Sed neque Arrianus Syram illam vatem & comitatu Alexandri Ma-

gni: aut Eunapius Sospitram Dæmonum alumnam, & semper numine, vt vocat, afflatam: aut Hyginus Manto Tirefiæ vatis filiam, vel Theonœn, aut alias supra memoratas, Sibyllæ appellatione comprehendunt. Omnium maximum argumentum, quod Plutarchus, qui tam multa de Pythia Apollinis sacerdote & vate celeberrima prodidit duobus libris de ea editis, nunquam aut in his aut alibi vspiciam hanc Sibyllam appellat, sed Pythiam semper. Quod & Herodotus & Xenophon & alii scriptores antiqui obseruant. Multa alia in eandem sententiam possem adungere; sed vereor in re doctis omnibus comperta diutius lectores morari.

CAPVT VI.

*Nomen hoc Sibylla quid significet;
varia de eius etymo eruditorum
opinionēs.*

SED rursus pugnant argumento ab origine ipsius nominis ducto, quod id nomen significet vaticinandi peritiā. Ita namque Hesychius Illustrius loco supra allato: Σίβυλλα Ρωμαϊκὴ λέξις εἶναι, ἐρμηνεύομένη Προφήτης, ὅθεν αἱ θεῖαι μάντιες ἐνὶ ὀνόματι Σίβυλλαι ἀνομάζονται. In quam sententiam omnes prope pedibus vadunt. Verum vt hoc iis largiamur, non tamen quicquam efficiunt. Neque enim sequitur, non fuisse id nomen proprium vnus singularis

aris puellæ fatidicæ, quia vatem significat. Quot nomina proferre possum propria, quæ tamen, si ipsam significationem spectes, multis communia esse possunt, haud secus ac quæ appellatiua dicuntur. Innumera exempla hujus habeo: vnum sufficiet, nomen istud *ἀνθρῶπις*; quod cum significet hominem, omnibusque hominibus conueniat, tamen proprium fuit cuiusdam athletæ, vt in Græcorum Aristotelis interpretum commentariis me obseruare memini.

Patet igitur, nihil valere argumentum ductum ab etymo: de quo tamen obiter data occasione aliquid dicendum est. Sunt autem doctorum de huius vocabuli origine opiniones tam diuersæ, vt vix animus vbi consistat habeat. Maxime communis & recepta etymologia est: *σιὸς*, hoc est, *θεὸς* Æolum lingua, *Deus*; & *βελή*, *consilium*: vates enim Dei consiliorum particeps & gnarus efficitur, cum numine afflatur. Non tamen absurdi, qui istius nominis originem deducunt a *sibo*, quo nomine veteres Latinos callidum & acutum designasse, auctor est Festus in Lexico. Verum Salmasius a Græco *σίβη* mauult deducere. Sane si latinum id nomen esset, non produceretur penultima eius syllaba in *Sibyllinus* apud bonos auctores; sed corriperetur, vt in his deriuatis, *ἀνθρῶπινος*, *λίβινος*, *ξύλινος*.

Quid si non a *σιὸς*, neque a *σίβη*, neque latino *sibus*, id nomen formatum, sed a verbo *σίγω*, quod est *ludere*, & *βελή*: *πῶς τὸ σίνεσθαι*

τὴν βελήν, a mentis & consilii oblæsione, quam vates furore correpti patiuntur? Huius compositionis exempla in his nominibus, σιῶπι, & σί-Φλῳ, *silentium*, *cæcus*, animaduertere licet: quorum prius fictum censetur ὡς τὸ σίνειν τὴν ὄπα, ad significandam vocis priuationem: nihil enim aliud silentium esse videtur, quam vocis quædam priuatio; si vocis priuatio dici potest interruptio eius & cessatio voluntaria: posterius autem idem quod ὁ σεσιννομένῳ τὰς ὀφθαλμοὺς *qui oblæsa est oculorum acie*. Nihil igitur obstat, quo minus hanc nominis Sibyllæ originem amplectamur, cum aliis memoratis probabilitate haudquaquam concedat. Nam quod quidam Sibyllam volunt nominatam a verbo Ebræo *sabal*, quod est *portare*, nimis remotum videtur: quia vates Deum in pectore portant, & animæ suæ incolam circumferunt, juxta illud Horatii:

Non Dindymene, non adytis quatit

Mentes sacerdotum incola Pythius;

vnde & nomen Pythomissa in sacris literis, & in Græcorum monumentis Ευρυκλῆς, & ἐγχεσί-μυθοι ab incolatu dæmonis; & Sibyllarum antiquissima *Sambetbe* dicta, ab eodem verbo *sabal*. Ita Thysius Miscellanearum exercitatio-
num cap. 13. Hoc, inquam, nimis remotum; cui tamen hæc magis arridebit coniectura, hanc sequatur per me licet.

Sane si est, vbi ingenio ludum dare liceat, maxime in inuestigandis nominum originibus
id

id cuius permissum arbitror. Quod studii genus licet sola conjectura nititur, vixque certi aliquid habet; nescio quomodo tamen doctissimum quemque & ingeniosissimum mirifice oblectat: adeo, vt ne grauissimi quidem Philosophorum sibi temperare potuerint, quin eo ludi genere inter altissimas philosophiæ disputationes animo suo indulgerent. Sic Plato in Cratylō, siue recta nominum ratione, multarum origines dictionum persequitur; sed ea licentia, vt tota illa tractatio ludicræ potius exercitationis ad solam animi voluptatem comparatæ, quam seriæ occupationis speciem præbeat: adeo quæ ibi affert leuia & friuola acutius excutientiprehenduntur. Neque in hoc genere grauior aut solertior videtur Aristoteles; vel etiam Plotinus, cæterique sapientiæ antistites; qui modo aliquid, quod ad propositum alludat, dicant, parum id, verum an falsum sit, curant. Sed de Sibyllæ etymo hætenus.

Patet autem ex his, non posse idoneum vllum contra nos argumentum trahi ex nomine Sibyllæ. Quod autem hoc nomen, vt dixi, proprium sit feminæ alicuius vaticinio supra alias omnes eminentis, aliud argumentum addere placet ex Cedreni Annalibus; tametsi multis quauis etymologia futilius visum iri non dubito, sed tamen animi gratia subiungam. Is de Saba Æthiopum regina, eæ cuius fit mentio in libris Regnorum, verba faciens, & nominis affinitate, vt arbitror, & sapientiâ ipsius feminæ indu-

ctus, vtpote quæ Salomonis visendi atq; interrogandi causa in Judæam proficisci non dubitauerit, hanc ipsammet Græcorum Sibyllam fuisse censet.
 καὶ βασιλῶσα Σαβᾶ, ἥτις ἐλέγετο Σίβυλλα παρ' Ἑλλήνων.

CAPVT VII.

Loca quædam difficilia explicantur.

CÆterum non est satis, luculentis veterum scriptorum testimoniis probasse, vnam tantum fuisse Sibyllam, nisi etiam loca quædam non minus grauium auctorum, quæ prima facie nobis aduersari videntur, explicamus; ne quis iis deceptus, a recto veritatis tramite, quem ostendimus, aliorum transuersus rapiatur. In his est ille Aristotelis in problemate primo sectionis trigesima naturalium quæstionum: quo loco de bilis atræ natura & viribus disputans, huic vatium furorem adscribit, & in exemplum adducit Sibyllas & Bacides; ita enim eos vates in plurali nominat: πολλοὶ δὲ διὰ τὸ ἐγγὺς εἶναι τὰ νοεῖν τὸ πρὸς τὴν θερμότητα ταύτην, νοσήμασιν ἀλίσκοιτο μανικοῖς, ἢ ἐνθουσιαστικοῖς, ὅθεν Σίβυλλαι καὶ Βακίδες. id est: Multi etiam propterea quod ille calor sedis mentis in vicino est, morbis vesania implicantur, aut instinctu lymphatico inferuescunt, ex quo Sibyllæ efficiuntur & Bacchæ. Ita Theodorus Gaza, & recte, vertit; nisi quod in voce vltima

Iapfus est, *Bacche* vertens pro *Bacides*, quod vatum quorundam est nomen: vt pridem ab aliis est animaduersum. Hic ergo videtur Aristoteles non obscure agnoscere multas Sibyllas.

Sed & Plutarchus in libro de Pythiæ oraculis, in quo quærit: quamobrem desierit Pythia versibus responsa dare? pariter Sibyllas in numero plurali nominat: Σίβυλλαι δὲ αὐταὶ καὶ Βάκιδες, ὥσπερ εἰς πόντον ἀτεκμάσθως τὸν χρόνον κατέβαλον καὶ διέσπειραν, ὥς ἐτυχε πανήοδαπῶν ὀνόματα καὶ ῥήματα παθῶν καὶ συμπλημάτων. id est: *Sibyllæ vero ipsæ & Bacides in tempus, tanquam in vastum & profundum mare, proiecerunt ac disseminarunt; nulla coniectatione atque vt fors tulit, omnifaria nomina & verba cladium atque euentuum.* Tum ibidem de quodam saxo, in quo Sibyllam consedissee aiebant, & adhuc Delphis visebatur, loquens: ἐφ' ἧς, inquit, λέγεσθαι κατίζεσθαι τὴν πρώτην Σίβυλλαν: Neque enim *primam* Sibyllam videtur dicturus fuisse, nisi alias fuisse agnosceret.

Hæc, fateor, aliquid negotii primo aspectu legentibus facere possint, non tamen iis qui superiorem nostram viderint disputationem, modo paulum salis critici habeant. Quod enim ad Aristotelis locum attinet, non immerito aliquis suspicetur mendose scriptum Σίβυλλαι pro Σίβυλλα. Quid enim facilius quam vnum iota addere? Ac ne quis a me hoc gratis dici putet, huic suspicioni occasionem dat antiqua versio latina horum problematum, quam Aponensis, vulgo

Conciliator dictus, qui cum Aristotelis librum commentariis auxit, sequebatur; quæ sic habet: *Multi autem & propter hoc quod hæc caliditas est prope intellectuum locum, ægritudinibus consumuntur maniacis aut diuinatiuis: unde Sibylla & Bacides.* Nota etiam eiusmodi extat ad marginem: *Nota de Sibylla & aliis diuinis.* Sed & ipse Aponensis in commentario congruenter ei versioni sic memorata verba explanat: *Et plurimi, eo quod caliditas colera nigra est prope locum, in quo viget operatio intellectus diuina, puta circa virtutes phantasticas, cadunt in ægritudines maniacas: ita quod efficiuntur amentes, diuinantes, & Pythnici: & inducit quosdam qui fuerunt tales diuini prope, quod Sibylla in prophetia famosa, & Bacides.* Hæc eo fidentius afferro, quod plerumque accidit, vt ex impolitis versionibus & semibarbaris, modo antiquis, corrupta bonorum auctorum loca emendentur. Si cui tamen non satis iusta hæc causa vel vnum iota mutandi in textu Aristotelis videatur; fortasse istud satisfaciet, si nimirum, quod alias interdum fieri obseruatur, hic factum dicamus, vt Aristoteles *Sibyllas* dixerit pro *Sibylla*, per eam quam Grammatici vocant numerorum enallagen. Quæ & philosophos aliquando vti, ostendunt hæc Platonis in Symposio καὶ ὁ γῶν αὖ, Φαίδρος, Ἀγάθωνας, Ἐρμύμαχος, Πανσανίας. cui familia occurrunt passim apud eundem exempla, sed & apud latinos auctores; Iuuenalis:

Qui Curios simulant & Bacchanalia viuunt.

Ita

Ita & Arnobius lib. 1. *Quamvis Epicados omnes, Cæsellios, Verrios, Scauros teneatis & Nisos.* quæ nomina sunt propria veterum Grammaticorum in numero multitudinis per eam figuram usurpata. Sexcenta apud auctores in hunc modum. Neque vero mihi id primum super hoc Aristorelis loco in mentem venit, sed & Petro Victorio multo ante; qui verba illa ὅθεν Σίβυλλαι καὶ Βάκιδες sic in numero multitudinis posita exponit, ut figura nota usum Aristotelem non dubitet, libro 26. Variarum Lectionum c. 16. De qua eius loci interpretatione videndus Muretus lib. 13. Var. Lect. cap. 15. cui tamen hic, quod ad Bacidem attinet, negat esse locum: propterea quod ipse tres Bacidas fuisse, quorundam testimonio certum autumat, cum Victorius unum vatem extitisse eius nominis putaret. De quo quid probabilius mihi videatur, alias in dissertatione de Baccide dicetur.

Quod autem Plutarchus loco supra allato primam ait Sibyllam quodam in saxo Delphis confedissee, neque hoc probat plures fuisse Sibyllas; neque necesse est, quia primam nominat, alias post illam primam in eadem petra sedisse, ibique oracula fudisse: sicut non sequitur, quia Hector apud Homerum dicit,

Πολυδάμας μοι πρῶτος ἐλεγχείην ἀναθήσῃ.

Primus Polydamas mihi exprobrabit;

multos fuisse Polydamantas in Trojanorum exercitu, qui auderent Hectori exprobrare, si id de quo ibi agitur fecisset: aut plures Trojanos prin-
ci-

cipes Æneæ nomine in Italiam venisse, quia Maro Æneam primum e Trojæ finibus eo peruenisse primis magni operis versibus testatur:

*Arma virumque cano, Trojæ qui primus ob oris
Italiam fato profugus Lauinaque venit
Liton.*

Nihil enim aliud ex his locis sequitur, nisi alios fuisse Troja profugos, qui in Italiam post Æneam descenderunt; alios in Trojanorum exercitu, qui Hectori si quid parum honestum fecisset, Polydamantis exemplo exprobrarent. Neque igitur aliud ex iis Plutarchi verbis efficitur, nisi ideo primam dici Sibyllam in eo saxo sedisse, quia alias postea contigit in eodem loco consistere; non quidem Sibyllas, sed fatidicas post Sibyllam. Adde his locum Platonis in Hippia maiore statim initio; vbi Hippias sophista illustris sic loquens inducitur: ἡ γὰρ Ἡλῆς, ὅτεν ἔ δένειαι διαπεράξασθαι πρὸς τινὰ τῶν πόλεων, αἱ δὲ ὅτι πρῶτον ἐμὲ ἐρχεσθαι τῶν πολιτῶν. id est, *Elis namque ciuitas, ubicumque aliquid cum quapiam aliarum ciuitatum tractandum est, ad me primum ex ciuibus veniunt.* An igitur quisquam ex his verbis inferat, plures fuisse Elide eius nominis sophistas? & non potius, Hippiam istum fuisse, ad quem ex omni ciuium multitudine, vbi quid maioris momenti in republica agendum esset, ciuitas se conferret. Nihil proinde aliud, inquam, Plutarchus iis verbis vult, nisi primam ibi fuisse Sibyllam omnium quæ eo postea accesserunt fatidicarum; quod plane efficietur, si moto articulo, non τὴν πρῶ-

την, vt mendose scriptum est, sed πρῶτην τὴν Σί-
βυλλαν legamus. Sic Plutarchum & veritati
amicum, & sibi ipsi concordem faciemus.

Hactenus quid de Sibyllarum numero dicen-
dum putem, exposui: nempe hanc vaicam tan-
tum fuisse. In qua opinione constituenda si
Græcorum nonnullis elaboratum est, vt Viues
ad cap. 23. libri 18. de ciuitate Dei autumat: non
equidem minus ea causa meam hanc putem do-
ctrinam, immo, eo potiori iure meam, quod huic
lucis non parum mea opera confido allatum &
roboris ad fidem in animis hominum non præ-
occupati iudicii obtinendam.

CAPVT IIX.

*De Sibyllæ ad vaticinandum facul-
tate, & aliis ad eam rem pertinenti-
bus; ac primum, an aliqua animæ
humanae insit vis prænoscenti
futura?*

HAc perfunctus disputatione, ad alia quæ in
hac Sibyllæ rerum consideratione se offe-
runt tractanda deinceps me confero; quando
non obiter tantum de hac vate, & ob aliud,
nempe ob ea oracula quæ eius nomine feruntur,
disputare institui, sed ipsius causa, vt quæ de ipsa
in veterum monumentis scitu digna extant per-
scripta, in lucem proferantur. In his igitur pri-
ma occurrit indoles siue facultas præsagiendi fu-
tura,

tura, quam illi eximiam fuisse in confesso est. Hanc vero facultatem licet ab exteriori principio & altiore, quam humana ferat natura, pendere haud dubium sit, non tamen hoc perinde exploratum est, nullam in huius anima aut corpore vim & proprietatem fuisse a natura inditam, qua magis idonea illi societati, quam cum cœlitibus habuisse dicitur, capaxque diuini afflatus fieret. Quod idem de aliis quoque vatibus, qui eadem prædicendi facultate celebres fuerunt, quæri potest.

Parecbasis

De vaticinandi potestate; an sit homini innata, & de eius causis.

Quinetiam non defuerunt, qui hoc in controuersiam vocarent, num scilicet inter animæ humanæ facultates & nonnulla, qua futura præsentire possit, sicut qua præterita, puta quæ memoria vocatur. Quò sane argumento Ammonius apud Plutarchum in libro de oraculis desitis disputat, non esse alienum a natura animæ humanæ id munus diuinandi, hancque potestatem qua futura præsentiat. Nam quod anima nostra quorundam naturaliter recordatur, hinc patet, posse hanc ea quæ amplius non existunt, sed fuerunt, cognoscere: cur igitur non etiam ea quæ nondum sunt, sed futura sunt, & quod
discri-

discrimen in iis fingi potest quæ pariter non sunt in natura? Hæc ibi dubitatio est Ammonii, vel potius Plutarchi, quam non satis penetrat, contentus locum indicare & fontem aperire disputationis. Quid igitur obstat, quo minus paulum nos oblata occasione in eo campo exerceamus?

Fortasse aliquis ad propositam dubitationem, quæ ex memoriæ cum vaticinio comparatione ducitur, hoc esse dicet discrimen eorum quæ memoria repetimus, ab iis quæ vates prædicunt; quod illorum species in memoria repositæ manent, ex quibus tanquam picturis, quæ olim fuerunt, ab iis qui ea viderunt, audierunt, aut quo alio sensu perceperunt, vel etiam gesserunt, denuo cognosci possint; horum autem quæ futura sunt nullæ in animo relinquuntur species. Ego vero ostendo hoc discrimen esse nullum: quoniam eadem species perinde nobis ad præterita, præsentia, & futura perspicienda inferuire possunt. Quod primum de præsentibus & præteritis probō. Illa ipsa quæ nunc sunt præterita, quorum recordamur, olim fuerunt præsentia, cum scilicet primum fierent, & sensu obseruarentur: ergo & quæ nunc species sunt præteritorum, & memoriæ inferuiunt, olim præsentium fuerunt, cum scilicet illa, quorum nunc meminimus, fierent, & speciem suam sensibus nostris imprimerent. Quod autem & eadem sit ratio specierum per quas futura propiciuntur, non minus liquido declarari potest;

si

si quod experientia notum est, cogitemus, nihil tam nouum, tam inusitatum in tempore futuro accidere posse, cuius non species ac signa in animo nostro pridem per sensum accepta inhæreant. Exemplo id ostendo: Nam cum Propheta Isaias Judæis vaticinans de Christi aduentu, id oraculum pronuntiaret: *ecce virgo concipiet & pariet filium* &c. quid quæso, si rem ipsam in se contemplamur, magis nouum aut incredibile dici potuit? cuius tamen rei tam prodigiosæ, tam incredibilis sententiæ, species omnes, siue, vt philosophi loquuntur, phantasmata in omnium, qui id oraculum audiebant aut legebant, animis fuisse reposita, nemo non fateatur. quando constat, neminem fuisse Judæorum illorum, qui non omnes eius propositionis terminos, propriis ex speciebus animo suo infixis, quam notissimos & euidentissimos haberet: puta, virginis, conceptus, partus, filii. quippe quorum nihil non manifestum, & in communi hominum cognitione positum. Eadem ratio est aliorum quæ futura prænuntiantur. Vix enim, vt dixi, fieri potest, vt aliquid posteris sæculis accadat ita inusitatum, vt non per eas, quas nunc in animo species habemus, exprimi possit, si possit mens componere eas species, vt ex iis. apta vnius de altero prædicatio atque enunciatio, futuro post euentui congruens, efficiatur. In quo sane est difficultas & labor diuinandi futura.

At enimvero acrius contemplanti non mi-
nor

nor apparet in recolendo, quæ a multo tempore transacta sunt, & non sunt amplius, difficultas & labor. Quippe & horum solæ seorsim species in animo remanere videntur; compositio autem ipsarum, quæ tunc facta est, cum res præsentessent & fierent, pridem cum sensu & cogitatione evanuit. Cum enim animi facultas ipsa hanc specierum compositionem efficiat, ipsaque nihil aliud sit quam animi contemplatio; necesse est, desinente talium rerum contemplatione, simul desinere & aboleri specierum compositionem, utpote quæ in sola animi cogitatione consistat, & ab ea omnino dependeat. Par igitur esse videtur difficultas, reuocare eam, quæ in præterito tempore facta est, specierum compositionem; & novam ex iis quæ sunt in animo phantasmatis excitare, quæ sit futuro rerum euentui congruens: si quidem solæ rerum non existentium species in animo utrobique habentur.

Fortasse aliquis dicet, in phantasmate siue imagine rei præsentis, dum aliquid fit, aut auditur, aut spectatur, aut quopiam alio sensu usurpatur, duplicem contrahi habitudinem ex ea cognitione: vnâ, quæ eius qui cognouit animam respicit; alterâ, quæ eam temporis differentiam, in qua id factum est. Quo fit, ut is qui alicui olim rei interfuit, per eandem rei transactæ speciem in animo relictam, & se eam vidisse, aut gessisse, ex ea, quæ ad ipsius facultatem illi inest, habitudine cognoscat, & in tali tempore, per aliam habitudi-

nem ad certam temporis differentiam. Sed hæc commentatio non tollit difficultatem; rursus enim quærendum, vnde & qua ratione tales habitudines rationesque iisdem rerum phantasmatis ingenerentur. Quæ igitur harum causa afferri potest? Non illa quæ tunc extitit cognitio rei per aliquem sensum, quippe hæc tunc rei erat præsentis: sensus enim tantum est præsentium. Quomodo igitur idem phantasma siue species, quæ tunc cum res sensu vsurpabatur erat rei præsentis, postea efficitur imago rei absentis & præteritæ? quid noui illi accidit, & quæ causa eius mutationis? Non enim sensus, qui est præsentium; non etiam intellectus, qui a temporis differentiis abstrahit. An igitur ipse temporis fluxus & successio huius causa dicetur? At tempus nihil addit rebus, imo detrahit potius, vt Philosophus lib. 4. Natural. Auscultationis docet: *ὁ δὲ λόγος ἐν, ὅτι φθορὰς μᾶλλον ἔσται κατ' αὐτὸν αἰτιᾶ (χρὸν) ἢ γενέσεως*, patet igitur, *tempus ex se magis cladis & interitus in aliquo esse causam, quam generationis*. Causam mox subiungit: *ἐκαστικὸν γὰρ ἡ μεταβολὴ κατ' αὐτὴν*: est enim *mutatio secundum se eius quod prius fuit amotio*. Quod autem de mutatione dicitur, idem & de tempore, quod ad hanc prædicationem attinet, dici potest: cum temporis natura in ipsa mutationum successione ab animo numeranda ac computanda consistat.

Restat igitur vt dicamus, animæ ipsi innatam esse

esse habitudinem, qua se ad rerum transactarum nonnullas conuertat, atque ita earum memori-
am replicet; eo quod iis olim, dum fierent, sen-
su & cogitatione interfuerit. Quod si vero con-
sentaneum fatemur; cur non pariter dicemus,
aliquam esse animæ concessam facultatem, qua
se ad futura interdum conuertat, certa specierum
sensu acceptarum agitatione atque compositio-
ne, ad eum scilicet modum, qui futuris euenti-
bus congruat?

Nec mediocre porro huic rationi accedit fir-
mamentum ex *μαντικῆς*, hoc est, diuinationis
ipsius consideratione, quam omnes fatentur non
minus ad præterita & præsentia, quam futura ex-
tendi. Vnde illud est Homeri de Calchante va-
te heroïcorum temporum, in Iliad. i.

τοῖσι δ' ἀνέστη
Κάλχας Θεστιάδης, οἰωνοπόλων ὄχι ἀριστος,
ὅς ἤδη ταῖτ' εἶόντα, ταῖτ' ἐδούμενα, περὶ τ'
εἶόντα.

hoc est: *His surrexit Calchas Thestoris filius, augu-
rum longe optimus, qui quæ sunt, quæ futura sunt,
quæque prius fuerunt, sciebat. Qualem & va-
tum facultatem in Proteo Virgilius expressit in
quarto Georgicorum:*

*nouit namque omnia vates,
Quæ sunt, quæ fuerint, quæ mox ventura tra-
bantur.*

Qualem & in Mose nos viguisse cognoscimus
multo certiori testimonio sacrarum literarum;

cui cum primas in hoc vaticinandi munere Iudæi tribuant, interim hunc videmus non minus de præteritis quam futuris stupenda mortalibus oracula edidisse, qui tam diserte, tanquam præsens fuisset Deo creanti, de vera mundi origine, hominis ortu, & calamitate primorum parentum, tum primarum familiarum initiis & successione, ante literas natas perscripsit; ne quis putet, a prioribus tam occultarum rerum memoriam ad eum scriptorum monumentis propagatam. Ut enim fateamur, multa hunc de primorum hominum rebus potuisse fama accipere; rerum memoria a parentibus ad filios auditione subinde transmissa; non tamen tam certa horum fides esset, ut non esset ambigendi locus, si Mosaica illa historia sola hominum fama nitetur: neque diuinæ illæ literæ haberentur, sed humanæ. Enimuero de iis, quæ hominis ortum præcesserunt, aliter non potuit quam ut vates cognoscere. Ex quo efficitur, præterita ad eam vim diuinandi pertinere non minus quam futura.

Cum ergo ex his constet, vtriusque temporis res sub eandem cadere diuinandi facultatem; quærendum est, quid diuinatio a memoria differat? Sane non in ipsis rebus differentia esse videtur: quippe quibus id commune omnibus, ut fuerint, amplius non sint aut fiant. Eadem igitur facultas vaticinandi & recordandi; solum hoc discrimen, quod plura vates de præteritis & occultis

occultiora dicunt, quam hominum quivis, quantumvis memoria excellens, dum recordatur. Ex his efficitur; memoriam & diuinationem differre tantum penes magis & minus. Qui enim recordatur, ad ea tantum quæ vidit, quibusque interfuit, vim illam qua præterita cognoscuntur extendere potest; vates ad ea etiam quibus nunquam interfuit, & quæ nullo vnquam sensu vspurpauit, vim mentis extendit. Cæterum, vt vulgo dicitur, magis aut minus speciem non mutant; cumque ea facultas qua recordamur, miras in hominibus differentias habeat, in multis mediocris & vix ad vsum sufficiens, in nonnullis ad miraculum vsque & ostentationem credita sibi repræsentet; velut in his qui duo millia nominum semel audita, quo ordine dicta sunt, referre potuerunt: vt Seneca primo libro Declamationum de seipso prodit; quis affirmare possit, non esse & istud inter memoriæ proprietates & miracula, vt aliquis possit occulta præteriti temporis, quibus neque interfuit ipse, neque sensu vlllo animum adiunxit, hac ipsa, quæ ad præterita est, mentis conuersione consequi? cuius operationis modum licet explicare non valemus, hanc tamen penitus derogare humanæ animæ non æquum est; cum neque modum, quo animus illa, quæ nobis oblata olim, siue sentientibus siue cogitantibus, non amplius autem existunt, reuocat, satis quisquam explicare valeat: quemadmodum supra in exponendis difficulta-

tibus, quæ circa eam præteritorum replicacionem quæ sit memoria, ostendebamus.

Si tamen ea est memoriæ natura & definitio, vt non sit nisi eorum quæ prius cognita fuerunt, vtpote earundem rerum, quarum est obliuio, cui contraria est; esto sane hæc animi facultas, qua occulta præteriti temporis indagantur, diuersa a memoriâ; non tamen negemus hanc humanæ animæ inesse, qua etiam futura prænoscat, cui sit tributum per species rerum iam animo infixas quidem; sed eodem modo ad præterita & futura se habentes, ad præteritas cognitiones neque amplius in natura existentes proprio motu conuerti.

Altera Plutarchi coniectura ad asserendam animæ diuinationem ab experientia ducitur multorum, qui morti appropinquantés vaticinantur, cuius rei complura extant exempla. in quibus Hectoris apud Homerum, qui moriens propinquam Achilli mortem denunciat; item Calani, qui Alexandro regi familiaris fuit; item cuiusdam Rhodii, quem refert Posidonius morientem sex æquales nominasse & dixisse, qui primus eorum, qui secundus, qui deinceps moriturus esset; vt est apud Ciceronem lib. i. de Diuinatione. Ex quo sic Plutarchus arguit: Non est verisimile, aliquas animam lucrari facultates & proprietates in discessu e corpore, quas antea non haberet, cum corporis vinculis teneretur; multo est verisimilius, si quam morti vicina ostendat, qua antea non vteretur, habuisse qui-

quidem sibi innatam, sed obscuratam & impeditam corporis contagio: quam tunc exerat, cum resolui incipit, & minus membrorum caducorum & humorum sarcina premitur. Quade re locus insignis extat apud Aretæum Capadocem libro i. de acutis morbis: *πρόθεν μὲν γὰρ ἐν ἰλῦϊ τοῖσιν ὑγροῖσιν ἦν καὶ ζόφω· ἐπεὶ δὲ τὰδε ἐξήντησε ἡ νῆστος, καὶ ἀπὸ τῶν ὀφθαλμῶν τὴν ἀχλὺν ἔλε, ἐρέεσι τὰ τε ἐν τῇ ἡέρῃ, καὶ γυμνῇ τῇ ψυχῇ γίγνοντο μάντιες ἀτρεκέες· οἱ δὲ ἐς τοσούτῃ λεπτότητι ὑγρῶν καὶ τῆς γνώμης ἀφιγμένοι, καὶ μάλα τοι περὶ γίγνοντο, ἐξπερωμένης ἤδη τῆς ζωικῆς διωάμεν.* Etenim antea quidem anima in limo, humoribus scilicet & tenebris versabatur: postquam vero hæc morbus absumpsit, & caliginem ab oculis remouit, tunc & quæ in aere sunt egri narrant, ac nuda anima vates veridici efficiuntur; ceterum qui ad tantam humorum ac mentis subtilitatem adducti sunt, vix convalescunt, vitali facultate iam in aërem conuersa. Quibus consentanea habet Tertullianus in libro de Anima, capite 53. de animarum excessu, digna quæ hic legantur: Hinc denique euenit, sepe animam in ipso diuortio potentius agitari, sollicitiore obtutu, extraordinaria loquacitate, dum ex maiore suggestu iam in libero constituta, per superfluum, quod adhuc cunctatur in corpore, enunciat quæ videt, quæ audit, quæ incipit nosse. Si enim corpus istud Platonica sententia carcer, ceterum Apostolica Dei templum

cum in Christo est: sed interim animam conspecto suo obstruit, & obscurat, & concretionem carnis infaciat; unde illi velut per corneum specular obsoletior lux rerum est; procul dubio cum vi mortis exprimitur de concretionem carnis, & ipsa expressione colatur, certe de oppanso corporis erumpit in apertum, ad meram & puram & suam lucem; statim semetipsam in expeditione substantiæ recognoscit, & in diuinitatem ipsa libertate respiscit: ut de somna emergens ab imaginibus ad veritates, tunc & enunciat, & videt, tunc exultat, aut trepidat, prout paratum diuersorii sui sentit, de ipsius statim angeli facie euocatoris animarum, Mercurii poetarum.

Ita igitur causam explanat, qua fit ut homines sub mortem potius, quam superiore vitæ tempore, futura augurentur & prænuncient. Tunc scilicet animam maiori ex parte esse extra corpus; aliqua autem, nempe postrema, adhuc illi hære. Hanc partem animæ foris extantem *superfluum* vocat Tertullianus: quasi redundantem eius substantiam; quod respectu corporis intelligendum est, quia ea animæ pars corpus amplius non informat, utpote extra ipsum posita. Per hoc igitur superfluum, inquit, quod adhuc cunctatur in corpore, hoc est, pars animæ alia nondum corpore soluta, enunciat quæ videt, quæ audit, quæ incipit nosse. Ita animæ egressum e corpore declarat suo modo, hoc est, pinguiore Mineruæ; ut alias
fo-

solet ubicumque de anima disserit, quam ut totum quoddam partibus extensum cogitat, adeo obtusa mentis acie, ut (quod miratur Augustinus in homine tam facundo) nunquam potuerit capere, aliquid esse animam, si extensa non sit. Sed tamen ex hoc loco apparet, hunc non esse alienum ab eorum sententia, qui aliquam animæ inesse facultatem, qua futura præsentiant, suspicantur. Quod si verum est, tunc demum homines hanc vim incipere usurpare atque in promptu habere, cum mors iis insit; id fieri putandum est ea ratione, quam Plutarchus dicto loco affert, quod anima morte instante minus se adiungit corpori iam afflicto, neque amplius idoneo animæ domicilio aut instrumento. Neque enim in eius e corpore discessu mutatio vlla fit loci, aut ipsa vere migrat motu locali, sed solum cessat operari per corpus, quia ad nullam functionem amplius utile. Quo fit ut omissa inutili sarcina, in se conuertatur, incipiatque operari secundum nobiliores facultates, e quibus illa est qua futura præuidet.

His coniecturis tertia ex eodem Plutarcho adiungi potest hoc modo: quæ ratio est vini, ad eos quibus iram aut libidinem largiore potu accendit, eadem est, halitus e specu erumpentis, qui Pythiam Delphis incitabat; atqui qua ratione vinum dictos affectus excitet, notum est: non enim quia vim ipsam & facultatem irascendi aut libidinandi affert potanti, sed

iam natura ad eos motus procliuem ita calore excitat, vt actu moueatur. Cur igitur non idem indicemus de halitu, quo Pythiam constat solitam inflammari ad vaticinandum; vt non auctorem hunc & causam vaticinii, sed incitamentum putemus facultatis animæ insitæ ad futurorum euentuum rationes videndas.

Sed & Posidonius, vt refert Tullius in primo de Diuinatione, varios diuinationis per somnum enumerans modos, hunc primo loco affert: quod præuideat animus ipse per se se, quippe qui Deorum cognatione teneatur. Si per se: ergo per vim sibi a natura insitam. Cuius profecto argumentum insuper videri possit, innata omnibus cupiditas cognoscendi quæ sibi euentura sint. Qua cupiditate haud scio an alia vehementior animos incessat. Hinc propensio vulgi in ariolos & omne diuinantium genus, nec minor principum, quorum secreta vix sine mathematicis; vt exemplo etiam Poppææ Neronis coniugis Tacitus demonstrat in primo Historiarum: *nullo*, inquit Plinius lib. 30. cap. 1. *non auido futura de se sciendi*. Quod maxime pateret, si quot modos futuri indagandi ea curiositas inuexit, sigillatim vel solis superstitionum nominibus indicatis percensere vellem. Ex quò intelligi potest, non esse futuri notitiam supra hominis captum, sed posse saltem in nonnullis expleri naturæ appetitum; alioqui frustra esset: natura autem nihil in cassum facit.

Sic

Sic Aristoteles initio transnaturalis philosophiæ, non esse verum homini indeprehensibile, probat argumento eius cupiditatis, quæ omnes mortales tenentur, aliquid cognoscendi: πάντες ἀνθρώποι εἰδέναι ὀρέγονται. Φύσιν. Si enim eius appetitus, qui est omnibus innatus, non esset in aliquibus expletio: frustra hæc generi humano indita propensio esset. Quod, vt dixi, naturæ omnia sapienter instituenti repugnat. Cum ergo etiam omnes naturaliter quæ sibi euentura sint, nosse expetant, eodem modo consequens videtur, quosdam reperiri inter homines, qui naturalem potentiam ad effectum naturæ viribus redigere valeant. Atque hæc sunt quæ meo quidem iudicio probabilius afferri possint ab iis, qui inesse nobis a natura vim quandam præsciendi futura contendunt. Non tamen his sic trahi debemus, vt non potius eos audiamus, qui animam humanam non propria vlla facultate, sed vi aliena excitari ad vaticinandum docent. Quos recte sentire, paucis sed certissimis rebus deinceps ostendo.

Primum videndum est, quæ sint illa circa quæ vates & fatidici versantur. Horum autem, auctore Augustino Nipho in lib. de prophetia cap. 6. triplex est genus: vnum est eorum quæ aliquorum non omnium sensus & intelligentiam excedunt; vt meam facultatem & aliorum hominum qui hic Lutetiæ degimus, quæ nunc Romæ aut Constantinopoli aguntur: non enim

enim eorum, qui illis in locis versantur, & ignota illa nobis tractant, notitiam talia fugiunt. Eiusmodi & quæ quivis mente agitat, dum penes se habet, nec foris profert: hæc enim aliis tunc ignota, non illi qui cogitat. Alterum genus eorum quæ omnium prorsus hominum captum superant, toto genere homini occulta; licet non Deo & intelligentiis: vt religionis mysteria. Tertio in genere sunt quæ suapte omnium hominum sensus & intelligentiam fugiunt: vt futura contingentia, quæ in mentis humanæ arbitrio posita, nihil in se habent finitum quo in vnam potius quam in alteram partem cadant. Hæc igitur omnia quibus occulta sunt, dum sunt occulta, non posse vlla animi nostri industria deprehendi, sed sola diuinatione, certum est. Cæteris autem præteritis, id quod dixi, de solis futuris contingentibus demonstrasse sufficiet.

Quod igitur omnem animi humani facultatem excedant futura contingentia, hinc sciri potest: Omnis cognoscendi facultas in homine, in sensus exteriores, & internos, & mentem diuiditur: sed nulla harum potentiarum quæ contingentè futura sunt deprehendi possunt: ergo omnino humani animi captum excedunt. Horum quæ hic sumuntur, prius notius est quam vt probatione egeat; alterum, in quo esse difficultas potest, ostendo. Futura contingentia dicuntur proprie, quæ non sunt quidem, possunt autem esse aut non esse, quia ab humana voluntate de-

dependent, vt fiant aut non fiant. Interim dum nondum sunt, nihil esse in iis cur potius fore quam non fore iudicentur, manifestum est, cum in hominis sita sint voluntate: qui homo nondum est; ita enim pono; vt magis incertum esse constet, cuius nondum causa extet in natura; neue quis propositum voluntatis fingat multo tempore agenda præcedens, quod ratione immobili persistat: tamen iacredibile est, aliquid tam certum esse posse in humanis consiliis, vt mutari non possit, præsertim si longum tempus effectum præcedat. Nego igitur eiusmodi contingentia, vlla ex notis humani animi facultatibus deprehendi posse. Non enim vllō sensuum exteriorum, qui omnes sunt rerum præsentium; neque interiorum, qui quodcumque agitant externis sensibus acceptum ferunt: quia per species animo impressas rerum externarum, quibus vnus in animam ingressus per sensus externos, vt omnes fatentur; sed neque mente: quia nihil in hac esse, quod non prius sensuali quo occupatum fuerit, constans dogma est philosophorum. Sed propter motas supra dubitationes, quibus ostensum est easdem rerum species memoria infixas, quemadmodum præteritarum cognitioni, quæ recordatio dicitur, naturaliter inferuiunt, sic & futurarum præuisioni non minus suapte natura esse accommodatas: solum in eo esse discrimen, ad vtrum rerum generis anima intendat, præteritarum an futurarum;

rum: non esse autem, cur anima ad præteritas intentione reflecti possit, ad futuras non possit, cum & hæ & illæ pariter non sint; ob hanc, inquam, & alias dubitationes, accuratius, quid in his mens possit, aut non possit, perscrutari operæ pretium est.

Mens quidem altissima est animæ potestas, & quodammodo immensa: nihil enim est quod non cognitione complecti possit, omnium est capax quæ cœli ambitu continentur, si quidem & Dei, qui ipsum mundum continet. Non tamen existimandum est, ita esse felicem, ut citra causæ ullius exterioris impulsu omnia in se ipsa contemplari possit, ut visum est Platoni, qui rerum omnium rationes ei naturaliter inditas ac vernaculas credidit, quas in se conuersa intueri valeat, quantum

non noxia corpora tardant
terreniq; hebetant artus moribundaq; membra:
ut Poetarum doctissimus Platonis Musa afflatus loquitur, Quin neque si talium rationum ab ortu plena esset, omnia cernere posset: non enim rerum particularium & indiuiduarum discrimina & proprietates, certis materiæ finibus, locis, temporibus diuisas; quarum varietas ad vnâ communem rationem reduci nullo modo potest. Quamobrem neque eius hominis mens qui Lutetiæ est, ex se locis procul dissita cognoscere potest, neque si quæ terris alte infossa & recondita visum excludant,
hæc

hæc quisquam vi vlla mentis deprendat: multo igitur minus eadem animi vis rerum euentus futuros contingentium prospicere, ac certa cognitione signare possit. Quarum enim rerum neque principia in se anima habet, neque signa vlla, aut indicia ex quibus percipiat, qui possit earum ex se notitiam capere? Quod autem anima in se non habeat rerum principia, notius est quam vt probatione egeat. Ita enim esset causa efficiens aut formalis earum. Sed neque notas aut indicia habet contingentium quæ nondum sunt; vnde enim illi, & qua necessitate talia illi inessent? Neque est quod verbis abutar in re manifesta. Si quis enim tam insanus esset, vt hoc affirmare vellet, hunc melius omnium hominum experientia quam ratio vlla refelleret. Abunde igitur his quæ dixi, cuius non socordi neque proteruo probatum & constitutum videri debet, non posse contingentia futura ab homine propria animi industria cognosci.

Consequens est igitur, vt iis quæ supra negotium facere visa sunt, respondeamus. Primæ difficultati occasio data ex memoriæ consideratione, & futurorum cum præteritis comparisone: ceu ratio exigeret, vt anima eodem modo se habeat ad futura atque ad præterita, eo quod tam præterita quam futura non existant. Sed longe disparem esse rationem horum & illorum certum est: non tamen facile est ostendere disparitatem. Quod enim vulgo dicitur,

deesse animæ species rerum futurarum, vanum esse ostendimus supra: cum eadem sint præsentium, præteritorum, & futurorum species. Quæ enim nunc præsentia sunt, hæc antequam essent futura erant: eadem & non multo post, quia non manent, præterita dicuntur. Quod autem de rebus dico, idem pari iure de rerum vestigiis, quæ in animo conseruantur, affirmari potest. Immo rerum consequentia id esse necessarium docet. Eo proinde redit disputatio, vt explicetur causa, quamobrem eadem rerum species cuius pro arbitrio res præteritas exhibere possit, futuras non possit.

Ego hanc huius disparitatis causam inuenio, quod earum rerum, quæ transactæ sunt, ordinem videre possumus, instantium & futurarum non valemus. Cum enim omnia quæ fiunt, in aliqua temporis parte efficiantur, quia tempore continentur, necesse est in iis esse ordinem quo fluunt, & alia aliis succedunt, quæ successio tempus vocatur. Nihil enim aliud est tempus quam rerum successio, eo quod aliæ prius in ortum dentur, aliæ posterius. Hunc autem ordinem successionis secundum prius & posterius, in iis quæ præterierunt, facile anima videre potest; non autem in futuris quæ nondum facta sunt. Tametsi enim & futura suo ordine procedunt: non tamen eum ordinem anima videre potest, quia contingentium contingens quoque ordo; ergo incertus & indefini-

tus, quod ad rerum ipsarum conditionem attinet; quæ, ut dictum est, possunt esse & non esse, quia in hominum arbitrio positæ. E contrario ordo, quo res præteritæ extiterunt, certus est, neque certus tantum, sed etiam immutabilis, adeo ut ne diuina quidem potentia mutari possit. Non ergo mirum videri debet, quod anima horum ordinem percipiat, etiam postquam in natura esse desierunt. Neque enim ordo ille vna cum rebus interit, sed ipsa successione manet. Nam & rebus prioribus destructis earum successio persistit: cuius hæc natura est, ut præterita neque amplius existentia præsentibus & post futuris alliget; aliter successio intelligi non potest. Anima igitur humana, qui ordo rerum non existentium certus est, hunc videt; non autem qui incertus indefinitusque est.

Magna porro in his admiratio incessat necesse est altius contemplantes, quomodo multorum sibi succedentium, ideoque partim existentium, partim non amplius existentium ordo, qui ex his resultat, ad animum veniat ab eoque percipiatur. Si quidem ordo qui in successione est ex omnibus resultat. dictum est autem, eorum quæ transeunt alia amplius non esse, alia esse dum transeunt: ex quo efficitur, ut in ordinem etiam veniant & sint quæ amplius non sunt; sequitur etiam, ut abolita fiant apta & coniuncta præsentibus: non ens scilicet enti.

Neque enim ordo est nisi eorum quæ apta inter se coniunctaque. Absurdum autem videtur, quæ non sint amplius, ea dici apta existentibus. Accessit prope ad hanc difficultatem beatus Augustinus capitalis ingenii theologus, & mentis perspicacitate cæteros omnes supergressus ecclesiæ magistros, non tamen satis distincte explanavit. Sic enim de ordine rerum qui in successione est loquitur in libro duodecimo de Genesi ad literam cap. 16. *Itemque in auditu, nisi auribus perceptæ vocis imaginem continuo spiritus in se ipso formaret, ac memoria retineret, ignoraretur secunda syllaba utrum secunda esset, cum iam prima utique nulla esset, quæ percussæ aure transierit. Ac sic omnis locutionis usus, omnis cantandi suauitas, omnis postremo in actibus nostris corporalis motus dilapsus occideret, neque ullum progressum nancisceretur, si transactos corporis motus memoriter spiritus non teneret, quibus consequentes in agendo connecteret. Quos utique non tenet nisi imaginaliter a se factos in se. Ipsarum etiam futurarum motionum imagines præueniunt fines actuum nostrorum. Quid enim agimus per corpus, quod non cogitando præoccupauerit spiritus, omniumque visibilium operum similitudines in se ipso primitus viderit, & quodammodo disposuerit? Quibus similia habet in quarto Confessionum libro cap. 11. Nam & quod loquimur, inquit, per eundem sensum carnis audis; & non vis utique stare syllabas, sed trans-*

transuolare, ut alia veniant, & totum audias. Ita semper sunt omnia quibus vnum aliquid constat, & non simul sunt omnia ea quibus constat. Vbi aduerbium semper intelligendum est de syllabarum vnus post aliam transitu & successione non interrupta.

Apparet autem, non alium ab ipso afferri modum quo anima percipiat ordinem in iis quæ transeunt, & partim sunt & non sunt; nisi quia eorum quæ successiue fiunt, dum fiunt, imagines sibi ipsa efformat in spiritu animali, atque efformatas conseruat. Verum vt iam supra attigi, hæc ratio non satisfacit: quia aliud est, eorum quæ fiunt species in sensu interiore conseruari, aliud in iis ordinem quo facta sunt progressusque ipsius rationem videre. Aliud res intueri, aliud ordinem. Quid igitur? An aliquam in animo imprimi ordinis illius quo res fluunt imaginem dicemus? Nequaquam. Quare? Quia in talibus ordo non fit, nisi in eo quod eorum quæ transeunt, vnum prius fit, alterum posterius, & sic per omnia quæ in transitu spectantur. Cæterum huius quod prius, & eius quod posterius, quæ imago animo insigi possit, quæ quidem simul persistat & conseruetur, non facile intelligi potest. Oporteret namque his, quatenus vnum est prius alterum posterius, commune esse aliquid & vnum, in quod animus intendens vtrumque concipiat. At nihil his commune fieri posse ex eo intel-

ligi potest, quod ne Platonis quidem asseclæ audebant in quibus esset prius & posterius horum ideas ponere, -vt Aristoteles testatur in primo *Moralium* cap. 4. *οἱ δὲ κομίσαντες τὴν δόξαν ταύτην, ἐκ ἐποίησαν ἰδέας ἐν οἷς τὸ πρότερον καὶ τὸ ὕστερον ἔλεγον.* Quod igitur animus videt ordinem prioris & posterioris, non ex vlla fit propria prioris & posterioris specie In memoria. Solum cuiusque intensiōis animæ aliquod relinqui in ipsa vestigium, habitum, propensionem necesse est, qua se ad id quod factum, olim cognitumque est mente aut sensu denuo referat. Ita fit, vt anima prioris & posterioris eorum quæ in tempore aguntur cognitionem capiat, dum mens propriorum actuum atque intentionum ordinem videt. Quod sane consequitur comparando eos actus inter se: in qua comparatione intelligit non simul extitisse, sed aliqua inter eos intercessisse. Cum enim hos non modo distinctos numero, sed etiam quibusdam aliis interpositis diffitos concipiat, exinde ordinem in iis cogitet necesse est: qui ordo alius esse non potest, nisi prioris & posterioris.

Ac horum quosdam quomodo fluxisse ac transactos esse intelligat, non difficile est assequi & explicare: nempe ex nouissimis & præsentibus facile alios præcessisse adeoq; præteritos esse intelligit: in illis autem præteritis quomodo eundem prioris & posterioris ordinem videat, non est

pro-

promptum declarare. Aristoteles quidem in præterito id esse prius definit, quod est remotius ab ipso nunc, hoc est, præsentī in quo versamur; posterius, id quod minus ab eodem distat. Sed non expeditur animus: rursus enim noua exoritur dubitatio, vnde id animæ innotescat, eorum quæ præterita sunt, alia longius ab hoc in quo sumus puncto temporis, quædam propius abesse? Verum hæc contemplatio longiores habet explicatus, quam præsens capiat disputatio. Satis est in præsentia ostendisse causam, quamobrem anima rerum transactarum neque amplius existentium seriem & tractum percipere valeat: quod scilicet illis cognitione interfuerit, & circa eas res aliquo sensu aut mentis agitatione vim suam exercuerit. Ex quo contractam illi propensionem atque habilitatem ad similes cognitionis præteritæ actus putandum est, per quos in iis ordinem prioris & posterioris comparando videre possit. Quorum cum nihil in futurorum contingentium sequenti processu, quod ad animam pertineat, afferri possit, merito ad illa facultatem eius extendi negamus, sed vt ad illa intendat aliunde hanc illuminari atque impelli necesse esse ex dictis sequitur: cum nulla in ipsa animæ natura vis, nullus excogitari possit modus, quo se ad talia conuertat. Hac igitur solutione facessat prima ratio earum, quæ initio ad asserendam humanæ naturæ vaticinandi facultatem propositæ sunt.

Altera ratio sumpta fuit ab eorum exemplis, qui morte instante prædicere visi sunt quæ postea euenerunt. Et conuenit, in eo statu positæ animam minus corpori esse immerfam, utpote quæ tunc a corpore resolui incipiat. Si autem anima eo ipso quod minus arcte corpori alligatur, sit prudens futuri, cum nihil separatio ipsa a corpore nouæ facultatis animæ adiungat; sequitur, quam in separatione anima habet vim prospiciendi quæ post euentura sunt, habuisse antea, toto coniunctionis tempore, & semper habere, quod ea vis naturæ eius conueniat, nempe innata & vernacula. Cæterum facile rationis huius deprehenditur vanitas: quæ accipitur aliquid & pro manifesto ponitur, quod non est manifestum; nempe sola a corpore separatione animam sic comparari, ut quæ antea de futuris videre non poterat, videre possit, neque aliud quicquam interuenire causæ. Quod, fateor, si verum esset, reliquum quod infertur sequeretur. Id vero inficiamur nos; dicimus autem, nihil aliud separatione a corpore quam impedimentum auferri, quod animæ affert corporis societas & consuetudo, quo minus rerum diuiniorum, quarum est capax, usum capeffat. Est enim animæ natura eiusmodi, ut possit cælitum appulsu moueri, multaque eorum in lumine videre, quæ aliter nulla ipsius industria & contentione consequi posset; quod careat facultate qua illa suo pte ingenio

nio vsurpare possit, etiamsi tota a corpore secedat. Ex his patet solutio. Dicimus enim, sub animæ e corpore discessum, minus hanc corpori esse immerfam, vtpote ex parte liberatam; non quia partibus constat, vt Tertulliano visum est, sed quia minus corpore tunc ad summam reducto imbecillitatem tardatur. Ex quo efficitur, vt magis in se conuerti incipiat, magisque capax efficiatur eorum quæ menti conueniunt: in quibus est, posse moueri a Deo & intelligentiis, nouamque earum munere cognitionis lucem accipere, qua non solum immutabilem & sempiternam rerum diuinarum veritatem contempletur, sed etiam eorum quæ hic contingunt, nondum existentium sed futurorum nubem intuitu perrumpat.

Tertîa ratio quæ ducitur ex comparatione halitus Pythiam afflantis, cum vini fumis & ardore ad iram aut libidinem largius potos exstimulante, & ipsa propius excussa vanescit. Fatemur quidem, vt vini vapores non dant potantibus eam vim qua irascantur, aut venerea concupiscant; sed homines corpore accenso sic comparare vt vehementius moueantur: sic neque antri Delphici halitum contulisse Pythiæ vim fatidicam, sed solum aliquam affectionem, qua magis apta esset atque idonea prorumpere in voces diuinas. Hactenus enim non male comparatio procedit: vt vinum disponit hominem ad irascendum, sic halitus terræ ad vaticinan-

cinandum. Non tamen hinc quisquam recte inferat, ex duobus hominibus, qui extrinsecus ad aliquem actum sui generis eliciendum corpore aut animo præparantur, si vni eorum naturalis insit facultas, quæ sit proprium & adequatum talis actionis principium, continuo & alteri oportere eius quam exerit functionis proprium in se & sufficiens principium ipsi a natura tributum continere. Satis est, ita istum cui deest facultas, sic eo quod illi accidit affici & comparari ad agendum, vt cuius efficiendi in se principium non habet, aliunde suscipiat. Quod plane de Pythia dicendum censemus. Nam neque hæc facultatem vaticinandi plenam habuit a natura: neque ab halitu terræ, cui nulla eiusmodi vis inesse potuit, omnino accipiebat; solum talis expirationis admittance cum spiritu animali in furorcm & ecstasim potuit conuerti, quo alienata a præsentium sensu atque impedita ratione, aptius dæmoni organum fieret ad expediendum per eam munus qualis qualis prædictionis rerum futurarum.

Quarto allatum ex Posidonio, inter alias diuinationis per somnia causas hanc agnoscente, quod anima per se futura præsentire possit, quia Deorum cognatione teneatur: cuius cognationis & diuinandi facultatis argumentum sit cupiditas vnicuique innata. sciendi, quid sibi in tempore futuro euenturum sit. His respondeo, non posse negari, quin nonnulla occulta futurum tem-

temporis hominibus interdum per visa nocturna obijciantur; verum id non fieri, quia anima per se atque innata facultate propter Deorum cognationem diuinare possit: sed quia ea cognatione, quæ est illi cum diuinis principiis, fit ut ab iis interdum aliquam lucem suscipiat rerum futurarum. Neque enim ex illa agnatione infertur facultas præfagiendi futura, qua anima talia per se videat, sed mera potentia qua sit apta superis interdum coniungi, atque ab iis quorundam quæ postea futura sunt notitiam accipere.

Quod autem diuinationis animæ argumentum censetur cupiditas omnibus innata hominibus, prænoscere quid sibi & aliis impendeat boni vel mali, aut quid aliud futurorum euentuum; respondeo, id quidem omnibus innatum esse hominibus, ut ignorantiam fugiant, scientiam expetant, non modo eorum quæ erunt, sed etiam sunt aut fuerunt. Id enim natura animæ requirit, ut nihil a se alienum putet omnium quæ mente comprehendi possunt: quia in eo mentis perfectio sita est, ut omnia cognoscat quæ sciri possunt. Non tamen ex ea potentia & desiderio animæ inferri possit, huic eam vim cognoscendi inesse, qua omnia per se comprehendat; sequitur tantum, scire posse omnia vel proprio Marte, vel aliunde adiutam. Nam & omnes naturaliter felicitatem expetunt, non tamen ad eam humanis viribus

peruenitur, sed diuino auxilio; trahatur oportet a Deo, & supra captum mentis humanæ illuminetur, quisquis ad vltimum bonum perueniturus est. Quemadmodum igitur non sequitur ex innato vnicuique appetitu felicitatis, vt possit quisquam felix beatusque propriis viribus effici; neque ex illa sciendi cupiditate, vt proprio ingenio omnia quæ mundi ambitu continentur, omnia naturæ arcana, cæli omnem dispositionem, astrorumque numerum & vires, consequi valeat; sic neque vt futurorum contingentium occultas rationes mente attingat: sequitur dumtaxat, posse eius cognitionis dono Dei fieri compotem; quod fatemur, & ex dicendis amplius patebit.

CAPVT IX.

An natura alii aliis magis apti ad diuinandum, & quibus rebus apti efficiantur.

HActenus ostendi, non esse inditam animæ humanæ facultatem vllam, qua se naturaliter ad vaticinandum expediat; non tamen iisdem argumentis effectum est, nullam esse in natura opportunitatem, qua nonnulli magis apti aliis ad donum illud Dei, quod diuinitio & prophetia dicitur, accipiendum reddantur. Superest proinde vt quæramus, num quid in
ani-

anima aut corpore vatis existat natiui apparatus, aut proprietatis, qua aptior intelligatur ad ineundam cum superis societatem, sine qua nullam esse diuinationem ostendimus. Si confu-
limus Aquinatem doctorem, non est locus præ-
parationi apud Deum, qui in iis quæ supra
omnem naturæ ordinem excellunt, vt est pro-
phetia, vel remotissimis subiectis, atque, vt sic
dicam, infelicissimis quiduis patiendi & reci-
piendi legem facile imponit. Ita enim in Quæst.
172. artic. 3. 22^a habet: *Est autem considerandum,*
quod sicut Deus, quia est causa vniuersalis in
agendo, non præexigit materiam, nec aliquam
materiæ dispositionem in corporalibus effectibus,
sed simul potest & materiam & dispositionem &
formam inducere: ita etiam in effectibus spiri-
tualibus, non præexigit aliquam dispositionem: sed
potest simul cum effectui spirituali inducere dispo-
sitionem conuenientem, qualis requiritur secun-
dum ordinem naturæ. Idem tamen fatetur in
solutionibus obiectionum, inordinatos animi
motus intemperantium & asotorum, item ira-
cundorum, nempe inflammata cupiditatem
venereorum, aut iræ ardorem, non mediocre ef-
se impedimentum prophetiæ: nec minus hanc
turbidis rerum ciuiliū fluctibus & curis nego-
tiorum excludi, adeo vt non putet in talibus
versantes vatum posse munere fungi, quod eo-
rum mens tota in rerum corporalium imagi-
nibus defixa teneatur. Fatetur etiam, cum qui
natu-

naturali esset sensu destitutus, hoc est, hebes, stupidus, vel male moratus, non esse aptum Dei instrumentum ad denunciandos hominibus futuros euentus; & causam affert, quia ad prophetiam maxima requiritur mentis eleuatio ad rerum intelligibilium contemplationem, cui obistere vehementiam passionum & inordinatam exteriorum rerum occupationem censet. *Vnde (inquit) de filiis prophetarum legitur 4. Regum 4. quod simul habitarent cum Helisao, solitariam vitam ducentes, ne mundanis occupationibus alienarentur a dono prophetis.* Quæ cum Thomas fateatur, non video quo iure negare possit, nonnullos homines melius aliis ad donum vaticinii suscipiendum natura esse comparatos, qui scilicet minus naturali corporis habitu & recta viuendi ratione inordinatis animi motibus sunt obnoxii: qui item magno ingenio præditi, amore contemplationis a vulgi turba & negotiosæ vitæ tumultu & fluctibus longe recedunt.

Nec vero quam affert rationem ea alicuius momenti est: ideo non requiri has naturæ opportunitates ad prophetiam, quia Deus his contrarios naturæ habitus & impedimenta tollere potest: *talem (inquit), naturalem indispositionem remouet virtus diuina, qua est prophetiæ causa.* Nil, inquam, hæc ratio valet: nam & Deus impedimenta quæ sunt in lapide, prohibentia ne materia eius formam panis induat, auferre potest: *si filius Dei es, dic vt isti lapides panes fiant,*
in-

inquit Diabolus Matthæi 4. hanc creatoris intransmutandis rerum naturis potentiam confessus. Quæ item in membris paralyticorum, surdorum, cæcorum, mutorum, naturalibus eorum membrorum functionibus obstabant, momento sustulit Christus. Num propterea negandum, naturalem requiri partium corporis, quæ iis officiis inserviunt, constitutionem habitumque ad certas functiones, puta neruorum ad motus voluntarios, aurium ad auditum, oculorum ad visum, linguæ & vocalium instrumentorum ad loquendum? Id modo ex Thomæ illa ratione sequitur, Deum multo altiorem atque liberiores agendi modum sequi in conferendo hominibus prophetiæ dono, quam in iis effectibus quæ sunt pure & simpliciter naturales. Etenim in his ubique vim suam ad ordinem naturæ positasque leges accommodat, quas nunquam nisi ubi miraculo vult ostendere potentiam suam, ut in subita aquæ puræ in vinum conversione, & aliis eiusmodi portentis, transgreditur; non tamen negandum videtur, quin & in eligendis prophetis, naturalis hominum conditionis & animorum habitus sapius habeat rationem. Quod igitur, Thomæ ipsius confessione, naturales quædam proprietates existant, quibus homines magis idonei ad prophetiæ lumen suscipiendum reddantur, nunquam Deum ad eas respicere absurdum videtur; si autem respicit aliquando, immo sapius, ut arbitror,

tror, falsum est eas non requiri ad prophetiam; solum sequitur, non ita esse necessarias, vt non Deus, vbi vult, sine iis prophetas efficiat.

Quæcumque igitur siue intra siue extra hominem posita, animos certa naturæ ratione ad rerum altiorum contemplationem erigere possunt, per omnes mundi partes persequi atque indagare exinde conabor, vt quid horum Sibyllæ iure vindicari possit, appareat.

CAPVT X.

*De naturalibus adiumentis atque
opportunitatibus ad prophetiam re-
quisitis; ac primum de mentis
sublimitate.*

PRIMA naturalium ad prophetiam opportunitatum censetur præstans mentis indoles & sublimitas; qua qui præditi sunt sic ad diuinorum contemplationem naturaliter rapiuntur, vt ferrum ad magnetem, & alia eiusmodi ad ea cum quibus quadam naturæ sympathia conspiciant. Hæc autem propensio non inest nisi iis qui animum naturaliter magnum habent, vim scilicet mentis præstantem, excelsam, & luminosam nacti sunt. Quæ quibus singulari naturæ dono tributa est, natura ad prophetiam apti præ aliis omnibus censentur. Ita quidem philosophi sciunt, qui varios distinguentes in homi-

hominibus intellectualis facultatis gradus, in supremo eos collocant, qui præcipuo mentis vigore & claritate cælo propiores agitant, & tali naturæ propinquitate lucem ad prædicendum facile suscipiunt. Tres autem sunt gradus: vnus omnium (vt ab eo quod imperfectissimum est incipiam) infimus, eorum scilicet hominum qui mentem penitus corpori immerfam habent, quo fit vt nunquam supra sensum cogitatione assurgere valeant. Hi sunt qui nihil rerum sine continuo & tempore, hoc est, quod non sit dimensionibus expansum & tempore comprehensum, concipere possunt; qui animam extensam, spatia extra mundum infinita concipiunt, neque aliter hunc esse finitum videre possunt, nisi talia extra ipsum admittantur spatia; qui denique aliquid omnino esse posse negant quod non sit in loco: vt Auerrois notat in 2. Metaphysicorum cap. 3. text. 15. in posteriori expositione. Huic alter est gradus plane atque, vt dicitur, e diametro oppositus, eorum qui mentem minime materiæ immerfam habent, quos sic Albertus Magnus describit lib. 1. de intellectu & intelligibili cap. 3. *Secundi autem, quasi per se aut ex parua doctrina nati sunt intelligere omnia: quia intellectum non habent tanquam potentiam animæ, vel quasi efficientem per abstractionem intelligibilia in animæ: sed habent eum quasi pro forma per quam animæ intellectualis cuncta operatur. Quam in libro de anima*

anima felicitatem esse diximus, ad quam intendit peruenire omnis philosophus. Et hic vocatur intellectus sanctus siue mundus ab Auicenna; ab Aristotele autem dicitur intellectus diuinus: & hic intellectus de studio leui ad prophetias accipit illuminationem, & ad somniorum verissimam interpretationem. Medius autem inter duos illos gradus est, in quo maxima hominum pars versatur, qui disciplina ad cuiusvis scientiæ peritiam, maiorem vel minorem, nec tamen poenitendam, peruenire possunt. Quam mentis facultatem humanam appellare licet, cum pluribus communis existat.

Igitur Alberti sententia ii natura apti in primis ad prophetiam censentur, quos nascendi conditio in supremo intelligentiæ humanæ apice constituit. Sed & Algazel, magni inter Arabes philosophos nominis auctor, in libro Auenrois qui inscribitur *Destructio destructionum philosophiæ*, de iis quos natura vaticinio affines finxit, eodem plane modo atque Albertus differit; vel potius huic Albertus consentanea dixit, quem ab Algazele quæ modo attuli accepisse, ex vtriusque loci comparatione intelligi potest: vbi etiam eadem ingeniorum proponitur distinctio. Quamobrem quæ ad hanc sententiam pertinent, ex eo libro Auenrois, latini vel potius latino barbari interpretis verbis referre haud pigebit: *Sunt aliqui qui mouentur ex se-
ipsis: & sunt aliqui qui mouentur paucis excita-
tio-*

rione, hoc est, disciplina: & sunt aliqui qui non
 comprehendunt cum excitatione, nisi diminutione
 magna. Et quemadmodum possibile est, ut eueni-
 at vltima diminutio non habenti sensationem omni-
 no, ita quod non mouetur ad intelligendum intelli-
 gibilia, vel cum excitatione; sic etiam potest eueni-
 re vltima fortitudo & additio, ut exciteretur ad
 omnia intelligibilia, aut plurima eorum, & tem-
 pore breuiori. Et differt hoc quantitate in omni-
 bus quasitis, aut aliquibus, & etiam qualitate: ita
 quod differt celeritate & propinquitate. Et forte
 reperitur propinquitas animæ sanctæ & puræ, quæ
 transit in sensatione in omnibus intelligibilibus ad
 scientiam, & celerrimo tempore: & est propheta
 qui habet mirabilem virtutem speculatiuam, & non
 indiget in intelligibilibus docente, sed quasi ipse
 addiscit ex seipso. Accedit Auuisenna Metaphysi-
 ces tractatu 10. cap. 1. Ex hominibus ille est nobi-
 lior, cuius anima fit intelligentia in effecta, & ac-
 quirat mores qui sunt honestatis practicæ: ex his au-
 tem ille excellentior est, qui est aptus ad ordinem pro-
 phetia: & hic est ille in cuius viribus animalibus
 sunt hæ tres proprietates; scilicet ut audiat verbum
 Dei: ut videat angelos transfiguratos coram se in
 forma, quæ possint videri. Jam autem ostendimus,
 qualiter fiat hoc: & ostendimus quod ante eum, cui
 fit hæ reuelatio, transformantur angeli: & fit in
 eius auribus vox, quam ipse audit, quæ est ex parte
 Dei & angelorum: & audit eam, quamuis non sit
 verbum hominum nec animalis terreni: & hic est

cui datur spiritus prophetie. Qui verborum contextus aliquam a nobis expositionis lucem desiderant propter semibarbari interpretis infantiam. *Ille homo est nobilior, cuius anima fit intelligentia in effectu,* hoc est, cuius anima rationalis, cum esset potentia intellectus, fit actu intellectus. Fuit enim opinio apud illos magistros, hominis perfectionem in eo esse sitam, ut agens intellectus, qui Alexandri sententia foris aduenit, estque intelligentia separata, omnium quæ intelligi possunt rationes in se complexa, in vnum cum nostro intellectu, qui est potentia, coalescat: adeo ut non amplius postea more agentis accedat ad illustranda phantasmata, ut in imperfectis, sed formæ instar animæ in eandem essentiam copulatus maneat: quod cum accidit, potentia illa prior intelligendi omnino aufertur, vnusque existit intellectus perfectus; hoc est, anima humana ex anima (quod erat tantum) fit lumen ipsum intelligibile, & in ordinem intelligentiarum transfertur. *Ex his autem ille excellentior est, qui est aptus ad ordinem prophetie* (hoc est, qui natura est idoneus qui propheta efficiatur. *Et hic est ille in cuius viribus animalibus sunt hæ tres proprietates.*) Tres hic proprietates memorat, neque tamen plus duabus in contextu exprimit: nempe, ut verbum Dei audiat propheta, & angelos sibi in forma adspectabili apparentes videat. Deest igitur aliquid in textu. opinor illud, quod alibi apud eum & Algazelem legimus, de vigore & præ-

præstantia animæ ad transmutandam materiam mundi; de qua hunc in modum Algazel apud Auenrois citato loco: *Tertia, inquit, est virtus animalis factiua, quæ peruenit ad terminum, quo disponuntur natura & obediunt ei.* Et paulo post: *Et non est inconueniens, ut perueniat virtus fortitudinis animæ ad terminum, quo inserviat ei natura necessario, & absque corpore.* Igitur Auifenna in sexto Naturalium parte & capite quarto, postquam de hac animæ humanæ in nonnullis præstantibus viris potestate ex Algazelis sententia dixit, subiungit: *Et hæc est etiam una de proprietatibus virtutum prophetarum.* Ante hoc autem iam diximus, proprietatem quæ pendet ex virtutibus eius imaginabilibus, quæ est proprietas prophetalis pendens ex virtutibus sensibilibus apprehendentibus. *Hæc autem est proprietas pendens ex virtute sensibili motiua desideratiua, quæ prouenit ex anima propheta dignioris prophetiæ.* Quibus verbis duas indolis propheticæ proprietates insinuat: vnâ quidem quæ a sensu interiore proficiscitur, quatenus formas sensibiles apprehendit; alteram qua idem sensus interior præest appetitui animali & motrici potentiæ: quam priore illa præstantiorem censet, utpote ex singulari & intensitata animæ propheticæ nobilitate pendentem; per quam primi ordinis prophetæ miracula pro arbitrio patrant, obediēte Deo voci hominis, ut est in libro Iudicum. Cum enim secta esset Mahometanus, non dubitauit quin miracula essent ne-

cessaria prophetis ad religionem constabiliendam in populis. Vim ergo illam, quā prophetæ nonnulla, ubi opus est, supra ordinem naturæ operantur, in natura etiam prophetæ fundamentum habere censuit; animæ scilicet propheticæ gradum nobiliorem, & vim eximiam imaginationis. Veruntamen in aphorismis de anima, naturali animæ præstantiæ meritum addit, & dignitatem apud primam causam ex morum sanctitate & precibus quas Deus exaudit. Verba adscribam: *Et super animam quidem virtuosam (semibarbari interpretis verba affero) sanctam, quandoque in hora deprecationis infunditur a prima causa virtus, per quam anima prædicta imprimit in elementis generabilium. Quare obediunt ei elementa subdita voluntati ipsius, quare illa obediunt deprecationi? quoniam elementa sunt subiecta operationibus animæ quæ agit in eis. Et consideratio illius verificatur in corporibus nostris. Nos enim quandoque imaginamur res, & ex hoc alterantur corpora nostra, secundum quod exigunt dispositiones animarum nostrarum & imaginationes sue. Et quandoque est possibile, quod homo per imaginationem animæ suæ imprimat in corpus aliud ab eo: sicut dicitur de opinionibus quæ sunt apud habitantes Indiam, si verum est id quod dicitur. Et quandoque principium primum est exaudiens illam animam quando deprecata fuerit. Hæc Auifenna.*

Tres igitur ex his Aboali locis prophetales proprietates habemus: ut propheta Dei vocem
siue

siue verbum audiat; vt angelos in forma visibili sibi apparentes videat; vt miranda coram multitudine, vbi res poscit, patrare valeat. De hac postrema proprietate, quæ in miraculis ostentandis spectatur, satis ex eius sententia dictum est: hanc enim vult partim in natura ipsa prophetæ esse sitam, hoc est, animæ præstantia & dignitate; partim in primæ causæ virtute. Idem dicendum est de visione angelorum: siue species, quibus inducti in hominum conspectum veniunt, extrinsecus angeli ipsius arte obiciuntur, siue intus formantur in animo videntis, certum est paucorum esse hominum talia videre, eorum scilicet quos ad magna genitos Deus hisce eximiis amoris sui symbolis dignatur: quemadmodum & quibus intus loquitur arcana voce, longe dissimili ei quæ animalium auribus insinuat. Hoc vocis genere admoneri solitum Socratem, si quando aut ipse aut amicorum quispiam agere aliud vellet, quod male cessurum esset, minimeque fieri oporteret, testatur Plato in Theage, siue de Sapientia. Psellus in dialogo *τῆς ἐνεργείας δαμόνων* susurrum quendam ab angelo editum interpretatur lumen diuinum, quod diuinis hominibus in ipso temporis articulo datur, ad videndum quid agendum sit, quid fugiendum, vel etiam ad quædam e futuris contingentibus prospicienda; quo lumine qui illustrantur, diuini viri & prophetæ sunt & dicuntur.

Atq; id lumen licet totum a Deo pendeat, magis tamen & congruentius tribui illustribus ingeniis consentaneum est. Si enim, vt Theologus Aquinas dicto loco notat, maxima in propheta requiritur mentis eleuatio: ad diuinorum contemplationem, constat autem quosdam ita esse mente a natura comparatos, vt multo melius aliis diuina contemplari valeant: quod peculiarem ad id studium indolem nacti sint; qualem fuisse indolem Platonis, Pythagoræ, Heracliti, Parmenidis, Anaxagoræ, Aristotelis, & aliorum sapientum, nemò non fateatur; quis tales viros magis ad prophetiam natura aptos fuisse neget? Ita etiam visum fuisse Aristoteli ex his quæ in libro de diuinatione per insomnia dicit, intelligi potest. Inter alia enim quibus fit incredibilis eiusmodi ex insomniis diuination, hoc affert, quod si Deus mitteret insomnia, non quibuslibet & indignis hominibus mitteret, sed optimis & sapientibus: τὸ τε γὰρ θεὸν εἶναι τὸν πέμποντα, πρὸς τῇ ἀλλῇ ἀλογίᾳ, καὶ τὸ μὴ τοῖς βελτίστοις καὶ φρονιμωτάτοις, ἀλλὰ τοῖς τυχεραῖς πέμπειν ἄτοπον. Si tardis & indoctis hominibus somnia præfaga diuinitus offerri absurdum censeret, sequitur eo iudice rationi congruens esse, peruenire hæc dona ad sapientes potius quam ad indoctos: quæ autem huius causa, nisi quia mentis ad diuina erectæ præstantiam ac sublimitatem quæ quibusdam contingit hominibus, artiumque magnarum peritiam, gradum esse &

appa-

apparatum optimum ad consequendum prophetiæ donum putauit ?

Quod autem aliter se habet doni huius præclari dispensatio in hominibus, & sæpius ipsum in idiotas quam in scientiis excultos cadere experientia docet: huius quoque rationem dispensationis in numinis prouidentia esse fixam existimandum est. Neque absurdum putare, ipso-
rum præclarorum virorum, qui ingenio & sapientia excellunt, causa id ita componi, ne tali munere superbiant, vel etiam ingenii & scientiæ prærogatiuam & censum putent, quod solius est diuinæ liberalitatis. Nam & animarum has esse differentias credi posset, vt quarumdam ea nobilitas esset, quæ hanc diuinationis facultatem sibi altiori naturæ gradu & quasi suggestu vindicaret, si propria huius administratio & prouincia esset magnorum virorum: nunc cum sæpius illiterati & idiotæ eo munere fungi observantur, nulla errori & superbiæ occasio relinquitur, nihil gloriæ Dei detrahi potest. Sic neque disciplinis celebres viros & eloquentes elegit Deus ad prædicandum Euangelium, sed rudes & indoctos piscatores: cum tamen alioqui negari non possit, quin ingenii vis & eloquentia suapte naturæ optima essent instrumenta ad insinuanda populis humanæ salutis mysteria. Sed noluit talibus vti præsidiis Deus, ne, vt Apostolus dicit, euacuaretur crux Christi. Non valet ergo argumentum: Multi rudes & idiotæ vaticinantur,

ergo nulla est in natura hominis opportunitas, neque commendatio, qua nonnulli conuenientius quam alii donum illud recipiant: vel, vt Aristoteles eo in libro de diuinatione per insomnia arguere videtur: ergo nulla omnino datur diuination. Verum sequitur, Deum haudquaquam in omnibus sequi quod naturæ ordini & rationi inde ductæ magis consentaneum est: quam cur in prophetiæ dispensatione seruare aliquando nolit, dictum est.

Ex his supra adducta Auisennæ, Algazelis & Alberti dicta explicamus. Non enim eam vim penetrandi acie mentis occulta futurorum contingentium animæ virorum magnorum vernaculam esse voluerunt, quantum ad effectum vsunque attinet, sed quantum ad propiorem potentiam & naturalem affectionem & apparatus. In quo nihil video quod sit scripturæ aut veræ rationi aduersum, immo id rerum ordo poscit. Solum id audacius mihi videtur & maius quam natura hominis capiat, quod de ratione qua prophetæ miracula patrant, philosophantur; alicuius hominis animam adeo esse potentem, vt non modo corpus proprium, sed etiam quæ sunt foris corpora pro arbitrio immutare valeat: nempe excitare ventos & procellas, pluuiam aut ignem cælo elicere, formas rerum mutare. Id profecto incredibile est, neque vlllo in philosophia fundamento nititur, quicquid dicat Algazel apud Auenrois in eo libro Destructionis, vbi hanc opi-

opinionem ceu philosophis probatam & celebratam proponit. Quod esse falsum Auenrois ibi ostendit, cum nullus alicuius nominis philosophus proferri possit, qui tale monstrum inuenerit, vno excepto Auiffenna, qui dictis locis sententiam eam tuetur & Algazeli suffragatur: primus namque malæ eius frugis sator occatorque fuit Algazel iste in Metaphysica. Cuius nomine & ob alia non recte posita cum male apud suos audiret, & impietatis suspectus esset, hanc inuidiam declinare volens, librum contra philosophos composuit, in quo eorum fundamenta præcipua & dogmata subuertere tentauit, vt Auenrois testatur in præfatione earum disputationum quas aduersus eum instituit.

Petrus autem Aponensis eius operis, quod Conciliatoris nomine inscripsit, differentia 135. de causis quæ hunc hominem, atque etiam Auiffennam, in eum errorem impulerunt, hunc in modum differit: *Quod autem ipsum mouit fortassis ita superstitiosè in philosophia narrare; cuius est causam omnium propriam assignare; est, quia acquieuit incantationibus & fascinationibus, quæ ponuntur ab eorum defensoribus prouenire ex virtutibus animæ præactæ, quas suscipit a cælestibus, prout eorum motuum & lucis facta est imago &c. vel etiam sermonibus gestorum prophetalibus Hebræorum talia scribentium.* Quasi vero magi & præstigiatores ea ludibria, quibus se vulgo admirabiles præbent, innata sibi animæ potestate

perficiant, aut quicquam in libris Hebræorum extet, quo opinio tam superstitiosa confirmari possit.

Non minus superstitiosa videri debet Proclæ expositio: quasdam animas esse Apollinæ, ad vaticinandum ipso ordine, quo sunt Apollinæ subiectæ & aptæ, propensas, eumque ordinem studiis atque omni vitæ ratione seruantes; ut videre est in quinto Commentariorum in Timæum Platonis, vbi qui *Deorum filii* a Platone dicantur explicat: αἱ γὰρ inquit δόπολωνιακαὶ ψυχὰι μανικὸν ἢ τελετικὸν ἐλόμεναι βίαν παῖδες καὶ ἐγόνοι καλεῖται τῶν Ἀπόλλωνος. Etenim *animæ Apollinæ, quæ propheticum & sacris additum viuendi genus elegerunt, Apollinis filii & eius e prosapia profectæ dicuntur.* Vbi duobus eas insigniuit nominibus: nam & παῖδας, hoc est, filios vocat; tum etiam ἐγόνους, nepotes & posteros. Quæ sic distinguit: *filios* dici, quatenus Deo illi agnatæ, & catenæ siue ordinis ab eo ducti proprietatem conseruant: *nepotes*, quatenus in hac vita mortali Dei illius similitudinem moribus & studiis præferunt. Cuius agnationis cum Apolline & proprietatis in exemplum mox affert Sibyllam: ὥσπερ ἡ Σίβυλλα παρ' αὐτὴν δόπολῳσις χρησµωδῆσαι. quemadmodum Sibylla, quæ in ipso ortu & natiuitate vaticinata est. Vbi simul obserua interim, quemadmodum Sibyllam non modo ut vnâ quandam feminam vatem proponit, sed etiam ut singula-

gulare specimen & exemplum diuinationis. Ex quo etiam intelligi potest, nullum illi eorum adiumentorum defuisse quibus instructi homines sunt apti ad vaticinandum; quorum præcipuum esse censemus mentis ad diuina erectæ generositatem & magnitudinem: quam Maro etiam in Sibylla notat

magnam cui mentem animumque

Delius inspirat vates, aperitque futura.

vbi magnam mentem intellige non tantum de afflatu, sed etiam de facultate, quam ex animæ proprietate & Apollinea cognatione in hunc mundum attulit. Sed de hac prima & principali vatum proprietate satis dictum arbitror: ad alias transire conuenit.

CAPVT XI.

De temperamento Sibyllæ & aliorum vatum.

CUM de ingenio & mentis præstantia alicuius loquimur, necesse est, si philosophari volumus, in eandem adduci contemplationem, indolem & temperamentum corporis, cuius fulturis, vt ait Plinius in epistolis, animus sustinetur. Ita enim vnum horum cum altero aptum est, vt mira horum sympathia existat, qua fit vt neque anima nisi in corpore probe constituto plenum suarum facultatum vsum habere possit, neque cor-

corpus nisi recto animæ moderamine bene valere aut conseruari vlllo modo queat. In iis autem quæ in corpore posita plurimum ad mentis præstantiam, velut & ad aliarum facultatum lætum vigorem, momenti afferre possunt, præcipuam sibi partem temperamentum vindicat: cuius cum variæ sint differentiæ, partim notæ medicis, qui has maiore diligentia persequuntur, partim occultæ & ineffabiles, vt quæ singulis hominibus ex pcculiari eorum quibus corpus constat conditione & materiæ proprietate innotescant; cæteris prætermiſſis, de hac tantum agam, quæ mentis functionibus, & propheticæ excellentiæ maxime accommodata censetur.

Quem autem temperamenti modum vatibus assignet Aristoteles, notum est ex 30 sectione Quæſtionum naturalium: nempe eiusmodi, quo qui præditi sunt, melancholicos, ex humoris atrii in corpore prouentu supra alios humores abundantis, appellare solemus. Non enim, vt Valesius lib. 1. Controuers. cap. 7. notat, temperamentum proprie melancholicum, aut sanguineum, aut pituitosum, aut biliosum dixeris: cum nomina hæc sint succorum in corpore ex temperamentorum differentiis prouenientium; sed homo recte aut melancholicus, aut pituitosus, aut qua alia humoris dominantis differentia dicitur, cui tale temperamentum a natura contingit, ex quo horum humorum maior in corpore prouentus sequatur.

Ita

Ira igitur Aristotelem de Sibyllæ & aliorum vatum temperamento iudicare, vt sit maxime aptum generandæ bili atræ, & tali copia, vt melancholici inde dicantur, loco dicto apparet. Postquam enim de humoris illius natura differuit: quem vino comparat in hoc, quod vt vinum potantibus, sic niger ille humor, quibus ex nativi temperamenti conditione copiosior prouenit, varios ingenerat mores, prout incalescit aut refrigeratur: eiusdem etiam inflammatione homines fieri ingeniosos & acutos supra modum & perspicaces, deinceps ostendit, διὰ τὸ ἐγγύς εἶναι ἔνοερὸν τόπος τὴν θερμότητα ταύτην, quibus scilicet calor ille bilis atræ, prope sedem mentis consistit. Tales, inquit, νοσήμασιν ἀλίσκονται μανικοῖς, ἢ ἐνθουσιαστικοῖς· ὅθεν Σίβυλλα καὶ Βάκιδες, καὶ οἱ ἐνθεοὶ γίνονται πάντες, ὅταν μὴ νοσήματι γίνωνται, ἀλλὰ Φυτικῇ κρᾶσι. *Hi morbis capiuntur furorem creantibus aut afflatum diuinum: unde Sibyllæ & Bacides aliique numine afflati omnes efficiuntur, cum id non morbo sed naturali intemperie accidit.*

Nec vero ex hoc tantum Aristotelis loco intelligitur, magis affines esse & aptos spiritui illi, qui prophetas facit, concipiendo eos qui nativi temperamenti lege plurimum in corpore atræ bilis congerunt; sed etiam aliunde, & quod maximi esse debet momenti ad fidem faciendam, ex sacris libris: in quibus duos Hebrææ genti maximos omnium prophetas extitisse legimus, Mo-

scm

sem & Eliam : qui ambo sic in iisdem literis depinguntur, vt temperamento & habitu corporis melancholicos fuisse appareat. De Mose colligo ex solitudinis amore, quo verisimile est impulsus fuisse, vt soceri sui Jethro oues pascere in campis vir tantus non dedignaretur: cum quibus cum se aliquando in deserti interiora penetrasset, ostentum illud vidit rubi ardentis, neque quicquam detrimenti in sua substantia accipientis. Inter mores autem melancholicorum est vitæ solitariae amor & ἀπαιδεωπία, teste Hippocrate in epistolis, & Aristotele dicto problemate: amant autem loca sola, quia cogitabundi sunt. Ex quo etiam efficitur, vt minus apti sint ad eloquentiam; quo nomine se Moses excusat apud Deum, cum ipsum mittere vellet ad Pharaonem Ægyptiorum tyrannum: *Obsecro Domine, inquit, non sum eloquens ab heri & nudius tertius. Et ex quo locutus es ad seruum tuum, impeditioris & tardioris linguae sum.* Erat enim natura ἰχνόφωνος & βραδύγλωσσος. Philo de vita Moïsis: πιστεύων δ' ὁμῶς παρητέτο τὴν χειροτονίαν, ἰχνόφωνον, καὶ βραδύγλωσσον, καὶ ἔνυγλωττον αὐτὸν εἶναι φάσκων καὶ μάλιστα ἀφ' ἧ λέγοντος ἡκούσε Θεοῦ. *credens vero nihilominus deprecabatur hanc functionem, causatus linguae hesitantiam & tarditatem, negansque sibi adesse facundiam, praesertim postquam Deum loquentem audierat.* Cuius additionis hanc mox affert rationem: quod humanam eloquentiam cum ve-

ritate collatam, meram infantiam & vocis priuationem duceret.

Erat igitur Moses, vt dixi, minus expedito sermone ob linguæ hæitationem: quod vitium melancholicis familiare esse notat Philosophus. Dicitur autem ἰχνοφωνία cum loquens alteram alteri syllabam cito iungere non potest, auctore eodem in problemate 30. sectionis II. Causam cur obnoxii huic vitio sint melancholici, aperit his verbis: ὅτι τὸ τῇ φαντασίᾳ ἀκολουθεῖν ταχέως τὸ μελαγχολικὸν εἶναι ὅστιν. οἱ δὲ ἰχνοφωνοὶ τοῖς ἴσθι προπερὲ γὰρ ἡ ὁρμὴ τὰ λέγειν τῆς δυνάμεως αὐτοῖς, ὡς πατρὸς ἀκολουθήσεως τῆς ψυχῆς τῷ φανέντι id est, *Quia propere sequi imaginationem idem est quod esse melancholicum. Sunt autem tales procul dubio qui lingua hæsitant: quippe impetus dicendi præterit facultatem, dum visus anima obsequitur.* Id autem accidit melancholicis magis quam aliis; quia ex proprietate atri humoris minus eorum anima est propensa & dissipata in sensus exteriores, & præterea imaginatione valent. Quo fit vt vigilantes cogitabundi sint, in somnis vero egregii somniatores, & multa per insomnia rerum futurarum præsentiant, Aristotele teste in lib. de diuinatione per somnum.

Nec immerito aliquis habitus melancholici in eodem Propheta argumentum putet, quod quadraginta dies absque cibo permansit incolumis in monte Sinai. Tametsi enim diuina virtute susten-

sustentatum fuisse facile credo; non tamen omnino negandum, quin aliquid fuerit in corpore eius, quo ad tam longi ieiunii patientiam naturaliter iuuaretur. Non desunt autem ex naturæ indagatoribus, qui hæc etiam nigri humoris proprietatem putent, ut homines diu sine cibo cōseruet: propterea quod corporis materiā vi propria densat; quo modo etiam non parum ad vitam diu protrahendam conferre creditur, quod humorem quo sustentatur vitā cito dissipari non sinat.

Et de Mose hæctenus. Veniamus ad Eliam. Hunc etiam insigniter melancholicum cum mores eius & *ὀρεσβασία* indicant, qui in locis ab humano commercio remotis, ignotis scilicet montibus & iuxta torrentes, libenter habitabat; tum ex corporis eius habitu colligi potest; quem auctor librorum qui Melachim, hoc est, *regnorum* inscripti sunt, in 4. cap. 1 sic depingit: *vir pilosus, & zona pellicea accinctus renes*. Maximā autem pars melancholicorum tali est corporis habitu, quibus scilicet largā subest fuliginosi excrementi copia ex sanguinis aut bilis adustione. Galeno enim teste in 2 de Temperamentis, proprie is melancholicus est, qui a natura calidius & siccus temperamentum nactus, postea ætatis progressu, mutato calido in frigidum, frigidus & siccus euasit. Quale temperamentum pilis multis gignendis esse opportunum sciunt periti rerum naturalium

Con-

Consequens esset, ut quando non una est humoris atri in corpore humano ratio, explicaretur quid μελαίνης χολῆς *bilis atræ* nomine in eo problemate intelligi velit Aristoteles: quæ item facultas sanguini spisso & ex adustione nigro insit ad mentis præstantiam; sed hæc cum paucis verbis explanari non possint, rectius in aliud tempus differentur: nam proprie ad tractationem de ingenio humano pertinent, quam in scrip- tiis habemus, edituri si Deus otium & vitam nobis producet. Modo nobis, quod est ostensum, sufficiat, homines tali temperamento & humore idoneos reddi ad altiores mentis functiones obeundas, e quibus una est vel diuinissima futuro- rum euentuum cognitio. Sed & habemus ex verbis Philosophi allatis ex problemate illo sect. 30. natura melancholicam fuisse Sibyllam, & Ba- cidem, & alios priscos vates, quod is humor, qui in melancholicis temperamentis præualet, spissus & terrestris existat, ideoque maiorem in mo- dum incallescere aut frigescere possit. Cum enim accenditur, magna vis halituum ex ipso velut e foco tolluntur in cerebrum, qui spiritus anima- les calore & siccitate illustrent; ex quo splen- dor ille existit siccus, tantò opere Heraclito com- mendatus ad sapientiam parandam.

CAPVT XII.

Non videri, Sibyllam felicioris ingenii ac mentis altioris prerogatiua; sed contrario potius habitu ad id munus vaticinandi adfectam.

SEd fortasse aliquis opponat, non hac ratione Sopportunam fuisse vaticinio Sibyllam, sed contraria potius, nempe ingenii simplicitate & stupore, quo interdum contingit fatuos diuinare. Ita enim Apuleius diuinationi aptiores censet pueros in Apologia prima, propter eorum simplicitatem & imperitiam; qua fit vt minus eorum animus rerum exteriorum sensu abstrahatur à contemplatione rerum futurarum. *Quin & illud (inquit) mecum reputo, posse animum humanum, & puerilem præsertim simplicemque, seu carminum auocamento, siue odorum delinimento soporari, & ad obliuionem præsentium externari: & paulisper remota corporis memoria redigi ac redire ad naturam suam, quæ est immortalis scilicet & diuina, atque ita quodam sopore futurum rerum præagere.* Videtur autem hæc opinio profecta ab Ægyptiis, qui, vt Plutarchus auctor est in lib. de Iside & Osiride, pueros omnes diuinos esse arbitrantur, posse reuelare occulta, atque etiam quæ post futura sunt. Quin omnes eorum actiones
ac

ac verba, ut signa ac præsagia futurorum obseruabant. Idem testatur Porphyrius in epistola ad Anebonem Ægyptium sacerdotem: ὅτι πάθος ψυχῆς αἴτιον τῆς μαντείας, τεκμήριον, τὸ μὲν δὴ κατὰ λαμβάνεσθαι τὰς αἰσθήσεις, καὶ οἱ παρενεχθέντες αἵτιοι αἱ τε ὀπικλήσεις καὶ εἶναι μὴ πάντας, ἀλλὰ τὸς ἀπλᾶστερος καὶ νέος ὀπικησιότερος πρὸς αὐτὴν. id est: Quod anime affectio sit causa diuinationis, multa argumento esse possunt: primum quidem sensuum occupatio & interceptio; deinde qui prius efferuntur vapores (e suffitu certorum odoramentorum) atque etiam inuocationes; tum quia non omnes huic opportuni sunt, sed qui simpliciore sunt ingenio & etate rudes. Tamen si de pueris mox dubitare videtur idem Apuleius sequentibus verbis: Verum enimvero ut ista se habent, si qua fides hisce rebus impertienda est, debet ille nescio qui puer prouidus (quantum ego audio) & corpore decorus atque integer deligi, & animo solers, & ore facundus: ut in eo diuina potestas quasi bonis & debus diuersetur, si digne tamen ea pueri corpore includitur. Verum quod ingenii solertia non requiratur in homine ad vaticinandum, confirmat Plutarchus Pythiæ exemplo in libro cui titulus est περὶ τοῦ μὴ χρᾶν ἑμμελεῖν νῦν τὴν Πυθίαν, id est, de hoc quod Pythia nunc oracula versibus non reddat. Quo loco de eius puellæ conditione & ingenio quæ ad id munus eligeretur, tradit. Non enim in ampla domo ortam, & disciplinis educatam, & animo elatam,

sed in pauperum agricolarum tuguriis educatam mulierculam sine arte, sine experientia, denique omnino rudem & intactam animo ut corpore, produci ad oraculum solitam dicit: qualem vult sponsam Xenophon in mariti domum deduci, quæ minimum rerum visu & auditu usurpauerit. Ita enim loquitur: *τραφεῖσα δὲ ἐν οἰκίᾳ γεωργῶν πενήτων, ἔτε δ' ἀπὸ τέχνης ἔδεν, ἔτ' ἀπ' ἄλλης ἡν οὐ ἐμπειρίας καὶ δυνάμεως ὀπι-
Φερωμένη κάτεισιν εἰς τὸ χρησέριον, ἀλλ' ὥσπερ ὁ Ξενοφῶν ὁμολογᾷ δέιν ἐλάχιστα τὴν νύμφην ἰδῆσθαι, ἐλάχιστα δὲ ἀκρόασθαι εἰς ἀνδρὸς βαδίζειν, ἔτως ἀπειροῦ καὶ ἀδαῆς ὀλίγα δέιν, ἀπάντων καὶ παρ-
θέντων ὡς ἀληθῶς τὴν ψυχὴν τῷ Θεῷ σύνεστιν.*

Sed & Aristoteles in libro de Divinatione per somnum, genus illud vaticinii τοῖς τυχεῖσι καὶ ὁ τοῖς φρονηματικαῖς, hoc est, quibuslibet potius quam prudentissimis contingere, testatur; cuius discriminis mox causam his verbis subdit: ἡ γὰρ διάνοια τῶν θιγέτων (τῶν τυχόντων) ὁ φρονηματικὴ, ἀλλ' ὥσπερ ἔρημος καὶ κενὴ πάντων, καὶ κινήσεισα καὶ τὸ κινῆν ἀγέλα. id est, *Horum namque cogitatio minus curis interpellatur, sed tanquam deserta & vacua omnibus, si quid extrinsecus moueat, promptius sequitur.* Neque porro alia causa fieri censet, ut mente externati & furentes vaticinentur, sequentibus verbis: τὰ δ' ἐνίς τῶν ἐκστατικῶν παρορᾶν, αἰλιον, ὅτι αἱ οἰκείαι κινήσεις ἐκ ἐνοχλήσιν, ἀλλ' ἀπορράπιζοντα τῶν ξενικῶν ἐν μάλιστα αἰσθάνονται. *Quia scilicet mi-*
nis

nus propriae motiones & curæ turbant, sed longe proiiciuntur. Quo fit ut magis quodcumque motus extrinsecus accidit sentiant. Atque hæc disertæ quidem eo loco Aristotelis sententia est, magis aptos esse ad prævidendum futura resides animos & curis vacuos, quam agiles & propriis curis inquietos. Cui tamen (ut obiter dicam) parum quadrat, quæ mox sequuntur: καὶ τὰς γνωρίμους περὶ τῶν γνωρίμων μάλιστα προγορεῖν συμβαίνει, διὰ τὸ μάλιστα τὰς γνωρίμους ὑπερ᾽ ἀλλήλων φροντίζειν. *Et familiares de familiaribus maxime prævidere accidit, quia maxime inuicem de his quæ ad alterutrum pertinent solliciti sunt.* Nam priori sententiæ consequens esset, quorum res unicuique magis curæ sunt, & cogitationi sapius obuersantur, minus posse eos futura de iisdem præsentire animo & præcipere: si quidem cura & cogitatio quorundam animæ obstat, quo minus de aliis nondum existentibus prævideat quam in partem cadant. Neque enim quia hæc & illa ad eosdem familiares pertinet, minus propterea obstat præsentium cognitio, eorum quæ futura sunt prævisioni; si quidem hæc non minus ignota & aliena esse liquet, utpote quorum nullum prorsus in nobis principium aut signum habeatur.

Sed hac difficultate in aliud tempus reiecta, hoc quod manifestum est in sententia Aristotelis contemplemur. Nempe homines simplici corde, neque humanis rebus intentos, item furen-

tes, quam mentis compotes aut propriis curis occupatos, aptiores esse ad diuinandum; quod in his interni motus externis non obstant. Hanc enim esse Aristotelis sententiam palam est. Quid igitur hinc sequatur considerare operæ pretium est, si genuinam Aristotelis sententiam de vera diuinationis siue prophetiæ causâ assequi volumus. Cum enim fateatur, *ἔξωκός*, hoc est, externos esse motus eos qui animam diuinantium impellunt & futuri compotem faciunt: quærendum est profecto, quinam sint ii motus peregrini, & quæ horum causâ. Quid igitur rationi magis consentaneum magisque promptum dictu, quam Deum aut Dæmones horum motuum animæ externorum esse causam? profecto nihil. Verumtamen si physica tractans Aristoteles talem affectionis naturalis (quod genus somnia sunt) causam afferret, parum propositi memor videretur: nihil enim physicus in causis reddendis afferre debet, quod naturalis contemplationis metas excedat; quod faceret, si naturalis affectionis causam propriam Deum aut dæmonum quempiam faceret. Deum quidem totius naturæ ambitum transcendere palam est, tametsi via naturali cognosci potest. Dæmones autem an sint nec ne, nulla naturali inuestigatione inueniri potest: cum nulla ex iis, quæ in natura apparent, ratio nobis suppetat, qua tales in vniuerso naturas existere credamus. Hæc considerans Philosophus, satius putauit quiduis modo

do naturale hic afferre, quam ad Deum naturæ
 vniuersa superiorem, aut naturæ ignotos Dæmo-
 nes confugere: tametsi istud quod proponit
 pro causa diuinationis quæ in somnis contingit,
 minus perspectum & exploratum esse intellige-
 ret. Censet igitur, eorum quæ aliquis non ni-
 mium distans proponit facere, notitiam posse
 imprimi animo alterius per somnum: dum il-
 le cogitans aliquid negotii agere, tali cogita-
 tione quosdam in corpore suo motus excitat, qui
 statim vicino aeri impressi, & deinde remotio-
 ri, vsque ad somniantem propagantur: quibus
 anima eius impulsa species proposito negotio
 congruentes & eius indices effingat: hos vero
 motus noctu magis quam interdiu, a dormien-
 tibus quam vigilantibus percipi. Atque id pro-
 babilius iudicat, certe naturalis philosophi insti-
 tuto magis accommodatum, quam εἰδωλα, ima-
 gines siue spectra; quæ Democritus eorum quæ
 in somnis apparent causas statuebat. Hanc au-
 tem rationem somniorum diuinorum accura-
 tius tractatam fuisse ab Alexandro Aphrodisæo
 ἐν τῷ περὶ δαιμόνων testatur Simplicius in com-
 mentario: in quo libro de Dæmonibus non du-
 bium est quin magnus ille Peripateticus eorum,
 qui Dæmones esse dicunt, sententiam impugna-
 ret, iis autem quæ ad probandum Dæmonum
 existentiam vulgo afferri solent, responderet. Ve-
 rum is liber non mediocri philosophiæ iactura
 aut prorsus intercidit, aut alicubi abstrusus cum
 situ & blattis luctatur.

Cæterum quod hæc ratio non sufficiat, hinc quiuis intelligat, quod non possit extendi ad omne genus somniorum diuinorum: quoniam eiusmodi sunt in eo genere præsensiones, quæ iis motibus, quos ibi causatur Aristoteles, adscribi nullo modo possint: vt si quis Lutetiæ cum sit, de iis quæ Constantinopoli aut Bactris euentura sunt, certas in somno videat imagines. Quale genus somniorum interdum existere, ipsemet fatetur Aristoteles, neque humanæ esse coniecturæ, talis diuinationis causam assequi. Non igitur negat harum rerum quasdam præuideri posse in somnis, sed causam cur præuideantur, non posse a nobis inueniri, cum humanæ mentis captum superet. Quod tamen huius aliqua sit causa, non negat: nihil enim fit sine causa: aut igitur Deus, aut aliqua alia causa earum quæ sunt in natura. Cæterum harum nullam *ἔυλογον*, rationi consentaneam & probabilem afferri posse fatetur: ergo Deus eius causa existat diuinationis ipsiusmet Aristotelis confessione oportet. Hanc confessionem habemus expressam hisce verbis: ἀφαιρέσεως δὲ τῆς ἀπὸ τοῦ θεοῦ αἰτίας, ἔδεμια τῶν ἄλλων ἔυλογον εἶναι φαίνεται αἰτία. i. c. *sublata vero quæ penes Deum est causa, nulla aliarum conueniens esse videtur.*

Cur ergo postea dicit, causam qua aliquis præuidet quæ ad columnas Herculeas & Boristhenem fiunt, inuenire maius putandum quam capiat humanæ coniectura mentis? *ὑπὲρ τὴν ἡμετέραν*

τέραν εἶναι δόξαιεν ἂν σύνεσιν, εὐρεῖν τῶν τῶν
 δέχην. *supra nostram prudentiam esse videatur, bo-
 rum inuenire principium.* Respondeo, duplex ef-
 se principium siue causam: vnum quod cadit sub
 ordinem naturæ, & est determinatum; alterum
 quod est supra omnem naturæ ordinem. Est au-
 tem Deus istud principium, quatenus agit præter
 naturæ ordinem, vt cum idiotæ animo impri-
 mit notitiam rerum futurarum, & alia mutanda
 efficit: quæ Græci ἀτοπα vocant, non quia fal-
 sa aut absurda, sed quia horum satis idonea & cui-
 dens ratio reddi non potest. Quo pacto Plutar-
 chus in Dione eorum opinionem, qui spectra dæ-
 monum nonnullis apparere interdum censent, ἀ-
 τῶπα λόγον appellat: non, quod non credat esse
 dæmones, sed quia ad probandam eorum existen-
 tiam nulla satis idonea in natura ratio suppetit.
 Proinde & omnia hæc licet negari omnino non
 possunt, captum tamen humanæ mentis excede-
 re dicuntur, quia qua lege naturæ, quo ordine
 contingant, nulla ratione ostendi potest. Idem
 de fortuitis dicendum, quæ nec ipsa quamobrem
 fiant ulla ratione constitui potest, cum tamen
 nemo multa eiusmodi accidere neget. Est enim
 fortuna causa omnino, verum vt idem Aristoteles
 affert in 2 Physic. ἀδηλὸν ἀνθρώπινῃ διαταξί,
 ὥς θεῖον τι εἶσθαι καὶ δαιμονιώτερον. Quod licet
 ex quorundam opinione affert, non tamen im-
 probat: non enim refellit, vt alia quæ in homi-
 num opinionibus falsa & absurda iudicat.

Sic neque a nonnullis quæ in locis remotissimis geruntur, prævideri in somno aliquando plane inficiatur, sed rationibus a natura depromptis explari posse. Ita quod dictum est, si talia somnia a Deo mittantur, sequi, ut potius sapientibus, quam idiotis & insipientibus mitti oporteat, contra quam fieri observatum est, obiectio est quidem & difficultas, sed quæ animos potius suspendat, quam fidem rei compertæ detrahat: quam tamen ibi ut alienam a naturali contemplatione non soluit; nisi huius solutionem esse putamus, quod homines rudes magis pateant iis qui foris accidunt motibus, quam eruditos & sapientes, qui propriis cogitationibus occupantur, atque ita implentur, ut externis diuinisque impulsibus locum non relinquant, quemadmodum supra visum est. Nos autem supra aliam etiam rationem e diuinis scripturis accersimus, quod Deus quæ supra naturæ ordinem & mentis captum hominibus confert, nolit naturalibus causis & ingenio cuiusque assignari. Hinc enim est illud Christi in Euangelio: *Confiteor tibi Pater, quia abscondisti hæc a prudentibus & reuelasti paruulis.* Idem dicendum de afflatu diuino, quo indocti etiam & alioqui animo non valde perspicaces magis quam docti & sapientes mouentur.

Hæc autem paulo latius differere visum est, ut eorum errori occurram, qui locis quibusdam Aristotelis decepti putant non aliam hunc diuinationo-

nationis Sibyllæ & aliarum vatum causam agnouisse, præter animi inflammationem a bilis atræ motu provenientem. Quod enim altiore & diuinior in his causam prospexerit, cum ex his quæ modo exposui intelligi potest, tum maxime ea loca eiusdem indicant quæ in mea dissertatione de furore poetico proposui eruditis perpendenda, & ipse expendi & explanaui; quibus locis ostendi, Aristotelem de causis diuinationis non dissentire a Platone, vt vulgo creditur.

Quæ cum ita sint, nihil est quod nos cogat credere, aut Pythiam altioris ingenii prærogatiua meruisse cortinæ Apollinis admoueri & ascendere tripodem, aut Sibyllam naturæ præstantia electam quæ mundum oraculis impleret: tametsi præstantiore hanc naturam fuisse negari plane non potest, & magnitudinem ingenii esse gradum quo ad diuina ascenditur supra ostendimus. Sed tamen vt quod sentio eloquar, probabilius mihi videtur, superbum Dæmonem, quod alias solet, hic quoque Dei opera voluisse imitari, immo cum illo, vt est eius ambitio & furor, contendere, vt quantum facultatis haberet ad deprehendenda futurorum contingentium arcana, in rudi & fœcundi potissimum muliercula ostendere vellet. Quem zelum æmulandæ maiestatis diuinæ cum olim in Ægypto, vt in Exodo legitur, memorabili exemplo ostendisset, tunc cum maleficos & ariolos coram Pharaone rege Mosi opposuit, qui eadem quæ ille prodigia ederent; tum
etiam

etiam in cultorum suorum sacrificiis aliquando non minus aperte declarauit. Cum enim Deus apud Hebræos interdum calitus demisso igne aris impositas victimas consumeret, vt variis scripturæ locis legimus: idem a superbo dæmone factum Plutarchus in Pauli Æmilii vita testatur: *ἔτι δὲ καὶ τὸ πρὸς τὴν θυσίαν σύμπλωμα δαιμόνιον ἦν ἐν Ἀμφιπόλει θύοντι τῷ Ἀμιλίῳ, καὶ τῶν ἱερῶν ἐνηργυμένων κεραυνὸς ἐνσκήψας εἰς τὸν βωμὸν, ἐπέφλεξε καὶ συγκατήγαγε τὴν ἱερουργίαν.* id est: *Præterea mirandum prorsus & numini adscribendum circa immolationem prodigium accidit in urbe Amphipoli, Æmilio rem diuinam faciente: nam fulmen in aram incidens sacrificium incendit & consecrauit.*

Hæc de Dæmonis nequitia, quæ Dei affectat similitudinem & opera eius imitatur, quo pertineant, quoue consilio a me afferantur, magis patebit cum de Sibyllæ raptu & translatione in varia terrarum loca dicemus. Sint igitur hæc ita posita, vt fundamentum eorum quæ tunc dicentur. Nunc reliqua, quibus magis apti homines ad diuinandum creduntur, exequar.

CAPVT XIII.

*Num & calum nascentibus aliquid
inspiret, quo fiant apti ad
diuinandum.*

HActenus de ingenii magnitudine & temperamen-

menti conditione, tum vulgata bilis atræ ad mentem incitandam opportunitate pro instituto dictum est: decet autem omnia in natura circumspicientes quæ ad diuinationem facere creduntur, in cælum etiam oculos tollere, ac siderum positus contemplari, num & ex his aliqua descendant ad hanc de qua agimus functionem opportuna. Quod si verum est, non alienum fuerit & hanc quoque naturæ opportunitatem ad alias supra memoratas in ortu Sibyllæ adiunctam putare. Tametsi igitur nullam censemus ingenii humani facultatem, ad eam quæ facit vates, virtutem pertingere posse: cum tamen probatum sit, Deum ut naturæ auctorem, & suauiter omnia disponentem in vniuerso, vim suam libenter accommodare hominum naturis atque aliarum rerum quibus utitur; absurdum videri non debet, eundem & siderum viribus & dispositione, cuius & ipse auctor est, uti aliquando, immo sapius, ad conciliandas sibi hominum mentes, & vaticinio illustrandas; si quidem huiusmodi vim cælo inesse aliqua probabili ratione ostendatur.

Ac de cæli potestate in hunc mundum inferiorem omnibus notum esse arbitror, ut sit ineptus qui verbis probare studeat quod rerum perspicuis documentis experientia vel tardissimis ingerit. An autem ex his quæ cælo in hæc caduca delabuntur aliquid in hominum animos redundat? quidni? cum & mores huic configu-
rari,

rari, tum miras naturis hominum singularium innasce proprietates non infimi subsellii philosophi fateantur. De moribus quidem Scaliger in exercitatione 274 hunc in modum: *Odium, inuidia, auaritia, contemptus, fastidium, maledicentia, fraudulentia, furacitas, proditio in omni temperatūra cum inueniatur, non potes accipere pro causa temperaturam.* Nam cuius caloris aut humiditatis mancipium erit falsarius aut incestus? Et mox: *Hæc atque talia potentia siderum attribuamus, quæ non cogit quidem voluntates nostras, at temperaturas pingit eiusmodi proprietatibus, quarum cause nullis indagationibus ab humano ingenio possunt erui.* Sic autem ibi idem de animorum propensionibus: *Vestiga quibus vales viribus, (vales autem plurimum) non alia ratione horum inuenias affectuum causas, quam quo temperamento sit chymista, prestigiator, rabula, faber.* Sunt enim non solum ad vitia virtutesque, sed etiam ad artes ipsas habitus atque propensiones. *Emendius Alpibus descendet in oceanum futurus nauta. Venetus meditabitur equitationem.* Si hæc ab astris, cur non & diuinitio? Non quidem vt hanc principalem huius causam statuamus cum Cardano, sed vt præparationem cum Pomponatio. Hic in libro quem de incantationibus conscripsit, cap. 12. duas in Sibylla fuisse agnoscit præparationes: vnā ab astris in ortu illi impressam: alteram temporariam quæ priori illi certis temporum articulis accedat, motum scilicet atræ bilis, de quo

Iu.

supra; causam autem præcipuam Deum & intelligentias cælestium orbium motrices in corpore feminæ illius sic probe apparato agentes, dæmonibus reiectis, quos a dogmate Aristotelis alienos censuit. Ita aliorum argumentis respondens disputat: *Ad tertiam autem difficultatem, in qua quæritur de illa dispositione per quam vates, Sibyllæ, & dæmoniæ tam admirabiles faciunt operationes, dicitur primo, tales homines ut in pluribus ex sua genitura esse taliter dispositos: quare eam contraxere ex principiis generationis, verum satis remote & in potentia: quare cum actu vaticinantur, præter illam remotam habent aliam propinquam dispositionem, ut manifestum est ex Sibylla a Virgilio memorata in sexto Æneidos: nisi enim Deo impleretur & fureret, responsa non dabit. Hoc autem erat ex illa dispositione propinqua, per quam habilitantur ad suscipiendos divinos afflatus, cum actus actiuorum sint in patiente dispositio. Et inde provenit, ut non semper tales vates vaticinentur, cum non semper sint dispositi; & aliquando magis, aliquando minus, secundum meliorem passivam dispositionem, vel corporum cælestium. Diversitas namque situum, utpote coniunctionum vel appositionum, in eiusmodi effectibus multum diversificat effectus.*

Hæc magnus ille Peripateticus de causis divinationis, satis ut apparet congruentia principiis Aristotelis; sed quæ tamen ad legitimæ demonstrationis dignitatem non adspirant, quia mini-

me ad omne vaticinii genus quod numinis afflatu constat, accommodari possunt. Pater enim accuratius contemplanti non habere hæc locum nisi in iis qui natura sunt propensi ad vaticinandum; quo in numero Sibyllam fuisse scimus: at non ad Pythiam hæc quisquam pertinere concedat, qui sacerdotis illius a Sibylla discrimen nouerit: neque porro ad alium quemcunque semel in vita aut admodum raro vaticinatum conslet: ut de multis proditum est. Nam & quosdam per grauium agritudinum accessiones in furorem conuersos, quæ nemo nisi vates scire posset, adstantibus renuntiasse proditum est: ut de quodam phrenetico Augustinus testatur lib. 12. de Genesi ad literam cap. 17. qui presbyterum ad se vocatum e duodecim millium interuallo præsentiebat, loca quæ transiret singula referebat, quantum appropinquaret, & quum villam ingrederetur, quum domum, quum cubiculum, donec in conspectu eius adstaret. Idemque alteri eodem morbo laboranti accidisse refert, ut quod futurum esset certo prædiceret. *Novimus etiam, inquit, sine dubitatione, phreneticum futuram mortem cuiusdam femine prædixisse; non sane specie diuinandi, sed tanquam factum ac præteritum recolentem. Nam cum eius apud eum commemoratio fieret; mortua est, inquit, ego eam vidi efferri; hac cum eius corpore transferunt, cum illa incolumis viueret. Post paucos autem dies repente defuncta & per eum locum elata est, qua ille prædixerat.*

His

His tertium addit exemplum pueri agrotantis non minus mirabile, cui per ecstasim hominum species oblata remedia aduersus morbi intolerabiles cruciatus indicarunt, quibus vsus perfecte conualuit. Atque his diuinationem eiusmodi, tanquam morbi symptoma fuisset, cum morbo euanuisse ex eodem Augustino discimus. Ex quo sane intelligitur, hos natura vates non fuisse: si quidem casu & temporario alienatæ morbo mentis impetu.

Quod autem nec Pythia in eorum vatum numero esset quos nascendi conditio facit, facile ostendi potest: cum enim non aliter nisi tripodi insistentes, & erumpentis e specu spiritus vi externata vaticinaretur; rudes autem & ignotæ virgines ex agris, vt dictum est, euocarentur & tuguriis agricolarum, quæ eo munere fungerentur: non tamen apparet quo potissimum indicio cuiusque indolem distinguere possent, vt quæ propensa esset ad diuinationem, quæ minime, constaret. Quæ igitur simplex maxime & tranquilla videretur moribusque incorrupta, hanc citra aliam disquisitionem eligebant; quod iis persuasum esset, vnâ præparationem sufficere ex halitus proprietate, quæ ex antro Delphico erumpebat. Non igitur in omnibus duplex, vt voluit Pomponatius, præparatio fuit necessaria: vna ab astris, altera quæ temporario quopiam motu constaret.

Nunc quæ astra potissimum dominari oportet

teat in eius qui futurus sit vates genesi, ex Ptolemaeo, Firmico, & aliorum astrologorum libris petendum est: sed & a Cardano, qui eiusdem disciplinae peritissimus fuit. Quæ igitur de cælesti ratione diuinationis Sibyllæ & Pythiæ Delphicæ sacerdotis affert lib. 14. cap. 68. de varietate rerum, adscribere haud grauabor. *Apollinem, cum nondum an Dæmones sint constitutum sit, causam dicere haud conuenit. In celi vim igitur si referas, omnibus satisfaciet. Nam & antro & virgini, quia vates futurum erat, Veneris cum Sole vis atque Saturno dominabatur. Vnde & veridicæ vates carmine oracula solebant edere: & nomen vatis a diuinis ad poetas translatum est: ita fit vt cum vis esset cælestis, vt mutata virgine veritas maior vel minor in oraculis reperiretur: & mutatis etiam temporibus vt tandem vis illa consenuerit: eadem quoque virgo ex diuersa astrorum constitutione variam in oraculis edendis claritatem, veritatem, & elegantiam carminis ostenderet. Venerei igitur astri apte collocati vis hæc fuit. Et vt melius collocabatur in virginis genesi & in antri initio, ita omnia rectius succedebant. Componebatur igitur oraculum ex tribus: vi terræ quæ agitabat mentem: & vi cælesti in puella: & vi cælesti in antro. Cum enim in penitiora antri ingrediebatur, vapor ille in ecstasim deducebat vigilantem. At ecstasis vigilans, etiam si casu contingat, diuersa in astro ostendit: quæ in Pythia ab astro in veritatem & ea quæ ventura erant dirigebantur.*

Clara hæc Cardani verba, neque explicatione egent: nimirum ex tribus planetis, Venere, Jovine, Saturno deducit indolem vt Sibyllæ sic & Pythiæ, aliorumque vatium qui natura sunt apti ad vaticinandum. Quod non posse in Pythiis convenire supra ostendimus, quæ nihil poterant nisi e tripode, alias mutæ: quibus proinde etiam si aliqua vis ab astris in ortu contracta subesset, nulla tamen ratione cognosci posset. Nisi fortasse ex vniuscuiusque horoscopo in figura natali signato id innotuisse dicamus: quod nusquam legitur, & factum putare ridiculum est. Alia ratio Sibyllæ, quam in ipso ortu vaticinatam testatur Proclus loco supra allato: alia & eorum omnium, qui naturalem ad diuinandum propensionem suam frequentibus vaticiniis minime loco vlli alligatam facile probabant.

Sed quicquid sit de astris, quorum viribus qui varias materiis elementorum ex quibus animalia, stirpes, lapides, & alia eiusmodi mixta gignuntur, proprietates imprimi negant, pecudibus potius quam hominibus annumerandos censeo: magnæ mihi esse importunitatis videtur, ne dicam amentię, causam eius diuinationis, qua Sibylla & Pythiæ olim vniuersam terrarum orbem in se conuerterunt, a Dæmonibus transferre ad intelligentias; hoc prætextu, quia nondum satis in philosophia constitutum sit, an sint Dæmones. Quasi vero ad eorum existentię fidem faciendam non sufficiat omnium consensus gen-

tium & sapientum ab vltima antiquitate vsque ad hanc ætatem. Quid, inquam, importunum magis & impudens, quam putare mera esse figmenta & fabulas, quæ Orpheus, Musæus, Homerus, Hesiodus de Diis scripserunt? Quæro enim, vnde iis rerum, quæ non sunt, nomina & tanta tradendi ambitio in mentem venire potuit? Hoc licet incredibile sit de Poetis illis, quos magnos viros & sapientes fuisse constat, multo adhuc incredibilius videatur de Pherecyde, Pythagora, Democrito, Heraclito, Empedocle, Socrate, Platone: qui omnes cum suis sectatoribus Dæmones esse confessi sunt, & doctis omnibus vt certas mundi naturas proposuerunt. Adhuc magis incredibile de hominibus fidem Christianam professis, Cardano & Pomponatio; cum tam expressa in vtroque testamento loca, quibus Dæmonum fit mentio, habeantur. Quid refert, non satis validas philosophis rationes suppetere quibus Dæmones esse probentur, vbi tot & tanta de iis sapientum & prophetarum testimonia & auctoritates premunt?

Sed hac omissa disputatione quæ non est huius temporis, ostendendum est, non posse eos intellectus, quo astra in Peripateticorum dogmate reguntur, auctores esse oraculorum. Cum enim mentes illæ tanquam formæ Solis, Lunæ, & aliorum siderum globos contineant, consequens est vt nullum in his inferioribus effectum dare possint, quod cælestium corporum virtutem transcen-

scendat. Solum igitur materiam, qua constamus, mutare poterunt; promouere ortus rerum naturalium, & alia id genus gubernare, mentem humanam directe his moueri posse nemo dicet. Neque igitur proinde quisquam sanus concedet, ab iis cuiuslibet rerum naturalium scientiam in animam hominis manare, nedum futurorum contingentium notitiam: solum ab iis vires posse tribui corpori, quibus homines magis apti reddantur ad diuinandum, quod vltro fatemur.

At vero illa mirabilia quæ Plutarchus tradit, signa quibus cognoscebatur tempus esse opportunum quo Pythia conscendere tripodem & oracula edere posset, quis vlli cælestium corporum dispositioni aut virtuti adscribat? In his duo occurrunt stupenda: primum quidem subita laurus Deo sacræ in summa aeris tranquillitate commotio; cuius Callimachus facit mentionem statim initio hymni in Apollinem: (ὄρπηξ

Ὅϊον ὁ τῷ πύλλων ἐσεισάτο δάφνῳ
& nos in poemate quod inscribitur Codrus expressimus:

*Vestibulum ante ipsum ramos pandebat olentes
Laurus docta comas, sensuraque vertice moto
Numinis aduentum.*

Alterum signum non minus prodigiosum Dæmonis præsentia refert Plutarchus in libro de defectu oraculorum, his verbis: αἱ δὲ τῶν ἱερῶν καταστάσεις τί βάλοντα, καὶ τὸ μὴ θεμιστεύειν εἰ μὴ τὸ ἱερεῖον ὅλον ἐξ ἀκρῶν σφυρῶν ὑπὸ τρεμμον γέ-

νηται, καὶ κραδανθῇ κατασπενδόμενον; ὃ γὰρ ἀρ-
 κεί τὸ διασεῖσαι τὴν κεφαλὴν, ὥσπερ ἐν ταῖς
 ἄλλαις θυσίαις, ἀλλὰ πᾶσι δέι τοῖς μέρεσι τὸ σά-
 λον ὀμῆ, καὶ τὸν παλμὸν ἐχέενέσθαι μετὰ φόβου
 τρομοῶδες. εἰάν γὰρ μὴ τὸ γένηται, τὸ μαντεῖον ὃ
 Φασὶ χρηματίζειν, ὃδ' εἰσιύγουσιν τὴν Πυθίαν.
*Quid porro sibi vult institutio illa sacrarum virgi-
 num, illudque observatum, ne prius responsum de-
 tur, quam animal immolandum totum usque ad
 extremas ungulas tremat & concutiat, cum li-
 bamina illi infunduntur? Non enim satis est caput
 quassare, ut in aliis sacris, sed cunctis corporis
 partibus fluctuare & palpitare oportet, cum tre-
 pido sonitu. Nisi enim id observatum fuerit, omi-
 culum non existimant edendo responso esse para-
 tum, neque Pythiam introducunt. Quis igitur
 tales motus tam subitos & inusitados aut stirpis in
 aere immoto, aut pecudis nullo metu aut dolore
 impulsæ ad solum liquoris contactum toto cor-
 pore tremantis, causæ tam remotæ, qualis intel-
 ligentia & cælum mouens, adscribere audeat?
 Quis spiritus, exquisitæ fragrantiae, & supra
 omnem odorem suauitatem iacundos,
 quibus idem Plutarchus, ex adyto Apollinis
 manantibus, locum in quo interrogantes sede-
 bant responsum expectantes perfundi Solinus re-
 fert: cum præsertim is odor neque sæpius neque
 statò tempore fieret, sed incertis temporum &
 fortuitis interuallis?*

His Plutarchi consona plane quæ Lucanus ha-
 bet

bet Pharfaliæ lib. 5. de illa loquens Phoebade quæ ab Appio coacta eloqui futura cum simularet furorẽ, his deprehensa est notis:

non rapta trementi

*Verba sono, nec vox antri complere capcis
Sufficiens spatium, nulloque horrore comarum
Excussæ laurus, immotaque culmina templi.*

Quibus patet, non solum sacram laurum solitam concuti aduentante Deo, sed etiam templum ipsum; vt & Callimachus dicto loco, & post eum Claudianus initio libri primi de Raptu Proserpinæ, *Γειασμὸν* exprimens canit:

*Jam mihi cernuntur irepidis delubra moueri
Sedibus.*

Nec minus horrenda quæ Sibylla Apolline correpta patiebatur: vt videre est apud Maronem in sexto Æneidos notis versibus. Quibus adde quæ de spectris, quibus Dæmon suam præsentiam iniunctis significabat, (*Ἰνφανεΐας* vocabant) dixi in mea dissertatione de furore poetico. Quis igitur hæc tam monstrifica præsidenti astris intelligentiæ & cursum naturæ regenti adscribere audeat? Non igitur in his naturæ ordinem & vim, sed Dæmonis potestatem valuisse putandum est: hoc tamen discrimine, quod Sibyllam nihil vetat putare ingenium habuisse ab astris, hoc est, proprietatem, qua Numini siue bono siue malo magis pateret; quam a teneris ferunt vaticinatum; in Pythia nihil videmus præter temporarium Dæmonis afflatum.

CAPVT XIV.

*An aliqua vis & proprietas terra
Sibyllam moueret.*

ATque hæc Sibyllinæ indolis a temperamento & astris formatae consideratio nos ad alteram ad finem non inuitos trahit; data inde occasione quærendi, num. & aliis opportunitatibus, quibus Sibyllam ad vaticinandum comparatam fuisse diximus, quædam accesserit terreni halitus proprietas, vt in Pythia existimatum est. In hac namque non minimum valuisse expirationem Delphici antri, præter auctorem libri de Mundo, qui vulgo Aristoteli tribuitur, Plinius lib. 2. cap. 93. & Plutarchus in libro de defectu oraculorum censuerunt. *Alibi (inquit ille) fatidici specus, quorum exhalatione temulenti futura præcunt, vt Delphis nobilissimo oraculo.* Sed & Læcanus citato loco:

*Vt vidit Pæan vastos telluris hiatus
Diuinam spirare fidem, ventosque loquaces
Exhalare solum, sacris se condidit antris,
Incubuitque adyto, vates ibi factus Apollo.*

Nota & fabula de oraculi illius inuentione ex Diodoro & Plutarcho. nempe quendam pastorem, cui nomen Coretas, in terræ hiatus, eo loco vbi post oraculum fuit apertum, fortuito delapsus, subito furore insolitas emisisse voces, vicinis accurrentibus, primum pro nihilo, non multo

multo post in admiratione habitas, cum fatidicas fuisse rerum euentu compertum fuisset. Ibi igitur templum Apollini placuisse construi, atque etiam urbem, cum eo multorum oraculi causa concursus fieret.

Num igitur & halitum eiusmodi subterraneum valuisse in Sibylla putandum est, & propterea sedem elegisse in antris, quo melius tali spiritu frueretur? Sane mirandas terræ variis in locis inesse vires, quas non modo eorum quæ ex se generando profert, proprietatibus, sed & hominum naturis & temporariis commotionibus ostendat, insigni exemplo confirmat Leonicus Thomæus in dialogo qui Trophonius siue de Divinatione inscriptus est. *An non meministis, inquit, miraculi illius, quod superioribus annis in agro Veronensi, non longe a Benari lacu Alpes versus, vulgo proditum est contigisse? Templum scilicet quoddam diuæ Mariæ eo in tractu dicatum esse, in quo statis diebus quidam terræ excitabatur balitus, qui ædem sacram ingressos homines excitabat adeo & commouebat, ut singulis primum artibus contremiscerent, mox etiam (si diutius permarsissent) non sine incondita quadam manuum & cervicis iactatione incessanter saltarent, neque vlllo consistere possent modo. Quod tamen non omnibus accidere dictum est, sed plerisque, quos (ut opinor) exhalans ille spiritus pro habitu quodam corporis, que temperamento, solummodo afficere & concitare poterat. Qui postmodum terræ balitus deficientibus,*

bis, ut par est, causis, illo quo exire cœperat anno euauisse dicitur; licet idipsum, ut moris est, vulgus imperitorum superstitiosius etiam nunc interpretari non desinat, & supernaturalibus assignare id causis contendat.

Quæ eo libentius adscripsi, ut desinant osiores literarum multa eiusmodi quæ in veterum libris leguntur, illumque specus Delphici halitum, fabulis annumerare. Quod ad Sibyllam autem attingit, hanc in antris fere habitasse constat. Cur autem in antris potius ferarum ritu, quam sub tectis humano more degere mallet, aliquam profecto causam fuisse putandum est. An igitur ut terræ halitum mouendæ phantasie aptum hauriret? Si Cardanum audimus, nihil potentius: quemadmodum declarat in tertio eorum librorum quos de Somniis composuit cap. 15. Post multarum enim rerum enumerationem, quibus animam censet redigi posse in eum splendorem, quo fiat capax imaginum quibus futura ipsi imprimantur, cæteris ut parum efficacibus reiectis, sic speluncarum ad id opportunitatem commendans subiungit: *Sed nihil certius specubus, in quibus ex halitu terræ longe magis diuersæ species vigilantibus obuersantur, quam somniantibus sine illis.* Atque id Aristoteles retulit in libro de oraculis, Plutarchusque. Quod Aristotelem pro hac opinione & Plutarchum testes citat, de Plutarcho fateor: huic enim sententiæ propalam in libro supra memorato de defectu oraculorum suffra-

suffragatur. De Aristotele autem & libro ei^s de Oraculis fugit eum ratio: cuius libri eius nomine neque apud Laertium in catalogo operum Aristotelis, neque apud alium auctorem fieri mentionem memini.

Sed missa hac critice, quæ nihil ad rem pertinet, quod de hac terræ in antris facultate dicitur, an sit verum, perpendere satius est. Est autem difficile hic aliquid constituere quod sit liquidum; propterea quod non vno modo cavernæ & specus subterranei animam ad profundas meditationes adiuuare possunt. Nam & solitudine & silentio tenebrisque ipsis animas non parum attolli atque ali videtur. Quo pacto & silvæ meditantibus aptæ censentur: Plinio etiam iunior attestante in epistolis lib. 1. *Jam undique silvæ & solitudo, ipsumque illud silentium magna cogitationis incitamenta sunt.* Idemque alibi *mire animum ali tenebris* dicit. Neque immerito; quando his maxima cogitationis impedimenta remouentur, spectacula externorum visibilium, & quicquid sonis & vocibus importunis obstreperit. Addit Marcellius Ficinus admirationem, quam locorum subterraneorum secessu excitari censet lib. 13. Theologiæ Platonis; quo loco septem vacationis genera distinguit, & *vacationis* nomine intelligit animi a sensibus & corporeis rebus abstractionem. In his igitur & admirationem antrorum horrore excitatam ponit, hacque ratione adductam Sibyllam in antra diuertisse

tisse ad captandum numinis afflatum: Sibyllæ (inquit) & Pythiæ sacerdotes, cum secederent in Jovis aut Apollinis antrum, ubi numen ipsum adesse credebant, tanto admirationis venerationisq; stupore de majestate numinis cogitabant, ut sensus, phantasia, ratioque actus suos illico prætermitterent. Tunc mens soli exposita numini, siue Deus ille fuerit, siue Demon, supernos præsentiebat motus: eos præsertim qui ad ea negotia pertinebant, de quibus nuper deliberauerant. In id album tali ex causa ariolantium Corybantes adscribit, & Cornelium sacerdotem, de quo Gellius lib. 15. Noct. Attic. cap. 18. Horatius autem lib. 3. ode 25. & Thraciæ mulieres in Bacchi orgiis nimio stupore & admiratione solitudinis in furorem conuerti & bacchari dicit; quo eodem affectu se quoque ad laudes Cæsaris cantandas incitari autumat,

non secus in iugis.

Exsomnis stupet Eubyas.

*Hebrum prospiciens, & niue candidam
Thracen, ac pede barbaro.*

Lustratam Rhodopen: ut mihi deuo.

Ripas & vacuum nemus.

Mirari libet.

Quod autem vehemens admiratio ecstasim, hoc est, mentis excessum, vel motionem, vel ut Politianus Miscellaneorum cap. 90. vertit, paurem inducat, testatur Fracastorius lib. de sympathia & antipathia rerum cap. 20: Si vero (inquit) quod offertur uti ignotum sub ratione offeratur cuius-

iustam magnitudinis consueta longe excedentis, sed rei tamen quam per opinionem veneramus & amamus, tunc ecstasis vocata fit, hoc est, mentis phantasieque excessus quidam ab admiratione, per quam ab omni alia re distracti immotique reddimur & insensitivi: quod maxime iis accidit, qui aut vere sancti sunt, aut sibi ex melancholicis videntur: his enim & angelorum choros & Deos videre apparet. Cum ergo admirationem ad mentis abstractionem vaticinis necessariam facere ex his liqueat, morosi animi sit, & supra modum contentiosi, in re tam probabili litigare cum viris doctis, qui eo etiam affectu Sibyllam paratiorum ad diuinandum accessisse dicunt. Non tamen eius admirationis causam per se antrum aut vim terræ crediderim, sed ex accidenti, propter solitudinem, silentium, obscuritatem, quibus animum ad meditandum non mediocriter iuuari in confesso est.

Quod autem ad terræ expirationem attinet, neque hæc omnino opinio repudianda videtur, quæ nonnullam speluncis vim inesse vaticinio opportunam statuit; ea ratione qua succus melancholicus, qui omnium corporis humorum maxime est terreus, siccus, densus, calore concepto homines reddit amentes & *ἐκτελιχῆς*, quam proximam esse ad diuinandum præparationem ex Aristotele ostendimus. Quod si illi humori inest ex terræ, quæ in ipso dominatur, proprietate; quanto magis terræ ipsi inesse existi-

stimandum est. Hâc consideratione inductus Iouianus Pontanus in præfatione libri 9. de rebus cælestibus, bilem atram, quam egregium ingenii fomitem censet, non vino, ut Aristoteles, sed terræ comparat. Quem locum, quia egregie superiora confirmat, ipsius verbis adscribere placeat: *Recte igitur putauerunt (antiqui) rerum semina propter elementorum commixtiones in terra esse absrusa, venisque illius insinuata, eaque ab humore destillatim irrorata, atque a calore sensim ac quam tenerrime fota, animam postmodum calefactione ab ipsa sibi arcesserent, indeque hæc omnia quæ videntur, quæ sentiuntur, quæ post mente animoque agitantur, proficisci. Rerum igitur generationi, illorum etiam sententia, aptissima est terra; quippe quæ cæterorum etiam elementorum receptaculum sit, quoddamque quasi penu. Ex humoribus autem qui in nostro continentur corpore, immo qui corpus nostrum constituunt, nigrum sel, quæque rectius atra bilis dicitur, terræ est quam simillima. Atque ut e terra omnia per calorem prodeunt, ipsa quæ seminarii cuiusdam vicem gerit, sic nigra e bile, ubi concaluit, tanquam seminario e quodam, pullulant tum simulacrorum tum cogitationum germina, quæ deinde in hominum ingeniis in agro quasi quodam fruges ac fructus quam uberrimos proferunt: atque ut terra ipsa varietate quidem vititur, diuersas tum herbas, tum arbusculas, resque alias non vno gignens modo, seminum diuersitatem ac succi, qui solo inest,*
secu-

Secuta, sic varia etiam hominum proueniunt ingenia, aliis atque aliis artibus exercendis probabilis ipsius temperamento ac mixtura. Et mox de multiformi atræ bilis natura: Quid quod ut quandam esse infinitatem volunt seminum, quæ terræ insunt, sic infinita quoque sunt semina atræ bili naturaliter indita; quæ tametsi ipsa finita sunt, commixtione tamen ac temperatura efficiuntur infinita.

Hæc eo loco Pontanus de atræ bilis facultate, ad omnem cogitationum varietatem, & ingenii præstantiam accommodata; quam facultatem illi inesse censet ex cognatione terræ, cuius plurimum aliorum proportionem elementorum in constitutione sua habet. Ex quo aliquis non improbabiler inferat, halitus illos terrestres, qui e speluncis copiosius quam ex aliis locis erumpunt, non nihil latentis energię animo insinuare ad expediendas altiorum contemplationum ambages, ac noctem etiam discutiendam rerum futurarum. Certe animum huiusmodi expirationibus, naturam terræ redolentibus, supra modum corroborari, constant atque ac nervos nancisci ad longam & profundam meditationem, verisimile est. Qua fortasse consideratione impulsus Democritus, ut ferunt, mortuorum monumentis & hypogæis frequenter se abscondebat lucubrandi causa. Et Thucydides, nisi me fallit memoria, item in Thracia exulans ad Σκαπτήν ὕλην, *Scaptensulam*, historiam suam bel-

belli Peloponnesiaci composuit. Testatur & de Euripide Gellius lib. 15. cap. 20. his verbis: *Philochorus refert, in insula Salamine speluncam esse tetram & horridam, quam nos vidimus, in qua Euripides tragædias scripsit.* Quibus exemplis complura alia adiungi possunt magnorum virorum, atque etiam nostrorum anachoretarum, qui rerum diuinarum contemplatione excelluerunt. Sed de secessu in antris ad diuinationem hæcenus; reliqua Sibyllæ exequamur.

CAPVT XV.

Sibyllæ castitas; an & quomodo virginitas ad diuinandum conferat.

INter alias Sibyllæ dotes hac quoque commendatam inuenimus, quod cum diutissime vixerit, illibato corpore virgo permanferit; quod cum alii tum Aristoteles in eo commentario quem *περὶ θαυμασίων ἀκρομάτων* de admirandis auditionibus inscripsit, confirmat: ἢ πολυχρονιώτατην γενομένην παρθένον διαμένειν φασιν. Neque omittit Hieronymus in encomio virginitatis, quam aduersus Iovinianum defendit, lib. 1. *Quid referam* (inquit) *Sibyllas*, (ita in plurali numero memorat, quia vulgi opinionem sequitur) *Erythræam atque Cumanam, & octo reliquas: nam Varro decem fuisse autumat, quarum insigne virgi-*

virginitas est, & virginitatis præmium diuinationo.
 Quin & propriam virginitatis diuinationem sequentibus verbis sciscit: *Quod si Æolici genere sermonis Sibylla Ἰεὺ Ἑλὴ appellatur, recte consilium Deis sola scribitur nosse virginitas.* Sane propius ad Deos accedentibus & sacra tractantibus bene conuenire castitatem animi & corporis, ipsorum etiam moribus Ethnicorum patet, quorum in legibus primum hæc locum obtinet: *Ad Diuos caste adeunto;* vt videre est apud Cicero-
 nem libro de Legibus secundo. Vnde Tibullus lib. 2. elegia 1.

Vos quoque abesse procul iubeo, discedite ab aris

Quæ tulit hesternæ gaudia nocte Venus.

Casti placent superis: pura cum veste venite;

Et manibus puris sumite fontis aquam.

Hinc casti sacerdotes apud Maronem in sexto Æneidos,

Quique sacerdotes casti, dum vita manebat.

Vsq; adeo vt Hierophantæ, ne vnquam peccarent, sibi libidinem cicuta extinguerent. Tamen in voto continentiae gradus Tertullianus notat in libro de Monogamia: *Fortuna muliebri* (inquit) *coronam non imponit nisi vniui,* sicut nec matri Matuta. Pontifex Maximus & Flaminica nubunt semel. Cereris sacerdotes, viuentibus etiam viris & consentientibus, amica separatione viduantur. Sunt & quæ de tota continentia iudicent nos *virgines Vestæ, & Junonis Achaicæ, & Dianæ Scythicæ, & Apollinis Pythiæ.* Etiam bouis illius Ægy-

ptii antistites de continentia infirmitatem Christianorum iudicabunt. Callandram & Chryseidem vates Apollinis, addit Hieronymus dicto loco.

De Pythiis vatibus, quod virgines esse oporteret, quæ admouerentur oraculo, ex iis quæ supra ex Plutarcho attulimus, colligi potest: ad hoc scilicet munus expetitas in primis agricolarum filias, illibatæ virginitatis prærogatiua, quam rusticis puellis magis constare quam vrbanis & diuitibus arbitrabantur. Cumque initio esset mos puellas eligi; post tutius visum est & populorum interdicto sancitum, ne iuniores amplius eo officio fungerentur, postquam ex iis vnam ab Echecrate corruptam fuisse compertum est. Cur autem castas & virgines esse oporteret quæ tripodi admouerentur, ratio in promptu est. Quam enim potius societate & alloquio dignetur Deus, quam castam, cuius anima minus corpori immersa, minus sensui conglutinata? Qualis profecto earum est quæ sancte virgines sunt, non modo corpore, sed & animo, neque coguntur seruire voluptati; quæ, vt Plato ait, mentem corpori velut clauo affigit. Quamobrem Apostolus iis quæ Deo religiosius vacare cupiunt, virginitatem consulit in priori ad Corinthios: *Et mulier innupta & virgo cogitat quæ Domini sunt: vt sit sancta & corpore & spiritu; quæ autem nupta est cogitat quæ sunt mundi, quomodo placeat viro.* Hinc & Christi spadones, vt Tertullianus vocat, qui se diuinorum amore castrant. Pulchre igitur Seruius ad
hos

hos Maronis versus lib. 2. Æneidos :

Dixerat : (Venus) & spissis noctis se condidit umbris.

*Apparent diræ facies, inimicaque Troiæ
Numina magna Deum.*

Est etiam (inquit) theologica ratio: quia ignominies vsum Venerorum videre dicuntur & numina; unde nunc merito post Veneris abscessum numina vidisse dicitur Æneas. Elegans, ita me Deus, sententia & vera; tametsi de expositione (vt obiter dicam) ambigi potest, an huic Maronis loco congruat, qui paulo ante Venerem inducit Æneæ oculos purgantem ac caligine liberantem :

*Aspice, (namq; omnem, quæ nunc obducta tuenti
Mortales hebetat visus tibi, & humida circum
Caligat, nubem eripiam &c.*

Hic ubi disiectas moles, &c.

tum Deos Troianis infestos singulatim nominibus demonstrat;

*Neptunus muros, magnoque emota tridenti
Fundamenta quatit &c.*

Si enim Venus nubem demere potest oculis mortalium, quæ iis obstat quo minus numina videre possint; quomodo non nisi eius discessu eadem numina discerni possunt, hoc est, venerarum rerum abstinencia? Hæc profecto inter se non quadrant: sequeretur enim, eandem Venerem visum purgare quo numina cernuntur, simulque hebetare & confundere, si nisi ea absente cerni non possint. Multo igitur cautior Homerus, a

quo hanc fictionem sumpsit Maro : non enim Veneri sed Mineruæ hanc vim assignat remouendi caliginem prætentam visibus mortalium, prohibentemque ne Deos perspiciant : (ἐπιθεν

ἀχλὺν δ' αὖ τοι ἀπ' ὀφθαλμῶν ἔλον ἢ πρὶν ὄφρ' εὖ γνώσκῃς ἢ μὲν θεὸν, ἢ δὲ καὶ ἄνδρα.

Locus est Iliad. 2. vbi Minerua hæc Diomedis dicens inducitur. Patet igitur ex his id quod dixi, Seruii hanc sententiam esse rectam, si in se spectetur; si ad locum Maronis conferatur, neque illi, neque rationi esse congruentem. Sed ad rem.

Hoc etiam vitæ genere, quo nullum sanctius existimatur, posse aliquem sic conciliari Deo, ut vates efficiatur, & futura in diuino lumine prospiciat, præter Hieronymum testatur Marsilius Ficinus dicto loco. Vbi ordine percurrens modos vacationis, siue alienationis, furorisque diuini, quo animus ad vaticinandum excitatur, in his castitatem mentis Deo deuotæ ponit: *Talis quippe mens* (inquit) *non ad tempus, ut alia, sed ferme semper pacatum est Dei templum: cuius ostium, ut Ioannes inquit Theologus, Deus pulsat primum; quod statim apertum ingreditur; quod inhabitat sedulo; in quo pascit hominem ambrosia.* Verum hæc, ne quid dissimulem, licet vulgo admodum plausibilia sint; non tamen ita perspicua videntur, ut non scrupulos eosque non exiles atque dubitationes moueant accuratius contemplantibus. Primum enim occurrit hæc difficul-

ficultas, quod ex his sequatur, Sibyllam, quam Apollinis sacerdotem fuisse constat, adeoque dæmonum cultui mancipatam, merito castitatis illi fuisse conciliatam: quod absurdum videtur. Quid enim impuris illis geniis cum castitate & continentia? Si quis autem Dei ipsius afflatu vaticinatam dicat, in grauiores adhuc difficultates incurreret; de quibus suo loco agemus.

Præterea quod Hieronymus virginitatis præmium diuinationem, hacque ratione Sibyllis diuinitus fuisse tributam censet, immo hanc virginitatis propriam facit, manifestis rebus redargui potest: nempe exemplis coniugatorum vtriusque sexus, quos sine virginitate munus illud consecutos legimus. Omnes quidem Patriarchas in eo numero fuisse, ex Scripturis constat. Inter quos & Iacobus, tam numerosæ familiæ pater, illustre illud vaticinium, de tempore quo Christus venturus esset, moriens protulisse legitur. Sed & David complurium simul coniux feminarum, quam multa quamque præclara de Domino in psalmis vaticinatur? Sed neque Salomoni eius filio inter tot vxores & concubinas prophetia defuit; vt qui eius supersunt libri, diuinumque in primis illud Canticum canticorum, declarant: quorum sensus reconditos quotus quisque animo consequi potest? Et Jobum, cuius extat liber, maritum simul & vatem fuisse constat; de quo Hieronymus ipse sic in epistola ad Paulinum scribit: *Job exemplar patientiæ quæ non mysteria*

*suo sermone complectitur? & paulo post: Singula in eo verbo plena sunt sensibus; & (vt de cæteris fileam) resurrectionem corporum sic prophetat, vt nullus de ea vel manifestius vel cautius scripserit. Nec vero defunt exempla in altero sexu ex iisdem libris sacris. In his clarissimæ, Debora vxor Lapidothi *Judic. 4.* Holda, & vxor Sellum *4. Regno- rum* memorantur; quas idem Hieronymus lib. 1. epist. 31. tacentibus viris responsa edidisse testatur. Et quid plura attinet referre? cum primis Euangelii temporibus non temere quisquam fieret Christianus, qui non illico post baptismum Spiritus charismata acciperet; in quibus fuit prophetia. Ita multi simul Christiani & vates efficiebantur. Quomodo igitur diuinationo *virginitatis præmium*, aut *propria dos* dici potest, quæ tot viris & feminis matrimonio coniunctis contigerit?*

Respondeo, non ita dici Hieronymo virginitatis præmium diuinationem, quod hanc solis dari virginibus putaret; sed quia cæteris paribus magis conuenit virgines vaticinio illustrari quam alios in coniugio viuentes. Quo pacto diximus supra, & ostendimus, rationi magis & ordini rerum esse consentaneum, magno ingenio præditos vaticinari, quam idiotas & nullum eius laudis sensum habentes. Quod non impedit, quin Deus, qui naturæ ordinem, vt principii maiestatem, sic operandi modo transcendit, cui hominum vult eam perfectionem largiatur. Quam cum minus dignis, vt iis videtur qui solum natura

turæ ordinem spectant, tribuit; altiorem huius subesse in eius prouidentia rationem putandum est. verbi gratia; cur Dauidem ab agresti & pastoralis vita ad solium euectum in vatum numero esse vellet: neque enim fieri poterat, vt qui in prophetarum patria natus esset, primus ex Judæ posteris regiam dignitatem adeptus esset, armis vniuersam Judæam pacasset, cuius e stirpe Christus rex originem ducturus esset, non de ipso vaticinaretur.

Ita igitur dictum Hieronymi intelligendum est, hocque sensu diuinitas *insigne* dicitur & *virginitatis præmium*; ob eam conuenientiam, qua continentiam professi Deo coniunctiores censentur. • Sit sane virginitatis præmium diuinitas; modo non ita proprium, vt non aliis ob alias rationes tribui possit. Sic Philippo quatuor fuisse filię virgines prophetantes traduntur in Actis Apostolorum. De quibus & Eusebius prodit in libris Ecclesiasticæ historiæ, quæ has Hierapoli Asiæ vixisse, ac cum parente sepultas fuisse dicit. His si præmium virginitatis contigisse prophetia dicatur, hoc quidem sensu, non pugnabo: cum id Epiphanius testetur lib. 2. contra Hæreses cap. 78. Tomo II. in disputatione aduersus Antidico-Marianitas: vbi & Deiparam eadem ratione supra omnes prophetas vaticinio excelluisse censet; & prophetidem nominatam ab Isaia hoc oraculo: *accesi ad prophetissam &c.*

CAPVT XVI.

*Accuratio virginitatis Sibyllæ &
aliarum apud Ethnicos sacrarum fe-
minarum consideratio. Dæmo-
num fraudes aperiun-
tur.*

His hunc in modum explanatis de vatum anti-
quorum vtriusque sexus continentia, tem-
pus esset ad alias Sibyllæ dotes resque transire, nisi
maneret scrupulus ille supra motus de Diis qui-
bus miseri illi mortales seruiebant, hoc est, im-
puris geniis: quod absurdum videtur, omnium
libidinum, omnium dedecorum hominibus au-
ctores vel adiutores postulare a quoquam vt con-
tinentiam colat. Verum hunc scrupulum facile
remouemus eo quod supra positum est funda-
mento, eorum quæ improbus dæmon magna
ambitione ostentat mortalibus, ad eorum men-
tes prauæ superstitionis cassibus irretiendas. Di-
ctum est enim, inter alias eius fraudes hanc esse
præcipuam, vt præpostera eorum quæ Deus agit
imitatione incautis obrepat. Quam eandem in
commendanda nonnullis suorum cultorum cor-
poris castitate atque ab iis exigenda, inanem vir-
tutis speciem obilicit. Nam quia scit, Deum
amare in primis sanctitatem in hominibus, eosque
fami-

familiarius amplecti, qui feueriore vitæ norma animos a sensibus abstrahunt, minimumque vt habeant cum corpore commercium studio omni contendunt; id etiam dæmon æmulari volens, palam præcipiebat, ne quis propius ad sacra accederet & ministerium religionis, nisi castus: cum aliud interim in occulto suaderet, vt paulo post ostendam.

Id perquam euidenter patet ex iure pontificio veterum Quiritium, cuius inuentor fuit Numma Pompilius, regum religiosissimus, hoc est, supersticiosissimus, & dæmonum cultui addictissimus, vtpote quem Pythagoreorum disciplinis imbutum fuisse proditum est. Cum enim eo iure sancitum esset, oportere Vestæ sacerdotes quo tempore eo officio fungerentur esse intactas; si qua earum postea legi horrendæ fraudem fecisset, capitale erat, & impuditiæ comperta viua terræ infodiebatur. Quod cum dæmonum instinctu ius positum fuisset, ingens hic admiratio subeat animos necesse est, contemplantium teterimi lemuris nequitiam & crudelitatem, qui quem palam sub mortis pœna a suis antistitibus exigeret pudorem, iis in occulto extorquere tentaret. Quod tamen illis ipsis, quibus vitium offerre voluisset, prodentibus innotuit: huiusque extat exemplum apud Apollodorum lib. 3. Bibliothecæ, siue *αὐτὸς θεῶν* in Cassandra Priami filia; Verba adscribam: *μετὰ τὸν ἐγέννησε Ἐκάβη θυγατέρα μὲν Κρέουσαν, Λαοδίκην, Πολυξέην,*

Καοσάνδραν. ἣ συνελθεῖν βεβλόμεν. Ὁ Απόλλων
 τὴν μαντικὴν ὑπέχετο διδάξαι. ἣ δὲ μαθήσα ἔ-
 συνῆλθεν. ὅθεν Ἀπόλλων αἰφείλετο τῆς μαντικῆς
 αὐτῆς τὸ πείθειν. *Post hunc (Paridem) filias pepe-
 rit Hecuba Creusam, Laodicen, Polyxenam, Cas-
 sandram. Cui cum Apollo misceri vellet, diuinan-
 di artem se illi traditurum promisit. Hæc autem
 postquam didicit, noluit corporis sui copiam Apol-
 lini facere. Quamobrem hic Cassandræ vaticinia
 vifide carerent effecit. Idem Seruius testatur ad
 hos Poetæ versus 2. Æneidos:*

Tunc etiam fatis aperit Cassandra futuris

Ora Dei iussu, non vnquam credita Teucris.

*Præcepto Apollinis, inquit, qui spe promissi coitus
 concessa diuinatione frustratus sustulit fidem veri
 dicenti. Eodem modo a Lemure perfido attenta-
 tam Ovidius narrat Sibyllam: quam sic in 14.
 Metamorph. Æncæ diuinos illi honores polli-
 centi loquentem inducit:*

Nec De: sum, dixit, nec sacri turis honore

Humanum dignare caput: ne nescius erres,

Lux æterna mihi carituraque sine dabatur,

Si mea virginitas Phæbo patuisset amanti.

*Dum tamen hanc sperat, dum præcorrumpere
 donis*

Me cupit; elige, ait, virgo Cumæa, quid optes,

Optatis potiere tuis: ego pulueris haustu.

Ostendens cumulum, quot haberet corpora pulvis,

Tot mihi natales contingere vana rogaui.

Excidit ut peterem iuvenes, quoque protinus

annos.

Hos

*Hos tamen ille mihi dabat, æternamque iuven-
tam,*

*Si Venerem paterer. Contempto munere Phæbi
Innuba permaneo.*

Ita impostor dæmon commendanda, vt dixi, pa-
lam & præcipienda vatibus & antistitibus corpo-
ris castitate diuinitatis opinionem gentibus face-
re studebat; interim ne ea laus suis illis ministris
constaret, variis artibus & pollicitationibus per-
ficiebat. Aliis vaticinium offerebat si sibi mo-
rem gerere vellent, vt Cassandra & Sibyllæ aliis-
que vatibus: aliis incedendi artem, vt Oenone
Nymphæ: aliis iaculandi aut sagittandi periti-
am, vt Cyparisso: aliis rei rusticæ diligentiam,
vt Aristæo: aliis alia munera: verum, vt Græ-
cis dicitur, δῶρα ἄδωρα, quæ accipientibus in
exitium verterent. Neque enim dirus hostis
quicquam dat hominibus nisi sæua mercede. Ma-
leficii genus magis illi vsitatum istis temporibus,
quopiam corpore assumpto, subque eo latentem
mulieres & pueros violare. Ita Justinus Martyr
in Apologia 2. ἐπεὶ τὸ παλασὸν (inquit) δαίμα-
νες Φαῦλοι ὀπιφανείας ποιηταίμενοι, καὶ γυναῖ-
κας ἐμοίχθουσιν, καὶ παῖδας διέφθειραν, καὶ Φό-
βηθρα ἀνθρώποις ἔδειξαν, ὡς καταπληγῆναι
τὰς οἱ λόγῳ τὰς γινόμενας πρᾶξεις σὺν ἔκρινον.

Sæpius vero mortuorum recentia cadauera
induebat, fraude antiqua admodum, & nunc
etiam vsitata illi apud Græcos, habitantes in ma-
ris mediterranei insulis: quo pacto excitatos

mor-

mortuos trito apud eas gentes nomine *Ἑρνο-
λάνας* vocant, vt memini me legere in Actis
missionum Societatis Jesu. Quippe ita norunt
sanguinem & spiritus mouere atque diffundere
per omnes corporis extincti partes, vt nihil a vi-
uente, quod ad speciem exteriorē attinet, differat.
Hoc igitur fucō nequissimos genios multis olim
cum feminis tum adolescentibus illuisse certum
est, modo Apollinis specie, modo Neptuni, modo
Bacchi, aut Sileni, & aliorum Deorum. Quam
fortasse in partem accipiendum illud Maronis in
sexta ecloga de Sileno & pueris vincula dormien-
ti iniicientibus :

*Aggressi: nam saepe senex spe carminis ambos
Luserat.*

Ibi enim *ludere* non est fallere; sed quod cor-
ruptores pueris solent. Hinc *θεῶν παῖδες*, *Deo-
rum pueri*. Ita enim vocabant qui certis numi-
nibus *ἐν παιδικῶις*, hoc est, in deliciis esse dice-
bantur, vt Ioui Ganymes, de Apollini Phorbas,
Hyacinthus, Cyparissus, Admetus, Hippolytus Si-
cyonius; qui quoties Sicyone Cirrham petens
mare traiceret, non sibi Apollo, vt ferunt, tempe-
rare poterat, quin conceptam de proximo ama-
sii aduentu voluptatem Pythiæ ore exprimeret,
versum proferens eum, quem Plutarchus affert
in Numa:

(*βαίνῃ.*
καὶ δ' αὖθ' Ἰππολύτῳ φίλον κάρη εἰς ἄλα
Talis & apud Phryges Atys, apud Bithynos He-
rodotus, apud Arcades Endymion memoratur.

Qui-

Quibus in altero sexu perinde videre est feminas ab iisdem lemuribus partim insidiis tentatas, ut modo de Sibylla & Cassandra dictum est, partim corruptas, ut de aliis innumeris proditum. Hinc a sanguine Deorum ducta nobilitas, & heroes mixtum genus e diuino & humano. Quæ cum gentium sapientes in sacris libris suis perscripta legerent, aut fama ab vltima hominum memoria ad se transmissa audirent, ut par erat obstupescabant. Neque enim talia audebant negare, quæ & religionum antiquitate & tanto hominum consensu firmata essent & consecrata: neque tamen in animum inducere poterant, ut talia in Deum competere opera crederent. Quod igitur scilicet restabat, id sequebantur, ut dicerent, non esse hæc ad literam accipienda. Ita Deorum cum pueris & mulieribus formosis concubitus commodis, quoad eius fieri poterat, interpretamentis molliabant; ut Plutarchus citato loco fabulam Hyacinthi ab Apolline adamati ad animum transfert, quem Apollo in eo puero amaret, eo quod egregia animi indole & pietate esset. Quæ de re insignis hic apud eum in vita Numæ locus extat, dignus quem adscribam ob doctrinam quam continet: καί πρὸς λόγον ἔχει τὸν θεὸν ὃς Φίλιππον, ὃδὲ Φίλορνον, ἀλλὰ Φιλάνθρωπον ὄντα, τοῖς διαφερόντως ἀγαθοῖς ἐθέλει συνέιναι, καὶ μὴ δυσχεραίνειν, μηδὲ ἀτιμάζειν ἀνδρὸς θεῖα καὶ σώφρονα ὁμιλίαν. ὥς δὲ καὶ σώματι ἀνθρώπινῃ, καὶ ὥρεσιν, ἔστι τις θεῶ καὶ δαίμονι.

μὴν κοινῶν καὶ χάρις ἔργον ἥδὴ καὶ τὸ πε-
 ρίναί. *Ac rationi quidem consentaneum est, Deum*
non studio equorum aut auium, sed hominum te-
neri, proinde cum iis qui valde boni sunt, & vir-
tute excellunt, libenter versari, neque diuini &
temperantis viri consuetudinem aspernari: quod
autem aliqua illi cum corpore humano & flore
etatis communio omnino aut gratia existat, diffi-
cile est verbis persuadere. Sane hæc vera & phi-
losopho digna. Ita & Seruius Grammaticus de
Apollinis amore in Sibyllam iudicat ad hæc ver-
ba libri 5. Æneidos longæua Sacerdos: Sibyllam
Apollo pio amore dilexit. Exinde Ægyptios sacer-
dotes castigat Plutarchus, qui existimabant, nihil
esse absurdi, quiddam a Deo imprimi in corpore
muliebri, quod esset principium conceptus &
procreationis; tametsi negarent vice versa De-
am pati quicquam eiusmodi posse a viro. Et
hoc bene, si ordo naturæ spectetur: non autem,
si quod diuina vis supra naturam in Christi ortu
effecit consideremus; cuius mysterium non
prorsus latuisse priscos gentis illius sapientes ex
his colligi potest, sed ad eos peruenisse oracu-
lum istud ex commercio Hebræorum: Ecce vir-
go concipiet &c. Sed Plutarcho & aliis philoso-
phis licuit hæc recondita ignorare: quod ratio
ostendebat id amplexi sunt, simulque ignari ar-
tium dæmonis, nihil iis amoribus putarunt si-
gnificari nisi Deorum propensionem in bonos
viros, quos singulari prouidentia ob pietatem
complectebantur.

Ita

Ira viri illi docti, impuris geniis patrocina-
bantur, & eorum extremas in naturam humanam
contumelias plausibili rationum commento ve-
labant. Sed tamen nihilominus sic vulgo per-
suasum erat, accedere interdum ad mulieres De-
os, iisque reuera complexu venereo misceri, vt
mariti hac causa vxores suas majori in honore
haberent, nedum ægre ferrent: vt de Philippo
Macedone idem tradit Plutarchus in Alexandro.
Quapropter neque mulieres ipsæ aut deuotæ sa-
cris puellæ & religiose, si quid sibi eiusmodi
accidisset, admodum dissimulabant, aut ignomi-
niam metuebant, quibus potius veneratio ex tali
consuetudine apud populos accederet. Testis
Olympias Alexandri mater, & illa mulier Ponti-
ca, cuius mentionem facit Plutarchus in Lysan-
dro, quæ se Apollinis compressu gravidam iacta-
bat. Quæ adeo fidem inuenit, vt editum in lu-
cem puerum principes viri publico sumptu &
exacta cura educandum censerent; & Lysan-
der Lacedæmonius callidi incepti, quo regiam in
se potestatem transferre cogitabat, aliud funda-
mentum non poneret. De quo vide Plutarchum
in eius vita. Quin in laudibus magnorum vi-
rorum ponebant, si quis hoc modo genitus fu-
isset, vt de Homero decantatum, de Romulo, de
Platone item philosophorum principe. Quem-
admodum notat beatus Hieronymus in eodem
lib. I. contra Iovinianum: *Speusippus quoque (in-
quit) sororis Platonis filius, & Clearchus in laude
Plato-*

Platonis, & Anaxilides in secundo libro Philosophiæ, Perictionem matrem Platonis phantasmate Apollinis oppressam ferunt; & sapientiæ principem non aliter arbitrantur nisi de partu virginis editum. Tum paucis interiectis addit de Christo, non satis (pace viri tam sancti dixerim) caute neque reuerenter, dum originem eius plane venerabilem & augustam cum propudioso Urbis fundatoris ortu componit. *Ac ne nobis (inquit) Dominum Salvatorem de Virgine procreatum Romana exprobraret potentia, auctores urbis & gentis sue Ilia virgine & Marte genitos arbitrantur.*

Hæc occasione oblata visum est paulo liberior persequi de Sibyllæ, & aliarum vatum, sacrarumque Diis ethnicis feminarum castimonia; vt intelligatur, quas Christo Seruatori gratias debeamus, qui nos ab his prauorum dæmonum ludibriis & sæua tyrannide, meliori luce animis nostris infusa, liberauit.

CAPVT XVII.

De virginum furore obiter Hippocratis & Aristotelis loca explicantur.

ATque hæc quanquam satis accurate, nisi fallor, pertractata atque explanata de virginum vaticinantium apud antiquos religione videri pos-

possunt, præuideo tamen fore multos qui his contenti non sint; qui scilicet nihil satis tractatum putant, nisi rationes e naturæ penetralibus proferri videant: ceu de omnibus quæ obseruantur hominum proprietatibus naturales causæ afferri possint. Sed tamen ne quid quisquam in nostra hac contemplatione desideret, age istud expediamus, num quæ naturalis etiam causa huius propositi in Sibylla & aliis fatidicis conseruandæ virginitatis probabiliter in hanc considerationem adduci possit.

Mihi igitur attentius contemplanti quid virgines patiantur, occurrit furor siue insania nonnullis familiaris ex veneris abstinence; quæ quemadmodum virginibus mentem perturbet medicinæ parens docet in libello περὶ παρθενίων, hoc est, *de virginum morbis*, his verbis: *τηνικαὺτα σὸν ἔχον τὸ αἷμα ἔκρεν, ἀναίσιος δ' ὑπὸ πλήθει εἰς τὴν καρδίαν ἢ εἰς τὴν διάφραξιν. ὁρόταν δ' ἐν ταύτῃ πληρωθῶσιν, ἐμωρώθη ἡ καρδία· εἴτα ἐκ τῆς μωρώσεως, νάρκη· εἴτ' ἐκ τῆς νάρκης ὥρνια ἐλάβεν.* Tunc sanguis non habens effluxum, præmultitudine resiliit ad cor & ad septum transuersum. Quum igitur hæc repleta fuerint, cor fatuum sit, deinde ex fatuitate torpido, postea ex torpore delirium. Quibus verbis ostendit, furorem accidere virginibus ex mensium suppressione, quum scilicet his per veneris abstinentiam venæ in vterum tendentes obstruuntur: quod sane locorum situs efficit, cum non exercentur,

I

velut

velut inarata arua squalore contracto densantur. Quo fit vt sanguis prohibito exitu per inferiora sursum refluat ad septum transversum & cor, quod sanguinis confluxu & redundantia *μαρῶν* fieri dicit; hoc est, fatuum; vtpote quod tanquam sui oblitum munus suum amplius tueri non possit. Huius autem munus præcipuum, spiritus vitales per vniuersum corpus mittere ad sensum & mentis functiones ciendas. Hinc *νάρκη, torpor*: ex torpore alienatio mentis & furor.

Hæc paucis ego & summatim, quæ pluribus Hippocrates. Ratio autem insanix huius iis paucis, quæ dixi, perspicua & sufficiens proposito nostro. Apparet enim ex his, quemadmodum virgines mensium suppressione & inde orto mentis torpore, ecstasim patiantur: quam proximam esse ad vaticinandum præparationem, dictum est; adempto enim sensuum exteriorum usu, magis interiores vigent & dominantur: hinc species inusitatae, & dæmonum spectra obuersantia, ex libero & infreni phantasix motu, rotam pene animæ intensionem ad se conuertentis. Quibus visis nonnullas etiam timore nimio & desperatione ad suspendium adactas ibidem Hippocrates testatur. Neque aliunde ortum putem, quod Milesiis virginibus accidisse refert Gellius in Noctibus Atticis ex Plutarcho, quæ id memoriæ prodiderat in primo librorum *ψυχῆς*, omnibus ferme quot tunc in ea ciuitate erant, sine vlla euidenti causa, voluntarie laqueo

vitam finientibus. Verisimile est enim, eius infan-
tiae causam fuisse tetros & malignos vapores,
ex suppressione mensium ad mentis arcem sub-
euntes, ac visis horrendis animum perturban-
tes.

Huius mali symptomata hæc traduntur ab
Hippocrate: furor, quem *μανίαν* vocat; voci-
feratio; metus; mortis suspendio consciscendæ
cupido; tum animi tædium & anxietas malum
cogitantis. Quorum unumquodque propriæ
causæ accomodat hunc in modum: *ἐχόντων*
δὲ τετέων ὥδε, ὑπὸ μὲν τῆς ὀξύφλεγμασίης
μαίνεται, *ὑπὸ δὲ τῆς σηπεδόνος φωνέει*, *ὑπὸ δὲ*
τῆς ζοφερᾶς φοβέεται καὶ δέδοικεν, *ὑπὸ δὲ τῆς*
ὥσθι τὴν καρδίην πιέζει, *ἀγχόνας πορεύσιν*,
ὑπὸ δὲ τῆς κακίης τῆς αἵματός, ἀλύων καὶ ἀδη-
μονέων ὁ θυμὸς κακὸν ἐφέλκεται. Vbi amplum
aperit campum philosophantibus circa unam-
quamque eorum symptomatum causam; quo-
modo scilicet caloris vis acrior furorem propriæ
excitet, putredo clamorem efficiat, vaporum
obscuritas & caligo metum afferat, oppressio au-
tem & angustia cordis suspendii & strangulatio-
nis visa animo objiciat, sanguinis denique la-
bes & malignitas anxietatem & corporis iacta-
tionem inducat. Sed hæc pluribus verbis disse-
renda aliud tempus opportunius postulant.

Nunc autem nobis ex his, quæ ibi recenset,
symptomatis, quæ mensium in virginibus sup-
pressionem sequantur, illud primo loco positum

sufficit, furor scilicet a calore intensiori & inflammatione circa sedem mentis, vt Aristoteles in problemate illo I. sect. 30. dicit; vt virginitas hac ratione credatur conferre non parum diuinationi, dum ex mensium suppressione innuptis familiari mentem dicto modo perturbari contingit. Quod alio etiam argumento intelligi potest; barbæ scilicet, quam præter sexus legem puellis intactis atque etiam fatidicis erupisse aliquando obseruatum est: vt olim religiosis feminis in Caria, teste Aristotele libro tertio Historiarum: γυνὴ δὲ τὰς ὅπῃ τὰ γενεῖω & φύσιν τρέχας, πλὴν ὀλίγα ἐνίαις γίγνουσιν, ὅταν κατὰ μῆνια ᾤῃ, καὶ οἷον ἐν Καρία ταῖς ἱερείαις ὁδοὶ καὶ συμβαίνειν σημεῖον τῶν μελλόντων. id est, *Pili in mento mulieris non nascuntur, nisi interdum pauci, cum menstrui cursus substiterunt: ac vt in Caria antistitis euenire aiunt, quod diuinationis indicium interpretantur.* Scaliger in commentario ad hunc locum: *Et in Caria antistitas pilos in mento habere (dixit,) quod signum fuerit religionis & diuinatricis mentis: sed nostra sacerdotes barbæ sunt ob castitatem.* Sed fortasse rectior sit interpretatio, si dicamus, iis antistitis, quoties aliquid impenderet aduersi, quod prædicere deberent, & menses suppressi solitos, & pilos affatim nasci in mento; appetentis diuinationis præludia. Quo sane & prouerbum illud Rhodigini frequentatum spectare videtur: *feminam barbitio obseptam eminus esse salutandam;* de quo ada-

adagio vide Cælium eius ciuitatis lumen lib. 14. Antiquarum Lectionum cap. 21. Atque ex his omnibus non absurde aliquis suspicetur, barbaram fuisse Sibyllam; tametsi nusquam ab aliquo obseruatum memini. Sed hæc animi gratia.

CAPVT XIIX.

Sibyllæ viuacitas perperam a Luciano omissa in libro de longæuis.

Cur tam diu vixerit

Sibylla.

Vulgatum id quoque de Sibylla & multorum monumentis proditum; inter alia naturæ eius insignia, de quibus supra, hoc quoque affuisse, vt quam diutissime & pene vltra limites humani æui vitam prorogaret: nam & Aristoteles, vt iam animaduersum, in eo libro quem scripsit de iis, quæ auditu mirabilia sunt, hanc πολυχρόνιον vocat. Quod miror fugisse diligentiam Luciani, in libro qui inscriptus est Μακρόβιοι, cum tam multos in eo catalogo longæuos referat, minus claros quam fuit Sibylla, quæ primum in omni vaticinantium multitudine apud ethnicos locum dignitatis tenuit, cuiusque viuacitas adeo prætergressa est vsitatos æui humani fines, vt in prouerbiū abierit Sibyllæ senectus; Brodæo teste lib. 1. Variar. Lection. cap. 34. & Sibyllæ anni apud Papinium in Siluis

Euhoici transcendere pulueris annos.—

Pulverem enim Euboicum appellat, quem illa manibus haustum optavit esse mensuram numeri annorum quos victura esset, cum ei Apollo poscendi quod vellet arbitrium obtulisset. Quare ita Servius memorat in 6. Æncid. ad hunc versum:

Olli sic breuiter fata est longæva Sacerdos.

Sibyllam Apollo pio amore dilexit, & ei obtulit poscendi quod vellet arbitrium. Illa hausit arenam manibus, & longam vitam poposcit; cui Apollo respondit, id posse fieri, si Erythram insulam in qua habitabat relinqueret, & eam nunquam videret. Profecta igitur Cumas tenuit: & illic defecta corporis viribus vitam in sola voce retinuit. Quod cum ciues eius agnouissent, siue inuidia siue miseratione commoti ei epistolam miserunt, creta antiquo more obsignatam. Qua visa terri, (nam erat de eius insula) in mortem resoluta est. Sane egregia fabella, ad quam & Ouidius respexit his versibus:

contempto munere Phoebi

Innuba permaneo: sed iam felicior ætas

Terga dedit, tremuloque gradu venit agna senectus,

Quæ patienda diu est: nam iam mihi secula septem

Acta vides: superest, numeros ut pulueris æquem.
Fabula, inquam, sed cui verum subesse, velut plerisque antiquorum, solers speculator inueniet. Si nihil aliud arena illa, quam manibus plenis Sibylla hausisse dicitur, significatum quam

ma-

magnum tempus dicamus, in cuius fluxu varia sibi succedunt instantia, vt Aristoteles docet lib. 4. *Φυσικῆς ἀκροάσεως*. Instantia dico, quæ partes temporis fluentes copulant, Græce *νῦν*, *νῦν*: aliter punctum temporis & momentum, a motu quem tempus metitur, vocamus: sunt enim indiuidua, & punctis, quibus vniri & finiri partes magnitudinis intelliguntur, proportionem respondent. Aio igitur, arenæ granulis, cum sint minutissima, significari in ea fabula instantia temporis, si particulae illæ paulatim per aliquam angustiam transmitti & perpetuo fluere cogitentur; vt in ea machina quæ pulueris lapsu horas metitur. Quod enim in clepsydra est aqua, id in eo horologio est arena siue puluis; quod propterea non in scite quidem Græco vocabulo e re inuento *κλέψαμνον* vocant. Elegans simulacrum temporis, sed cuius inuentor ignoratur, quod ingenue Polydorus Virgilius in librorum de rerum inuentoribus calce testatur. Quisquis autem huius inuentor fuit, ab hac fabula de arena & annis Sibyllæ originem duxisse arbitror, hincque occasionem datam horas arenæ fluxu & machinulae conuersione metiendi. Huic autem amorem causam præbuisse ostendit Amalthæus in diuino epigrammate, quod quin hic adscribam temperare non possum:

Perspicuo puluis vitro qui diuidit horas,
Et leuis angustum sæpe recurrit iter,

Quondam erat Alcippus ; qui Gallæ vt vidit ocellos.

Arsit, & est rapido factus ab igne cinis.

Irrequiete cinis miseros testabere amantes

More tuo nulla posse quiete frui.

Quod igitur arenæ granulis tempus in ea fabula designatum est , aptius quicquam cogitari non potuit ; quod numerum annorum numero arenæ particularum exæquandum poposcisse atque illi concessum ferunt , supra omnem fidem & fabulositatem videri debet ; quemadmodum quod Phlegon Trallianus in Longævis hanc mille annos tradit vixisse , credat qui volet : tametsi vitæ tempus illi longe ultra consuetos humanæ ætatis limites productum , tam consentienti auctorum testimonio credendum est. Ac quot annos vixerit , definire neque homini ulli promptum , neque ad rem pertinet : modo probabiles tam longæ eius & stupendæ viuacitatis causas indagare atque explicare non alienum a præsentī instituto arbitror.

Primum igitur nobis in hac consideratione occurrit vitæ genus & propositum. Procul enim ab hominum commercio in antris vni contemplationi deditam vixisse proditum est. Quibus rebus vitam in amplius æui spatium prorogari , non fuites rerum naturæ interpretes docent. De contemplatione quidem , quod corpus eius beneficio confirmetur atque etiam iuuenescat , sententia est Cardani in decimo quarto librorum
de

de Subtilitate, tametsi vulgo aliter videtur: *Mens*, inquit, *in his quæ intelliguntur non laborat: æterna enim est, velut & species.* Et rursus: *Non laborat igitur mens, quia in tempore non est; imo contemplatio ipsam animam exhilarat, & iuuentutem producit: vivimus enim tantummodo dum contemplamur.* Suffragatur Cardano Franciscus Baco Verulamius exercitati auctor ingenii in physicis, vtpote ab ipsa curiositate per vniuersum prope terrarum orbem ad capiendas de rebus experientias quasi manu deductus. Quid igitur hic de iis qui secessu & contemplatione vitam tranfigunt, quales prisci anachoretæ fuerunt, & Sibyllam fuisse ponimus, senserit & scriptum reliquerit in eo commentario cui titulus est *Historia vitæ & mortis*, ipsius verbis subiungere placeat: *Vita religiosa & in sacris occupata videtur ad longæuitatem facere. Sunt in hoc genere vitæ otium, admiratio & contemplatio rerum diuinarum, gaudia non sensualia, spes nobiles, metus salubres, mœrores dulces, denique repouationes continue per pœnitencias & expiationes: quæ omnia ad diuturnitatem vitæ potenter faciunt. Quibus si accedat diæta illa austera, quæ massam corporis induret, spiritus humiliet, nihil mirum si sequatur longæuitas insignis: qualis fuit Pauli eremitæ, Simeonis Stilitæ, anachoretæ columnaris, & complurium aliorum monachorum ex eremo & anachoretarum.*

Sed neque nobis ratio ex rei ipsius natura

prompta deest, quamobrem veram hanc opinionem credamus. Nempe ut ait Cardanus, magna est contemplationis voluptas: quod & Philosophus testatur lib. 10. cap. 7. *Moralium ad Nicomachum*: *δοκῇ γάρ (inquit) ἡ σοφία ταυμασὰς ἡδονὰς ἔχειν καθαρότητα καὶ τὰ βεβαίω, mirabiles sapientia habere, puritate & fruendi constantia, voluptates videtur.* Sciunt autem omnes qui experiuntur. Puritate quidem excellunt, quia meritis operationem qua nihil sanctius sequuntur; stabilitate autem & constantia, ob naturam earum rerum quæ in contemplatione versantur: huiusmodi enim natura est rerum diuinarum quæ non mutantur. Cum igitur mens in his defixa hæret, simul & spiritus animæ ad omnem functionem ministri consistunt: minus igitur tunc dissipantur. Ita ea parte animi, quæ cæteris præest, erecta ac, ut Cicero in primo de Diuinatione ait, saturata bonarum cogitationum epulis, anima maxime vigescit & roboratur: quo fit, ut corpori magis dominetur, fluidam eius compagem potenter contineat, sibi que constringat. Cum enim anima sit actus & perfectio corporis, fieri non potest, ut ipsa, cum in optimo quem habere possit statu & perfectione constituitur, non in eandem boni societatem corpus naturali sympathia pertrahat. Hoc modo igitur fit, quod Apostolus dicit, corpus spiritale ex animali, quantum scilicet vitæ huius conditio fert; ac sic ab anima comprehenditur, ut minimam pro-

propriae substantiae dissipationem patiatur. Hæc quam apte veterum sapientum dictis congruant, ex hocce Zoroastri oraculo patet,

ἐκτείνεις πύθινον νῦν

Ἔργον ἐπ' εὐσεβείης, ρεύσθ' ἡγὰρ σῶμα σωώσης.

Si mentem ardentem ad opus pictatis intenderis, fluxum corpus firuabis. Neque enim puto aliquem esse tam vesanum, ut rerum diuinarum contemplationem pietatis operibus annumerandam negare audeat.

Quæ autem in contrarium Scaliger in 309 exercitationum earum quas ad Cardanum scripsit, contra eam opinionem affert, ea perfacile ex ea ipsa quam ibi habet disputatione soluuntur. quæ nihil aliud probat, nisi nimia & superflua contemplatione & vigiliis immoderatis dissipari spiritus tenuiores, animæ instrumenta, vitæ fomenta absumi atque fundamenta labefactari. Sed de huiusmodi speculatione quæ modum excedat, Cardanus eam se protulisse sententiam plane inficiatur, atque ita mentem suam declarat in prima actione in calumniatorem librorum de subtilitate: *Multum (inquit) interest inter contemplationem quæ est meditatio eorum quæ sciuntur, tum inuentionem rerum nouarum quæ delectant & vitam produciunt: & molestiam animi quæ acquiritur discendo atque interpretando cum difficultate.* Sed & Scaliger ipse eo loco ostendit, non se de omni contemplatione eam censuram profiteri, sed de ea tantum, quæ modum excedit & nimio labore

fati-

fatigat. Ita disputatio illa ad nihilum redit, vel certe explanationis potius quam impugnationis loco haberi debet.

Alterum quod in Sibyllæ instituto & viuendi genere considerandum venit, est loci in quo frequentius agitabat conditio. Spelunca enim hanc pro domo usam omnes dicunt. Satis incommodum quidem, & si mores nostros spectemus, ingratum domicilium, præsertim feminæ; sed tamen non fugiendum ei qui vitam quoquo modo in longius tempus producere velit, & diu quam bene viuere malit. Quod enim & talis habitatio locorum subterraneorum iis qui illam ferre possunt ad longæuitatem non parum adiumenti afferat, cum rationibus e naturali contemplatione ductis, tum longæuorum coniplurium exemplis, qui sic vixerunt, docet Verulamius supra laudatus in Historia vitæ & mortis: ex quo non dubitat inter causas longæ vitæ hanc quoque referre, si quis in terræ cauernis habitet. *Vita (inquit) in antris & speluncis, ubi aer non recipit radios solis, possit facere ad longæuitatem: aer enim per se ad prædationem corporis non multum potest, nisi calore excitatus. Certe si quis memoriam rerum recolat, ex pluribus reliquiis & monumentis constare videtur, fuisse hominum magnitudines & staturas longe iis quæ postea fuerunt grandiores, ut in Sicilia & aliis nonnullis locis. Istiusmodi autem homines in speluncis plerumque ætatem debebant: atqui diuturnitas ætatis &*
ampli-

amplitudo membrorum habent nonnihil commune. Etiam antrum Epimenidis inter fabulas ambulat. Suspicio etiam vitam anachoretarum columnarium simile quippiam fuisse vitæ in antris: quippe ubi radii solis parum penetrabant, neque aer magnas mutationes aut inequalitates recipere poterat. Illud certum, utrumque Simeonem Stylitam, & Danielelem, & Sabam, atque alios anachoretas columnares admodum longævos fuisse. Etiam anachoreta moderni intra muros aut columnas septi & clausi longævi sæpius reperiuntur. Clara hæc Verulamii disputatio, quæ eo tendit ut longævos qui in antris habitant propterea esse demonstret, quia aer ibi minus radiis solis attenuatur & incalcescit: qui cum sit immobilis & crassiusculus, minus adeo corpus penetret, non ita substantiam eius depascitur. Fortasse & qui e terra assidue manant halitus, ut supra dicebamus, valent ad corporis constipationem & quandam membrorum soliditatem afferunt, quæ res non parum conferre ad vitam diuturnam creditur.

Sed cum omnium philosophorum & medicorum sententia nihil adeo ad longam vitam faciat, quam alimentorum conditio & utendi ratio, hanc præcipuam Sibyllæ longævitæ causam haud dubitem ponere. Conditio optima cibi ad diu vivendum est, ut sit simplex, nullis condimentis adulteratus: quicquid contra arguentur Marcio apud Plutarchum lib. 4. Sympos. cap. 1. & Eustathius apud Macrobiū lib. 7. Satur-

turnaliorum cap. 5. Magis enim me mouet Aristotelis iudicium, qui in prima sectione Quaestionum naturalium insalubrem esse omnem in cibis varietatem pronuntiat: ἡ πικίλη τροφή νοσῶδες παραχώδης γὰρ, καὶ ὁ μία πέψις. Hæc namque negotium naturæ & perturbationem affert, propterea quod cibi multum diuersi eodem tempore non possunt a calore ventriculi confici, sed vnus citius, alius longiori tempore; quo fit vt vna & æqualis horum coctio non succedat, & simul cocta & cruda in venas rapiantur. Hanc autem confusionem vt valetudini, sic longæ vitæ multum obesse consentaneum est. Quod igitur Sibylla simplici admodum parabilique victu vsa sit, non multis verbis opus esse arbitror ad probandum de muliere solitaria & in antris viuente: sed nec vaticinii professioni & vitæ sanctitati cum ferculis lautarum mensarum & gulæ illecebris conuenit; potius cum simplici & puriore alimento. Ita enim Græcis mos cum cibum qui sit simplex & illaboratus *purum* vocare; quo genus propheticum & sapientes omnium nationum, qui longæui fuisse memòrantur, vsos fuisse testatur Lucianus in Macrobiis. Locum adscribere placet, vt hominum in iis, quæ non modo ad vitæ longitudinem sed etiam sanctitatem faciunt, consensus pateat. Πιθανόν δ' αὖν εἶη, ἄνδρα θεοῖς ἀνακείμενον, καὶ καθαρώτερᾳ διαίτῃ χρωόμενον τὸν Τειρεσίαν Ὀπτιμήκιστον εἰῶναι. καὶ γένη δὲ ὅλα μακρόβια ἰσχυρεῖται διὰ τὴν διαίταν,

ταν, ὥσπερ Αἰγυπτίων οἱ καλὲς μύθοι ἱερὰ γεγραμ-
 μαίῃς, Ασυρίων δὲ καὶ Ἀραβίων οἱ ἐξηγηταὶ τῶν
 μύθων. Ἰνδῶν δὲ οἱ καλὲς μύθοι Βραχμανεῖς, ἄν-
 δρες ἀκριβῶς φιλοσοφία χολάζοντες, καὶ οἱ κα-
 λὲς μύθοι δὲ Μάγοι, γένεθ' τε το μαινικὸν καὶ Θεοῖς
 ἀνακείμενον, ὡς τε Πέρσαις, καὶ Πάρθοις, καὶ
 Βάκτροις, καὶ Χωρασμίοις, καὶ Δρείοις, καὶ Σά-
 καϊς, καὶ Μήδοις, καὶ ὡς τε πολλοῖς ἄλλοις βαρ-
 βάρεις. Ἐρῶμενοι τέ ἐσι καὶ πολυχρόνιοι, διὰ τὸ
 μαγεύειν Δαιτώμυθοι καὶ αὐτοὶ ἀκριβέστερον. id
 est, *Credibile est autem, Tiresiam hominem Diis*
deuotum & puriore victus ratione utentem ad lon-
gissimum tempus vitam prorogasse. Quin totas
nationes talis victus beneficio longævas fuisse legi-
mus. In his qui sacri scribe apud Egyptios dice-
bantur; qui item apud Assyrios & Arabes fabu-
larum interpretes; Brachmanes quoque Indorum
accurate philosophiæ studiis vacantes; præterea
quos magos vocant. Genus illud fatidicam &
Diis dicatum apud Persas, & Parthos, & Ba-
ctros, & Chorasmios, & Arios, & Saccas, & Me-
dos, & alias multas gentes barbaras; qui & fir-
ma corporis valetudine utuntur, & longævi exi-
stunt, cum magiæ beneficio quam exercent, tum
quod & ipsi accuratiorem victus formam se-
quantur.

Atque hinc Lucianum propriis verbis con-
 uincimus, non recte omisisse Sibyllam in ea hi-
 storia, quam dat, longævorum; quæ neque mi-
 nus Diis consecrata, neque minus vaticinio in-
 cly-

clyta fuerit, quam Tiresias: immo longe co-
 nobilior & in ore omnium fuit. Ex quo etiam ve-
 rissimile est, non fuisse hanc magiæ imperitam,
 sed earum artium arcana edoctam quæ tantum
 cum Diis commercium haberet. Est autem Ma-
 gia nihil aliud nisi *θεῶν ἱεραπεία*; ita enim hanc
 Plato in Alcibiade 1. definit, & ex illo Apuleius
 in Apologia: ratio scilicet colendi Deos. Quo
 pacto accepta ad religionem omnino perti-
 net; magusque plane idem quod sacerdos qui
 leges scit & docet cceremoniarum, fas sacrorum,
 ius religionum. Quem magiæ modum excel-
 lenter tenuisse Sibyllam, responsa ab ea edita &
 oracula indicant, de quibus infra. Cæterum
 obtinuit etiam vsus vt Magia dicatur ea scientiæ
 naturalis pars, quæ in virium naturæ occultarum
 experiētiis versatur, & solerti agentium cum
 patientibus compositione inusitados edit effectus,
 quos vulgus imperitum dæmonibus adscribit.
 Ita enim solent ignari de iis iudicare quæ ca-
 ptum eorum superant. Quidni igitur & huius ma-
 giæ gnaram fuisse Sibyllam dicamus, vitamque
 his artibus ad longissimum temporis spatium sibi
 conseruasse, quod quæ maxime in natura oc-
 cultis ad longæuitatem faciunt, siue proprio stu-
 dio & inuestigatione, siue dæmonis cui mini-
 strabat monstratu, comperta & explorata habe-
 ret? Certe Rogerius Baccho, celebris magiæ istius
 naturalis auctor, hoc artis illius præcipuum
 censet votum, vt aliquis sibi vitam ultra vsitatos
 natu-

naturæ fines conferuet ; quemadmodum testatum reliquit in libello de mirabili potestate artis & naturæ his verbis: *Ultimus gradus in quem potest artis complementum cum omni naturæ potestate, est prolongatio vitæ usque in magnum tempus. Quod autem hoc sit possibile multa experimenta docuerunt.* Exinde exempla affert quorundam, qui vitam sibi arte & secretis medicamentis ad miraculum produxerunt. Quæ falsa necesse est videantur iis, qui naturæ potentiam & opes parum animo præ imperitia æstimare valent: quemadmodum etiam Plinius in septimo historiæ naturalis libro cap. i. admonet: *Naturæ vero rerum vis atque maiestas, in omnibus momentis fide caret: si quis modo partes eius ac non totam complectatur animo.* Sed de Sibyllæ vita longa & eius causis hætenus.

CAPVT XIX.

De solitudine Sibyllæ, & eorum qui soli viuere possunt differentiis.

Nunc & de Sibyllæ solitudine aliquid dicamus: quam quidem multum illi placuisse, ex aliis eius proprietatibus supra explicatis intelligi potest. Sed quia variis causis homines ad solitudinem impelli possunt, non videtur alienum a proposito eas causas considerare, ita enim fiet

vt magis fatidicæ illius ingenium & præstantia ab omnibus cognoscatur.

Primum illud constare debet, quod & cuius perspicuum esse arbitror, neminem posse in solitudine viuere nisi qui ad id vitæ genus natura aptus sit: aliter non diu in eo statu permanere poterit, sed aut eum mutabit, aut ipse mutabitur; hoc est, succumbet tædio & desperatione extinguetur. Aptus autem homo omnino & animo & corpore vt intelligatur, vtriusque partis habitus ad id institutum conspiret necesse est. Habitum voco quam liceat nobis cum Philosophis vocare aptitudinem, dictione haud Ciceroniana quidem, sed tamen clara & necessaria. Est autem aptitudo quædam accommodatio, qua quis natura vel habitu ad aliquid agendum vel patiendum accommodatur. Quæ definitio est Augustini Niphi, inter recentiores Italiæ philosophos facile principis, in libro quem de iis qui apte in solitudine viuere possunt composuit. Qui liber inter alia eius opuscula, Gabrielis Naudæi cuius mei viri clarissimi studio edita, extat.

Cum autem multa in corpore existant per quæ ad aliquid aptus quis censeatur; quæ scilicet corporis bona dicuntur; sunt autem hæc: sanitas, robur, viuacitas, pulchritudo, velocitas pedum, visus & aliorum sensuum acumen; ex his sanam & satis firmam corporis constitutionem solitario maxime esse necessariam censet Niphus, & ex decendis patebit. Sed & ea corporis constitutio quæ

quæ sit ad diu viuendum accommodata, licet non simpliciter est necessaria, solitario tamen vt diu vitæ solitariæ bono fruatur, & felix dici possit, apprime esse conuenientem ex sequentibus etiam intelligetur. Neque enim felix quisquam, nisi in satis longo temporis spatio, in quo ætatis curriculum ad metam naturæ legitimam perducipossit, dicendus auctore Philosopho in primo Moral. ad Nicomachum. Quæ omnia magis postea patebunt.

Porro si iis quæ dixi corporis dotibus homines ad vitam in solitudine degendam idonei efficiuntur, non minus profecto eidem instituto fiunt apti iis quæ in anima sita sunt commodis, moribus scilicet ad omnem virtutem probe temperatis & apta animi ad contemplandum indole, cuius præcipue operatione ceu necessario alimento vita in secessu sustentari potest. An autem & externa fortuitaque commoda ei qui in solitudine victurus sit necessaria sint, queritur. Amplas quidem opes impedimento esse potius quam adiumento secessum & pacem amanti manifestis vita ipsa documentis monstrat; diuites sentiunt quibus fortuna mentem non ademit, neque illud euenit, *stultitiam patiuntur opes*. Præterea ubi res ampla est, ibi negotia & multitudo ministrantium adsit necesse est, aut breui omnis illa opulentia dilabatur & pereat. Neque enim dominus per se domestica omnia agere possit: quo fit vt nemini valde locupleti solitario & otio-

so esse liceat. An autem mediocris res familiaris parata solitario esse debet, ad eorum suppeditationem quæ sunt vitæ necessaria? Victum utique & vestitum habeat necesse est, sine quibus viui nullo modo potest. Verum neque istud de omni solitario liceat pronunciare: sunt enim plures eorum modi, ut videre est apud eundem Niphum dicto libro *de iis, qui apte in solitudine viuere possunt*. Quatuor autem distinguit genera solitiorum: vnum diuinum & heroicum; alterum ferinum; tertium quod humanum appellat; quartum ciuile. Primum & alterum genus habemus apud Aristotelem in primo πολιτικῶν cap. 2. duobus locis: καὶ ὁ ἀπολις διὰ φύσιν καὶ ἔξ διὰ τύχην, ἥτοι φαῦλῶς εἶναι, ἢ κρείττων ἢ ἀνθρώπων. *Qui absque ciuitate est per naturam non autem fortuna coactus, is aut nequam est, aut homine melior.* Rursus paulo infra in eodem capite; ὁ δὲ μὴ δυνάμει κοινωνεῖν, ἢ μήτεν δεόμενος δι' αὐταίρεσσαν, ἔδὲν μέγας πόλεως. ὥστε ἢ θεῖον ἢ θεός. *Qui autem in communi societate esse non potest, aut nulla re indiget, quod sibi ipse sufficiat, non est pars vlla ciuitatis: quare aut bestia est aut Deus.* Reliqua duo genera solitiorum licet non tam expresse notata apud Aristotelem ostendere possumus, tamen ex variis eius dictis accipiuntur. Interim quem *humanum* vocet solitiorum Niphus, ipse ibidem explicat: hunc scilicet, qui in agris quidem & locis remotis degit, verum non ita totus in contemplatione est, ut non aliquam

quam rei familiaris curam habeat, ac famulis, qui sibi more hominum necessaria subministrant, utatur. Hunc autem vitæ solitariæ modum exprimit Niphus ex iis quæ habentur in lib. 10. Moral. ad Nicomachum, quo loco Philosophus quem proponit contemplatione beatum, licet hunc *αὐτάρκεια* censet, rebus tamen externis non posse carere statuit, quia homo est: *δεῖσθαι δὲ καὶ τῆς ἐκτὸς εὐθυμίας ἀνθρώπων ὄντι*. Huius vitæ exempla habemus in Democrito, qui ut Hippocrates in epistolis testatur, rure agebat libris & contemplationi vacans, non tamen sine famulis qui rem familiarem curarent: in Heraclito, qui in montibus vivebat, tametsi hic propior solitariis diuinis: in Anaxagora, qui patrimonium amplum propinquis concessit, ut ea cura liberatus uni contemplationi vacaret: in Platone, qui in Academiæ secessu nemoroso ætatem philosophiæ studiis transegit: in Marone & Horatio, qui vrbis contemptores amica Musis otia latis in fundis suis carpebant, seruatorum interim & vernarum turba succincti.

Civilem demum appellat solitarium, quisquis in vrbe agitando ortu & habitatione civis dici potest, non autem viuendi instituto, quia nullam reipublicæ attingit partem, & prorsus a negotio omni publico abstinet. Talem vitam Athenis agebat Socrates, vrbi ita affixus ut quæ extra mœnia essent ignoraret, & præ ignorantia miraretur, cum aliquando in vicinum agrum a Phædro

tantum ; & Aristotelis temporibus Polydorum Prieneum , quem sola contemplatione vixisse , neque vnquam alimentis aliis aut vestimentis externisue vllis vsum tradunt. Quod si verum est , supra naturæ humanæ conditionem factum videri debet ; siue quapiam diuina forte accidit ; siue , quod potius reor de ethnico , dæmonis potestate talibus prodigiis hominibus aliquando illudentis , ad faciendam iis diuinitatis opinionem : vel innata illi ambitione imitandi opera Dei in sanctis ; de quo supra est dictum. Est enim dæmon simia Dei.

Quod cum considero , non mihi videtur absurdum , aliquid eiusmodi dæmonem passasse ad sustentandum Sibyllæ corpusculum , quale Deum fecisse legimus ad necessaria Eliæ & Joanni præcursori suppeditanda in deserto : & postea Paulo anachoretarum principi , auctore Hieronymo in eius vita. Legimus in tertio Regnorum , Eliam cum esset in solitudine torrentis Carith pastum fuisse a coruis , singulari Dei prouidentia illi necessaria hoc modo exhibente. *Et factum est verbum Domini ad eum dicens : recede hinc & vade contra orientem , & abscondere in torrente Carith , qui est contra Iordanem ; & ibi de torrente bibes : coruisque præcepi , vt pascant te ibi.* Non me latet ambiguum esse nomen in textu Hebræo , quo non modo corui sed etiam Arabes intelligi possint , vt notat Hieronymus ad hæc verba Esaïæ 15. *Et visitatio eorum ad torrentem salicum ducent eos ;*
sed

sed rectius eo loco Regnorum coruos exponi, res quæ ibi agitur declarat: iubet enim Deus abscondi prophetam in torrente &c. Quomodo igitur absconditus potuit alimenta accipere ab hominibus & latere regem Achab? Confirmat & quod de Paulo primo anachoreta idem Hieronymus tradit, quem itidem sexaginta annos in solitudine corui ministerio panem quotidie afferentis sustentatum refert. Diuinus autem Joannes præcursor a puero in desertis versatus melle agresti & locustis vitam tolerasse narratur Matth. 3. 4. Quidni igitur, si dæmonia diuinis opera comparare licet, eodem modo credamus dæmonis industria pastam in antris & desertis Sibyllam?

Non desunt tamen qui nonnullam corporis humani proprietatem in diuinis solitariis subesse suspicentur. Qua de re Philosophus Sueffanus dicto loco hunc in modum refert: *Alii vero boni Peripatetici eum solitarium posse conditionem, qua superat humanam naturam, lucrari autumant ex principiis generationis. Homo enim ex principiis ortus non modo elementariam naturam sibi comparare potest, qua est calidus, frigidus, humidus, vel siccus, aut inter hos medius; quæue est cholericus, sanguineus, phlegmaticus, melancholicus, vel inter hos temperatus; verum etiam eam quæ a medicis hodie materialis complexio dicitur, quæue insequens materiam appellatur: sic enim nunc vocatur. Vbi complexionem materialem vocat, quæ propriam cuiusque hominis particularis materiam sequi-*

prompta deest, quamobrem veram hanc opinionem credamus. Nempe ut ait Cardanus, magna est contemplationis voluptas: quod & Philosophus testatur lib. 10. cap. 7. *Moralium ad Nicomachum*: δοκεῖ γὰρ (inquit) ἡ σοφία ταυμασὰς ἡδοναῖς ἔχειν καθαριότητα καὶ τὰ βεβαίως, *mirabiles sapientia habere, puritate & fruendi constantia, voluptates videtur*. Sciunt autem omnes qui experiuntur. Puritate quidem excellunt, quia mentis operationem qua nihil sanctius sequuntur; stabilitate autem & constantia, ob naturam earum rerum quæ in contemplatione versantur: huiusmodi enim natura est rerum diuinarum quæ non mutantur. Cum igitur mens in his defixa hæret, simul & spiritus animæ ad omnem functionem ministri consistant: minus igitur tunc dissipantur. Ita ea parte animi, quæ cæteris præest, crecta ac, ut Cicero in primo de Diuinatione ait, saturata bonarum cogitationum epulis, anima maxime vigescit & roboratur: quo fit, ut corpori magis dominetur, fluidam eius compagem potenter contineat, sibi que constringat. Cum enim anima sit actus & perfectio corporis, fieri non potest, ut ipsa, cum in optimo quem habere possit statu & perfectione constituitur, non in eandem boni societatem corpus naturali sympathia pertrahat. Hoc modo igitur fit, quod Apostolus dicit, corpus spiritale ex animali, quantum scilicet vitæ huius conditio fert; ac sic ab anima comprehenditur, ut minimam pro-

propriæ substantiæ dissipationem patiatur. Hæc quam apte veterum sapientum dictis congruant, ex hocce Zoroastris oraculo pater,

ἐκτείνεις πύθινον ὕδν

Ἔργον ἐπ' εὐσεβείης, ῥεύσδ' ἡγὰρ σῶμα σαώσης.

Si mentem ardentem ad opus pietatis intenderis, fluxum corpus firuabis. Neque enim puto aliquem esse tam vesanum, vt rerum diuinarum contemplationem pietatis operibus annumerandam negare audeat.

Quæ autem in contrarium Scaliger in 309 exercitationum earum quas ad Cardanum scripsit, contra eam opinionem affert, ea perfacile ex ea ipsa quam ibi habet disputatione soluuntur. quæ nihil aliud probat, nisi nimia & superflua contemplatione & vigiliis immoderatis dissipari spiritus tenuiores, animæ instrumenta, vitæ fomenta absumi atque fundamenta labefactari. Sed de huiusmodi speculatione quæ modum excedat, Cardanus eam se protulisse sententiam plane inficiatur, atque ita mentem suam declarat in prima actione in calumniatorem librorum de subtilitate: *Multum (inquit) interest inter contemplationem quæ est meditatio eorum quæ sciuntur, tum inuentionem rerum nouarum quæ delectant & vitam produciunt: & molestiam animi quæ acquiritur discendo atque interpretando cum difficultate.* Sed & Scaliger ipse eo loco ostendit, non se de omni contemplatione eam censuram profiteri, sed de ea tantum, quæ modum excedit & nimio labore fati-

fatigat. Ita disputatio illa ad nihilum redit, vel certe explanationis potius quam impugnationis loco haberi debet.

Alterum quod in Sibyllæ instituto & viuendi genere considerandum venit, est loci in quo frequentius agitabat conditio. Spelunca enim hanc pro domo usam omnes dicunt. Satis incommodum quidem, & si mores nostros spectemus, ingratum domicilium, præsertim feminae; sed tamen non fugiendum ei qui vitam quoquo modo in longius tempus producere velit, & diu quam bene vivere malit. Quod enim & talis habitatio locorum subterraneorum iis qui illam ferre possunt ad longævitatē non parum adiumenti afferat, cum rationibus e naturali contemplatione ductis, tum longævorum complurium exemplis, qui sic vixerunt, docet Verulamius supra laudatus in Historia vitæ & mortis: ex quo non dubitat inter causas longæ vitæ hanc quoque referre, si quis in terræ cauernis habitet. *Vita (inquit) in antris & speluncis, ubi aer non recipit radios solis, possit facere ad longævitatē: aer enim per se ad prædationem corporis non multum potest, nisi calore excitatus. Certe si quis memoriam rerum recolat, ex pluribus reliquiis & monumentis constare videtur, fuisse hominum magnitudines & staturas longe iis quæ postea fuerunt grandiores, ut in Sicilia & aliis nonnullis locis. Istiusmodi autem homines in speluncis plerumque ætatem degebant: atqui diuturnitas ætatis &*
ampli-

amplitudo membrorum habent nonnihil commune. Etiam antrum Epimenidis inter fabulas ambulat. Suspicio etiam vitam anachoretarum columnarium simile quippiam fuisse vitæ in antris: quippe ubi radii solis parum penetrabant, neque aer magnas mutationes aut inequalitates recipere poterat. Illud certum, utrumque Simeonem Stylitam, & Daniele, & Sabam, atque alios anachoretas columnares admodum longævis fuisse. Etiam anachoretæ moderni intra muros aut columnas septi & clausi longævi sæpius reperiuntur. Clara hæc Verulamii disputatio, quæ eo tendit ut longævos qui in antris habitant propterea esse demonstret, quia aer ibi minus radiis solis attenuatur & incallescit: qui cum sit immobilis & crassiusculus, minus adeo corpus penetret, non ita substantiam eius depascitur. Fortasse & qui e terra assidue manant halitus, ut supra dicebamus, valent ad corporis constipationem & quandam membrorum soliditatem afferunt, quæ res non parum conferre ad vitam diuturnam creditur.

Sed cum omnium philosophorum & medicorum sententia nihil adeo ad longam vitam faciat, quam alimentorum conditio & utendi ratio, hanc præcipuam Sibyllæ longævitæ causam haud dubitem ponere. Conditio optima cibi ad diu viuendum est, ut sit simplex, nullis condimentis adulteratus: quicquid contra arguentur Marcio apud Plurarchum lib. 4. Sympos. cap. 1. & Eustathius apud Macrobiū lib. 7. Satur-

turnaliorum cap. 5. Magis enim me mouet Aristotelis iudicium, qui in prima sectione Quaestionum naturalium insalubrem esse omnem in cibis varietatem pronuntiat: ἡ ποικίλη τροφή νοσῶδες παραχώδης γάρ, καὶ ὁ μίαν πέψιν. Hæc namque negotium naturæ & perturbationem affert, propterea quod cibi multum diuersi eodem tempore non possunt a calore ventriculi confici, sed vnus citius, alius longiori tempore; quo fit vt vna & æqualis horum coctio non succedat, & simul cocta & cruda in venas rapiantur. Hanc autem confusionem vt valetudini, sic longæ vitæ multum obesse consentaneum est. Quod igitur Sibylla simplici admodum parabilique victu vsa sit, non multis verbis opus esse arbitror ad probandum de muliere solitaria & in antris viuente: sed nec vaticinii professioni & vitæ sanctitati cum ferculis lautarum mensarum & gulæ illecebris conuenit; potius cum simplici & puriore alimento. Ita enim Græcis mos cum cibum qui sit simplex & illaboratus *purum* vocare; quo genus propheticum & sapientes omnium nationum, qui longæui fuisse memorantur, vsos fuisse testatur Lucianus in Macrobiis. Locum adscribere placet, vt hominum in iis, quæ non modo ad vitæ longitudinem sed etiam sanctitatem faciunt, consensus pateat. Πιθανόν δ' ἂν εἴη, ἄνδρα θεοῖς ἀνακείμενον, καὶ καθαρώτερα διαίτη χρωόμενον τὸν Τειρεσίαν Ὀπτιμήκισον Εἰῶνα. καὶ γένη δὲ ὅλα μακρόβια ἰσχυρίζεται διὰ τὴν διαίτην,

ταν, ὥσπερ Αἰγυπτίων οἱ καλὲς μῆροι ἱερεῖς γραμματεῖς, Ασυρίων δὲ καὶ Ἀραβίων οἱ ἐξηγηταὶ τῶν μύθων. Ἰνδῶν δὲ οἱ καλὲς μῆροι Βραχμανεῖς, ἄνδρες ἀκριβῶς Φιλοσοφία χολάζοντες, καὶ οἱ καλὲς μῆροι δὲ Μάγοι, γένετ' ἑκάστομαινικὸν καὶ Θεοῖς ἀνακείμενον, ὡς καὶ τῶ Πέρσαις, καὶ Πάρθοις, καὶ Βάκτροις, καὶ Χωρασμίσις, καὶ Δρείσις, καὶ Σάκαις, καὶ Μήδοις, καὶ ὡς καὶ πολλοῖς ἄλλοις βαρβαρίσις. Ἐρώμενοι τέ ἐῖσι καὶ πολυχρόνιοι, διὰ τὸ μαγεύειν Δαιτώμῆροι καὶ αὐτοὶ ἀκριβέστερον. id est, *Credibile est autem, Tircsiam hominem Diis deuotum & puriore victus ratione vtentem ad longissimum tempus vitam prorogasse. Quin totas nationes talis victus beneficio longæuas fuisse legimus. In his qui sacri scribe apud Egyptios dicebantur; qui item apud Assyrios & Arabes fabularum interpretes; Brachmanes quoque Indorum accurate philosophiæ studiis vacantes; præterea quos magos vocant. Genus illud fatidicam & Diis dicatum apud Persas, & Parthos, & Bactros, & Chorasmios, & Arios, & Saccas, & Medos, & alias multas gentes barbaras; qui & firma corporis valetudine vtuntur, & longæui existunt, cum magiæ beneficio quam exercent, tum quod & ipsi accuratiorem victus formam sequantur.*

Atque hinc Lucianum propriis verbis conuincimus, non recte omisisse Sibyllam in ea historia, quam dat, longæuorum; quæ neque minus Diis consecrata, neque minus vaticinio incluz-

clyta fuerit, quam Tiresias: immo longe eo nobilior & in ore omnium fuit. Ex quo etiam verisimile est, non fuisse hanc magiæ imperitam, sed earum artium arcana edoctam quæ tantum cum Diis commercium haberet. Est autem Magia nihil aliud nisi *θεῶν θεωρησία*; ita enim hanc Plato in Alcibiade 1. definit, & ex illo Apuleius in Apologia: ratio scilicet colendi Deos. Quo pacto accepta ad religionem omnino pertinet; magusque plane idem quod sacerdos qui leges scit & docet ceremoniarum, fas sacrorum, ius religionum. Quem magiæ modum excellenter tenuisse Sibyllam, responsa ab ea edita & oracula indicant, de quibus infra. Cæterum obtinuit etiam vsus ut Magia dicatur ea scientiæ naturalis pars, quæ in virium naturæ occultarum experiētiis versatur, & solerti agentium cum patientibus compositione inusitados edit effectus, quos vulgus imperitum dæmonibus adscribit. Ita enim solent ignari de iis iudicare quæ captum eorum superant. Quidni igitur & huius magiæ gnaram fuisse Sibyllam dicamus, vitamque his artibus ad longissimum temporis spatium sibi conseruasse, quod quæ maxime in natura occultis ad longævitatē faciunt, siue proprio studio & inuestigatione, siue dæmonis cui ministrabat monstratu, comperta & explorata haberet? Certe Rogerius Baccho, celebris magiæ istius naturalis auctor, hoc artis illius præcipuum censet votum, ut aliquis sibi vitam ultra vsitatos

natu-

naturæ fines conferuet ; quemadmodum testatum reliquit in libello de mirabili potestate artis & naturæ his verbis : *Ultimus gradus in quem potest artis complementum cum omni naturæ potestate, est prolongatio vitæ usque in magnum tempus. Quod autem hoc sit possibile multa experimenta docuerunt.* Exinde exempla affert quorundam, qui vitam sibi arte & secretis medicamentis ad miraculum produxerunt. Quæ falsa necesse est videantur iis, qui naturæ potentiam & opes parum animo præ imperitia æstimare valent: quemadmodum etiam Plinius in septimo historiæ naturalis libro cap. i. admonet: *Naturæ vero rerum vis atque maiestas, in omnibus momentis fide caret: si quis modo partes eius ac non totam complectatur animo.* Sed de Sibyllæ vita longa & eius causis hætenus.

CAPVT XIX.

De solitudine Sibyllæ, & eorum qui soli viuere possunt differentiis.

Nunc & de Sibyllæ solitudine aliquid dicamus: quam quidem multum illi placuisse, ex aliis eius proprietatibus supra explicatis intelligi potest. Sed quia variis causis homines ad solitudinem impelli possunt, non videtur alienum a proposito eas causas considerare, ita enim fiet

ut magis fatidicæ illius ingenium & præstantia ab omnibus cognoscatur.

Primum illud constare debet, quod & cuius perspicuum esse arbitror, neminem posse in solitudine vivere nisi qui ad id vitæ genus natura aptus sit: aliter non diu in eo statu permanere poterit, sed aut eum mutabit, aut ipse mutabitur; hoc est, succumbet tædio & desperatione extinguetur. Aptus autem homo omnino & animo & corpore ut intelligatur, utriusque partis habitus ad id institutum conspiret necesse est. Habitum voco quam liceat nobis cum Philosophis vocare aptitudinem, dictione hæud Ciceroniana quidem, sed tamen clara & necessaria. Est autem aptitudo quædam accommodatio, qua quis natura vel habitu ad aliquid agendum vel patendum accommodatur. Quæ definitio est Augustini Niphi, inter recentiores Italiæ philosophos facile principis, in libro quem de iis qui apte in solitudine vivere possunt composuit. Qui liber inter alia eius opuscula, Gabrielis Naudæi concuius mei viri clarissimi studio edita, extat.

Cum autem multa in corpore existant per quæ ad aliquid aptus quis censeatur; quæ scilicet corporis bona dicuntur; sunt autem hæc: sanitas, robur, viuacitas, pulchritudo, velocitas pedum, visus & aliorum sensuum acumen; ex his sanam & satis firmam corporis constitutionem solitario maxime esse necessariam censet Niphus, & ex dicendis patebit. Sed & ea corporis constitutio quæ

quæ sit ad diu viuendum accommodata, licet non simpliciter est necessaria, solitario tamen vt diu vitæ solitariæ bono fruatur, & felix dici possit, apprime esse conuenientem ex sequentibus etiam intelligetur. Neque enim felix quisquam, nisi in satis longo temporis spatio, in quo ætatis curriculum ad metam naturæ legitimam perducì possit, dicendus auctore Philosopho in primo Moral. ad Nicomachum. Quæ omnia magis postea patebunt.

Porro si iis quæ dixi corporis dotibus homines ad vitam in solitudine degendam idonei efficiuntur, non minus profecto eidem instituto fiunt apti iis quæ in anima sita sunt commodis, moribus scilicet ad omnem virtutem probe temperatis & apta animi ad contemplandum indole, cuius præcipue operatione ceu necessario alimento vita in secessu sustentari potest. An autem & externa fortuitaque commoda ei qui in solitudine victurus sit necessaria sint, quæritur. Amplas quidem opes impedimento esse potius quam adiumento secessum & pacem amanti manifestis vita ipsa documentis monstrat; diuites sentiunt quibus fortuna mentem non ademit, neque illud euenit, *sultitiam patiuntur opes*. Præterea vbi res ampla est, ibi negotia & multitudo ministrantium adsit necesse est, aut breui omnis illa opulentia dilabatur & pereat. Neque enim dominus per se domestica omnia agere possit: quo fit vt nemini valde locupleti solitario & otio-

so esse liceat. An autem mediocris res familiaris parata solitario esse debet, ad eorum suppeditationem quæ sunt vitæ necessaria? Victum utique & vestitum habeat necesse est, sine quibus viui nullo modo potest. Verum neque istud de omni solitario liceat pronunciare: sunt enim plures eorum modi, ut videre est apud eundem Niphum dicto libro *de iis, qui apte in solitudine vivere possunt*. Quatuor autem distinguit genera solitariorum: vnum diuinum & heroicum; alterum ferinum; tertium quod humanum appellat; quartum ciuile. Primum & alterum genus habemus apud Aristotelem in primo πολιτικῶν cap. 2. duobus locis: καὶ ὁ ἀπολις διὰ φύσιν καὶ ὁ διὰ τύχην, ἥτοι Φαῦλῳ ἔστιν, ἢ κρείττων ἢ ἀνδρωπῳ. *Qui absque ciuitate est per naturam non autem fortuna coactus, is aut nequam est, aut homine melior.* Rursus paulo infra in eodem capite; ὁ δὲ μὴ δυνάμει κοινωνεῖν, ἢ μὴ δὲν θεόμει δι' αὐτάρκειαν, ἔδὲν μέγας πόλεως. ὥστε ἢ θερίον ἢ θεός. *Qui autem in communi societate esse non potest, aut nulla re indiget, quod sibi ipse sufficiat, non est pars vlla ciuitatis: quare aut bestia est aut Deus.* Reliqua duo genera solitariorum licet non tam expresse notata apud Aristotelem ostendere possumus, tamen ex variis eius dictis accipiuntur. Interim quem *humanum* vocet solitarium Niphus, ipse ibidem explicat: hunc scilicet, qui in agris quidem & locis remotis degit, verum non ita totus in contemplatione est, ut non aliquam

quam rei familiaris curam habeat, ac famulis, qui
 sibi more hominum necessaria subministrant, v-
 tatur. Hunc autem vitæ solitariæ modum expri-
 mit Niphus ex iis quæ habentur in lib. 10. Mo-
 ral. ab Nicomachum, quo loco Philosophus
 quem proponit contemplatione beatum, licet
 hunc ἀγαθόν censet, rebus tamen externis
 non posse carere statuit, quia homo est: δέησιν δὲ
 καὶ τῆς ἐκτὸς ἐνημερίας ἀνθρώπων ὄντι. Huius
 vitæ exempla habemus in Democrito, qui vt Hip-
 pocrates in epistolis testatur, rure agebat libris
 & contemplationi vacans, non tamen sine famu-
 lis qui rem familiarem curarent: in Heraclito,
 qui in montibus vivebat, tametsi hic propior so-
 litariis diuinis: in Anaxagora, qui patrimoniu-
 m amplum propinquis concessit, vt ea cura libe-
 ratus vni contemplationi vacaret: in Platone,
 qui in Academiæ secessu nemoroso atatem phi-
 losophiæ studiis transegit: in Marone & Hora-
 tio, qui vrbis contemptores amica Musis otia la-
 tis in fundis suis carpebant, seruorum interim &
 vernarum turba succincti.

Ciuilem demum appellat solitarium, quisquis
 in vrbe agitans ortu & habitatione ciuis dici po-
 test, non autem viuendi instituto, quia nullam
 reipublicæ attingit partem, & prorsus a negotio
 omni publico abstinet. Talem vitam Athenis
 agebat Socrates, vrbi ita affixus vt quæ extra mœ-
 nia essent ignoraret, & præ ignorantia miraretur,
 cum aliquando in vicinum agrum a Phædro

deductus fuisset; quo nomine eum Phædrus amice increpat. Cuius hunc in modum respondet: Ignosce mihi, optime Phædre: nam discendi cupidus sum, agri vero & arbores nihil me docere possunt, sed homines qui in vrbe versantur. Homines ii ut plurimum adolescentes ingenui, aut sophistæ, aut vates, aut rhapsodi erant, cum quibus in gymnasiis & palæstris aut amicorum conuiuiis disputabat. Ita ciuis erat Socrætes & non erat; loco ut dixi ciuis, viuendi ratione solitarius, quia veri vbique inuestigator & contemplationi addictus, cui inter vrbis strepitus vacabat: vel, ut Niphus dicit, mente solitarius, corpore ciuile. Nec dubitem in eodem ciuiliu solitariu albo ponere Ciceronem, post amisam rempublicam, ex iis quæ habet in præfatione libri secundi Officiorum: *Cum autem respublica, in qua omnis mea cura, cogitatio, opera poni solebat, nulla esset omnino; ille scilicet literæ conticuerunt, forenses & senatoriæ. Nihil autem agere cum animus non posset, in iis studiis ab initio versatus ætatis, existimaui honestissime molestias deponi posse, si me ad philosophiam retulissim.* Omnes denique qui in vrbibus versantes philosophiæ & aliarum ingenuarum artium studiis ætatem transigunt, in eandem solitariu classem esse redigendos palam est. Ac de quadruplici solitudinem colentium genere hæcenus.

Ex his ad quam potissimum horum solitariu classem Sibylla pertineat, non difficile est con-

constituere. Iis enim quos Aristoteles deos, Niphus diuinos appellat, esse aggregandam, non immerito aliquis existimauerit, quæ in antris habitaret, & re familiari & famulatu omni careret, sola (vt verisimile est) benignitate eorum quibus responsa dabat de futuro vitam toleraret. Neque huic coniecturæ obstat, quod Erythræa dicta sit, aut ab alijs vrbibus nomen traxerit. Non enim sic nominata, quod in vrbibus habitaret, sed quia prope & in regione, quod ad denominationem fuit. Sed de his nominibus infra accuratius dicemus; quæ hominibus imposuerunt, vt quæ non esset vates, plures esse crederentur. Sic vixit Sibyllam arbitror (absit comparationi inuidia) vt olim lumina eremi Paulus, Antonius, Hilarion vixerunt: vel vt Elias Thesbites, & Ioannes Baptista, ambo diuinissimi & digni qui angelis potius quam hominibus annumerentur. De quorum vita in hoc mundo sic Paulus Apostolus loquitur ad Hebræos cap. II. versu 37. περιῆλθον ἐν μελωταῖς, ἐν αἰγείοις δέρμασιν ὑπερέμνηροι, θλιβόμενοι, κακῶς ἐμνηροι (ὧν σὸς ἦν ἄξιός οἱ κόσμος) ἐν ἐρημίαις πλανώμενοι, καὶ ὄρεσι καὶ ὠρηταῖς, καὶ ταῖς ὁπάις τῆς γῆς. *Circumuegati sunt in ouium & caprarum pellibus, egentes, pressi & afflicti, quibus dignus non erat mundus; in solitudinibus errantes, in montibus, in speluncis & cauernis terra.* Quibus addit Niphus Elpidium Cappadocem, qui bis tantum vescebatur in hebdomada; Medericum Edunensem, qui semel

tantum ; & Aristotelis temporibus Polydorum Priencum , quem sola contemplatione vixisse , neque vnquam alimentis aliis aut vestimentis externisue vllis vsum tradunt. Quod si verum est , supra naturæ humanæ conditionem factum videri debet ; siue quapiam diuina sorte accidit ; siue , quod potius reor de ethnico , dæmonis potestate talibus prodigiis hominibus aliquando illudentis , ad faciendam iis diuinitatis opinionem : vel innata illi ambitione imitandi opera Dei in sanctis ; de quo supra est dictum. Est enim dæmon simia Dei.

Quod cum considero , non mihi videtur absurdum , aliquid eiusmodi dæmonem passum ad sustentandum Sibyllæ corpusculum , quale Deum fecisse legimus ad necessaria Eliæ & Joanni præcursori suppeditanda in deserto : & postea Paulo anachoretarum principi , auctore Hieronymo in eius vita. Legimus in tertio Regnorum , Eliam cum esset in solitudine torrentis Carith pastum fuisse a coruis , singulari Dei prouidentia illi necessaria hoc modo exhibente. *Et factum est verbum Domini ad eum dicens : recede hinc & vade contra orientem , & abscondere in torrente Carith , qui est contra Iordanem ; & ibi de torrente bibes : coruisque præcepi , vt pascant te ibi.* Non me latet ambiguum esse nomen in textu Hebræo , quo non modo corui sed etiam Arabes intelligi possint , vt notat Hieronymus ad hæc verba Esaïæ 15. *Et visitatio eorum ad torrentem salicum ducent eos ;*
sed

sed rectius eo loco Regnorum coruos exponi, res quæ ibi agitur declarat: iubet enim Deus abscondi prophetam in torrente &c. Quomodo igitur absconditus potuit alimenta accipere ab hominibus & latere regem Achab? Confirmat & quod de Paulo primo anachoreta idem Hieronymus tradit, quem itidem sexaginta annos in solitudine corui ministerio panem quotidie afferentis sustentatum refert. Diuinus autem Joannes præcursor a puero in desertis versatus melle agrestis & locustis vitam tolerasse narratur Matth. 3. 4. Quidni igitur, si dæmonia diuinis opera comparare licet, eodem modo credamus dæmonis industria pastam in antris & desertis Sibyllam?

Non desunt tamen qui nonnullam corporis humani proprietatem in diuinis solitariis subesse suspicentur. Qua de re Philosophus Sueffanus dicto loco hunc in modum refert: *Alii vero boni Peripatetici eum solitarium posse conditionem, qua superat humanam naturam, lucrari autumant ex principiis generationis. Homo enim ex principiis ortus non modo elementariam naturam sibi comparare potest, qua est calidus, frigidus, humidus, vel siccus, aut inter hos medius; quæue est cholericus, sanguineus, phlegmaticus, melancholicus, vel inter hos temperatus; verum etiam eam quæ a medicis hodie materialis complexio dicitur, quæue insequens materiam appellatur: sic enim nunc vocatur. Vbi complexionem materialem vocat, quæ propriam cuiusque hominis particularis materiam sequi-*

tur; quam scilicet alias proprietatem indiuidualem dicimus; cuiusmodi innumerabiles existunt in hominibus, cum nemo sit cui non sua a primordiis naturæ atque ortu contigerit. Huiusmodi etiam proprietatem agnoscit Auenrois in sexto eorum librorum, quos vulgus Colliget nomine barbaro appellat. *Quelibet materia, inquit, habet accidentia propria & fixa in ipsa, sine accidentibus quæ manant a forma. Et hæc accidentia, quæ sunt in materia sunt causæ varietatum, quæ in naturis indiuiduorum inueniuntur.* Non immerito autem has proprietates materiales vecant: cum enim ad formam, quæ speciem humanam constituit, referri non possint, superest ut materiæ adscribantur; non illi communi omnibus, sed ut dixi, propriæ cuiusque hominis, quæ ut apertius exponam, nihil aliud est nisi modus quidam & qualitas temperamenti, quam Galenus in I. ad Glauconem initio, *ἰδιοσυγκρασίαν* vocat: ex qua cæ proprietates manant quas Alexander in præfatione problematum *ἰδιότητας ἀπρήτης* ab iisdem medicis dici testatur.

Censet igitur Niphus, Aristotelis sententia talem interdum fieri concursum elementorum in corporis constitutione, ex quo aliquis ingenio ad virtutem inusitato & continentia heroica nascatur: præterea quam paucissimis aut nullis eget alimentis & tegumentis, vitam denique ultra humanæ viuacitatis metam proroget. Quin Gentilis Fulginas, qui Auicennam commentariis illu-

illustravit, Eliam prophetam ex perfecta temperamenti æqualitate, & æquilibri ad vnguem in eius corpore proportionem elementorum, potuisse quavis in mundi regione & elemento consistere putat; quod eius corpus æquatis perfecte elementorum qualitatibus ad vnam potius quam aliam loci differentiam non inclinaret. Ex quo factum credit, vt propheta ille in turbine igneo & curru equorum flammantium recipi posset. Hoc scilicet nixus dicto Auenrois, quod est in primo de cælo text. comm. 7. *si componeretur (inquit) æqualiter aliquod corpus, posset non moueri omnino sed stare, quocumque in loco poneretur.* Vbi ingenii humani imbecillitatem contemplari licet, & doctorum infelicitatem conqueri, quibus ipsa illudat philosophia, ipsa ratio superflua causarum indagatione in insaniam erumpat. Nam si quod Gentilis opinatur verum sit, sequitur & Christum Dominum eadem ad amissum æquali elementorum proportionem ambulasse pedibus super mare, & quadraginta dies totos in cremo absque cibo & potu tolerasse. Omnia quæ de miraculis eius & aliorum sanctorum leguntur, ad aliquam occultam naturæ proprietatem, puta animæ præstantem vigorem vt censuit Algazel, aut ad materialem complexionem & indiuidui proprietatem referetur. Ita multorum, quæ religio credenda proponit, fides periclitabitur, imo prorsus labefactabitur. Quanto satius est atque etiam veræ philosophiæ congruentius, in arduis eius-

modi

modi & inusitatis aliquam vim agnoscere natura præstantiorem, quæ talia moderetur, neque naturalibus causis assignare, quæ earum potentiam superant? Quo sane tandem Sueffanus philosophus redit, qui hic Peripateticorum suorum partes mauult deferere, quam veritatem. Ita enim sermonem de solitario diuino terminat: *Verum inter nos & Peripateticos hanc differentiam arbitramur. Nam Peripatetici illud fieri posse putant nature tam vniuersalis quam particularis beneficio: quod Auisenna dilucide exponere enisus est. Nos vero in Joanne Baptista & aliis id genus ex diuina ordinatione factum esse censemus: quam diuinam ordinationem licet Aristoteles ignorauerit, qui cuncta lumine naturali tradit, tamen id factum esse aliquando, nec ignorauit, nec negauit, cum huiusmodi hominem libro Politicorum primo appellet Deum.*

CAPVT XX.

De ferina ad vitam solitariam indole, & de belluinis temperamenti.

SEd de viris illis sanctissimis, quantum iis natura, quantum naturæ auctor Deus facultatis ad virtutem contulerit, Theologis accuratius discutiendum relinquamus. Vt autem susceptum de Sibyllæ solitudine sermonem absoluiamus, consequens videtur vt de ea quoque solitarii dif-
feren-

ferentia, quæ minus nobilis & bestiam sapit, aliquid pro instituti modo dicamus. Quosdam igitur nasci ingenio tam inhumano, ut societatem ferre non possint, quos Græci ἀπανθρώπῃς & μισανθρώπῃς, hoc est, *ab hominibus alienos & abhorrentes, hominum osiores*, vocant, multis rerum & literarum documentis ostendi potest. Primum enim Cyclopes occurrunt apud Homerum, ferarum ritu in montium speluncis viuentes, nulla inter se societate aut commercio coniuncti: ita enim de iis tradit,

Τεμιστεύει ἑκάς

Παίδων ἢ ἀλόχων· ὃδ' ἀλλήλων αἰλέγῃσι.

Fus autem dat unusquisque

Liberis atque vxoribus: neque se inuicem curant.

Hos igitur agrestes natura & ferinos fuille, vitæ institutum & consuetudo indicat; quam ut plurimum ex natura proficisci Galenus in libro quem de ea scripsit, notat. Sed & Timon ille Atheniensis in eo albo, vniuersi generis humani odio insignis & nomen adeptus: nam μισάνθρωπος vulgo dictus fuit. Fortassis & Metabus Priuernatium regulus, Camillæ pater, talis fuit; de quo Maro in vndecimo Æneidos sic:

Non illum tectis ullæ, non manibus vrbes

Accepere: neque ipse manus feritate dedisset.

Ita enim Seruius exponit: *si qui etiam eum suscipere voluissent, ille tamen eorum consortia morum feritate fugisset.* Heroicis autem temporibus Hippolytus Thesei filius intractabili quadam mo-

run

rum duritia & toruitate inflexibili fuisse memoratur, ideoque in montibus & locis solis venatibus se exercens hominum congressus fugiebat: qui vsque adeo ferus & inhumanus fuisse dicitur, ut nullis se mulierum illecebris inflecti pateretur. Quæ res illi magnam perniciem attulit insidiis nouercæ, ut tragædiis vulgatum. Quin ne morte quidem mores pristinos & solitudinis amorem narrant deponere potuisse, se ad vitam postliminio reuocatum arte Æsculapii vixisse exinde semper abstrusum in siluis.

*At Triuia Hippolytum secretis alma recondit
Sedibus, & Nymphæ Egeriæ, nemorique relegat;
Solus ubi in siluis Italis ignobilis æuam
Exigeret.*

Atque hæc istius generis hominum, qui ingenii feritate solitariam vitam sequuntur, exempla attulisse sufficiat. Sed viros huius monstri reperi, qui hominum societatem fugiant & auerferentur, non adeo equidem admirer; quam nonnullas in eodem albo feminas extitisse, quæ scilicet solæ in antris ferarum more viuere vellent. Multo enim mitiore sunt ingenio quam mares, in beluarum etiam genere, Aristotele auctore lib. 9. Histor. animal. cap. 1. tum quanto iis corpus infirmius quam viris contingit, tanto minus viuere possunt in solis locis & priuatione omnis auxilii humani. Quod tamen aliquæ eiusmodi extiterint, exemplo esse potest Atalanta Jasonis filia apud Ælium lib. 13. Var. Hist. cap. 1. Enimvero

uero si quæ de eius virginis moribus & habitatio-
ne narrat, vera sunt; vrlis potius quam puellis
annumerandam putem. Quid enim aliud dicam
de ea, quæ ab infantia lupæ vberibus educata, in
Arcadiæ montibus antro & siluis horrendis inclu-
sa vixerit? Nec dubitem, inter alia agrestis & fe-
rinæ indolis argumenta ponere inusitatam velo-
citem pedum, qua feras quoque ipsas cursu
allequebatur fugientes, aut irruentes post se
relinquebat & frustrabatur. Habebat & in vul-
tu ferinum quid, certe asperius rigidiusque quam
ferri posset in femina, nedum virgine; tametsi
pulchram fuisse & viris expetitam Ælianus dicit:
in quo aliqua est pugnancia. Sic autem de oris
eius filo & specie prodit: ἀρρενωπὸν ἢ ἢ γοργὸν
ἔελεπε. τὸ μὲν καὶ ἐκ τῆς θηρίας τροφῆς. ἐπεὶ
καὶ θυμοειδὴς ἦν. & paulo post: κορυμνὸν τε καὶ
ῥαδιον ἔδεν εἶχεν. & γὰρ ἐκ θαλάμῃς περὶ, ἔδεν
ἦν τῶν ὑπὸ μητέρας, καὶ πῆλαις τροφόμενων. id
est, fuit virili & toruo aspectu: quod illi ex victu
ferino; siquidem & incunda erat. Puellare qui-
dem nihil neque molle habuit: neque enim de thala-
mo prodierat, aut more aliarum sub matre & innu-
tricis gremio educata fuerat. Merito igitur dissi-
milis aliis, cui tam diuersa educatio & viuendi
genus contigisset. At Vates incomparabilis hæc
omnia in Camilla, fera quoque virgine & simili-
ter educata, vno epitheto expressit, vel certe co-
gitandum obiecit:

Turnus ad hæc oculos horrenda in virgine fixus.
Timanthi velamen est hoc epithetum, quo au-
dito

dito plura se animo offerunt, quam Poeta ullis verbis exprimere potuisset.

Simile quid in corporis habitu & oris effigie cultuque Sibyllæ fuisse putandum est, quo & ipsa visu horrenda dici posset; tametsi verbis exprimere promptum non est, sed animo aestimare licet, quæ ad venerationem viscentes impelleret, humanam fugeret societatem, in antris habitaret, victu non minus diuerso vteretur. Ex quo etiam verisimile fit, & prope adducor ut credam, hanc in ordinem potius & classem referendam eorum solitariorum, quos Aristoteles feris comparat, quam eorum qui studio contemplationis secedunt, atque ut deorum vitam agentes diuinitatis appellatione ornantur. Quæ coniectura si cui magis arridet, non continuo improbare debet quæ supra de ingenii felicitate & mentis præstantia in Sibylla exposuimus; sed cogitare debet, in tam vetustis & ideo incertis neque a quoquam hactenus tentatis, ita nobis esse versandum ut possimus, ac sufficere, si multa hinc inde conferamus verisimilia, atque in medio ponamus doctis & cordatis viris diiudicanda; ex quibus quisque quod magis placeat eligat. Sicubi enim alias, hic profecto suo cuique abundare iudicio licet.

Solum quid *feritatis* vocabulo intelligam, nolum quemquam ignorare. Non enim quam virtuti heroicæ opponit Aristoteles, quouis vitio deteriore, hominum humanitatis omnis expertum & sola figura differentium a belluis: qualis feri-

feriras est anthropophagorum, & si quæ aliæ nationes sine lege, sine religione, solis sensibus brutorum more viuunt; de quibus Aristoteles in septimo Moralium cap. 6. Sed eorum, qui naturali animi rigore & toruitate a societate abhorrentes vitam segregem eligunt; cūque montium speluncis abditi, vel in campis desertis vagantes, victu infelici vtantur, variis cæli iniuriis pateant, minus tamen morbis vexantur, sed causis externis fortius quam pro natura humana resistunt: quibus si aliquando lædantur, ac morbos contrahant, ab iis sponte nulla medicorum opera euadunt. Quod esse belluinum testatur Auenrois lib. 7. Colliget. cap. 31. Verba adscribam: *Multos inuenies complexiones habentes densas, qui ex fortibus ægitudinibus euadunt sine medico & medicina: sicut barbari & Arabes, qui in deserto habitant. Et hoc fit, quia aliquam cum brutis assimilationem habent; & pro maiori parte hos accidit illis qui complexionem habent effrenem.*



PETRI PETITI

Philosophi, & Doctoris medici,

DE

SIBYLLA

LIBER SECVNDVS.



CAPVT I.

*De patria & nomine proprio Sibyllæ.
Vnde Erythræa dicta sit. Seruii
error notatus.*



Actenus quæ ad naturam Sibyllæ & magis insignes proprietates attingere visa sunt, satis pro instituto accurate exposuisse videor; restant externa quædam & historica, in hoc libro explananda: in quibus constituendis multum negotii habent eruditi, neque conuenire inter se possunt. In hoc genere prima occurrit patria. Nam qui plures Sibyllas distinguunt, varia iis oppida & regiones, vbi natæ sint, assignent necesse est. Vnde variæ illis appellationes tribuuntur: Babylonia siue Chaldæa, Phrygia, Erythræa, Colophononia, Libyssa, atque alia ejusmodi a locis sumpta

pta epitheta. Nos autem qui vnicam fuisse Sibyllam censemus, & probauimus, hanc patria fuisse Erythræam, atque ita appellandam ostendimus. Primum auctoritate Aristotelis loco sæpius iam indicato e Variæ historiæ libello, qui inscriptus est θαυμασιῶν ἀνδραγμάτων *admirandarum auditionum*. Quem locum denuo hic legentibus ob oculos ponere nihil vetat: ἢν (Σίβυλλαν) πολυχρονιώτατην γενομένην παρθέρον διαμειναί φασιν, ὅσιν μὲν Ἐρυθραίαν, ὑπὸ Ἰνῶν ἢ τὴν Ἰταλίαν κατοικούντων Κυμαίαν &c. *Quam, cum diu admodum vixerit, mansisse virginem ferunt, patria quidem Erythræam, a quibusdam autem Italiæ incolis Cumæam fuisse nuncupatam*. Clarum hoc Aristotelis testimonium est, & quod vna fuerit Sibylla, & quod ortu Erythræa. Cui alterum accedit Hermiæ philosophi in secundo commentariorum ad Phædrum Platonis: quo significatur, & Sibyllam Platoni memoratam in eo dialogo natione Erythræam fuisse, & Eriphylen seu Herophilen vocatam. ἐπεὶ αὐτῆς ἡ Σίβυλλα ἢ Ἐρυθραία πρὶ ἧς νῦν λέγεται, Εὐρυφύλη ὀκαλεῖτο ἐξ ἀρχῆς. Idem & Senatus Romani auctoritate ostendi potest, quem Fenestella, non malus Romanarum rerum auctor, post Capitolii exustionem, in quo reconditi erant Sibyllæ libri, his cum æde incendio absumptis, ac instaurato ædificio, cum de Sibyllinis item reparandis deliberaretur, in eam sententiam venisse tradit, vt legati Erythras mitterentur, homines periti &

diligentes, qui carmina Sibyllæ conquisita Romam deportarent. Mandata est autem hæc provincia P. Gabinio, M. Otacilio, & L. Valerio, qui in eam ciuitatem profecti descriptos ibi a priuatis versus circiter mille Romam reportasse dicuntur. Quo patrum consulto & legatione vehementer id quod de Sibyllæ patria dixi, confirmatur. Neque enim Romani Erythras potissimum ea causa triumuiros illos misissent, nisi iudicassent petenda inde esse Sibyllæ carmina, vbi natam fuisse perpetuo gentium consensu fama obtineret.

Neque vero obstat quod Cornelius Tacitus paulo diuersus abit, dum lib. 6. Annalium cap. 12. ita refert : *Simul commonefecit, (Tiberius) quia multa vana sub nomine celebri vulgabantur, sanxisse Augustum, quem intra diem ad prætorem urbanum deferrentur, neque habere priuatim liceret. Quod a maioribus quoque decretum erat, post exustum sociali (vel potius, vt recte Lipsius emendat, ciuili) bello Capitolium, quesitis Samo, Ilio, Erythris, per Africam etiam ac Siciliam & Italicas colonias carminibus Sibyllæ; vna seu plures fuere; datoque sacerdotibus negotio, quantum humana ope potuissent, vera discernere.* Et ante illum Dionysius Halicarnassensis, in eandem ferme sententiam scriptum reliquerat, de hac Capitoli conflagratione & versuum Sibyllæ instauratione tradens : *οἱ νῦν ὄντες ἐκ πολλῶν εἰςὶ σύμφορῃ τῶν τόπων· οἱ μὲν ἐκ τῆς ἐν τῇ Ἰταλίᾳ, οἱ δὲ ἐξ Εὐρυθρῶν*

ἐν τῇ Ἀσίᾳ, οἱ δὲ ἐξ ἄλλων πόλεων. id est: *Quæ hodie extant carmina sunt e pluribus locis illa collatitia. Nonnulla ab Italiæ urbibus: quedam Erythris ex Asia deportata: nonnulla autem aliunde.* Hæc, inquam, minime obstant: quia non est absurdum, vnius eiusdemque vatis, quæ Erythris nata sit, carmina non in eo oppido tantum, sed etiam in aliis reperiri locis. Quod quomodo factum sit, inferius suo loco dicemus.

Sed neque audiendi, qui hanc Mermisso, vel Marpesso, Troadis oppido volunt ortum habuisse; dictam autem *Erythræam* a rubicundo eius urbis colore, vel etiam soli; ut est apud Stephanum: *Μερμησσὸς πόλις Τρωικὴ, ἀφ' ἧς ἡ Ερυθραία Σίβυλλα. ἦν γὰρ ἡ πόλις αὐτὴ ἐρυθρὰ τοῦ χρώματος.* id est, *Mermessus oppidum est in regione ubi Troia fuit, ex quo Erythræa Sibylla. Erat autem ea urbs colore rufa.* Pausanias in Phocicis patria Marpessiam censet, Erythræam autem nominatam a colore soli: *ὑπερέρουθρον δὲ πᾶσα ἡ περὶ τὸν Μάρπησσαν γῆ, καὶ δεινῶς ὅτιν αὐχμώδης.* id est, *supra modum rubra est humus tota circa Marpessum & vehementer sicta.* Sed hæc friuola sunt & fide indigna. Cui enim vnquam homini, vel rei, nomen a loci colore inditum fuit, cum eius coloris particeps non esset? Nam ne ipse quidem sinus Arabicus, qui vulgo mare rubrum dicitur, id nomen hac sola ratione adeptus, quod vadum subtus rubrum sit, sed quia falso creditum fuit ab ignaris aquam inde colorari:

vel, quia ibi Erythras regnavit, vt refert Pomponius Mela lib. 3. de situ orbis cap. 8. a quo Græci *ἐρυθρὰν θάλασσαν* dixerunt. Quod propius ad verum accedit. Cum enim Isaaci patriarchæ filius primogenitus Esau, qui Arabiam ei mari confinem tenuit, Edom vocaretur, (quod nomen Ebræis *rubrum* sonat) quod is toto corpore rufus ab ortu esset, ab eoque is sinus mare Edom diceretur, Græci vertentes, *ἐρυθρὰν θάλασσαν*, hoc est, mare rubrum vocarunt. In quo quidem nihil, quod absōnum videri debeat. Sibyllam autem solo aut vrbe, quantumuis rubra, ortam degentemue, cum ipsa eo colore infecta non esset, rubram & Græce Erythræam propterea dici, dictu absōnum & perridiculum est.

Hac igitur tam inficeta nominis huius Sibyllæ expositione explosa, superest vt *Erythræa* dicta sit ab vrbe Erythris. Duæ autem vrbes feruntur eius nominis: vna in Græcia, ditionis Plataënsium, inter Megaram & Thebas sita; altera in Asia, ciuitatibus Ionicis annumerata, prioris illius colonia, vt ex Strabone discimus. Hanc quæ in Jonia est, patriam Sibyllæ censemus, non priorem: qua autem coniectura, infra patebit. Remouendus interim Seruii Grammatici error, qui loco supra notato Sibyllam ab Erythræa insula oriundam dicit: *Illa (inquit) hausit arenam manibus, & longam vitam poposcit. cui Apollo respondit: id posse fieri, si Erythræam insulam in qua habitabat relinqueret, & eam nunquam videret.* Cæterum

terum nullam in ea regione, in qua nata est Sibylla, eius nominis insulam esse constat. Sunt quidem insulæ quædam Erythræ adiacentes; verum non eo nomine: neque Erythrææ, sed Ἰπποῖ olim vocabantur, Strabone teste lib. 14. καὶ μέσση δὲ πρὸς τὸν περὶ πλῆθος αἱ Ερυθραὶ, πόλις Ἰωνικὴ λιμένα ἔχουσα, καὶ νησιδας περιεχόμενας Ἰπώης καλεσμένας. id est, *in medio fere cursu Erythræ sunt, ciuitas Ionica, habens portum, & iuxta insulas exiguas Ἰπώης nominatas.* Quod autem Solinus cap. 26. in capite Baticæ, vbi extremus est noti orbis terminus, insulam describit septingentis passibus a continenti distantem, Erythræam nominatam, quod hanc Tyrii a rubro profecti mari habitarent, nihil ad Sibyllam Erythræam, de qua agimus, pertinere palam est.

CAPVT II.

Aliæ ambages de patria Sibyllæ. Veterum de hac re dissensio & pugna.

Iustini Martyris & Lactantii loca expenduntur.

Sed alias video ambages & difficultates. Quod enim Homero vatum summo accidisse dicitur, vt post eius mortem septem de eius natali solo inter se vrbes contenderent, id & Sibyllæ quoque memoriæ & honori datum esse, multis ostendi potest. Jam visum est de Marpello vrbe, obti-

nuisse famam & proditum fuisse, ea in regione ubi ea ciuitas esset, ortus initium habuisse Sibyllam, & quomodo ibi genita Erythræa dicta sit. Cæterum & Sibyllæ ipsius carmen de suo genere pro ea opinione proferebant ciues Marpessi; quod a Pausania in Phocicis relatum adscribere operæ pretium est.

Εἰμι δ' ἐγὼ γεγαῖα μέσον θνητῶν τε θεῶν τε
Νύμφης δ' ἀθανάτης, πατρὸς δ' αὖ κητοφά-
γοιο.

Μητρόθεν ἰδογενής, πατρὶς δέ μοι ὄρεν ἐρυθρῇ.
Μαρπασῶ, μητρὸς ἱερῇ, ποταμὸς δ' Αἰδω-
νεύς.

quos versus sic latine vertit Sylburgius:

*Inter utrumque sequor medium, Diuasque ho-
minesque,*

Nympha immortalis satæ cetophago genitore.

Ida mea matri patria est, mibi patria rubra

Marpessus, matri quæ sacra, amnisque Aidoneus.

Nec quæ de hac vrbe & regionis proprietate ad eius carminis explicationem sequuntur apud Pausaniam latine, ob loci prolixitatem, subiungere grauabor: *Extant* (inquit) *ad huc in Ida Phrygiæ Marpessi urbis vestigia, quo loco inquilini restant circiter sexaginta. Tota est circa Marpessum terra subrufa, & mire torrida. Quocirca quod Aidoneus amnis modo se subter terram abdat, modo rursus emergat, ac eiusmodi sæpius repetitis vicibus postremo penitus occultetur, ad Ide*

montis naturam arbitror referendum, quod narum est ac pertenuè solum, & multis cuniculis cauernosum. Abest ab Alexandria, quæ est in Troade, Marpeffus stadia ferme ducenta & quadraginta. Et Herophilen quidem, qui Alexandria degunt, Apollinis Sminthei aiunt ædituam fuisse: Hecubæ vero somnium interpretatam, ita ut rei qui vulgo est notissimus exitum prædixerit. De locis autem atque urbibus, quas visit, hæc addit: Magnam vitæ partem egit hæc Sibylla Sami, sed Claron etiam, quæ Colophoniorum urbs est, venit. Sed & Delon eadem & Delphos adiit: Delphis etiam ei de quo dictum est saxo insidens vaticinia dabat. Insignis hic locus magni scriptoris, & notatu dignus de Sibyllæ peregrinationibus.

Erythræi contra, quos idem Pausanias acerrime omnium Græcorum de Herophiles ortu certasse testatur, Corycum montem, & sub eo antrum ostendebant, in quo natam Sibyllam contendebant. Parentes eius fuisse Theodorum pastorem indigenam, & Nympham cognomine Idæam: rationem cognominis non esse aliam, nisi quod frequentia arboribus loca & umbrosa *Idas* iis temporibus homines vocarent. Verum autem, in quo Marpeffi & Aidonei fluminis fit mentio, e supra allato Sibyllæ carmine expungebant. Descendere & Gergithii (qui scilicet urbem Gergitha in eadem Troade habitabant) in idem certamen, Sibyllæque natales sibi non minori studio & contentione vindicarunt: vsque

adeo, ut tanquam victores eius pugnae nummum Sibyllae effigie cum sphinge signatum in usu haberent; ut ex Phelegontis primo Olympiadum constat, sepulchrum etiam Sibyllae apud se in templo Apollinis Gergithii ostendebant. Auctor Stephanus in voce Γέργης. Id esse verum quo minus dubitemus, Ezechiel Spanhemius, non vulgaris vir cruditioris & solertissimus veterum monumentorum indagator, pridem nobis eius nummi Gergithiorum effigiem caelo expressam exhibuit, in opere egregio quod edidit de praestantia & usu numismatum, dissertatione tertia.

Verisimile est autem non inter Phrygas tantum & Erythraeos hanc litem de ortu Sibyllae exarsisse, sed & inter alias Graeciae ciuitates, immo & barbaras nationes: occasione iis data, quod ad eos omnes Sibylla transiisset, cum peregrinationis eius vestigia diuersis ac longe remotis in urbibus extarent. Quippe & Italos Cumaeam vocasse Sibyllam a Cumis Campaniae ciuitate, quae Erythraea esset, locus ille Aristotelis probat, quem supra ex Admirandis eius auditionibus recitabamus. Neque eius ambitionis siue aemulationis expertes fuisse videntur Chaldaei, qui quam Graeci Erythraeam, aut Gergithiam, aut alterius ciuitatis Graeciae nomine vocarent, quamque Itali Cumaeam, ipsi Babyloniam, tanquam Babylone ortam cognominauerunt. Justinus quidem inter alia vitae decora Christi martyrio illustis, oratione paranetica ad Graecos, de antiqui-

qui-

quiore Sibylla loquens hanc Babylone in Italiam & Campaniæ oras processisse testatur his verbis :
 ἔσα δὲ ὑμῖν ῥαδίως τὴν ὀρθὴν θεοσιβειαν ἐκ μέ-
 ρους τοῦ παλαιᾶς Σιβύλλης ἐκ τῆς δυνα-
 τὴς ὑπὸ πνοίας διὰ χρησμῶν ὑμᾶς διδασκᾶσης,
 μανθάνειν ταῦθ' ἅπερ ἐγγύς· εἶναι δοκεῖ τῆς τῶν
 προφητῶν διδασκαλίας· ταύτην δὲ ἐκ μὲν Βαβυ-
 λῶν ὡς μὴ ὀδᾶί Φασι, Βηρώσῃ τ' ἐκ τὴν χαλδαϊ-
 κὴν ἰστορίαν γράψαν· συζητῶσα ἔσαν· εἰς δὲ
 τὰ μέρη τῆς Καμπανίας σκῶϊδα ὅπως διαβᾶσιν.
 &c. id est. *Perfacile autem vobis erit rectam reli-*
gionem ex parte aliqua, quæque proxime ad pro-
phetarum accedunt doctrinam, a veteri Sibylla vos
per fatidica responsa ex potenti quodam afflatu do-
cente accipere. Hanc Babylone ortam, Berosi illius
qui Chaldaicam historiam scripsit filiam, ad Cam-
paniæ oras nescio quomodo peruenisse ferunt. Ac
quod Chaldæam attinet originem, non solum
in ea est sententia Justinus, sed etiam Lactantius;
qui idem lib. 1. cap. 6. expresse confirmat. Quod
autem Berosi Chaldæi, qui Chaldaicam historiam
scripsit, filia ibidem dicitur, eaque ipsa cuius
Plato in Phædro & aliis locis mentionem fecit,
falsum ratio temporum conuincit. Cum enim
omnium eruditorum consensu Berosus ille histo-
riæ Chaldaicæ scriptor, qui pater Sibyllæ dici-
tur, eam historiam tertio Syriæ regi Antiocho
inscripserit, adeoque multo tempore post mor-
tuum Alexandrum; qui fieri potest, ut Plato eius
Sibyllæ, quæ ex Beroso illo nata sit, vllam fecerit

mentionem? si quidem ex Laertio constat, Platonem primo octavae & centesimae Olympiadis anno, hoc est, toto decennio priusquam Alexander in Macedonia regnaret, e viuis excessisse. Quamobrem Montacutius, qui primus hunc in Justino insignem anachronismum deprehendit, in Analectis ecclesiasticarum exercitationum, exercitatione 4. tam turpiter lapsum Justinum non putat; sed hæc verba: *πρὸ τῆς χαλδαίων ἰστορίας γεγραμμένη*, scioli alicuius, harum rerum & temporum parum gnari, glossema esse censet, qui alium Berosum non putaret fuisse, præter istum historię Chaldaicę conditorem; cum alium multo antiquiorem isto extitisse constet. Euge vir perspicacissime, libenter recipio tuam hanc animadversionem, eruditumque iudicium amplector.

CAPVT III.

Difficultas alia ex Pausania verbis notatur. Omnium difficultatum enodatio, & litis propositæ de patria Sibyllæ, tum Sibyllarum numero, disceptatio & finis.

Mihi autem alius animum scrupulus percusserrat ex Sibyllæ denominatione illa ab Erythra Asiæ ciuitate; quo pacto fieri possit, ut Erythraea

thraea Sibylla fuerit Berosi filia, historiae Chaldaicae scriptoris, qui Alexandro suppas fuit, quam Troiano bello superiorem fuisse Pausanias tradat? Quod ut pateat ipsamet eius verba adscribere placeat: *Ἐπὶ ταύτῃ (πέτρᾳ) Δελφοὶ ᾄσαν Φασὶν ἄσαι τὰς χησμούς ὄνομα Ἡερφίλην Σιβύλλαν δὲ Ὀπίκλησιν τὴν πρῶτην γενομένην. Ταύτην ταῖς μάλιστα ὁμοίως ἔσαν δὲ χαίαν εὐρισκον, ἣν θυγατέρα Ἕλληνες Διὸς καὶ Λαμίας τὴν Ποσειδῶνός Φασὶν εἶναι, καὶ χησμούς τε αὐτὴν γυναικῶν πρῶτην ἄσαι, καὶ ὑπὸ τῷ λιβύων Σιβύλλαν λέγασιν ὀνομασθῆναι. ἡ δὲ Ἡερφίλη νεώτερη, μὲν ἐκείνης, φαίνεται δὲ ὅμως πρὸ τῶ πολέμου γεγονῆα καὶ αὐτὴ τῶ Τρωικῷ. hoc est: Saxum illuc eminet, de quo Sibyllam Herophilen oracula canere solitam Delphi tradidere: quæ cognomine Sibylla nuncupata ab initio fuit, perinde atque aliam quamvis antiquam fuisse comperi. Filiam Græci Jovis Ἑ Λαμίας dictitant: Lamiam ipsam Neptuno genitam, mulierum omnium primam vaticinatam, Ἑ ab Afris Sibyllam nominatam. Ista autem Herophile illa quidem posterior est: constat tamen Ἑ ipsam ante Troianum bellum viguisse. Hic duas, nisi fallor, agnoscit Sibyllas, utramque Herophilen dictam: vnam quidem vetustiorē, nulli fatidicarum antiquitate cedentem; alteram eodem nomine sed posteriorem ætate, quæ tamen & ipsa rebus Troicis superior fuerit: quippe quam ibidem tradat prædixisse, Helenam quandam fatalem fore Asiæ, cuius scilicet causa Græci bellum illa-*

illaturi Trojanis Iliumque euerfuri eſſent. Qui igitur fieri poteſt, vt tam vetuſta, Beroſo hiſtorico, qui Alexandri Magni ætate vixit, patre nata fuerit? Ita Pauſaniæ etiam teſtimonio confirmatur cenſura Montacutii, de qua ſupra; eam ſcilicet Sibyllam, cuius meminit Plato, non fuiſſe eandem illi quæ fuit Beroſi hiſtorici filia.

Sed & Strabo lib. 14. duas videtur agnoſcere Sibyllas Erythris natas: vnā antiquiorem, alterā poſteriorem; non tamen ambas ante bellum Troianum, vt apud Pauſaniam. Quippe eam quæ poſterior eſt, tempore Alexandri Magni viſiſſe tradit, præterea vetuſtioris nomen proprium non apponit. Mihi veriſimile fit, harum ſaltem alterā, puta antiquiorem, illam ipſam eſſe Herophilen a Pauſania & aliis nuncupatam. Verba Strabonis hæc ſunt. *ἐκ τῆς Ερυθρῶν Σίβυλλά ὅτι ἐν τοῖς καὶ μαντικῇ γυνὴ τῶν δεχάων τις. καὶ Ἀλέξανδρον δὲ ἄλλῃ ἦν τὸν αὐτὸν τρόπον μαντικῇ καλεσμένη Ἀθηναῖς ἐκ τῆς αὐτῆς πόλεως.* Ex Erythris eſt Sibylla quædam numine afflata & vates mulier ex antiquis: tempore autem Alexandri alia quædam extitit item vates Athenais nomine. Quæ oftendunt, quanta in his ſit perplexitas auctorum, vt vaticinio opus videatur ad hanc dictorum confuſionem expediendam. Ecce enim aliæ turbant ambages de Cumæa & Cumana Sibylla, quas plerique omnes Varrone & Lactantio auctoribus diſtinguunt. Hic enim in Sibyllarum catalogo Cumæam quarto loco ponit, Cumanam

nam septimo: illam a Cumis vrbe Æolidis, hanc a Cumis Italiæ oppido volunt nominatam. Quibus suffragari videtur Stephanus in voce Κῦμη: quo nomine cum quinque ciuitates diuersis in locis sitas tradat; eius quæ est in Æolide gentile nomen esse Κυμαῖα docet, eius autem quæ est in Italia Κυμεύς. Sit sane hæc distinctio gentilis nominis in genere masculino: quid si Sibyllam ab hac ipsa vrbe nominatam effari velim, quæ tandem inflexio dabitur masculini istius Κυμεύς? Κυμὶς ne, aut Κύμοσα, aut Κύμεια dicitur? At hoc esset nugari, cum nusquam hæc nomina reperiantur. Restat igitur vt Κυμαῖαν itidem a Κυμεύς dicamus: ita enim Aristoteles in Admirandis Erythræam Sibyllam, quod Cumis Campaniæ vrbe in Italia habitaret, Κυμαῖαν a quibusdam in Italia versantibus nuncupatam refert: neque aliter sane Maro Sibyllam quæ in ea ciuitate esset quam *Cumæam* vocat. Quin Antimachus vir aut Græcus aut Græce bene doctus, neque minus latini sermonis peritus, in præfatione ad Sibyllina oracula, quam Lactantius septimam ordine Sibyllam recenset & *Cumanam* vocat, ipsæ Κυμαῖαν vertit. Ita nullum inter Cumanam & Cumæam discrimen ponit. Quam autem quarto loco memorat, eam non Cumæam neque Cumanam appellat, sed *Italiam*: τετάρτη ἡ Ἰταλική, ἡ ἐν Κυμμερίᾳ τῆς Ἰταλίας. id est, *Quarta est Italica, quæ in Cimmericia Italiæ mansit.* Cimmericiam Italiæ vocat eam partem vbi est

est Auernus lacus ; quam opacam arboribus & spelunca horrendam Plutoni sacram creditum. Vbi Cimmerios a loci obscuritate ita dictos posuerunt, translato nomine ab iis qui Bosphorum Cimmerium incolunt. Strabo lib. 5. καὶ τὸ πρὸς τὸ χωρίον Πλατώνιον ἢ Ἐπὶ Ἰταλίᾳ, καὶ τὸς Κιμμερίους ἐν Ἰταλίᾳ λέγεσθαι. Ibi locus Auernus fuit, de quo Aristoteles in Admirandis: πρὸς τὴν Κύμην τὴν πρὸς Ἰταλίαν λίμνη ὅστις ἢ προσαναγορεύουμένη ἄρεν. Vide & Maronem in sexto Æneidos. Interim ex his Justini locum supra allatum de Sibyllæ Babylone in Campaniam Italiæ transitu emendare licet : horumque loco, εἰς δὲ τὰ μέρη τῆς Καμπανίας, lege ex Antimacho εἰς δὲ Κιμμερίαν τῆς Καμπανίας.

Hæc cum ita sint, quærerem libenter ab Antimacho si viueret, quæ alia Sibylla apud Cimmerios Italiæ habitauerit, præter ipsam Cumæam cuius meminit Aristoteles in Admirandis; Herophilenque & Cumæam ab Italis dictam testatur; Virgilius item in sexto Æneidos, sed quam *Deiphoben Glauci*, nescio quos auctores secutus, appellat? Certe loci conditio eandem fuisse vatem confirmat, quando verisimile non est duas eodem in loco fuisse Sibyllas. Italica enim Sibylla Antimachi habitauit in Cimmeria Italiæ, hoc est, ut modo ostendimus, iuxta Auernum, vbi vulgo creditum patere aditum ad inferos. Quod autem & Maronis Sibylla iisdem in locis responsa daret, verba hæc Æneæ ad Sibyllam clare testantur:

Vnum

*Vnum oro (quando hic inferni ianua Regis
Dicitur, & tenebrosa palus Acheronte refuso)
Ire ad conspectum cari genitoris & ora*

Contingat: doceas irer, & sacra ostia pandas.

Quorsum igitur hæc Italicæ a Cumæa distinctio, non video; nullum quidem ex verbis Antimachi locum esse distinctioni Cumææ a Cumana palam est. Quo alii, qui has distinguunt, fundamento nitantur, quidue ad id probandum afferant, videamus.

Richardus quidem Montacutius citato loco Baronium reprehendit, quod *Cumeam* Sibyllam omnium nouissimam Solino auctore dixerit, quam *Cumanam* Solinus vocet: tum quod hæc ab illa & quomodo distinguatur docet: *Diuer-
sissima est (inquit) Sibylla Cumæa a Cumana, quod
doctissimus Onuphrius observabat. Cumæa erat
quæ sub Troiani belli tempora Cumis in Asia vatici-
nabatur; (quanquam apud Onuphrium per incuri-
am Italici belli legitur; cum deberet legi Iliaci)
at Cumana fuis quæ Prisco Tarquinio regnante
(alii Superbum volunt hunc fuisse) Roman venit,
eidemque suos libros pretio e flammis redimendos
offerebat. Eademque virgula censoria Sixtum
Senensem castigat, quod Cumæam & Cumanam
Sibyllas confundat. Præterea aliter errasse osten-
dit, dum Cumis ortam referens Cumanam vocat.*
Quasi nomen id adiectivum aliunde quam a Cumis deriuetur. Sed nimirum id vult, non recte Sixtum Sibyllam, quæ Cumis Joniæ orta esset,

Cumanam vocasse: quod Cumani ex oppido Cumarum in Campania, non autem ex illo quod est in Jonia dicantur: ut & Valla observat lib. 4. Elegant. cap. 85. Esto. Neque enim nobis disputatio est de nomine, sed de Sibylla: an duæ eo in loco Italiæ, quem describit Virgilius, Sibyllæ fuerint, una Cumis Joniæ orta, altera posterior Cumis Campaniæ. Affirmat Montacutius sine ulla hæsitatione. Quidni? qui Solinum & Lactantium auctores habeat. Enimvero plerosque omnes recentiorum video pedibus in eorum sententiam vadere. Ita fere usu venit, ut auctoritas apud multos pro iudicio valeat, neque ultra current perpendere quod ab iis, quos plurimi faciunt, Scriptoribus proditum vident. Nos autem amplius considerantes, unam fuisse Cumis Campaniæ Sibyllam, eamque eandem, quæ Cumis Joniæ orta sit, non dubitamus.

CAPVT IV.

Non recte iudicare qui Cumanam Sibyllam quandam in Campania Italiæ post Cumæam vixisse censent.

Ostendimus autem, Maronis poetarum, ut passim Julius Scaliger vocat, doctissimi, testimonio in sexto Æneidos. Quo loco Æneas responsum petens preces & vota Apollini fundit. Cui post-

postquam templa, ludos, & cerimonias promissit, ad Sibyllam conuersus his verbis eam quoque sibi propitiam reddit:

Te quoque magna manent regnis penetralia nostris;

Hic ego namque tuas sortes, arcanaque fata

Dicta meæ genti ponam, lectosque sacrabo

Alma viros.

Quæ sunt igitur arcana illa fata Sibyllæ, quæ genti suæ, hoc est, Romanis dicta, in adyto & sacrario repositurum se promittit, quæ posteri exinde in rebus dubiis consulant, nisi eius, quam alloquitur, Sibyllæ carmina? Quod autem ibi Cumæam sine Erythræam Sibyllam, illam scilicet Cumis Joniæ natam, alloquatur, palam est; igitur huius Cumææ Sibyllæ, non alterius, nescio cuius, Cumænæ Camis Campaniæ orre oracula per Æneam, aut qui illi in Italia successerunt, ad Romanos fuisse transmissa; neque aliis vsos fuisse Romanos Sibyllinis libris doctissimo viro Maroni credendum est.

Quam autem aiunt Sibyllam multis post seculi ad Regem Tarquinium venisse cum tribus, vel vt Gellius tradit, nouem libris oraculorum, eam non fuisse Sibyllam putandum est. Certe Gellius, qui eam historiam ex antiquis Annalibus refert, eam quæ ad Tarquinium accessit *Sibyllam* non appellat, sed *anum hospitam, eamque incognitam*. Sic autem scribit: *In antiquis annalibus memoria super libris Sibyllinis hæc prodita est. Anus*

hospita atque incognita ad Tarquinium Superbum Regem adiit, nouem libros ferens, quos esse dicebat diuina oracula: eos velle dixit venundare. Cætera eo loco legantur: in quibus mulierem solum appellat, nunquam Sibyllam; hæc tantum in fine addit: sed eam mulierem tunc a Tarquinio digressam postea nusquam loci visam constitit. Quæso, si hæc mulier Sibylla fuisset, Cumis Campaniæ genita & ibi habitans, num hospita aut anus incognita diceretur?

Sed neque Seruius Virgilii interpres Sibyllam vocat, sed mulierem simpliciter vt Gellius, de his libris differens ad hæc Poetæ verba: *tuas sortes arcanaque fata*. Ita igitur Seruius: *Tuas sortes Sibyllina responsa: quæ, vt supra diximus, incertum est cuius Sibyllæ fuerint: quanquam Cumana Virgilius dicit, Varro Erythrææ. Sed constat, regnante Tarquinio quandam mulierem nomine Amalthæam obtulisse ei nouem libros, in quibus erant fata & remedia Romana.*

Cui porro naris paulo emunctioris non fabulosum videatur quod sequitur de librorum pretio & combustionione, cum rex quanti eos anus faceret emere nollet? *Foculum* (inquit Gellius) *coram eo (Rege) apposuit, & tres libros ex nouem deuussit.* Si apposuit, ergo attulerat secum, & quidem bene accensum & lucentem: aliter non potuisset tam subito ob oculos regis eorum librorum tres consumere, & breuî post temporis interuallo tres alios: nec credendum, regem patienter tamdiu hanc

hanc scenam & anus importunitatem ferre potuisse, præsertim superbum. Quamobrem Servius dicto loco aliter narrat: hanc scilicet anum *pro iis libris poposcisse tercentum philippeos, qui aurei tunc pretiosi erant: quæ contemptæ alio die tribus incensis reuersa est, & tantum poposcit: item tertio aliis tribus incensis cum tribus reuersa est: & accepit quantum postulauerat, hac ipsa re rege commoto, quod pretium non mutabat.* Quo sane modo plausibilior fit narratio.

Sed iocularem eo loco Seruii errorem in temporum ratione nemini animaduersum obiter annotare libet, dum Philippeos nummos Tarquinii Superbi ætate pretiosos fuisse dicit. Qui quantum ea opinione aberret, vel ex Gellii lib. 17. cap. 21. vbi chronologiæ specimen quoddam exhibet, intelligi potest. Ibi namque Homerum & Solonem, quem supparem Homero fuisse inter omnes conuenit, ante Romam conditam centum & sexaginta annos vixisse, ex Chæronicorum Cornelii Nepotis libro primo refert. Et paulo post, eundem Solonem leges Atheniensium scripsisse, Tarquinio Prisco regnante, anno regni eius 33. a quo non magno temporis interuallo Tarquinius Superbus vltimus regum abfuit. Ex quo, vt dixi, patet, multis seculis ante Philip-pum Macedonem Alexandri patrem vixisse Tarquinium Superbum; vtpote qui Cyri maioris, Monarchiæ Persarum fundatoris, & Solonis σύγχερον fuerit. Quod cum ita sit, non video

quomodo Philippei nummi eo tempore pretiosi esse potuerint, quo tempore nondum Philippus rex, a quo iis nomen, natus erat. Sed hæc obiter: ad propositum reuertor.

Hinc quoque confirmor, non fuisse eam anum Sibyllam, quod verisimile mihi non fit, feminam vatem & numine instinctam animum vsque adeo demittere voluisse, vt libros suos ad Regem velut ad nundinas vendendi causa afferret, & pretio exponeret. Longe hoc profecto remotum a dignitate & moribus. In quo etiam illud absurdum occurrit consideranti. Aut enim omnes eos vaticiniorum libros vt Romanis diuinitus conscriptos penes eos esse & conseruari oportebat: vel horum tres tantum. Si integros nouem, cur sex comburit? si non omnes, sed tres tantum, cur omnes venales proponit? Nec vero nobis primis suspecta hæc Cumana Sibylla fabulositatis, sed & aliis doctis viris: in his & Joanni Tristano, solertissimo antiquitatum ex veterum numismatum monumentis indagatori, qui de hac re eleganter & docte in Commentariis suis historicis disputat.

Vnus modo restat scrupulus ex Plinio; qui Sibyllam ad Tarquinium Superbum cum libris adiiisse confirmat libro & capite 13. *Inter omnes vero (inquit) conuenit, Sibyllam ad Tarquinium Superbum tres libros attulisse. Ex quibus duo cremati ab ipsa, tertius cum Capitolio Syllanis temporibus.* Sed quod de his non multum curauerit Pli-

Plinius quam vera essent, verba eius ipsa ostendunt. Primum, inter omnes ait convenire, tres libros a Sibylla allatos Tarquinio. Atqui aliter A. Gellius, ut visum est, ex antiquis Annalibus refert: nempe novem libros ab anu quadam incognita ei regi oblatos. Cum igitur, contra quam Plinius censet, de eorum librorum, qui ad Tarquinium allati sunt, numero non constet; cur de conditione & nomine eius mulieris, quæ attulit, magis ex hoc Plinii loco constare debeat, non video. Hoc modo vanescit illa persuasio quorundam de septima illa Sibylla Cumana Tarquinii regis suppare. Nec tamen inficiamur quod proditum historiis est Populi Romani, quod Plinius suæ ætatis doctissimus, quod eruditissimus Noctium Atticarum lucubrator scriptis popularunt: fatemur anum hospitam & incognitam, ut ait Gellius, ad Tarquinium Superbum adiisse, & libros ei fatales attulisse: non tamen quæ esset Sibylla, sed quæ aliunde nacta eos libros, nescio quomodo, fortasse ab ipsa Erythræa Sibylla, sub mortem illi traditos & commendatos, mandato ipsius ad regem detulit, & pretio addixit. Quæ cum pecunia accepta, quantam voluit, e medio excessisset, inque patriam & regiones remotas remeasset; nihil mirum, si suspicio de ipsa facta est vulgo quod Sibylla esset, argumento librorum quos ad Regem attulisset: ceu necesse esset eorum librorum esse auctorem, quos in potestate haberet ad venundandum aut com-

burendum. Ita plane sentiet de hac historia quæ incertis auctoritatibus ac vulgi rumore posthabito iudicium adhibere volet; ut quod magis verisimile est, & potiorum auctorum dictis consentaneum, sequatur.

CAPVT V.

*Scrupuli de aliis Sibyllis tolluntur,
atque vnā fuisse Erythræam
Sibyllam ostendi-
tur.*

Sublata ē medio Cumana Sibylla, reliqui pro-
niores iam negotio circa alias Sibyllas scrupuli
tolluntur: eademque opera ostenditur, vnde il-
la multarum Sibyllarum opinio incesserit. Enim-
vero non video quid nunc obstet, quin vnā fu-
isse Sibyllam illam Græcis cognitā & celebra-
tam Herophilen, cognomento Erythræam, ponā-
mus. Siue hæc vere, ut quibusdam visum, Ery-
thris orta fuit, siue Marpesso, siue Gergithe, siue
e quavis alia Græciæ ciuitate, qua de re olim cer-
tatum inter Græcos fuisse supra ex Pausania osten-
dimus; siue etiam, quod Iustinus Martyr credi-
dit, Babylone patre Chaldæo Beroso, non illo
qui Chaldaicam scripsit historiam, sed alio anti-
quiore; ab eo autem oppido nomen traxisse, in
quo diutius mansisset, ideoque Erythræam fuisse
nuncupatam. Aut cuiquam in credibile videatur,
mulie-

mulierem Babylone natam transiisse in Græciam, Erythris, Cyme, & aliis in vrbibus Joniæ & Græciæ diuersatam, in iis famam sui & diuinationis monumenta reliquisse, ex quo occasio posteris data ambigendi de patria eius & certamen exortum?

Immo verò non desunt, qui hanc Japheti, qui vnus fuit e Noe filiis, vxorem fuisse existiment, quæ Græcis Erythræa dicta est: ita quidem vt sua oracula seculo forte vno vel altero post turrim Babylonicam linguarumque diuisionem græce ediderit; extiterintque illa oracula & nota hominibus aliquot seculis ante datam Mosi legem, licet nondum tunc literis mandata esset. Meminit huius opinionis Jo. Henricus Vrsinus Exercitationum familiarium de Zoroastre Bactriano, Hermete Trismegisto, Sanchoniathone Phæricio & eorum scriptis, *ὡς λαίπ.* scēt. 4. & singularem opinionem vocat. Cui tamen, si qua Sibyllinis Græce ab Opsopæo editis fides habenda, ipsamet lib. i. suffragatur Sibylla, nurum se professâ Noe Patriarchi; item in calce libri tertij, vbi de genere suo his versibus testatur:

Ταῦτα σοι Λαυρεῖος Βαβυλωνίᾳ τέχῃ μα-
κρᾷ

οἰσερμανῆς περιπᾶσα ἐς Ἑλλάδα πεμπό-
μῃον πῶρ

πᾶσι περιφητῶσαι θεῶν μηνύματα θνητοῖς,
ὥς τε περιφητῶσαι με θεοῖς ἀνίγματα
θεῖα.

M 5

καὶ

καὶ καλέεσσι βροτοί με καὶ Ἐλλάδα πατρίδ^α
ἄλλης,

ἐξ Ερυθρῆς γεγαῖαν &c.

Vbi expresse Babyloniam se dicit, Babylone autem missam diuinitus in Græciam vaticinandi causa: licet Græci apud se natam Erythris mentiantur. Tum paucis interiectis se Noachi numerum non minus diserte profitetur vltimis verbis:

ὅτε γὰρ κατεκλύζετο κόσμ^α
ὑδασι, καὶ ἦς ἀνὴρ μόν^α εὐδοκίμῃ^α ἐλεί-
φθῃ.

ὕλοτόμῳ ἐν ὅικῳ ὀπιπλώσας ὑδάσιν,
σὺν θηρσί, πτηνοῖσι θ', ἣν ἐμπλήσθῃ πάλι κόσ-
μ^α.

τὸ μὲν ἐγὼ νύμφῃ, καὶ ἀφ' αἵμα^α αὐτῆς
ἐτύχθην.

Quæ sic vertit latine (vt potuit) Sebastianus Castalio:

*Hæc sunt, quæ moneo Assyria Babylone profecta,
In Græcos ignis missus, fanatica, cunctis
Exponens diuina Dei præsignificata,
Mortali vt generi diuina enigmata pandam.
Et tamen ex alia patria me Græcia dicit
Ex Erythra natam &c.*

*Siquidem cum dilueretur
Mundus aquis, cum vir solus probus exuperauit
Quidam, quem per aquas vexit domus eruta
siluis,
Et pecudes & aues, rursus impleretur vt orbis,
Eius ego nurus.* Vt

Vt potuit, inquam, non male quod sensum attrinet; secus si numeros spectamus, quorum nullam fere habuit rationem: sunt enim incompti & insuaues versus. vt omittam mendum in quantitate, quod vitare non potuit, pronominis *ego*, vltima producta, quæ semper brevis apud bonos auctores. Sed hæc obiter.

Ex his quidem apparet, Babyloniam fuisse eam vatem, quam Græci & Sibyllam nominauerunt, & Erythris natam prodiderunt; nomine ab vrbe indito, vt fit, *Erythræam* vocantes. Quod etiam amplexus est Firmianus, quo loco notat, non potuisse discerni, versus Sibyllini cuius Sibyllæ essent, ob confusionem, præterquam vnius Erythrææ, *quæ & nomen suum verum carmini inseruit, & Erythræam se nominat, ubi prelocuta est, cum esset orta Babylonie.* Solum hoc minus consonum versibus allatis videatur, quod in iis, quos habuit Lactantius, versibus Sibylla nomen suum verum carmini inscripsit, & se Erythræam esse confitetur: in versibus laudatis negat præcise se esse Erythræam, sed putari ab hominibus qui in Græcia versantur:

καὶ καλέσαι βροτοί με κατ' Ἑλλάδα πατρίδι
ἄλλῃς

ἐξ Ερυθρῆς γεγαῖαν ἀναιδέα.

Hæc profecto non quadrant, neque verisimile videtur, hanc, quæ se tam aperte Babyloniam fateatur, cum nomen suum carmini inscriberet, sese Erythræam dixisse. Dici tamen potest, in hoc
secu-

fecutam esse vulgi opinionem: vt quando a Græcis passim *Erythræa* vocaretur, & hoc cognomen to innotesceret, noluisse istud mutare, sed carmini inscripsisse, ne alia ab ea, quam Græci nossent, putaretur. Esto. At quod verbis modo allatis se quoque *ἀναιδέα*, hoc est, *impudentem, prostratæ pudiciæ mulierem*, ab hominibus dici conqueritur, quis hoc Sibyllæ Græcorum vati conuenire dicat, qui eorum meminerit, quæ supra de Sibyllæ & aliorum vatum apud Græcos, si non vera, saltem credita & celebrata castitate disputaui-
mus? Pugnant certe hæc, neque conciliari vllō modo possunt, vt non dubitem, vel hoc solo argumento quæ in manibus habemus Sibyllina explodere vt supposititia. Sed de his infra accuratius considerabimus.

CAPVT VI.

Aliarum Sibyllarum quæ ab aliis passim auctoribus celebrantur, ad vnā Erythræam reductio. Iterum de Sibyllæ longo æuo, tum peregrinationibus.

HÆc qui depositis præiudiciis seria & attente mente perpendet, magis suspectam hanc Sibyllarum a Varrone & aliis proditarum multitudinem habeat, necesse est; tum aliquam rationem

nem requirat, qua se ab hac perplexitate & male cohærentibus quorundam dictis expediat. Hæc autem vna mihi optima videtur, vt dicamus, vnam fuisse Sibyllam nomine *Herophilæ* primum appellatam, postea *Sibyllam*, Erythris Joniæ vel Cyme proxima ciuitate ortam, quam inter alias celebriorem fuisse ac nobiliorem Lactantius ipse fateatur, cum plures fuisse Sibyllas Varronis auctoritate impulsus putaret.

Ego istam, quæ maxime illustris fuit, vnam fuisse contendo, *Sibyllæ* nomine apud Græcos celebratam; ex hac autem vna & singulari Sibylla plures vulgi errore inductas, duabus de causis, vt equidem arbitror: quia longæua admodum fuit, & vitam ultra solitos ætatis humanæ limites produxit; tum etiam quia in tam longo ætatis decursu fere semper peregrinata est: neque tantum procul dissitas orbis terrarum plagas adiit, sed etiam in iis satis diu versata est; quod iam enucleatius differendum est.

Ac de longo Sibyllæ æuo satis superque supra in eius indolis & proprietatum consideratione dictum est: quod autem hinc aliquis minus cautis de Sibyllarum multitudine error obiici potuerit, non me iudicet tantum, sed etiam Sebastiano Castalione viro docto in annotationibus ad suam versionem latinam Sibyllinorum oraculorum, quiuis intelligat, vbi ita scriptum est: *Præterea in fine libri septimi docet, se iam ardoribus & æuo confectam esse, sed tamen a tempore consumptam*

sumptum iri, neque semper victuram. Ex quibus locis patet, eam diutius vixisse quam ferret communis ætas hominum. Quæ res locum fecit fabulæ, quæ ab Ouidio in 14. Metamorph. posita est, ubi Sibylla ostendit sibi a Phæbo prorogatam esse vitam, seque iam septingentos annos vixisse, & adhuc trecentos esse duraturam. Atque eadem eius vitæ longitudo in causa fuit (sicut ego existimo) ut quæ eadem esset plures esse putarentur: quod ea diuersis temporibus & locis apparens plurimum speciem præberet. Tum paucis interiectis ad obiectionem, quæ cuius ex tam inusitata & incredibili protractione vitæ in mentem venit, sic respondet: Neque est quod mihi quisquam obiiciat, Sibyllam tam diu viuere non potuisse, quod hominis vitam Deus Noë dixisset fore certum viginti annorum &c. Hoc, inquam, si quis obiiciet, respondebo, Deum de communi & vulgari vitæ curriculo dicere. Nam & Abrahamus, & alii multi diutius vixerunt, & Sibylla vixisse potest, cum Deus nulli sit obnoxius legi, quo minus faciat quod ipsi visum sit. Quæ non eo consilio affert, ut credamus Sibyllam mille annos vixisse, (tametsi Magi Artephium suum ea arte ad annos 1025 vitam sibi prorogasse autumant) quantum ætatis spatium fabulis annumerat; sed quod non putet absurdum, Sibyllam multis seculis transgressam limites humani æui notos.

Quod ad alteram causam attinet, nempe errandam vitam; omnes fere in eo consentiunt, quod

quod vniuersas prope mundi plagas obierit Sibylla, vtpote communis gentium vates. Aristoteles quidem in Admirandis, vt vidimus, & eum secutu Maro in sexto Æneidos, Erythris vel Cumis Æoliæ in Italiam venisse, & Cumas Campaniæ habitasse dicit. Justinus autem Martyr hanc ipsam Babylone in easdem oras transgressam ait. Sed & Pausanias per vrbes & insulas Græciæ diuagatam, variarumque terrarum hospitam fuisse refert: αὐτὴ ἡ Σίβυλλα (de Erythræa loquitur) ὤκησε μὲν τὸ πολὺ τὰς εἰς ἐν Σάμῳ, ἀφίκετο δὲ καὶ εἰς Κλάργον τὴν Κολοφωνίων, καὶ εἰς Δῆλόν τε, καὶ εἰς Δέλφους. ὁπότε δὲ ἀφίκοιτο, ὅπῃ ταύτης ἰσαμμένη πέτρας ἦδε τὸ μὲν τοῖς χερσὶν αὐτὴν ἐπέλαβεν ἐν τῇ Τρωάδι. id est, *Hæc vero Sibylla magnam vitæ partem egit in Samo: sed & Claron quæ Colophoniorum vrbs est, venit: venit eadem Delon & Delphos. Ac Delphis quidem de quo diximus saxo vaticinia edebat sua. Cæterum in Troade errorum & vitæ fatalem terminum inuenit.*

Nec vero mirum id videri debet in Sibylla gentium omnium vate, quod commune esse constat alijs vatibus & ariolis, vt varias perambulent vrbes & mundi plagas, neque vlllo in loco certo diu consistere possint. Quo etiam videtur spectare Christi effatum in Euangelio: *Non habet propheta honorem in patria sua.* Quibus enim non est fides neque auctoritas in patria, quid aliud restat nisi vt ad alias gentes transeant & peregri-

regrinentur. Sed & Artemidorus commune vatribus & ariolis, vt ament vagari & obambulare ac circuire vrbes, notat libro 3. cap. 21. vbi de iis qui somniant sese vates esse effectos: *Φέρει ἡ καὶ δόξη δημίας πολλάκις καὶ κινήσεις τῶ ἰδόντι τὸν ὄνειρον. διὰ τὸ τῆς μάντις πεινοσθῆναι.* id est, *Portendit sepe etiam peregrinationes & motus hoc somnium ei, qui vidit: propterea quod vates errabundam vitam agant.* Idem de Abaride Hyperboreo vate testatur Apollonius in Admirandis historiis sectione 4. *Αβάρης ἦ ἐξ ὑπερβορέων ἦν μὲν καὶ αὐτὸς τῶν θεολόγων. ἔγραφε δὲ καὶ βιβλίον περὶ τῶν χωρῶν πεινοσθῆναι, οἱ εἰσι μέρει τῆ νῦν ὑπάρχοντες.* id est, *Abaris & ipse Theologis erat Hyperboreis. Scripsit autem & opicula regionibus, quas oberrans lustrabat: quæ ad hoc vsque tempus extant.* Haud secus & de Hilarione monacho, non quidem professione vate sed gratia & dignatione, qui semper numen in pectore habebat, rumor illis temporibus, Hieronymo auctore in eius vita, percrebuerat, diu eum in eodem loco manere non posse. Verum hoc ille non vt pluribus vaticinia cederet, faciebat, sed vt honorem fugeret, & importunitatem, qui semper silentium & vitam ignobilem desiderabat. Qua fortasse & causa impulsam fuisse Sibyllam ad peregrinandum non dictu absurdum iudico: quæ tantopere & ipsa solitudinem & silentium amauerit. Qua de re supra abunde a nobis consideratum est.

Ut igitur huic disputationi finem tandem imponamus, sic mihi videtur de Sibylla statuum: huic Erythras aut Cymen Æoliæ urbem ortum dedisse, quocumque patre, siue Berefo, ut censet Justinus Martyr; siue Gnosto, ut in Pseudo Sibyllinis scriptum est; siue Glauco, ut Maroni placet: de qua re quid verum sit, inuenire difficile, nec multum ad rem pertinet; ætate superiorem quidem fuisse Troiano bello, quanto autem tempore, ne id quidem certo sciri posse. Nam quod quidam hanc Noachi patriarchæ æuo, hoc est, ante diluuium vixisse censent, & Japheti uxorem fuisse, quo argumento hanc coniecturam firmare possint, non video: nisi quod hanc Noachi nurum fuisse, in illis Sibyllæ oraculis legunt. Sed hoc quam firmum sit fundamentum infra patebit: quo loco, non esse genuina hæc Sibyllæ oracula sed supposititia, rebus addicam necessariis. Hanc quoque varias obiisse vrbes, in iisque vaticinationum suarum monumenta reliquisse, præsertim Erythris, Cumis Joniæ, Samo, & aliis Asiæ ciuitatibus, uti Pausanias tradit, verisimile est: quod magnam populis præbuisse occasionem putandum est, credendi non vnam fuisse Sibyllam sed plures: cum diuersæ vrbes in suis templis Sibyllæ oracula reposita haberent. Quin Cumas Campaniæ venisse, & ibi habitasse, Aristoteli id prodenti in Admirandis credendum est: id quæ accidisse non multo tempore post Ilii excidium, si quidem non vanum esse putamus & omni-

mnino poeticum, quod Virgilius in sexto memorat, de ingressu Æneæ ad Sibyllam Cumæam tum temporis oracula edentem in Italia iuxta Cumas Campaniæ oppidum, & in antro ibi habitantem, summa loci religione & horrore ob furorem & responsa eius varis. Verum quo minus falso id a Virgilio proditum credamus, auctoritas obstat Aristotelis in Admirandis, toties iam laudato loco; vbi Sibyllam Cumis Italiæ habitasse Erythræam refert: quod profecto non scripsisset, nisi fama vulgatum & propemodum gentium consensu ita esse persuasum fuisset.

Hanc igitur vnam Sibyllæ nomine aîo Græcis cognitam fuisse: si quæ autem aliæ fatidicæ eodem nomine appellatæ sunt, quod sane fatendum est, eadem licentia factum esse, qua Ouidius in 2. *μαρασιοντεχνίας*, omnes viros *Danaos*, feminas omnes *Amazonas* appellat: & hisce temporibus Christianæ reipublicæ imperatorem *Cæsarem* vocamus, quem tamen scimus nulla ex parte attingere familiam Cæsarum.

CAPVT VII.

Sibyllæ per varia orbis terrarum loca discursus. Prophetarum raptus ab angelis: Et de sagitta Abaridis.

Quia dictum est ostensumque Artemidori verbis,

verbis, ad institutum vatum quoque pertinere
 ut varia orbis perambulent loca vaticinii causa,
 eodemque consilio Sibyllam Græcas Asiæ perlu-
 strasse vrbes, insulas obiisse, in Italiam vsque cur-
 sum tenuisse, & ibi vaticiniis floruisse; rationes
 huiusmodi peregrinationum altius scrutari co-
 gunt nos Iustini illius martyris & philosophi ver-
 ba, qui Babylone quidem transisse in Campaniæ
 oras Sibyllam dicit, quo autem pacto, sese igno-
 rare fatetur: *εἰς ἣν τὴν μέσην τῆς Καμπανίας, ὅτε
 οἶδα ὅπως, διαβάσαν.* Emenda, ut supra, *εἰς δὲ
 Κυμμερίαν τῆς Καμπανίας*, hoc est, *in Campaniæ
 Cimmeriam nescio quo modo transisse.* Non du-
 bitat transisse; modum quo tantum telluris in-
 firma & inops muliercula obierit, se ignorare fa-
 tetur. Nempe aliud agenti non vacat profun-
 dius inquirere in eam rationem: nos modum
 eum hic poscente instituto inuestigare haud gra-
 uabimur, vel potius coniectare ex aliorum vatum
 historiis, quos ab vna regione cito in alias remo-
 tissimas abductos legimus, tanta peregrinandi fa-
 cultate, ut iis non montium aspera, non fluuiio-
 rum & torrentium impetus, non vlla itineris in-
 commoda & discrimina obesse possent.

Vt id intelligamus, reuocandum in memori-
 am est quod supra notauimus, de perduellium
 superbia & malis artibus dæmonum. Cum enim
 nobis sint inimicissimi, tamen amici & beneuo-
 li videri volunt. Quod ut persuadeant, Dei si-
 militudinem prætendunt, & quæ Deum facere

vident, imitantur: vt cum in aliis tum in vatū & prophetarum rebus manifeste apparet. Quia etenim Deus semper homines habuit sibi deditos ad quos familiarius accederet, quos & arcanorum suorum conscios haberet, qui quæ futuris temporibus facturus ipse esset, vbi opus esset, populis prædicerent; eiusmodi & Demon ministros, hoc est, vates vbique terrarum sibi subditos habuit, quorum animis aliquam rerum futurarum lucem infunderet, quod non illi esse negatum infra suo loco ostendemus.

Cæterum inter dona illa, quibus Deus optimus maximus prophetarum suorum & sanctorum eximios ab aliis secernere voluit, subita est locorum mutatio, & ab vna regione in alias remotissimas vehemens corporum humanorum nullo ipsoꝝ labore transmissio: quam vim in nonnullis Deum ostendisse prophetis reconditæ Hebræorum literæ certis exemplis docent. In quibus legimus Habacuc vatem Judæa Babylonem translatum diuinitus angeli ministerio, qui eum capillo apprehendit & ita in sublime raptum transportauit. *Et apprehendit eum angelus Domini in vertice eius, & portauit eum capillo capitis sui.* Eadem vi raptum & Philippum, non eum qui inter Apostolos, sed diaconum, legimus in Actis Apostolorum, vbi de baptismo agitur Eunuchi Candaces reginæ Æthiopum: *Cum autem ascendissent de aqua, spiritus Domini rapuit Philippum, & amplius eum non vidit Eunuchus.* Phi-
lip-

lippus autem inuentus est in Azoto. Non enim id prophetarum tam proprium fuit, vt non aliis sanctis, vbi res posceret, Deus concefferit, vt Philippo isti: tamen si omnes prope Christianos illis temporibus vberiore spiritu donatos vaticinari potuisse, & linguis alienis locutos scimus.

Caterum in nullo priscorum sanctorum & prophetarum tanta hominum admiratione vis illa apparuit, quam in Elia Thesbite: quem ex iisdem literis constat solitum transferri in montes remotos, in speluncas, in auia nemora, in scopulorum abrupta, & feris horrendas & torrentium fragoribus solitudines; donec tandem flagranti procella & turbine igneo, quem Scriptura currum vocat, amicis coram spectantibus, e conspectu eorum est ablati. Sed hoc in mirando illo vate eximium, quod ei sic impetu diuino transferri in varia loca adeo frequenter accidebat, vt vulgo etiam notum esset. Hinc aliorum prophetarum consilium post eiusdem Elie discessum, de certis hominibus mittendis, qui cum per deserta & montes inuios quærerent, si forte quopiam de more translatus iaceret. *Dixeruntque illi: (filii prophetarum ad Elisæum Eliæ successorem) Ecce cum seruis tuis sunt quinquaginta viri fortes, qui possunt ire & quærere dominum tuum, ne forte tulerit eum spiritus Domini, & proiecerit eum in vnum montium aut in vnâ vallium.* Neque vero inter prophetas tantum id de Elia vulgatum, sed vulgo etiam atque hominum sermoni-

bus celebratum fuit : quemadmodum apparet ex Abdiæ vnius e famulis regis Achab verbis , cum ei de improuiso apparuisset Elias , iuberetque eum de aduentu suo regem certiorē facere : *Quid peccaui , (inquit) quoniam tradis me seruum tuum in manu Achab ut interficiat me ? Viuit Dominus Deus tuus , quia non est gens aut regnum , quo non miserit Dominus meus te requirens . Et respondentibus cunctis , non est hic : adiurauit regna singula & gentes eo quod minime reperireris . Et nunc tu dicis mihi : Vade & dic Domino tuo , adest Elias . Cumque recessero a te , spiritus Domini asportabit te in locum quem ego ignoro : & ingressus nunciabo Achab ; & non inueniens , te interficiet me .* Hactenus de potentia Dei in viros sanctos , ad eos quo vellet angelorum suorum opera transportandos .

Nunc ut variis temporibus hæc opera Dei superbus daemon in suis consecrancis imitatus sit , illustribus gentium exemplis ostendam . In his celebratum illud de Pythagora philosopho , quem eodem die visum olim Metaponti Italiæ , & Tauromenii Italiæ , qui de eius rebus prodiderunt , consensu referunt . An corpore translatum , an præstigiis imagine eius oblata hominibus , ambigi potest . Sed vere translatum fuisse alia exempla occurrunt quæ fidem faciant . Auctor est Jamblichus in vita Pythagoræ cap. 28. id munus Abaridi Hyperboreo ab Apolline concessum fuisse , ut per aerem , quocumque vellet , cursum

magico inuectus iaculo tendere posset. Verba
 eius quibus inter alia priscorum vatum & sacer-
 dotum miracula hoc quoque refert, adscribere
 placet: Δῆλα δ' αὐτῶν τὰ ποίηματα ὑπάρχει.
 ἄλλως ᾗ καὶ Αλεξάνεμϑ μὲν ὃν τὸ ἐπώνυμον
 Εμπεδοκλέης. Καθαρτής (ita lege pro Καθαρίης)
 δὲ τὸ Επιμενίδης. Αεργατής δὲ τὸ Αβάρειϑ.
 ὅτε ἄρα οἷς ὦ τέ ἐν Ὑπερβορείοις Ἀπόλλω δαρη-
 γέντι αὐτῷ ἐποχέμενϑ, ποταμὸς τε καὶ πελάγη καὶ
 τὰ ἄλλα διέβαιναν αεργατῶν τρόπον τινα.
 ὅπερ ὑπενόησαν καὶ Πυθαγόραν ἴνες πεπονθέναι
 τότε, ἥνικα καὶ ἐν Μεταπόντῳ καὶ Ταυρομενίῳ
 τοῖς ἑκατέρωθεν ἑταίροις ὠμίλησε τῇ αὐτῇ ἡμέρᾳ.
 id est, *Ipsorum vero opera manifesta sunt, & ex*
iis ducta cognomina: Empedoclis quidem Alexa-
nemos; (quod ventos arceret vel sedaret) Epime-
nidis autem Cathartes; (hoc est, mundus seu pu-
rus) Abaridis vero Aerobates. (quod per aerem
graderetur) Nam cum Apollinis eius, qui ab Hy-
perboreis colebatur, iaculo sibi donato inequitarer,
fluvios & maria ac loca inaccessa, per aerem quo-
dammmodo incedens, permeabat. Quod nonnulli
Pythagoræ quoque concessum suspicati sunt, cum
& ipse Metaponti & Tauromenii, amicis quos v-
trique in civitate habebat, eadem die conuersatus fu-
isset. Et infra eodem capite surreptum ait Ab-
aridi id iaculum siue virgam auream a Pythago-
ra, cum eum ex Hyperboreis aduenientem con-
uiuio excepisset. Quo facto eum coegit fateri
quorsum istud iaculum ferret; qui confessus est,

non posse se absque illo vias, qua peregrinari debeat, vilo modo inuenire. τῶτον δὲ τὸν Αἶαριν παρελόμενον, ὃν εἶχε χευσθὲν οἷσόν, ὃ ἄνδρ' ἔχ' οἷον τ' ἦν τὰς ὁδοὺς ἐξέρπειν, ὁμολογῶντα ἐποίησε. Quæ pacto laminae hîsce etiam temporibus vehi a malis geniis dicuntur ad orgia nocturna. Quod genus vehiculi fortasse omniscius poeta, obscure licet, velut aliud agens, vt solet, indicare voluit, cum in vndecimo Æneidos Metabi fugam cum Camilla filia infante describit. Cum enim fugienti (nam hostes conferti premebant) Amisenus amnis obuius transeundus esset, neque auderet cum infante fluuio lato & spumanti se committere, hanc telo ingenti alligans, viribus, quantis pollebat, cum telo intorsisse dicitur, ac transmisisse ad alteram ripam, verum non sine Diana, quam inuocat, cui & puellam vouet:

*Ipse pater famulam voueo: tua prima per auras
Tela tenens supplex hostem fugit: accipe: testor
Diua tuam, quæ nunc dubiis committitur auris.
Dixit, & adducto contortum hastile lacerte
Immittit: sonuere vnde: rapidum super amnem
Infelix fugit in iaculo stridente Camilla.*

Hîs an ad iaculum Abaridis alluserit Virgilius, eruditus iudicandum relinquo. Verum, quod ad hunc loca transmittendi modum attinet, huius & Lucianus meminit in Philopseude siue Incredulo fol. 831. tametsi suo more irridet. Quo loco & quidam narratur itidem ex Hyperboreis con-

conſpectus, cum per aerem interdiu incederet, atque etiam ſuper aquas : οὐ γὰρ, ἢν δ' ἐγὼ, εἶδες, τὸν Τπερφόρεον ἄνδρα πετόμενον, ἢ ὅπῃ τὰ ὕδαλ' βεβηκότα; καὶ μάλα, ἦδ' ὅς &c.

Hæc non dubito fore multos qui irrideant, homines ignavos & in Luciani ludo educatos. Nec mirum. Longe enim facilius eſt cuius contemnere quæ non intelligit, quam operam dare & fatagere ut intelligat. Quibus aliud non reſpondebo, quam quod Apulcius in 1. Metamorph. cuidam qui id genus compreta audiebat ſolo cachinno explodenti: *Tu vero (inquit) crasſis auribus & obſtinato corde reſpuiſ quæ forſitan vere perhibeantur. Minus hercule calles praviſſimis opinionibus ea putari mendacia, quæ vel auditu noua, vel viſu rudia, vel certe ſupercaptum cogitationis ardua videantur: quæ ſi paulo accuratius explorariſ, non modo compertu euidentiâ, verum etiam factu facilia ſenties.* Quid? Nonne Judæorum magiſtris & Cabaliſtis creditum, vias quamlibet arduas, longas, diffiçiles, breui temporis ſpatio confici poſſe nominis ineffabilis pronuntiatione. In ſcripto Rabbinico de vita & morte Moſis, quod Gilbertus Gaulmynus Molinenſis, vir doctiſſimus, latine conuerſum & notis elegantiſſimis illuſtratum in lucem edidit, ſic loquens Moſes ad Deum inducitur: *Si permittis, ego in virtute nominis tui volucris ſiam, ac ſuper Jordanem volans, terram (promiſſionis) adibo & videbo.* Sed & Benjamin Tudelenſis in Itinera-

rio de David Altoi: *Illo die & decem dierum iter conficit ad Amoriam vsque ineffabilis nominis pronuntiatione.*

Superstitiosa hæc, inquires, & Rabbinica. Fateor: non tamen continuo falsa censeari debent. Nam & hos, veræ lucis exortes atque in superstitionem prolapsos, dæmonum patuisse ludibris, & quæ dæmonum instinctu patrabant, virtuti diuinæ adscripsisse, velut priscos gentium sapientes, & ita prodita ab iis miracula explicare generosum magis & cordato viro congruens iudicio, quam fidem tot testibus derogare, tot literarum monumenta barbaro fastu subruere ac demoliri. Hæc autem eo consilio sic vberius & latius differere visum est, vt desinant mirari homines minus in veterum literis versati, longinquas illas Sibyllæ peregrinationes: immo hoc dæmonis ingenio & factis quam maxime esse consentaneum intelligant, vt quam primariam gentium omnium sibi subditarum vatem constituisset, ei se vt ad omnem vaticinandi operam, sic ad celeres locorum transmissiones & alia miracula facilem & promptum exhiberet.



CAPVT VIII.

De antris in quibus Sibylla habitasse dicitur. De Corycio: plura eius nominis fuisse; an istud nomen appellatum; Ερυμῆα πεδία apud Galenum in descriptione Philonii.

Sibyllam secessum & solitudinem amasse, ut fere omnes diuinioris naturæ sibi conscios, supra attigimus, cum de longa eius vita & solitudine nobis disputatio esset; nunc de antris, in quibus aut nata aut versata fuisse dicitur, paulo accuratius considerandum reor; cum ad res Sibyllæ hæc cognitio pertineat. Erythræi quidem, qui Sibyllæ natales contentiosius sibi vindicabant, in spelunca sub monte Coryco apud se ortam eam contendebant. Pausanias in Phocicis: Ερυθραῖοι δὲ (ἀμφισβητοῦσι γὰρ τῆς Ηεροφίλης παροτρύματα Ἑλλήνων) Κώρυκόν τε καλῶμενον ὄρεα, καὶ ἐν τῷ ὄρει ἀπήλαιον ἀποφαίνουσι, τεχέσθηναι τὴν Ηεροφίλην ἐν αὐτῷ λέγοντες. id est, Erythræi (de Herophile enim hi acerrime Græcorum omnium certant) Corycum montem, & in eo antrum ostendunt, in quo natam Herophilen dicunt. Meminit & Strabo eius montis lib. 14. πρὶν δ' ἐλθεῖν ὅππῃ τὰς Ερυθράς, πρῶτον μὲν Γέραι πολίχμιον, εἶτα Τήϊον, εἶτα Κώρυκον ὄρεα, ὑψηλὸν. *Ante-*

Antequam Erythras perueniant , primum quidem occurrit oppidulum Gera , postea Teium , tum Corycius mons alius. Stephanus quoque in hac voce : ἔστι καὶ Κώρυκτος ὄρος ὁρσενικῶς λεγόμενον , ὑψηλὸν , πλησίον Τέω τῆς Ἰωνίας καὶ Ερυθρῶν. Ita enim lego, non vt in excusis libris ἐρυθρὸν. id est, Est & mons Corycius generis masculini, excelsus, Teo Jonie & Erythris vicinus. A monte igitur isto antrum illud , in quo natam dicunt Sibyllam, nominatum fuisse Corycium, non est cur quisquam dubitet. Non tamen perinde istud fama inclytum fuisse fatendum est , atque alia eiusdem nominis in Cilicia & Parnasso ; quorum Stephanus seorsim mentionem facit his verbis: Κώρυκος πόλις Κιλικίας, παρ' ἣ τὸ κωρύκειον ἄντρον Νυμφῶν, ἀξιάγαστον θεῦμα, ᾧ ὁμῶνυμον ἐν Παρνασσῷ. id est, Corycius oppidum Cilicie, cui vicinum est Corycium antrum Nymphis sacrum, inter naturæ miracula celebrandum : cui alterum eiusdem nominis in Parnasso nobilitate haud mag-nopere cedit. Quæ Stephani verba vel mediocriter curiosis cupiditatem injiciant accuratius cognoscendi naturam habitumque eius antri, quod tantam olim spectaculi admirationem visentibus moueret.

Quo spero facilius veniam me impetraturum a studiosis, si vocabuli eiusdem vestigia secutus, hincque occasione sumpta, paululum a proposito digredior in Corycium illud Ciliciæ antrum ; hoc est, luculentam eius descriptionem a Pom-

po-

ponio Mela geographico operi insertam legentium oculis subjicio, qua ceu pictura eleganti superiorum disceptationum laborem & tristitiam discutiant. Ita igitur scriptor ille eloquens de hoc subterraneo specu scribit lib. 1. cap. 13. *Non longe hinc Corycos oppidam, portu saloque incingitur, angusto tergore continenti annexum. Supra specus est, nomine Corycius, singulari ingenio, ac supra quam ut describi facile possit eximius. Grandi namque biatu patens, montem litori appositum & decem stadiorum cliuo satis arduum, ex summo statim vertice aperit. Tunc alte demissus, & quantum demittitur amplior, viret lucis pendentibus undique, & totum se nemoroso laterum orbe complectitur: adeo mirificus ac pulcher, ut mentes accedentium primo aspectu consternat: ubi contemplati dumuere, non satiet. Vnus in eum descensus est, angustus, asper, quingentorum & mille passuum, per amœnas umbras & opaca silvæ quiddam agreste resonantis, riuis hinc atque illinc fluitantibus. Vbi ad ima peruentum est, rursus specus alter reperitur ob alia dicendus. Terret ingredientes sonitu cymbalorum diuinitus & magno fragore crepitantium. Deinde aliquamdiu perspicuus, mox & quo magis subitur obscurior, ducit ausos penitus, alteque quasi cuniculo admittit. Ibi ingens amnis ingenti fronte se extollens, tantummodo se ostendit, & ubi magnum impetum breui alueo traxit, iterum demersus absconditur. Intra spatium est, magis quam ut pro-*

gre-

gredi quispiam ausit, horribile, & ideo incognitum. Totus autem augustus & vere sacer, habitarique a Diis & dictus & creditus, nihil non venerabile & quascum aliquo numine se ostendit. Hæc Mela. Quem adeo hac in descriptione admiratus videtur Plinius, vt alias creber his picturis in historia, veritus sit post Melam manum tabulæ admouere. Proinde idem antrum vix breui mentione attingere ausus lib. 5. cap. 27. statim præteruolat. *Juxtaque mare* (inquit) *Corycos eodem nomine oppidum, & portus & specus.* Verbum non amplius addit. Verumtamen de Coryciis antris notat lib. 31. cap. 2. destillantes in his guttas in lapides durescere. Quod sane Pausanias, vt mox videbimus, confirmat de Corycio Parnassi antro. Caterum non idem pudor aut reuerentia Solino, qui & ipse inferior Pomponio Mela, obstitit quo minus eiusdem antri descriptionem tentaret, quam apud eum legat qui volet.

Magna & Corycii in Parnasso antri nobilitas fuit, neque admiratio minor, vt ex Pausaniæ verbis intelligi potest. Τὸ ἢ ἄντρον τὸ Κωρύκιον μέγλη τε ὑπερεάλη καὶ εἰρημνία, καὶ ὅτιν ὅτι πλείστον ὁδοῦσαι δι' αὐτὰς ἐ' ἀνδρ' λαμπτήρῃ· ὃ τε ὁροφῶν ἐς αὐτὰρες ἀπὸ τὰς ἐδάφους ἀνέστηκε, καὶ ὕδωρ τ' μὲν ἀνερχόμενον ἐκ πηγῶν, πλέον ἢ εἴ τι ἀπὸ τὰς ὁροφῶν εἴς τιν, ὥστε καὶ δῆλα ἐν ταῖς ἐδάφῃς τελαγμῶν τὰ ἴχνη διὰ παντός ὅτι τὰς ἀντρος. id est, *Verum hæc omnia quæ enumerauimus magni-*

magnitudine superat Corycium antrum: qui introierit, sine ulla face longissime progredi possit. Ab imo solo ad superiorem partem, quæ pro tecto est, satis multum interest spatii: multi hinc illinc e viuis fontibus fluitant riui; sed humoris multo plus ex ipsa antri quasi testudine destillat. Cernuntur vero passim in ipso solo guttarum vestigia. Vbi σαλαγμῶν ἵχνη, guttarum vestigia interpretor guttarum in lapidem concretiones per totum antrum. Quo pacto expositus Pausanias Plinii, vt dixi, historiam in hac Coryciorum antrorum proprietate confirmat.

Ab hoc antro Corycio quod in Parnasso fuit Corycides Nymphæ nominatæ, vt apud Ouidium libro Transformationum primo in Deucalionis fabula:

*Mons ibi verticibus petit arduus astra duobus
Nomine Parnassus, superatque cacumine nubes.*

*Hic vbi Deucalion (nam cetera texerat æquor)
Cum consortetori parua rate vectus adhaesit,*

Corycidas Nymphas & numina montis adorat.

Meminit & Corycii seu, quod idem est, Corycei antri Aristoteles lib. de Mundo; sed cuius potissimum ex tribus memoratis, ex eius verbis intelligi non potest. Ita autem ibi scriptum est: διὸ καὶ τὰς μὲν πωρδῆς διαγράφαντας ἡμῶν ἐνὸς τόπου φύσιν, ἢ μιᾶς χῆμα πόλεως, ἢ ποταμῶν μεγάλῃ, ἢ ὄρεος καλλῶς, ὅσα τε λίνες ἤδη πεποιήκασι, Φεράζοντες, οἱ μὲν τὴν Ὀσσαν· οἱ δὲ τὴν Νύσ-

Νύσαν· οἱ δὲ τὸ Κωρύκειον ἄντρον· οἱ δὲ ὅλῃς
 ἔτυχ' ἐπὶ τῶν ὀπί μέρους, οἰκτίσειεν αὐτὴς τῆς μικρο-
 ψυχίας τὰ τυχόντα ἐκπεπληγμένους, καὶ μέγα
 Φρονέοντας ὅτι θεωρεῖα μικρὰ &c. id est, Qua-
 propter istos miserari quibus iure possit, ut pusilli
 animi scriptores, res quaslibet vulgoque expositas
 summa admiratione prosecutos; qui nobis vnius
 loci naturam, aut urbis cuiusdam formam situm-
 que, aut magnitudinem fluminis, aut denique
 amœni montis aspectum describere instituerunt:
 cum interim magnifice de semetipsis sentiant, ob
 exilem quampiam naturæ perceptionem: cuiusmo-
 di nonnulli magno quidem illi studio fecerunt,
 accurata ut dictione describerent, hic Ossa mon-
 tem, ille Nyssam, alii Coryceum specum, alii quid-
 vis eorum quæ inter orbis particulas censentur
 &c. Coniicio autem de Coryceo potissimum
 loqui antro, quod in Cilicia est, ut pote omni-
 um eius nominis maxime stupendo & celebra-
 to, ut ex eius supra allata descriptione apud Me-
 lam intelligi potest. Interim Philosophi inge-
 nii magnitudinem & fastum notare licet: cui
 præter mundum ipsum totum, singula quæque
 in terris loca, vrbes, montes, speluncæ, & alia
 eiusmodi particularia sordent, sola naturæ uni-
 versitas satisfacere potest.

Habuit & Sicilia suum antrum Corycium; su-
 um item Arcadia, Homero teste, in quo natum
 Mercurium fabulantur. Qui cum multi eius
 nominis apud auctores celebrentur specus, data
 hinc

hinc occasio Hofmanno, acris ingenii viro, suspicandi *Κωρύκειον* non vnius esse antri nomen, sed omnium, ac vt Grammatici loquuntur appellatiuum. Quod ipse lib. 6. Variarum Lectionum cap. 3. testatum reliquit. Quid plura? Habemus & inter Græcorum proueria *Κωρύκαιος ἠκροάσατο* *Corycaeus auscultauit*: verum nihil hoc ad antrum Corycium aut Parnassi, aut Ciliciæ, aut eius quod iuxta Erythras fuit, pertinet; sed potius a Coryco Pamphyliaë monte istud epithetum latronibus inditum videtur, qui, vt Strabo & Zenodotus tradunt, per portus monti illi vicinos dispersi quæ ibi negotiatores agerent subauscultabant, vnde mox in eos capta occasione impetum facerent. Crocum quidem a Ciliciæ monte Coryco *Corycium*, a quo & antrum, nominatum satis constat: cui bonitatis in eo genere palmam Dioscorides & alii deferunt. Cur autem campos, in quibus is nascitur, *Mercuriales* vocet Philo Tarsensis medicus in Philonici descriptione apud Galenum lib. 9. cap. 4. *καὶ τόπος*, consideratione eget. Philonis versus, quibus crocum poetica periphrasi designat, sunt ejusmodi:

Ξανθὴν μὲν τρίχα ἔαίλε μυρίπνοον ἰσοθέοιο,
ἧ λύθρης Ἑρμείοις λάμπεται ἐν πεδίοις.

Sic autem latine sonant: *Rutilum mitte capillum adolescentis vnguenta redolentem, cuius sanguis in campis Mercurii coruscat.* Est autem alia etiam lectio, cuius meminuit Galenus:

Ερμείαις λάμπεται ἐν ἑοτάναις.

inter herbas Mercurii effulget. Sed priorem retinent Codices.

Hofmannus, vir acutus & perspicax, dicto loco Ερμεία πεδία, hoc est, *Mercuriales campos* dictos putat, qui latronibus essent infesti: propterea quod Mercurius furum & latronum deus diceretur. Quam interpretationem, ut obiter dicam, non nauci esse lectio illa ostendit, quæ ἑοτάναις Ερμείαις *herbas Mercuriales* habet: an enim quisquam tam futilis, ut herbas Mercuriales quicquam cum latrociniis commune habere dicat? Et miror profecto id genus interpretamenti tam remotum placere Hofmanno potuisse, cum longe meliorem a Galeno explanationem petere posset; quo loco carmen Philonis proponit, & voces in eo ænigmaticas sigillatim exponit. Hanc Galeni expositionem ipsius verbis subnectere placet: Λύθρον δὲ τῷ κρόκῳ Φησὶν ἐν ταῖς Ερμείαις, τῷ τῷ τῷ Ερμῶ λάμπεται ἑοτάναις. ἐπειδὴ μερῶν κλον καλῶμενον κρόκος, ἅμα τῷ Ερμῇ διοκύνων, εἶθ' ἐς τὸ ἀμελέεσθαι, ἐμπεσόντος αὐτῷ δίοκῳ τῇ κεφαλῇ, συνέβη μὲν ἀποθανεῖν αὐτῷ. τῷ δ' αἵματος εἰς τὴν γῆν ἀναχυθέντος, ἐξ αὐτῷ Φῦναι τὸν κρόκον. λάμπεται δὲ εἶπε τὸν λύθρον, τῷ τῷ τὸ διὰ τῷ σφαγέντος αἵμα, διὰ τὸ σιλπνὸν τῆς χροῆς τῷ κρόκῳ. Tum alterius lectionis meminit sequentibus verbis: γράφεται δὲ ὁ μόνον, ἑοτάναις, ἀλλὰ καὶ πεδίοις, ὡδίπως ὁ εἶχος,

Ερμεί-

Εγμείους λάμπε[σ]αι ἐν πεδίοις.

id est: *Cruorem autem croci fulgere adhuc in campis Mercurii dicunt. Adolescens enim Crocus nomine disco ludens cum Mercurio, & incautius adflans, illapso in caput ipsius disco statim mortuus est: ex sanguine autem eius in terram delato crocus natus est. Fulgere autem cruorem dixit, hoc est, sanguinem iam occisi, propter coloris croci splendorem. Scribitur autem non solum in herbis, sed & in campis in versu; hoc modo: fulget adhuc in campis Mercurii ille cruor. Ex quo nemo non videt, sicut crocus Mercurialis herba dicitur, quod de Croci pueri Mercurio dilecti cruore natus feratur; sic & eos campos, in quibus magna croci copia proveniret, eadem ratione Mercuriales a Philone esse nominatos, ab eo scilicet olere, quod Mercurii potestate de cognominis adolescentis primum sanguine emerferit. Sed hæc, ut dixi, obiter; ad propositum reuertamur.*

CAPVT IX.

De Cumano Sibyllæ antro.

SEquitur alterum Sibyllæ antrum non minus veterum scriptis celebratum, atque ab ipso Aristotele in Admirandis; cuius verba de hoc antro supra laudata nihilo secius reponere operæ pretium est. *Εν τῇ Κύμῃ τῇ πρὸς τὴν Ἰταλίαν*

δείκνυται τις, ὡς ἔοικε, θάλαμος κατὰ γειος Σι-
βυλλῆς τῆς χρησμολόγου &c. *Cumis iis quæ
sunt in Italia quidam ostenditur, ut verisimile est,
subterraneus Sibylle thalamus siue cubiculum mu-
lieris fatidicæ &c.* Sed Maro in primis viden-
dus de hoc Sibyllæ antro in sexto magni operis:

*Teucros vocat alta in templa sacerdos,
Excisum Euboicæ latus ingens rupis in antrum :
Quo lati ducunt aditus centum, ostia centum,
Vnde ruunt totidem voces, responsi Sibyllæ.*

Quibus ex verbis intelligi potest, quam spatiosa
& vasta ea domus subterranea esset, cui centum
aditus, centum ostia assignet. Sed maxime id
confirmant Justinī Martyris verba quibus eam
speluncam describit, in ea quam ad Græcos scrip-
sit oratione exhortatoria: qui se huius etiam
testem oculatum fuisse dicit. Quamobrem
hanc tam grauis auctoris descriptionem verbis
ipsius adscribere haud grauabor: Εθεασάμε-
θα δὲ ἐν τῇ πόλει γινόμενοι καὶ ἵνα τόπον, ἐν
ᾧ βασιλικὴν μεγίστην ἐξ ἐνὸς ἐξεσμένην λίθου
ἐγνωμὴν, πρᾶγμα μέγιστον καὶ παντὸς θαύμα-
τος ἄξιον, ἔνθα τὰς χρησμοὺς αὐτὴν ἀπαγγέλ-
λειν, οἱ ὡς τὰ πάτρια παρειληφότες ὡρῶν τῶν
ἐαυτῶν προγόνων ἔφασκον. ἐν μέσῳ δὲ τῆς βασι-
λικῆς ἐπεδείκνυσον ἡμῖν τρεῖς δεξαμεναὶ ἐκ τῆς
αὐτῆς ἐξεσμένας λίθου. ὧν πληρημένων ὕδατος,
λῆεσθαι αὐτὴν ἐν αὐλαῖς ἔλεγον, καὶ εὐλογὴν
ἀναλαμβάνουσιν, εἰς τὸν ἐνδόξωτον τῆς βασιλικῆς
βαδίζειν οἶκον ἐκ τῆς αὐτῆς ἐξεσμένον λίθου. καὶ
ἐν

ἐν μέσῳ τῶν οἴκων καθεζομένην ὅππῃ ὑψηλῆς βήματος
καὶ θρόνου, ἔτω τὰς χερσὶν ἐξαγορεύειν. id est,
*Vidimus sane, cum ea in vrbe essemus, locum
quendam, ubi basilicam ingentem vno excava-
tam e lapide conspeximus; rem sane maximam &
omni admiratione dignissimam: quo loco oracula
eam edidisse, qui res patrias a maioribus suis quasi
per manus traditas acceperant, affirmabant. In
basilicæ autem meditullio tria nobis ostenderunt
in eodem excisa saxo solia; quibus aqua repletis
lauisse eam dicebant: exinde stola sumpta in in-
terius ejusdem basilicæ sacellum ibi ex eadem ma-
teria recedere, atque in media ea æde super altio-
re suggestu & throno considerare solitam, & sortes
adeum modum promulgasse dixerunt. Singularis
hic locus est de Sibyllæ specu: neque enim alibi
vsquam tam accuratam eius descriptionem re-
peries. In qua tamen illud primum occurrit
dubium, an ea quæ Justino monstrata est spe-
lunca ipsamet fuerit in qua Sibylla habitauit,
cuius & Maro facit mentionem in sexto Ænei-
dos. Etenim illa Justino memorata Cumis
Campaniæ, hoc est, in ipsa vrbe visebatur:
ἐθεασάμεθα δὲ, inquit, ἐν τῇ πόλει γινόμενοι καὶ
ἴνα τόπον, locum quendam cum in vrbe essemus
contemplati sumus. Quam autem Virgilius de-
scribit, ea non videtur in oppido ipso fuisse,
sed præcul inter sacros Triuiæ lucos sita, ubi
templum erat Apollini consecratum. Quem-
admodum ex his versibus colligi potest:*

*At pius Æneas arces, quibus altus Apollo
Præsidet, horrendæque procul secreta Sibyllæ,
Antrum immane, petit.*

& paulo post :

Jam subeunt Trivia lucos, atque aurea tecta.

Mox aurea illa tecta, hoc est, templum Apollinis describit, quod a Dædalo, postquam e custodia cum filio euasit, constructum fuisse dicit. Quibus verbis apparet, templum & oraculum istud fuisse positum inter nemora & lucos; non videtur autem simile vero eos lucos fuisse in oppido. Merula quidem lib. 4. ubi Campaniæ loca describit, non putat Cumis fuisse Sibyllæ antrum, sed in via quæ Cumis ad Auernum lacum paret. *Ab Cumis* (inquit) *dein ad Auernum usque lacum nihil inuenitur scitu dignum, præter Sibyllæ (quæ ab Cumis, patria, Cumæa, omnibus decantata) cavernam, ut vocant.* Sed antiquior longe auctoritas Aristotelis, qui sæpius laudato in commentario de Admirandis, expresse Cumis fuisse subterraneum Sibyllæ Erythrææ, quæ & Cumæa dicta est, thalâmmum refert: ἐν τῇ Κύμῃ πρὸς τὴν Ἰταλίαν δείκνυται ἡ, ὡς ἔοικε, θάλαμος κατὰ γειὸς Σιβυλλῆς τῆς χρησμολόγῃς. Potior item Justinî Martyris, qui idem confirmat indigenarum, quibus id a maioribus per manus traditum esset, testimonio. Quibus accedit Seruii auctoritas ad hæc verba: *arces quibus altus Apollo præsidet. Cum*, inquit, *ubique arx Jovis datur, apud Cumas in arce Apollinæ*

nis templum est. Quod autem ibi Sibyllæ antrum fuerit, hæc verba ostendunt infra:

*Teucros vocat alta in templa sacerdos,
Excisum Euboicæ latus ingens rupis in antrum:
Quo lati ducunt aditus.*

& mox:

Vnde ruunt totidem voces, responsa Sibyllæ.


Quæ verba indicant, eo ipso in loco, puta monte ubi arx erat vrbis & templum Apollinis, fuisse antrum Sibyllæ in rupe excavatum, ut & Justinus tradit. Neque obstat quod Poeta post hæc verba:

*At pius Æneas arces quibus altus Apollo
Præfidet,*

addit: *horrendæque procul secreta Sibyllæ;* ceu longe ab arce situm Sibyllæ antrum esset: ibi enim *procul* non significat longe, sed prope, ut docte Servius ibi annotat his verbis: *Procul, baud longe. Procul enim est & quod præ oculis est, & quod porro ab oculis.* Vnde & duplicem habet significationem, & iuxta, & longe. Qui locus insignis de hujus adverbii duplici usu & origine. Nec vero mirum videri debet, Cum is lucum Triuiæ sacrum fuisse, quo loco templum erat Apollini dicatum & Sibyllæ specus, cum & Lauiinii, eodem Marone teste, summo vrbis loco, Pici, vetustissimi Italarum regis, domus filius ad religionis formidinem obscuris cincta esset. Qua de re sic in septimo memorat:

rio de Dauid Altoi: *Illo die & decem dierum iter conficit ad Amoriam vsque ineffabilis nominis pronuntiatione.*

Superstitiosa hæc, inquires, & Rabbinica. Fateor: non tamen continuo falsa censerī debent. Nam & hos, veræ lucis exortes atque in superstitionem prolapsos, dæmonum patuisse ludibriis, & quæ dæmonum instinctu patrabant, virtuti diuinæ adscripsisse, velut priscos gentium sapientes, & ita prodita ab iis miracula explicare generosum magis & cordato viro congruens iudicio, quam fidem tot testibus derogare, tot literarum monumenta barbaro fastu subruere ac demoliri. Hæc autem eo consilio sic vberius & latius differere visum est, vt desinant mirari homines minus in veterum literis versati, longinquas illas Sibyllæ peregrinationes: immo hoc dæmonis ingenio & factis quam maxime esse consentaneum intelligant, vt quam primariam gentium omnium sibi subditarum vatem constituisset, ei se vt ad omnem vaticinandi operam, sic ad celeres locorum transmissiones & alia miracula facilem & promptum exhiberet.



CAPVT VIII.

De antris in quibus Sibylla habitasse dicitur. De Corycio: plura eius nominis fuisse; an istud nomen appellatum; Ερμεία πεδία apud Galenum in descriptione Philonii.

Sibyllam secessum & solitudinem amasse, ut ferre omnes diuiniore naturæ sibi conscios, supra attigimus, cum de longa eius vita & solitudine nobis disputatio esset; nunc de antris, in quibus aut nata aut versata fuisse dicitur, paulo accuratius considerandum reor; cum ad res Sibyllæ hæc cognitio pertineat. Erythræi quidem, qui Sibyllæ natales contentiosius sibi vindicabant, in spelunca sub monte Coryco apud se ortam eam contendebant. Pausanias in Phocicis: Ερυθράιοι δὲ (ἀμφισβητῶσι γὰρ τῆς Ἡερφίλης προσημότατα Ἑλλήνων) Κώρυκόν τε καλὰ μύθον ὄρεα, καὶ ἐν τῷ ὄρει ἀνήλαιον δ' ἀποφαίνουσι, τεχέειναι τὴν Ἡερφίλην ἐν αὐτῷ λέγοντες. id est, Erythræi (de Herophile enim hi acerrime Græcorum omnium certant) Corycum montem, & in eo antrum ostendunt, in quo natam Herophilen dicunt. Meminit & Strabo eius montis lib. 14. πρὶν δ' ἑλθεῖν Ἰππὶ τὰς Ερυθράς, πρῶτον μὲν Γέρας πολίχμιον, εἶτα Τήιον, εἶτα Κώρυκον ὄρεα. ὑψηλὸν.

Ante-

Antequam Erythras perueniant , primum quidem occurrit oppidulum Geræ , postea Teium , tum Corycius mons altus . Stephanus quoque in hac voce : ἔστι καὶ Κώρυκτος ὄρεος δερσενικῶς λεγόμενον , ὑψηλὸν , πλησίον Τέω τῆς Ἰωνίας καὶ Ερυθρῶν . Ita enim lego , non vt in excusis libris ἐρυθρὸν . id est , *Est & mons Corycius generis masculini , excelsus , Teo Joniæ & Erythris vicinus .* A monte igitur isto antrum illud , in quo natam dicunt Sibyllam , nominatum fuisse Corycium , non est cur quisquam dubitet . Non tamen perinde istud fama inclytum fuisse fatendum est , atque alia eiusdem nominis in Cilicia & Parnassō ; quorum Stephanus seorsim mentionem facit his verbis : Κώρυκτος πόλις Κιλικίας , παρ' ἣ τὸ κωρύκειον ἄντρον Νυμφῶν , ἀξιάγασον θαῦμα , ὃ ὁμῶνυμον ἐν Παρνασσῷ . id est , *Corycius oppidum Ciliciæ , cui vicinum est Corycium antrum Nymphis sacrum , inter naturæ miracula celebrandum : cui alterum eiusdem nominis in Parnassō nobilitate haud mag-nopere cedit .* Quæ Stephani verba vel mediocriter curiosis cupiditatem injiciant accuratius cognoscendi naturam habitumque eius antri , quod tantam olim spectaculi admirationem visentibus moueret .

Quo spero facilius veniam me impetraturum a studiosis , si vocabuli eiusdem vestigia secutus , hincque occasione sumpta , paululum a proposito digredior in Corycium illud Ciliciæ antrum ; hoc est , luculentam eius descriptionem a Pom-

ponio Mela geographico operi insertam legentium oculis subjicio, qua ceu pictura eleganti superiorum disceptationum laborem & tristitiam discutiant. Ita igitur scriptor ille eloquens de hoc subterraneo specu scribit lib. 1. cap. 13. *Non longe hinc Corycos oppidum, portu saloque incingitur, angusto tergore continenti annexum. Supra specus est, nomine Corycius, singulari ingenio, ac supra quam ut describi facile possit eximius. Grandi namque biatu patens, montem litori appositum & decem stadiorum cliuo satis arduum, ex summo statim vertice aperit. Tunc alte demissus, & quantum demittitur amplior, viret lucis pendentibus undique, & totum se nemoroso laterum orbe complectitur: adeo mirificus ac pulcher, ut mentes accedentium primo aspectu consternat: ubi contemplati durare, non satiet. Unus in eum descensus est, angustus, asper, quingentorum & mille passuum, per amenas umbras & opaca silvæ quiddam agreste resonantis, riuis hinc atque illinc fluitantibus. Vbi ad ima peruentum est, rursus specus alter reperitur ob alia dicendus. Terret ingredienti sonitu cymbalorum diuinitus & magno fragore crepitantium. Deinde aliquamdiu perspicuus, mox & quo magis subitur obscurior, ducit ausos penitus, alteque quasi cuniculo admittit. Ibi ingens amnis ingenti fronte se extollens, tantummodo se ostendit, & ubi magnum impetum breui alueo traxit, iterum demersus absconditur. Intra spatium est, magis quam ut pro-*

gre-

gredi quispiam ausit, horribile, & ideo incognitum. Totus autem augustus & vere sacer, habitarique a Diis & dictus & creditus, nihil non venerabile & quasi cum aliquo numine se ostendit. Hæc Mela. Quem adeo hac in descriptione admiratus videtur Plinius, ut alias creber his picturis in historia, veritus sit post Melam manum tabulæ admouere. Proinde idem antrum vix breui mentione attingere ausus lib. 5. cap. 27. statim præteruolat. *Juxtaque mare* (inquit) *Corycos eodem nomine oppidum, & portus & specus.* Verbum non amplius addit. Verumtamen de Coryciis antris notat lib. 31. cap. 2. destillantes in his guttas in lapides durescere. Quod sane Pausanias, ut mox videbimus, confirmat de Corycio Parnassii antro. Cæterum non idem pudor aut reuerentia Solino, qui & ipse inferior Pomponio Mela, obstitit quo minus ejusdem antri descriptionem tentaret, quam apud eum legat qui volet.

Magna & Corycii in Parnassio antri nobilitas fuit, neque admiratio minor, ut ex Pausaniæ verbis intelligi potest. Τὸ ἢ ἄντρον τὸ Κωρύκιον μεγέθει τε ὑπερβάλλει τὰ εἰρημύλια, καὶ ὅτιν ἐπὶ πλείστον ὁδοῦσαι δι' αὐτὸ ἐν ἀνδρὶ λαμπτήριον. ὃ τε ὁροφὸν ἐς αὐτὰρ κέρας ὑπὸ τῷ ἐδάφει ἀνέστηκε, καὶ ὕδωρ τὸ μὲν ἀνερχόμενον ἐκ πηγῶν, πλέον ἢ εἰς ὑπὸ τῷ ὁρόφῳ σάβη, ὥστε καὶ δῆλα ἐν τῷ ἐδάφει σαλαγμῶν τὰ ἰχνη διὰ παντός ἐστι τῷ ἄντρον. id est, *Verum hæc omnia quæ enumerauimus magni-*

magnitudine superat Corycium antrum: qui introierit, sine ulla face longissime progredi possit. Ab imo solo ad superiorem partem, quæ pro tecto est, satis multum interest spatii: multi hinc illic e viuis fontibus fluitant riui; sed humoris multo plus ex ipsa antri quasi testudine defillat. Cernuntur vero passim in ipso solo guttarum vestigia. Vbi σαλαγμῶν ἵχνη, guttarum vestigia interpretor guttarum in lapidem concrectiones per totum antrum. Quo pacto expositus Pausanias Plinii, ut dixi, historiam in hac Coryciorum antrorum proprietate confirmat.

Ab hoc antro Corycio quod in Parnasso fuit Corycides Nymphæ nominatæ, ut apud Ovidium libro Transformationum primo in Deucalionis fabula:

*Mons ibi verticibus petit arduus astra duobus
Nomine Parnassus, superatque cacumine nu-
bes.*

*Hic ubi Deucalion (nam cetera texerat equor)
Cum consortetori parua rate uelut adhæsit,*

Corycidas Nymphas & numina montis adorat.

Meminit & Corycii seu, quod idem est, Corycei antri Aristoteles lib. de Mundo; sed cuius potissimum ex tribus memoratis, ex eius verbis intelligi non potest. Ita autem ibi scriptum est: διὸ καὶ τὰς μὲν ἀστροδῆς διαγράφαντας ἡμῖν ἐνὸς τόπου φύσιν, ἢ μιᾶς χῆμα πόλεως, ἢ ποταμῶ μέγεθος, ἢ ὄρεος κάλλος, ὅσα τὲ λίνες ἤδη πεποιήκασι, φερόζοντες, οἱ μὲν τὴν Ὀσσαν οἱ δὲ τὴν Νύσ-

Νύσαν· οἱ δὲ τὸ κωρύκειον ἄντρον· οἱ δὲ ὄλιν
 ἔτυχεν τῶν ὀπὶ μέγας, οἰκτίσειεν ἄν τις τῆς μικρο-
 ψυχίας τὰ τυχόντα ἐκπεπληγμενός, καὶ μέγα
 φρονέωντας ὅτι θεωρεῖα μικρὰ &c. id est, *Qua-*
propter istos miserari quivis iure possit, ut pusilli
animi scriptores, res quaslibet vulgoque expositas
summa admiratione prosecutos; qui nobis unius
loci naturam, aut urbis cuiusdam formam situm-
que, aut magnitudinem fluminis, aut denique
amœni montis aspectum describere instituerunt:
cum interim magnifice de semetipsis sentiant, ob
exilem quampiam naturæ perceptionem: cuiusmo-
di nonnulli magno quidem illi studio fecerunt,
accurata ut dictione describerent, hic Ossam mon-
tem, ille Nyssam, alii Coryceum specum, alii quid-
uis eorum quæ inter orbis particulas censentur
 &c. Coniicio autem de Coryceo potissimum
 loqui antro, quod in Cilicia est, ut pote omni-
 um eius nominis maxime stupendo & celebra-
 to, ut ex eius supra allata descriptione apud Me-
 lam intelligi potest. Interim Philosophi inge-
 nii magnitudinem & fastum notare licet: cui
 præter mundum ipsum totum, singula quæque
 in terris loca, vrbes, montes, speluncæ, & alia
 eiusmodi particularia sordent, sola naturæ uni-
 versitas satisfacere potest.

Habuit & Sicilia suum antrum Corycium; su-
 um item Arcadia, Homero teste, in quo natum
 Mercurium fabulantur. Qui cum multi eius
 nominis apud auctores celebrentur specus, data
 hinc

hinc occasio Hofmanno, acris ingenii viro, suspicandi *Κωρύκειον* non vnius esse antri nomen, sed omnium, ac vt Grammatici loquuntur appellatiuum. Quod ipse lib. 6. Variarum Lectionum cap. 3. testatum reliquit. Quid plura? Habemus & inter Græcorum proueria *Κωρύκαιος ἠκροάσατο* *Corycaeus auscultauit*: verum nihil hoc ad antrum Corycium aut Parnassi, aut Ciliciæ, aut eius quod iuxta Erythras fuit, pertinet; sed potius a Coryco Pamphyliæ monte istud epithetum latronibus inditum videtur, qui, vt Strabo & Zenodotus tradunt, per portus monti illi vicinos dispersi quæ ibi negotiatores agerent subauscultabant, vnde mox in eos capta occasione impetum facerent. Crocum quidem a Ciliciæ monte Coryco *Corycium*, a quo & antrum, nominatum satis constat: cui bonitatis in eo genere palmam Dioscorides & alii deferunt. Cur autem campos, in quibus is nascitur, *Mercuriales* vocet Philo Tarsensis medicus in Philonici descriptione apud Galenum lib. 9. cap. 4. *καὶ τόπος*, consideratione eget. Philonis versus, quibus crocum poetica periphrasi designat, sunt ejusmodi:

Ξανθὴν μὲν τρίχα ἔαίλε μυρίπνοον ἰσοθέοιο,
 ἃ λύθρος Ἑρμείοις λάμπεται ἐν πεδίοις.

Sic autem latine sonant: *Rutilum mitte capillum adolescentis vnguenta redolentem, cuius sanguis in campis Mercurii coruscat.* Est autem alia etiam lectio, cuius meminit Galenus:

Ερμείαις λάμπειαι ἐν Ἑοτάναις.

inter herbas Mercurii effulget. Sed priorem retinent Codices.

Hofmannus, vir acutus & perspicax, dicto loco Ερμεία πεδία, hoc est, *Mercuriales campos* dictos putat, qui latronibus essent infesti: propterea quod Mercurius furum & latronum deus diceretur. Quam interpretationem, ut obiter dicam, non nauci esse lectio illa ostendit, quæ Ἑοτάναις Ερμείαις *herbas Mercuriales* habet: an enim quisquam tam futilis, ut herbas Mercuriales quicquam cum latrociniis commune habere dicat? Et miror profecto id genus interpretationi tam remotum placere Hofmanno potuisse, cum longe meliorem a Galeno explanationem petere posset; quo loco carmen Philonis proponit, & voces in eo ænigmaticas sigillatim exponit. Hanc Galeni expositionem ipsius verbis subnectere placet: Λύθρον δὲ τῷ κρέκῃ Φησὶν ἐν ταῖς Ερμείαις, τῷ τῆς Ερμῆ λάμπειαι Ἑοτάναις. ἐπεὶ δὲ μιν κρέκῃον καλεῖται Κρέκος, ἅμα τῷ Ερμῇ δισκῶν, εἰδ' ἐξ ὧς ἀμείλεσθαι, ἐμπεσόντος αὐτῷ δίσκου τῇ κεφαλῇ, συνέβη μὲν ἀποθανεῖν αὐτίκα· τῷ δ' αἷματι εἰς τὴν γῆν ἀναχυθέντος, ἐξ αὐτοῦ Φῦναι τὸν κρέκον. λάμπειαι δὲ εἶπε τὸν λύθρον, τῷ τῆς ἀπὸ τῆς σφαγῆς αἷμα, διὰ τὸ σιλπνὸν τῆς χροῆς τῷ κρέκῃ. Tum alterius lectionis meminit sequentibus verbis: χράφειαι δὲ ὁ μόνον, Ἑοτάναις, ἀλλὰ καὶ πεδίοις, ὡδίπως ὁ σίχος,

Ερμεί-

Ερμείους λάμπεσαι ἐν πεδίοις.

id est: *Cruorem autem croci fulgere adhuc in campis Mercurii dicunt. Adolescens enim Crocus nomine disco ludens cum Mercurio, & incautius adflans, illapso in caput ipsius disco statim mortuus est: ex sanguine autem eius in terram delato crocus natus est. Fulgere autem cruorem dixit, hoc est, sanguinem iam occisi, propter coloris croci splendorem. Scribitur autem non solum in herbis, sed & in campis in versu; hoc modo: fulget adhuc in campis Mercurii ille cruor.* Ex quo nemo non videt, sicut crocus Mercurialis herba dicitur, quod de Croci pueri Mercurio dilecti cruore natus feratur; sic & eos campos, in quibus magna croci copia proveniret, eadem ratione Mercuriales a Philone esse nominatos, ab eo scilicet olere, quod Mercurii potestate de cognominis adolescentis primum sanguine emerferit. Sed hæc, ut dixi, obiter; ad propositum reuertamur.

CAPVT IX.

De Cumano Sibyllæ antro.

SEquitur alterum Sibyllæ antrum non minus veterum scriptis celebratum, atque ab ipso Aristotele in Admirandis; cuius verba de hoc antro supra laudata nihilo fecius reponere operæ pretium est. *Εν τῇ Κύμῃ τῇ πρὸς τὴν Ἰταλίαν*

δείκνυται ἡς, ὡς ἔοικε, θάλαμος κατὰ γείους Σι-
βύλλης τῆς χρησμολόγῃ &c. *Cum is iis quæ
sunt in Italia quidam ostenditur, ut verisimile est,
subterraneus Sibyllæ thalamus siue cubiculum mu-
lieris fatidicæ &c.* Sed Maro in primis viden-
dus de hoc Sibyllæ antro in sexto magni operis:

*Teucros vocat alta in templa sacerdos,
Excisum Euboicæ latus ingens rupis in antrum :
Quo lati ducunt aditus centum, ostia centum,
Vnde ruunt totidem voces, responsa Sibyllæ.*

Quibus ex verbis intelligi potest, quam spatiosa
& vasta ea domus subterranea esset, cui centum
aditus, centum ostia assignet. Sed maxime id
confirmant Justinī Martyris verba quibus eam
speluncam describit, in ea quam ad Græcos scrip-
psit oratione exhortatoria: qui se huius etiam
testem oculatum fuisse dicit. Quamobrem
hanc tam grauis auctoris descriptionem verbis
ipsius adscribere haud grauabor: Εθεασάμε-
θα δὲ ἐν τῇ πόλει γενόμενοι καὶ ἵνα τόπον, ἐν
ᾧ βασιλικὴν μεγίστην ἐξ ἐνὸς ἐξεσμένην λίθου
ἐγνώμεν, πρᾶγμα μέγιστον καὶ παντὸς θαύμα-
τος ἄξιον, ἔνθα τῶς χρησμὸς αὐτὴν ἀπαγγέλ-
λειν, οἱ ὡς τὰ πάτρια παρειληφότες πατρῴων
ἐαυτῶν προγόνων ἔφασκον. ἐν μέσῳ δὲ τῆς βασι-
λικῆς ἐπεδείκνυον ἡμῖν τρεῖς δεξαμενὰς ἐκ τῆς
αὐτῆς ἐξεσμένας λίθου. ὧν πληρεμένων ὕδατος,
λέγεσθαι αὐτὴν ἐν αὐταῖς ἔλεγον, καὶ σολὴν
ἀναλαμβάνουσαν, εἰς τὸν ἐνδόξου τῆς βασιλικῆς
βαδίζειν οἶκον ἐκ τῆς αὐτῆς ἐξεσμένον λίθου. καὶ
ἐν

ἐν μέσῳ τῶ ὄγκῳ καθεζομένην ὅπῃ ὑψηλῆς ἐρήματος
καὶ θρόνῳ, ἔτω τὰς χρεσμούςς ἐξαγορεύειν. id est,
Vidimus sane, cum ea in vrbe essemus, locum
quendam, ubi basilicam ingentem vno excava-
tam e lapidē conspeximus; rem sane maximam &
omni admiratione dignissimam: quo loco oracula
eam edidisse, qui res patrias a maioribus suis quasi
per manus traditas acceperant, affirmabant. In
basilicæ autem meditullio tria nobis ostenderunt
in eodem excisa saxo folia; quibus aqua repletis
lauisse eam dicebant: exinde stola sumpta in in-
terius ejusdem basilicæ sacellum ibi ex eadem ma-
teria recedere, atque in media ea æde super altio-
re suggestu & throno considere solitam, & sortes
adeum modum promulgasse dixerunt. Singularis
hic locus est de Sibyllæ specu: neque enim alibi
vsquam tam accuratam eius descriptionem re-
peries. In qua tamen illud primum occurrit
dubium, an ea quæ Justino monstrata est spe-
lunca ipsamet fuerit in qua Sibylla habitauit,
cuius & Maro facit mentionem in sexto Ænei-
dos. Etenim illa Justino memorata Cumis
Campaniæ, hoc est, in ipsa vrbe visebatur:
ἐθεασάμεθα δὲ, inquit, ἐν τῇ πόλει γενόμενοι καὶ
ἴνα τόπον, locum quendam cum in vrbe essemus
contemplati sumus. Quam autem Virgilius de-
scribit, ea non videtur in oppido ipso fuisse,
sed procul inter sacros Triuiæ lucos sita, ubi
templum erat Apollini consecratum. Quem-
admodum ex his versibus colligi potest:

*At pius Aeneas arces, quibus altus Apollo
Præsidet, horrendæque procul secreta Sibyllæ,
Antrum immane, petit.*

& paulo post :

Jam subeunt Trivia lucos, atque aurea tecta.

Mox aurea illa tecta, hoc est, templum Apollinis describit, quod a Dædalo, postquam e custodia cum filio euasit, constructum fuisse dicit. Quibus verbis apparet, templum & oraculum istud fuisse positum inter nemora & lucos; non videtur autem simile vero eos lucos fuisse in oppido. Merula quidem lib. 4. ubi Campaniæ loca describit, non putat Cumis fuisse Sibyllæ antrum, sed in via quæ Cumis ad Auernum lacum patet. *Ab Cumis* (inquit) *dein ad Auernum usque lacum nihil inuenitur scitu dignum, præter Sibyllæ (quæ ab Cumis, patria, Cumæa, omnibus decantata) cauernam, ut vocant.* Sed antiquior longe auctoritas Aristotelis, qui sæpius laudato in commentario de Admirandis, expresse Cumis fuisse subterraneum Sibyllæ Erythrææ, quæ & Cumæa dicta est, thalæum refert: ἐν τῇ Κύμῃ πρὸς τὴν Ἰταλίαν δέκνυται ἡς, ὡς ἔοικε, θάλαμος κατὰ γειὸς Σιβυλλῆς τῆς χρησμολόγου. Potior item Justinii Martyris, qui idem confirmat indigenarum, quibus id a maioribus per manus traditum esset, testimonio. Quibus accedit Seruii auctoritas ad hæc verba: *arces quibus altus Apollo præsidet.* Cum, inquit, *ubique arx Joui datur, apud Cumas in arce Apollinæ*

nis templum est. Quod autem ibi Sibyllæ antrum fuerit, hæc verba ostendunt infra:

*Teucros vocat alta in templa sacerdos,
Excisum Euboicæ latus ingens rupis in antrum:
Quo lati ducunt aditus.*

& mox:

Vnde ruunt totidem voces, responsa Sibyllæ.

Quæ verba indicant, eo ipso in loco, puta monte vbi arx erat vrbis & templum Apollinis, fuisse antrum Sibyllæ in rupe excauatum, vt & Justinus tradit. Neque obstat quod Poeta post hæc verba:

*At pius Æneas arces quibus altus Apollo
Præsidet,*

addit: *horrendæque procul secreta Sibyllæ;* ceu longe ab arce situm Sibyllæ antrum esset: ibi enim *procul* non significat longe, sed prope, vt docte Servius ibi annotat his verbis: *Procul, baud longe. Procul enim est & quod præ oculis est, & quod porro ab oculis.* Vnde & duplicem habet significationem, & iuxta, & longe. Qui locus insignis de hujus aduerbii duplici vsu & origine. Nec vero mirum videri debet, Cum is lucum Triuiæ sacrum fuisse, quo loco templum erat Apollini dicatum & Sibyllæ specus, cum & Lauiinii, eodem Marone teste, summo vrbis loco, Pici, vetustissimi Italorum regis, domus filuis ad religionis formidinem obscuris cincta esset. Qua de re sic in septimo memorat:

Tectum augustum, ingens, centum sublimis co-
lumnis,

Urbe fuit summa, Laurentis regia Pici,

Horrendum filius & religionem parentum.

Quorum lucorum Diis sacrorum in mediis vr-
bibus alia exempla complura adiungi possunt.

Quod autem excisam in rupe ipsa speluncam
tam vastam dicit, ne id quidem quisquam ad-
modum mirari debet : cum in Sedunis ejusmo-
di donros in rupe excauatas visi testetur Geor-
gius Agricola in libro de animantibus subterra-
neis ; quem locum adscribere operæ pretium est.
In Sedunis etiam in tractu Sittenfi ad Bremisam
pagum ex rupe excisa, sine ullis tignis & trabibus
lignis, formatum est integrum cœnobium, hoc est,
templum, cubicula, conclaue, culina, cella vinaria.
Similiter in altis montibus conspiciuntur arces sub-
terraneæ : ut quæ in Alpibus Couolum nomina-
tur, in quam nec equites nec pedites possunt a-
scendere, sed cum homines, tum omnia ad viuen-
dum necessaria ad ipsam attrahuntur : quæ in
precipiti Siciliæ rupe, non longe ab Eryce monte
existit, cum Drepano promontorio coniuncta pon-
ticulo, quo solo adiri potest : quæ in Saxonia in-
ter Blancheburgum & Halberstadum est : quæ in
Toringia inter Vimariam & Blanckenbainam
prope Mellinum pagum, illius nomen est Reine-
steinum vetus, huius Puswardum : atque ea di-
stat a Vimaria quatuor millibus passuum. Vtra-
que ab habitatoribus nunc deserta est & vacua :
utraque

utraque habet in saxo incisa hypocausta, conclauia, scamna, stabula, praesepia, ianuas, fenestras: Saxonica vero etiam templum, supra quod incolae extruxerunt speculam, quae sola subiecta fuit sub aspectum. Hæc eo loco Agricola, qui de arce alia apud Saxones addit, sub monte sita, Ipse (inquit) mons Saxonicus princeps est ex omni parte, præter eam qua ascenditur: in cuius planitie excelsus collis clementer assurgit, qui qua parte planitiem spectat fossa satis alta & lata circumdatur. Ex huius collis saxo arenaceo, nonnihil rubro, exciso formata est arx illa, cui multæ & magnæ fenestræ. Quin in pede ipsius montis celle sunt subterraneæ cum equorum item stabulis. Tum ænigma e re natum, quod fertur in primis apud Saxones & Toringos, subiungit ejusmodi:

Dic quibus in terris arx alto condita monte,

Mille ubi per tectum possunt errare bidentes.

Addit, *Hœnsteini etiam, quæ arx est Misene trans Albim, equorum stabula in saxo incisa esse. Tum de cellis meretricum sub terra apud Græcos & Romanos; unde vox χαμαῖον & χαμαῖον πεῖρα & ganem Latinis dictum δὲ τὸ τῆς γῆς auctore Terentii interprete. Et hæc satis ad fidem faciendam iis, qui præ inexperientia dubitarent. potuisse in viuo saxo tam spatiosam excavari speluncam, siue, vt Justinus vocat, basilicam, quantam fuisse eam, in qua Sibylla Cumæa habitauit, idem Justinus testatur.*

Quod autem verum sit hoc testimonium, recentiore & familiari confirmat Janus Vlitius, vir eruditissimus, in commentario ad Gratii Cynegeticon, cuius verba adscribere visum est: *Et Cumæ (supple Sibyllæ) illud sepulcrum esse, quod & in hypogeo ubi vaticinata fuerat monstratum sibi narrat Justinus in monitorio ad Grecos, ex eo apparet, quod Cumæ hypogeum, siue ut vocat Aristoteles Ἰάλαμον κατὰ γειον, ab Aenea peti- tum constet. Idque etiam hodie aduenis demon- strare incolis oculatus mihi testis est illustris Bos- velius. Quod igitur Sibylla tali domo sub ter- ra habitaret, hinc factum est, ut idem Agricola dicto loco huius inter animantes subterraneas mentionem habendam putarit; ubi & de ejus spelunca haud vulgaris operis confirmat his verbis: Quin & in Tenedo insula piscatores ho- die rupium speluncis pro domibus utuntur: ut quon- dam Sibylla Cumæa antro illo ad Auernum lacum, tam musuo opere insigni, quam vaticinationibus nobili.*

CAPVT X.

De mystico apud Homerum Nympha- rum antro. Item de Platonis spelunca: tum de specuum eiusmodi subter- raneorum causis.

AC de Sibyllæ antro satis dictum arbitror: *hæc autem disputatio, quam modo de eo antro*

antro habui, admonet me ut de altero, quod Phorcyno in portu Ithacæ sub rupibus situm Nymphis sacrum iis quæ Naiades dicuntur, describit Homerus lib. 13. Odysseæ; tum de ea, quam philosophorum Homerus Plato initio scripti de Republica proponit, spelunca, quid mihi videatur data occasione attingam. Ac primum de illis Nymphis sacro : propterea quod Porphyrius mysteria non pauca sub ea descriptione latere censuit, quæ & libro singulari eruditissimo enarrare atque explicare tantus philosophus non dubitavit. Sunt autem Homeri versus huiusmodi :

Αὐτὰρ ὅππ' κραιπνὸς λιμένος τανύφυλλος ἐλαίη·
 Αγχόθι δ' αὐτῆς ἄντρον ἐπήρατον, ἥερειδές,
 Ἰρὸν νυμφάων αἰ Νηϊάδες καλέοντο.
 Ἐν δὲ κρητῆρες τε καὶ ἀμφιφορῆες ἕασιν
 Λαῖνοι· ἔνθα δ' ἔπειτα ἡθαιεώσασσι μέλισσαι.
 Ἐν δ' ἱστὶ λίθιοι περμῆκεες, ἔνθα τε νύμφαι,
 Φάρε' ὑφαίνουσιν ἀλιπὸρφυρα, θᾶυμα ἰδέεσθαι.
 Ἐν δ' ὕδατ' αἰετὰν ὄντα, δῶω δέ τε οἱ θύραι εἰσὶν.
 Αἱ μὲν πρὸς ἑορέας καλῶσιν ἀνθρώποισιν,
 Αἱ δ' αὖ πρὸς νόθῳ εἰσὶ θεώπτεραι, ἥ δ' ἔτι κείνη
 Ἄνδρες ἐσέρχονται, ἀλλ' ἀθανάτων ὁδὸς ἐστίν.

Latine autem eruditus aliquis mihi non notus hunc Homeri locum sic reddidit, quam versionem in eorum gratiam qui Græce nesciunt apponere placet:

*Stat ramis diffusa in portus vertice oliua,
 Quam propter peramœnum antrum obscu-
 rumque recedit,
 Sacra domus Nymphis, quæ Naidæ indigi-
 tantur.*

*Intus crateres; patulaque ex marmore viuo
 Amphoræ; apes dulci qua ponunt mella susurro.
 Saxeæ sunt intus quoque stamina longa, ubi
 Nymphæ*

*Purpureas texunt telas, mirabile visu.
 Intus perpetui latices. Sed ianua duplex:
 Hæc boream spectans homines admittit; at illa
 Respiciens austrum diuinior, inuia prorsus
 Est homini, præbetque viam immortalibus vnus.*

Nec abs re arbitror subnectere Maronis loca, in quibus respexisse ad Homeri picturam, ac etiam colores ex ea erasisse videri potest, quos in suum opus transferret: cum in primo magni Operis portum simul & antrum sub scopulis describit hunc in modum:

*Est in secessu longo locus: insula portum
 Efficit objectu laterum, quibus omnis ab alto
 Francitur inque sinus scindit sese vnda reductos.
 Hinc atque hinc vastæ rupes, geminique mi-
 nantur*

*In cælum scopuli: quorum sub vertice late
 Æquora iuta silent: tum silvis scena coruscis
 Desuper, horrentique atrum nemus imminet
 umbra.*

*Fronte sub aduersa scopulis pendentibus antrum:
 Intus*

*Intus aquæ dulces, vinoque seditilia saxo,
Nympharum domus : hic fessas non vincula
naues*

Vlla tenent, vncō non alligat anchora morsu.
Cujus loci priores versus ex his Græcis, quibus
portum illum Homerus describit, expressos pa-
lam est:

Φόρκυνος ἦ τις ἐστὶ λιμὴν ἁλίοιο γέροντος
Εν δῆμῳ Ἰθάκης. δύο ἦ προβλήτες ἐν αὐτῷ,
Ἀκλαὶ ἀπορρώγες, λιμένος ποτιπεπιῦσαι.
Αἱ τ' ἀνέμων σκεπτόωσι δυσαήων μέγα κύμα.
id est, *Phorcynis quidam est portus marini senis
In agro Ithacæ; duo autem projecti in ipso
Scopuli prærupti in portum se expandunt:
Qui extra ventorum arcent grauiter spi-
rantium
Magnum fluctum.*

Reliqua autem de Nympharum texentium in-
dustria & textis purpureis idem Maro expressit
in 4. Georgic. in fabula Aristæi :

*At mater sonitum thalamo sub fluminis alti
Sensit : eam circum Milesia vellera Nymphæ
Carpebant, byali saturo fucata colore.*

Nonnihil tamen mutauit Maro : nam quæ Ho-
merus ἁλιπόρφυρα dixit, ipse aliam rationem
secutus, hyali saturo colore infecta & penitus in-
fecta dixit. Quod istud epithetum magis Nai-
adum, quæ fontium & fluminum numina, rebus
congruens & familiare videatur. Scaliger in
Epinomide cap. 6. de Virgilio loquens : *Et
in*

in quarto consummati operis hyalum pro vitri colore posuit, tanto iudicio & venustate, quanta fuit a Grammaticis ignorata. Est autem hyali color subuiridis, eodem teste in Exercitat. 315. Sect. II. Sed animaduertendum (inquit) nos a vitro vitreum pro candido agnouisse: at Virgilius a Greco subuiridem in lana intellexit:

Carpebant hyali saturo fucata colore.

Quomodo & Scarmilionius lib. 2. de coloribus cap. 19. hunc locum interpretatur. Talis enim aquæ paulo altioris color, qualis vitri densioris.

Sed ad supra allatos Homeri versus reuertamur, quibus antrum illud Nympharum in portu Ithacæ studiose descripsit. Tametsi enim Chronius Platonius & eum secutus Porphyrius, vt supra attigi, negant ad literam posse accipi quæ de antro illo Homerus dicit, sed in sensu allegorico esse intelligenda; non tamen propterea ab eius loci consideratione temperandum censemus, ceu ad nos nihil pertineat, immo tanto impensius animum intendere decet, vt quid sub ea allegoria poetica lateat mysterii proponamus: certi, non minimam hanc rerum huius mundi aspectabilium & caducarum esse dignitatem, earum etiam quæ abiectiores censentur, qualia sunt antra illa & cavitates terræ, saxa & lapides, ita esse conditas, vt possint præbere imagines & symbola rerum altiorum & diuinarum iis, qui scalam illam Patriarchæ vbique terrarum positam hominibus, qua a terris in cælum animo

animo ascendant, videre possunt. Alioqui (vt etiam in præfatione monui) non erat cur de Sibylla, de antris eius, & aliis ad eam pertinentibus dicerem, si nihil me ex talibus profundioris sapientiæ expiscari posse sperarem; aut certe mihi eorum mos sequendus esset, qui nihil ex veterum auctorum scriptis nisi vepres depectunt. Sed & negotiosos homines & superficialios librorum helluones moneo, hinc procul faceessant, & alibi stomacho suo aptiora quærant.

Quod igitur non ad literam descriptio illa antri apud Homerum accipi debeat, sed allegorice, hinc primum ostenditur: quia Geographi & *ᾠκιστῶν* Scriptores nullam eius speluncæ in portu Ithacæ mentionem faciunt. Putare autem, Homerum artificem tantum, nulla alia causa sed sola fingendi libidine impulsus, finxisse antrum quod nusquam esset, fidem omnem & probabilitatem excedit, quod ne in mediocres quidem poetas scilicet cadit. Quis porro citra allegoriam fingere audeat, antrum alicubi esse, duos habens exitus, vnum quo homines omnes ingrediantur, alterum quo dii, & quicquam eiusmodi a natura esse factum: cum vniuersum terrarum orbem mundumque omnem commune hominum & deorum domicilium esse constet? Alia addit Porphyrius, iis qui literæ inhaerent non minus difficilia, ne dicam inexplicabilia. Quorsum portæ istæ antri geminæ; vna hominum, altera deorum? cur non quæ
homi-

hominibus ad boream, quæ diis ad austrum conuersa est? cur non simpliciter Nympharum, sed earum quæ Naiades dicuntur? quomodo idem antrum ἐπήγυτον καὶ ἡεροειδές, hoc est, *amabile & obscurum* tenebrosumque dicatur; cum tenebræ naturaliter formidinem potius quam cupiditatem aut voluptatem inferant? præterea quid sibi volunt in antro crateres & amphoræ lapideæ: in quibus non quicquam liquorum, quæ talibus in vasis reponi solent, sed apum faui ibi operantium continentur? quid textoria instrumenta ex lapide item appa-
 ta & confecta, non autem ex ligno? quid vestes illæ & telæ quas Nymphæ in tenebris ordiuntur, & nihilominus ita aspectabiles vt cernentibus admirationem moueant? quid postremo olea, vna omnium arborum in portus fronte feraces explicans ramos? In quo etiam magnus Scaliger acumen criticum exercere non dubitauit lib. 5. Poetices: *Quid enim* (inquit) *sola oliua? quam etiam falso τανύφυλλον vocauit? folia namque gerit breuia, tametsi non rotunda.* Immemor eius quam alibi de Homero & Herodoto protulit sententiæ multo prudentioris: quos viros in commentario in librum Hippocratis non modo vtriusque orationis, hoc est solutæ & numeris adstrictæ, principes statuit, sed etiam sapientes. *Nam & Homerum* (inquit) *nunquam putassem summum & physicum, & ut tum esse poterat, theologum, nisi tam stulte de*
 Diis

*Diis locutus esset. Neque enim tam vecors, tam-
que futilis esse potuit, ut ea sic intelligeret; sed ad
siderum potestates atque officia geniorum omnia
voluit referri.*

Hæc cum de Homero sentiret, qua mentis
vertigine postea in eundem tam petulanter de-
bacchetur in libris Poeticis, satis equidem mi-
rari non possum. Cur enim, si Homerum in
eo commentario agnoscit sapientem fuisse, ne-
que ad literam quæ de diis dicere esse accipienda,
non item in illis Poeticis libris ea loca, in qui-
bus Homerum vecordiae accusat, altius scruta-
tur, ut quid sapientiæ sub verborum facie lateat,
intelligat? cum præsertim tam multa Plato &
Aristoteles passim de Homeri diuinitate & alle-
goriis scripta reliquerint; tam multa Proclus
in commentario ad Platonis Timæum & libros
de republica: tum porro & Porphyrius (quem
philosophorum doctissimum beatus Augustinus
vocat) in hoc aureo libello de Nympharum an-
tro. Magna igitur Scaligeri importunitas, dum
tam frigide & futiliter Homero in ea antri de-
scriptione in portu Ithacensi insultat: quem non
modo in oleæ arboris descriptione malo epithe-
to usum arguit, sed etiam egisse Grammaticum,
quod non contentus Nymphas dixisse, addide-
rit: αἱ νηϊάδες καλέονται: ceu mera hæc sit
glossa parum ad rem pertinens. Quin etiam
Homerum castigat, quod non potius *Nereides*
has Nymphas dixerit. Quæ & alia eius descri-

ptionis scientissime in hunc modum ab Homero esse composita ostendit Porphyrius ; quem proinde nunc, expulso Scaligero & aliis priscæ sapientiæ osoribus, audire diuina Homeri in eo anatro sensa interpretantem operæ pretium est. Attingam autem singula breuiter, vt par est ad alia instituti properantem.

Primum igitur ad antra quod attinet, hæc typum & symbolum fuisse mundi apud priscos sapientes docet Porphyrius, siue mundum in se totum spectemus, siue etiam partes ex quibus constat : ex materia enim vna communi omnium rerum naturalium & variis formis consistit mundus. Huius itaque omnium postremæ mundi partis, materiæ inquàm, symbolum terram esse voluerunt, & ita accipiebant in consecratione antrorum ; quorum analogiam ad materiam primam & similitudinem præclare ibi declarat Porphyrius, quem studiosi adeant, neque enim quæ ibi affert omnia huc transferre placet. Antrorum etiam obscuritas non male ad materiam se accommodat ; sed & rerum potestates in profundo, hoc est, in essentia sitas notat. Antrum igitur, quod est mundus, *ἡγεοειδὲς* propter materiam, idemque *ἐπήγετον* *jucundum* & *amabile* ob formæ decorem & ornatum, vnde nomen mundo est inditum. Haud aliter & Plato in 7. de Republ. speluncam facit imaginem mundi, vt etiam in argumento notat Ficinus : *Tu vero, ubi Plato in erudiendo civili philo-*

philosopho imaginem proponit speluncæ, & vincu-
lorum, & luminis cuiusdam umbrarumque, &
aquæ; speluncam intellige hunc quem videmus
mundum, si ad mundum inuisibilem comparetur:
vinculum vero corpus humanum, siue potius per-
turbationem animum corpori alligantem: umbras
autem res omnes quæ sensus movent.

Sed & ὕδατα ἀενάοντα, aquarum perennis ille
fluxus in antris, materiæ instabilis & pronæ ad o-
mnem motum symbolum esse nemo non videt.
Hinc & Naiadum seu Naidum appellatio ἀπὸ τῶν
ναμάτων. Est autem νᾶμα non aqua simpliciter,
sed quæ in motu est & aliunde manat, fluen-
tum, fons. Quò significatur seminis genita-
lis ad hominum procreationem commotio &
fluxus, quemadmodum Nympharum Naiadum
nomine vult intelligi animas omnes in gene-
rationem prolabentes. Sic aquæ in reconditis
Hebræorum literis pro humore illo humani ge-
neris instauratore. Esaias cap. 48. *Audite hec
domus Jacob qui vocamini nomine Israel, & de
aquis Juda existis.* De aquis Juda, hoc est, flu-
uiis: quo id quod dictum est intelligi debet.
Et sane Plato in Timæo flumien appellat eam col-
luuiem in quam anima viam generationis ini-
ens incidit: αἱ ἡ ψυχὰς εἰς ποταμὸν ἐνδεθεῖ-
σαι πολὺν, ὅτε ἐκράτην &c. Nymphæ igitur
quæ Naiades vocantur, animæ sunt propriis
fluentis præsidentes, vt Numenius exposuit te-
ste Porphyrio: Νύμφας ἡ ναΐδας λέγουσιν καὶ

ταῖς τῶν ὑδάτων παρεξώσας δυνάμεις ἰδίως. ἔλεγον δὲ καὶ ταῖς εἰς γένεσιν καπνοῦ ψυχὰς κοινῶς ἀπαύσις. ἠγῶντο δὲ προσζάνειν τὰ ὕδατα ταῖς ψυχὰς θεοπνύω ὄντι· ὡς φησὶν ὁ Νεμῆνιος. Eoque etiam verba Moſis trahit Porphyrius: *Et Spiritus Domini ferebatur super aquas.* Quod ab Ægyptiorum theologia sumptum ostendit.

Sed & Naiadum & potentiae aquis praesidentis propria symbola crateres lapidei & amphorae in eodem antro repositae. Quae tamen vasa non aquam aut liquorem alium quemlibet, sed apes & mel continere dicuntur. Et merito vasa illa lapidea finguntur, quod aquae in antris e saxis scaturiant; apes autem in iis operantes animas ipsas generationi incumbentes exponit Porphyrius: *πηγαὶ δὲ καὶ ναίματα οἰκεία τῆς ὑδρασι νύμφαις, καὶ ἔτι δὲ μάλλον νύμφαις ταῖς ψυχαῖς αἷς ἰδίως μελίσσαις οἱ πάλαιοι ἐκάλεον.* id est, *Fontes vero & fluentia aquis praesidentium Nympharum propria sunt: adhucque magis animarum quae Nymphae dicuntur, quas veteres apum nomine indigitabant.* Mel autem, apum opus, quid aliud quam voluptatis symbolum ex amore, quem & Poetae γλυκύπικρον vocant, & quodam aestro seu punctura occulta humoris, quae titillatio dicitur. Proinde mox ἰσθδς λιθίνος *stamina lapidea* subdit Homerus, & *Φάρε' ἀλιπὸρφυρα πυρρῆα texta*, quo *σαρκοποιῶν* aenigmatice adumbrari censet Porphyrius, propter sanguinem ex quo generantur carnes, quae circa

circa ossa lapidea adnascuntur, vt ipsa operiant. Omnium enim quæ in corpore nostro continentur, nihil tam ad lapidis naturam accedit quam ossa. Genus profecto texturæ est quod natura in rebus procreandis exercet; quemadmodum Orpheus ipse agnouit, qui Proserpinam omnium quæ in hoc mundo sensibili seruntur (Dea præses ponitur) texentem inducit, peplum scilicet, quo nomine cæli compagem & ornatum prisca vocabant, quod co cælestes dii ceu vestimento tegantur. Et de his hactenus.

Nunc de duabus antri portis, & olea in vertice portus conspicua. Earum portarum vna ad boream conuersa est, altera ad austrum: per illam homines ingredi in antrum, per hanc homines non admitti, sed deos, quibus solis pateat, Homerus expresse dicit. Quo vel vno intelligi potest, merum esse ænigma quicquid de hoc antro Nympharum dicitur, non simplicem loci descriptionem. Quis enim in animum inducat, vsquam fuisse antrum natura aut arte positum, quo homines omnes debeant ingredi, quo item dii; ideoque his & illis aditus ianuasque seorsim in illo antro apertas? Multa igitur Porphyrius ad secretam earum portarum intelligentiam nobis insinuandam doctissime differit, quæ sigillatim omnia referre longum esset; satis erit summatim ostendere, quorsum illa pertineant. Summa disputationis, mundum vniuersum naturæ in duas diuisum

esse regiones: vnam meliorem, & diuinis magis accommodatam, alteram sequiorem caducisque & humanis familiarem & dicatam: priorem illam esse versus austrum & meridiem, posteriorem boream versus. Quod autem melior sit pars quæ ad austrum vergit, multis ostendi potest. Primum quidem caloris natura, qui ibi dominatur, cum in opposita regione vigeat frigus; quod autem caliditas frigore sit potior manifestum est: omnis quippe fecunditas, vis, perfectio in naturæ operibus, caloris beneficium est; sterilitas, torpor, inertia, a frigore proficiscitur: vnde *iners* & *sceleratum* frigus poetarum doctissimis dicitur. Sed & lumen in austrinis mundi partibus magis omnia collustrat, quo nihil in natura præstantius aut diuinius; in borealibus vt minus caloris, sic & luminis minus, quod magis remotæ sunt a cursu solis: nebulae autem & caligo & tenebræ ceu propria in sede regnant.

Idem discrimen videre est in hominum ingeniis, quæ, vt Aristoteles docet in problematis, versus austrum acutiora sunt & prudentiæ capaciora; versus boream obtusa magis &, vt ita dicam, nebulosa. Cæterum (quod hic in primis notandum est) quanto his minus mentis & prudentiæ, tanto corpora & ampliora & robustiora, magis item fecunda esse constat: cum versus meridiem degentibus illorum comparatione parua corpora & infirma imbecilliaque sint:

mens

mens autem ad proportionem agilis & rerum magnarum capacior existat. Quam diuersitatem adeo insignem regionum terræ considerantes prisca illi sapientes, in tropico cancri, & signo illo in quo maximæ solis versus boream declinationis meta est, animarum e cælo descensum posuerunt; in capricorno, maximæ item versus austrum declinationis meta, earumdem animarum regressum & ascensum ad deorum sedem & meliorem vitam. Quibus in signis Plato, ad antrum Homericum respiciens, duas, quæ animæ vltro citroque commeent, portas constituit. Porphyrius: δύο ἐν ταύτας ἔθεντο πύλας καρκίνον καὶ αἰγόκερων οἱ θεόλογοι. Πλάτων δὲ δύο σομιαῖ ἔφη. τῶτων ἧ καρκίνον μὲν εἶναι δι' ἧ κατιᾶσιν αἱ ψυχὰι αἰγόκερων ἧ δὲ ἑάντιᾶσιν. Sic autem hanc doctrinā Macrobius a Platonicis, quos studiosè legerat, acceptam latine expressit in somnio Scipionis lib. I. c. 12: *Zodiacum ita lacteus circulus oblique circumflexionis occursum ambiendo complectitur, ut eum, quæ duo tropica signa capricornus & cancer feruntur, intersectet. Has solis portas physici vocauerunt, quia in utraque obuiante solstitio vltius solis inhibetur accessio, & fit ei regressus ad zone viam cuius terminos nunquam relinquit. Per has portas anime de cælo in terras meare, & de terris in cælum remeare creduntur. Ideo hominum vna, altera decrum vocatur. Hominum cancer, quia per hunc in inferiora descensus est; capricornus*

deorum, quia per illum animæ in propriæ immortalitatis sedem & in deorum numerum reuertuntur. Et hoc est quod Homeri diuina prudentia in antri Ithacensis descriptione significat.

Sed animaduertendum est, ex Porphyrio non recte portam deorum dici eam quæ ad austrum est, vt Macrobius loquitur; non enim dii per eam vadunt, neque hæc eorum via, sed animarum in patriam cælestem redeuntium. Proinde Homerus non *Ἰθάκην*, sed simpliciter *ἀθανάτων*, hoc est, immortalium, nempe animarum, iter esse dixit. Hæc igitur mystica earum portarum expositio est, secundum Platonicos: cui, quod ad boreæ & austri denominationem & significationem attinet, firmamentum ab ipsius diuinæ sapientiæ sacris oraculis accedit, quibus austrum semper in bonam accipi partem constat, aquilonem in malam. Quo sensu vsurpat Ecclesiastes cap. ii. *Si ceciderit lignum ad austrum aut ad aquilonem, in quocumque loco ceciderit, ibi erit.* Ad quæ verba Hieronymus: *Quantum ego existimo, (inquit) semper in bonam partem accipitur auster.* Sequitur hanc regulam Augustinus, & in commentario ad Psalmum 125. ad hunc versum: *conuerte Domine captiuitatem nostram sicut torrens in austro;* austrum exponit Spiritum sanctum. Gelaueramus (inquit) in captiuitate, constringebant nos peccata nostra: flauit auster Spiritus Sanctus, dimissa sunt nobis peccata, soluti sumus a frigore iniquitatis: tanquam

tanquam glacies in sereno, sic solvuntur peccata nostra. Si auster in bonam partem accipitur, igitur aquilo in malam. Hinc illud in iisdem sacris codicibus : *ab aquilone pandetur omne malum, item : ab aquilone exardescent mala super terram.* Et princeps cacodæmonum apud Esaiam dicit : *Sedebo in monte testamenti, in lateribus aquilonis.* Ex his igitur patet, quanta sapientiæ profunditate Homerus australem antri Nympharum portam immortalibus assignet, borealem hominibus. Restat igitur ut de olea antri summitatem occupante dicamus.

Proposuimus supra in ea arbore censuram Scaligeri. Primum quidem cur olea potius ibi quam alia arbor : deinde quod oleam *τανύφυλλον* vocet, quæ folia brevia habeat, tametsi non rotunda : his adde hoc ex Porphyrio, cur *ὅππὶ κράτος λιμένος* in vertice portus hanc sitam dicat. Hæc temere in hunc modum ab Homero esse composita non est putandum. Quid igitur ? Oleam Minervæ sacram fuisse vel ex poetis notum est. Minerva autem sapiens supra omnes deas, vel potius ipsamet sapientia dei, vnde e capite Iouis sine matre genitam fabulantur. Hoc sciens poetarum diuinissimus, ut Plato cum passim appellat, oleam in portus vertice ponit, symbolum sapientiæ, qua Deus uniuersum mundum condidit. Porphyrius : *κραταγενὲς δ' ἔσσης τῆς θεᾶς οἰκείον τόπον ὁ θεόλογος ἐξεῦρεν, ὅππὶ κράτος ἴδ' λιμένος αὐτὴν κα-*
P 5 *θερώ-*

ἡερῶσας· σημαίνων δι' αὐτῆς, ὥς ἔκ' ἐξ αὐτα-
 μαλίσμῃ τὸ ὅλον τῆτο καὶ τύχης ἀλόγῃ ἔργον
 γέγονεν. id est, *Familiarē vero a capite genitæ*
deæ locum inuenit theologus, in portus vertice banc
dedicans; quo significat, non esse banc rerum vni-
uersitatem casus aut fortune opus, sed naturæ in-
telligentis specimen & monumentum. His vane-
 scunt scrupuli omnes, apparetque consilium
 Homeri in ea arbore eligenda, tum quare τα-
 νύφυλλον vocet. Quomodo enim non folius
 extensis ea arbor, quæ sapientiæ symbolum po-
 natur? Sapientiæ inquam, qua nihil latius
 patet: omnia enim comprehendit sapientiæ;
 atque, vt in libro Sapientiæ dicitur, attingit
 a fine vsque ad finem fortiter, & disponit omnia
 suauiter.

Sed & propudiosa quorundam interpreta-
 menta exploduntur, qui ista imagine antri Nym-
 pharum vterum & pudendum muliebri ænigma-
 tice ab Homero designatum censent: quibus cum
 opponitur duarum eius antri portarum descri-
 ptio, eo amentiae & furoris procedunt, vt ad
 aduersæ & auersæ seu posticæ veneris flagitiosa
 diuortia confugere non erubescant. Adeo im-
 pudentes, vt non vereantur poetarum omni-
 um principem, literarum parentem, ingenio-
 rum fontem, ad hæc transferre nefanda. Nem-
 pe hoc illis ad extremam vecordiam restabat,
 vt qui rationi humanæ & scientiis bellum in-
 dixissent, literas quoque omnes, infamato
 earum

earum principe, quantum in ipsis esset, perderent.

CAPVT XI.

Sibyllæ de seipsa iudicium: an aliquid inter hominem & demonem medium.

Quoniam hanc nobis in hisce disceptationibus legem imposuimus, ut nihil quod vsquam apud veteres de Sibylla extet, a nobis alienum putemus, aut inexcussum præterire sinamus; huic obsequemur, & quæ ipsa de naturæ suæ conditione siue gradu versibus prodidit, considerandum censemus. Extant hi versus apud Pausaniam in Phocicis, supra a nobis prolati, cum de patria eius ageremus, quam solam tunc in his quærebaramus; nunc autem denuo reuocandi in conspectum, ex quibus qualis natura Sibyllæ fuerit, ipsius iudicio contemplemur.

Εγὼ δ' ἐγὼ γεγαῖα μέσον θνητῶ τε θεῶν τε,
 Νύμφης δ' αἰθανάτης, πατρὸς δ' αὖ κητοφά-
 γου,

Μητροῦν Ἰδογενῆς &c.

Ego vero ea sum conditione genita, ut in medio consistam naturæ mortalis & diuinæ: matre quidem Nympha immortalis edita, patre autem cetivoro &c.

Ita

Ita patris Sibyllæ epithetum legunt omnes, & *cetivorum* interpretantur. Quod non plane absurdum. Verumtamen cum ibi de media inter deum siue dæmonem Sibyllæ natura agatur, non video quid ad eam pertineat victus e cetaceo aquatilium genere potius, quam ex aliis humanis alimentis mentio: nisi forte patris sui obscuritatem indicare voluit, qui solis salsamentis plebeculæ more victitaret; quod, ut dixi, nihil ad rem facit. Quamobrem venit in mentem suspicio, fortasse non rectam esse lectionem in eo epitheto, neque patrem suum Sibyllam *κητοφάγον* appellasse in iis versibus, sed *σιτοφάγον*, ut mortalem fuisse ostenderet; nempe fruge triticeae vescentem: quo genere cibi Homerus Iliad. E. homines ab immortalibus separat:

ῥέε δ' ἄμβροτον αἷμα θεῶιο,
 Ἰχῶρ, οἷος πέρ τε ῥέει μακάρεσσι θεοῖσι.
 Οὐ γὰρ σῖτον ἐδῶσ', ἔπινον δ' αἶθροπα ὄϊνον.
 Τὲν ἐκ' ἀναιμόνες εἰσι καὶ ἀθάνατοι καλέονται.
fluebat autem immortalis dea sanguis,
Cruor, qualis scilicet fluit beatis diis.
Non enim edunt triticum, neque rubrum vinum bibunt;

Ideo sanguine carent & immortales vocantur.
 Sed hæc suspicio est & conjectura. Non porro omittendum, a Proclo hanc ipsam Sibyllæ de seipsa vaticinationem referri in commentario 5. ad Timæum Platonis; verum aliter primum versum concipi, sic nempe:

Εἰμὶ δ' ἐγὼ μέσση τε θεῶν, μέσση τ' ἀνθρώπων.

Sum vero media deorum & hominum.

Quæ mutatio in verbis tantum : fortasse quia verborum oblitus, satis putavit si sensum, quibus posset, verbis redderet : fortasse & Sibylla idem vaticinium vario verborum contextu edidit : utrumque enim verisimile.

Patet igitur ex his verbis, putasse Sibyllam, sese non purum esse hominem, sed aliquid medium inter homines & deos quam dæmonum esse naturam Platonici censuerunt. Ergo in numero dæmonum Sibylla. Atqui dæmones non moriuntur, mortua est Sibylla : non eadem proinde huiusquæ dæmonum natura. Ecce in disputationem de dæmonibus incidimus, verbis Sibyllæ inducti, ut expendamus, possitne Sibylla iis associari salvis philosophorum principis. Dæmonum quidem naturam in mediotullio diuinæ & humanæ esse constitutam, auctor est Plato in Symposio : πᾶν τὸ δαιμόνιον (inquit) ἔξυ θεῶ τε καὶ θνητῶν. Munus autem τὸ ἐρμηνεύειν, καὶ ἀπορρημεύειν θεοῖς τὰ παρ' ἀνθρώπων, καὶ ἀνθρώποις τὰ παρὰ θεῶν. id est, *interpretum & portitorum officio fungi, hominum apud deos, deorum apud homines.* In Apologia autem Socratis dæmones nothi deorum filii esse dicuntur, vel ex Nymphis prognati. δαίμονες θεῶν παῖδες εἰσι νόθοι ἄνθρωποι, ἢ ἐκ Νυμφῶν. Ex his igitur nihil absurdisit, in dæmo-

dæmonum numero fuisse Sibyllam; quæ se, vt vidimus, mediam inter deos & homines iactaret, quæ item deorum nuntio & interprete apud homines fungeretur, & vice versa hominum apud deos: quando mediæ illius naturæ proprium munus esse constat. Si autem, quod alibi Plato de eadem dæmonum natura prædicat, spectemus, longe ab eo aberit Sibylla vt dæmonum coetui adscribi mereatur; multoque magis si de his theologos nostros audiamus.

Platonis quidem sententia est in Epinomide, quem Platonici sequuntur, dæmones anima intelligente & corpore constare, vt homines & astra; verum & animam eorum nobiliorem esse humana multoque diuiniorem, vtpote diis propiorem: corpus autem cuiusmodi, vt spirituale & incorporeum nostro comparatum dici possit. Quippe quod non ex quatuor elementorum nexu sit concretum, neque ita crassum & terrestre, sed simplex ex vno singulari elemento: vnde illa diuisio dæmonum in Epinomide in ætherios, æreos, aqueos. Quibus plures etiam agnoscit Psellus in dialogo *περὶ ἐνεργείας δαµόνων*, totidem scilicet eorum genera quot sunt mundi elementa. Itaque his quos Plato expressit, terrestres adiungit & subterraneos, quos *μυροφαῖς*, hoc est, *lucifugas* vocat. Quale genus corporum, si datur, quantum ab humanis & aliorum animalium differre debeat, nemo non videt. Cæterum Sibyllam non dissimilem nostri corporis

corporis naturam habuisse certum est: quippe quæ more aliorum hominum in ortum processerit, transacto item vitæ tempore communis cunctis animalibus necessitati cesserit, ut post videbimus. Quo vel vno Sibyllam a toto dæmonum ordine esse remotam liquet: non enim dæmones in philosophorum sententia nascendi aut denascendi vices agnoscunt, licet non sint omnino immutabiles: animo namque varios affectus suscipiunt amoris, odii, lætitiæ, ægritudinis, atque etiam iracundiæ, omnem denique, ut Platonius Apuleius ait in lib. de Deo Socratis, humani animi faciem patiuntur. Quo cos a diis distingui censet. Non ergo in dæmonum numero fuisse Sibyllam ex his constare potest.

Sed fortasse versus illi, quibus se mediam inter deos & homines dicit, non ita accipiendi, ut deorum nomen significet genus distinctum a dæmonibus; naturam videlicet ab omni corporea concretionem remotam; sed prout latius sumitur, & ad dæmones extenditur, quos etiam deorum nomine interdum vocari constat, quemadmodum deos vice versa sæpe ab Homero dæmones dici certum est. Quem nominis illius usum si ibi secutam concedamus Sibyllam, tunc non inter deos & homines, (quod dæmonum est) sed inter dæmones ipsos proprie dictos & homines hanc se mediam voluisse dicemus. Ex quo quæstio quidem non injucunda exoritur de specie humana, num ita sit indiuidua, ut nullam naturæ sub hominis nomine diuisionem
admit.

admittat. Quidni enim altiores in specie humana latere differentias credamus siue ad virtutem & præstantiam, siue ad vilitatem & ignominiam? Immanis quidem ingeniorum & morum distantia quemuis non præoccupatum, si non ad credendum, certe ad dubitandum compellat. Verum huic disputationi alium locum destinauimus: hic ne absurda nimis in versu allato Sibyllæ gloriatio videatur, quo se ancipitis inter deos, hoc est dæmones, naturæ esse prædicat; reconditam naturæ rationalis diuisionem, inter Pythagoricæ sectæ arcana habitam, & ab Jamblichō memoratam in libris de vita Pythagoræ, proponam ipsius verbis: ἵστωρεῖ δὲ καὶ Ἀριστοτέλης ἐν τοῖς περὶ Πυθαγορικῆς Φιλοσοφίας, Διαιρεσίην τινα τοιάνδε ὑπὸ τῶν ἀνδρῶν ἐν τοῖς πάνυ ἀπορρήτοις Διὰφυλάττεσθαι· τὸ λογικὸν ζῶον τὸ μὲν ὅτι θεός, τὸ δὲ ἀνθρώπος, τὸ δὲ οἷον Πυθαγόρας. id est, *Proditum ab Aristotele est in libris de philosophia Pythagoræ, quamdam huiusmodi diuisionem apud viros ejus sectæ in arcanis conseruari: animal rationis particeps partim est Deus. partim homo, partim qualis Pythagoras.* Quibus verbis aperte tres rationalis gradus ostenduntur: primus in quo Deus, alter qui hominum est, tertius nomine carens, ideo paraphrasi expressus, dum is esse dicitur in quo fuit Pythagoras. Quo declaratur mediæ inter diuinum genus & humanum naturæ fuisse, diis quidem dæmonibusque inferior, homine autem maior

maior, non hic tantum sed & alii ingenio & virtute eminentes viri; quæ & Sulpitii Galli apud Romanos, Thaletis & Hipparchi apud Græcos, iudice Plinio, præstantia fuit: de quibus sic naturæ ille scriba lib. 2. cap. 12. *Viri ingentes supraque mortalium naturam, tantorum numinum lege deprehensa &c. & paucis interiectis: Magni ingenio este celi interpretes, rerumque naturæ capaces, argumenti repertoires quo deos hominesque vicistis.* Rursus libri eiusdem capite 79. de iisdem naturæ interpretibus: *Quantum a Deo tandem videri possunt tales distare, dum viuant?* Quo significat, potuisse tales viros putari deos si mortui non fuissent: quia vero mortui sint, hoc solo cognosci non fuisse deos; sed si non dii, non continuo homines, sed mediæ conditionis inter homines & deos.

Atque hæc hunc in modum Sibyllæ gratia attigisse sufficiat, potius vt quæstionis gustum quendam offeram, quam quod tam paucis difficultatem explicari posse putem. Multa enim vltro citroque dicenda essent, sed quæ aliud tempus postulant. Non tamen illa silentio prætereunda, quibus eadem vates se se ipsa consolatur de hac moriendi necessitate, qua sola diis concedere cogatur. Extant hæc apud Plutarchum in libro toties laudato de Pythiæ oraculis; qui vtinam versus ipsos nobis conseruasset, aut si eos adscripserat, non hac parte codicem vetustas arroisset. Sed tamen ex iis, quæ ibi Plu-

Q

tarchus

tarchus Serapionem; quendam ex eo carmine recitantem inducit, quo ingenio fuerit Sibylla cognosci potest: ὁ μὲν Σεραπίων ἐμνήσθη τῶν ἐπῶν, ἐν οἷς ὕμνησεν ἑαυτὴν, ὡς ἔδδ' ἀποθανῆσαι λήξει μανικῆς· ἀλλ' αὖτις μὲν ἐν τῇ σελήνῃ παύεισι τὸ καλόμενον Φαινόμενον γενόμενῃ πρὸς ὥπον· τὰ δὲ αἶερ, τὸ πνεῦμα συγκραθὲν, ἐν φήμασι αἰεὶ φορήσεται καὶ κληδόσιν. Ἐκ δὲ τῆς σώματος μεταβοσκῆ- βαλόντος ἐν τῇ γῇ πᾶς καὶ ὕλης ἀναφυομένης, βοσκῆσεται ταύτην ἱερὰ θρέμματα, χροῶς τε παντοδαπὰς ἰχθυοῦσιν καὶ μορφαῖς καὶ ποιότητας ὅππῃ τῶν σπλάγχων, ἀφ' ὧν αἱ περὶ ἡλώσεις ἀνθρώποις τῷ μέλλοντος. id est, Serapio hic quidem meminit versuum, quibus seipsa celebrat, tanquam vaticinandi munus ne morte quidem sit depositura: sed ipsa quidem superstes futura sit in lunari globo, in eam quæ facies dicitur conuertenda; spiritus autem aeri contemperatus una cum diuinis vocibus & ominibus quoquo versum diffundi debeat. Ex corpore autem suo in terra resoluta herba sit pullulatura, quam sacra pecora pascantur, unde colores eorum visceribus omnifarum, tum aliæ qualitates inducantur, quarum inspectu homines periti eorum quæ futura sunt conjecturam capiant.

Hæc, inquam, aperte declarant quo ingenio fuerit Sibylla, quantos in pectore spiritus gesserit, quantum de diuinandi facultate sibi insita gloriaretur, quam ne morte quidem sua extinctum iri, sed in aere regnaturam semper ac suscepturam ad voces diuinas & omina hominum auribus

auribus immittenda iactaret: sensuram quoq; hanc vim terrarum, nouaque pabula e corpore suo resolutò parituram, quibus pecudes refectæ opportuna habeant exta diuinationi, clarioraque rerum futurarum signa ostendant. Quæ si poetica leuitatè non sunt effutita, immanem arguunt fastum & plane tartareum mulierculæ istius, haud dubie a dæmone animum eius obsidente & tales ei cogitationes immittente profectum: quod adhuc apertius infra ex oraculis eius patebit. Quod autem sic transmittendam suo excessu e vita vim illam fatidicam, qua viuens prædita esset, in elementa vaticinatur, sumptum videtur ex iis quæ de spiritus prophetici translatione & successione memorantur in sacris Ebræorum literis: quæ cum demon facta sciret diuinitus in sanctis vatibus, ipse in Sibylla suo modo exprimere voluit, vel certe persuadere populis, talem fore successionem fatidici spiritus Sibyllæ, qualem fuisse quorundam prophetarum sanctorum in alios meminisset. Vt de Mose scriptum Deuteronomii capite vltimo sub finem vbi de morte Moïsis: *Josue vero filius Nun repletus est spiritu sapientie, quia Moyses posuit super eum manus suas.* Et in quarto Regnorum cap. 2. spiritus Eliæ, dum e terris turbine igneo rapitur in cælum, transit in Eliseum, qui statim vates primarius efficitur, & agnoscitur ab aliis prophetis qui eum adorant. *Videntes autem filii prophetarum qui erant in Jericho, dixerunt: requi-*

euit spiritus Eliæ super Elifeum; & venientes in occursum eius adorauerunt eum proni in terram.

Illud tanto fallacius Sibylla quanto arroganti-
us, quod velut diuinationis vniuersitatem in
se collectam contractamque in ortu accepisset,
hanc in mundi elementa morte sua redituram,
in lunam, in aerem, in terram, edicit. Et sane
summam fuisse Ethnicorum vatem Sibyllam
vniuersalem mundanam infra certius patebit.

CAPVT XII.

*De altera Sibyllæ vita in lunæ globo.
Veterum theologorum de lunæ
& animæ natura.*

NON est porro omittendum, quod loco Plu-
tarchi modo laudato eandem Sibyllam va-
ticipinantem vidimus de sua in lunæ globum post
obitum commigratione, ita quidem, vt quam
vulgo in eo sidere *faciem* vocant, ipsa efficiat-
ur. Quod sane ad literam acceptum nihil ab
anilibus deliramentis insulas fabulas pueris in-
fusurrantium ad eos consopiendo differre vide-
tur. Scilicet antequam Sibylla rebus humanis
vale diceret, non apparebat eiusmodi facies in
luna? Qui hoc credit, non video cur non pa-
riter credat, non fuisse lusciniam & hirundinem
ante Pandionis Atticæ regis ætatem: in quas
aues regis eius filias Procnen & Philomelam
trans-

transformatas poetæ consensu celebrant. Concoquenda igitur hæc sunt, & ad succum saporemque veri sensus, quo animus alatur, meditationis calore redigenda. Vt autem intelligatur, quo hæc de Sibyllæ post mortem statu fabulose prodita spectent, nonnihil breuiter pro instituto de lunæ natura dicendum est; aliter non poterit quæ ab ipsa ducta est allegoria intelligi.

Cum multæ sint lunæ proprietates ab astronomis notatæ, vnam modo attingam omnibus notissimam & nihilominus proponendam de officio eius illuminandæ noctis. Quem enim vsum sol terris præbet interdiu, eundem luna noctu largitur mortalibus lucendo; qua de causâ Aristoteles l. 4. de gener. animal. hanc minorem velut solem esse dicit: hanc etiam ἀνθήλιον dixerunt Græci, teste Hesychio, qui ἀνθήλιον exponit τὴν σελήνην, quod nomen *vicariam solis* significat. Philo Judæus ὑπηρετήν καὶ Νεόδοχον ἡλίου, *ministram solis & absentis vicariam*. Plinius lib. 2. cap. 9. *sidus in tenebrarum remedium a natura repertum*. Eadem *nouissimum* est *sidus terrisque familiarissimum*, vt Plinius eodem loco dicit; quod & omnes consensu confirmant. Vnde limes & confinium eadem censetur, quo dirimuntur cælestia a caducis, tum etiam vtræque mundi natura committitur. *A luna enim deorsum* (inquit Macrobius lib. 1. cap. 11. in somnium Scipionis) *natura incipit caducorum* &c.

Supra autem omnia interitus expertia, Tullio ipso teste in eo somnio. *In infimo orbe* (inquit) *luna radiis solis accensa conuertitur: infra autem iam nihil est nisi mortale & caducum, præter animos generi hominum munere deorum datos: supra lunam sunt æterna omnia.* Tum lunæ, ut mediam par est, anceps conditio, & ad vtrumque naturæ ambiguo trahi se patitur genus, prout ad alterutram comparatur regionem. Nam terrenis comparata sidus est; superioribus terræ cuiusdam speciem præbet opaci cum perspicuo mixtura, & lucis indigentia, quam a sole, velut hæc quam habitamus moles, mutuatur. Quo nomine hanc physici *ætheream terram*, auctore Macrobio citato loco, dixerunt. Quod & Plato in Apologia notauit, & Aristoteles secutus est, & qui Aristotelem secuti: in quibus Auerrois multis locis commentariorum, quæ longum esset referre. Ex quo intelligitur, hanc eundem in siderum ordine locum esse nactam, quam terra obtinet in elementis: nempe ut terra infima est elementorum, sic luna cælestium.

Eadem dicitur *femineum sidus*, non modo quia quicquid in se splendoris habet a sole recipit, qua causa *σελήνην* genere feminino Græcis nuncupatam Ammonius notat comment. in lib. *πρὸς ἑρμηνείας*; sed etiam quia humore, quem remisso calore mouet non discutit, alit omnia in terris, accedens corpora implet, abscedens inanit. Quod perennibus & ubique obuiis confe-

confessum experimentis omitto, ut de iis, quæ in ipsa apparent, varietatibus dicam; si tamen dicendum est de re adeo omnibus usu comperita & vulgata. Illud non tacendum est, maximarum rerum ab iis, quæ in luna apparent, figuris diuersis, sumpta esse argumenta & symbola, ac præcipuas ad sapientiam opportunitates. Nam tam multiformis luna apparet, variasque nobis luminis incremento & decremento *Φάσεις* ostendit. Hæ mutationes abiire in proverbum, ut stultus qui mente nunquam consistit mutari ut luna dicatur, quemadmodum in Ebræorum sapientum proverbiis legimus: immo & fortis humanæ conditio hac imagine deploretur, cum & hanc innumeris mutationibus obnoxiam esse constet. Quamobrem & Ecclesiam in sacris libris eodem lunæ typo adumbratam theologorum doctissimi censent: quando & hæc, dum in terris degit, luminis eius quod a Christo supremo sole suscipit, augmentum & decessiones defectusque, maculas etiam & sordes, in suo lumine haud secus ac luna in suo orbe ostendit.

Ac de his symbolis quæ luna præbet supra naturam philosophantibus, hætenus theologorum indagatio processit: aliam similitudinem non minus nobilem, quæ genus propheticum lunæ comparatur, atque etiam non obscuro naturæ fœdere associatur, non viderunt: quam nunc aperire institui, cum ad Sibyllæ considerationem pertineat. Tribus autem potissimum

& hæc analogia & similitudo prophetarum cum luna continetur. Primum est luminis diuini, quo vates efficiuntur, influxus in anima humana: quemadmodum enim luna lumen a sole mutuatur & vires quas in hæc caduca transfundit; sic anima prophetæ lumen quo futura distinguat a numine recipiat necesse est, alioqui obscura horumque ignara penitus manet. Alterum est eiusmodi: vt luna nocturnum est sidus, neque honorem aut vim habet nisi in absentia solis; eo enim præsentem latet, velut alia astra maiori lumine obruta; sic neque animus vatis quicquam eximium habet aut sapit, dum ratio viget, & vitæ actiones regit: decedat hæc vis & somno aut furore solvatur, necesse est vt diuina accedat, & rerum futurarum signa animo imprimat. Hanc etiam similitudinem Philo Judæus in libro de hærede diuinorum his verbis expressit: ἕως ἔτι περιλάμπει καὶ περιπολεῖ ἡμῶν ὁ νῆς, μεσημεριονὸν διαφέγγος εἰς πᾶσαν τὴν ψυχὴν ἀναχέων, ἐν ἑαυτοῖς ὄντες δ' κατεχόμεθα· ἐπειδὴν ἡ πρὸς θυμὸν γένηται, καὶ τὸ εἶκος ἑκαστὸς καὶ ἡ ἐνθεὸς ἐπιπίπτει κατοχὴ καὶ μαγία. id est, *Dum adhuc mens nostra exerta ac munia sua obiens, ceu meridianum tota anima lumen diffundit, tamdiu homines suæ spon-
gis ac sui compotes nullo impulsu diuino concitantur: postquam autem sol iste animæ nostræ ad occasum venerit, tunc animi alienatio & diuinus incidit furor, quo occupantur propheta.* Terti-
um

um est, confessa omnibus lunæ potestas in humores, quo fit ut euocatis ad caput humoribus atque agitatís, homines furori opportunos efficiat: si præsertim radiatio accedat Saturni, cuius dominio atra bilis infaniæ parens subiecta est. Comitiales lunæ malicio prosterne ac furere in confesso est: sunt autem comitiales melancholicis affines, procliui & mutuo vnius morbi in alterum transitu; Hippocrate auctore in sexto popularium morborum. Nam & morbum magnum vel sacrum (ita ille, qui vulgo Græcis *ἑπιληψία* vocatur, appellat) superueniente mania siue furore terminari, in secundo eorundem librorum docet. Cæterum & hos & illos dæmonum ludibriis esse opportunos, antiquis persuasum fuit: vulgus etiam qui morbo caduco implicarentur, alicuius peccati in Dianam, hoc est, lunam admissi dare poenas arbitrabantur. Aretæus libro primo *χρονίων παθῶν* cap. de morbo comitali: *ἀλλὰ καὶ ἄδοξος ἢ συμμόρφη. δοκέει γὰρ τοῖσιν εἰς τὴν σελήνην ἀλιτρεῖσι ἀφικνεῖσθαι ἢ νῆσος.* Quod etiam Sophocles hoc versu testatur:

ἦ ῥά σε ταυροπόλα Διὸς Ἄρτεμις ὤρμησεν ἐπιβῆς.
Ad quem versum Scholiastes notat: *τὰς πολλὰς γὰρ τῶν μαινομένων ἐκ σελήνης νοσεῖν ὑποτίθενται, καὶ τὸ νυκτερινῶν δεσπόζειν φασμάτων.* id est, *Plerosque enim furentium ex luna egrotare existimant: propterea quod luna nocturnis dæmonum apparitionibus & spectris domina-*

tur. Subscribit Georgius Venetus & explicat in problematis sect. 10. probl. 442. Cur aliqui vexantur a luna? Nonne quia ille planeta terreus, frigidus, atque siccus contrariatur (ita ille Scholasticorum licentia loquitur) nature, que diligit calidum & humidum. Quod potissimum euenit quando luna irradiatur a Saturno atrabilem constipante: adeo ut preparètur sedes malo demoni, qui agit corpus agitatissimum iam humoribus a lune reuolutione. Unde tunc homini fe male disposito occurrit malus demon vexans ipsum & torquens. Hæc ille auctor, qui qua ratione lunam contra omnium aliorum sententiam siccam dicat, equidem nescio, nec scire laboro. Tales olim lunaticos dictos, Græcis σεληνιαζόμενους, etiam Matthæo cap. 4. & 17. reperio. Horum & meminit Firmicus Astronom. lib. 4. cap. 7. vbi de lunæ a Mercurio defluxu ad alios planetas. Si vero (inquit) a Mercurio per diem defluens luna, minuta lumine ad Saturnum feratur, faciet mendicos, pauperes, pannis obsitos, & misera egestatis calamitate demersos; alios seruire in templis facit, alios vero vagari compellit. Facit plerumque lunaticos, aut sacrarum valetudinum vitiis oppressos, caducos quoque ac misera commotione dementes. Vbi sacras valetudines interpretor raptus & ἐκστάσεις ab afflatu diuino & lymphationes. Quarum e classe cur caducos excludat, non video: cum maxime hunc morbum qui caducus & comitialis dicitur, priscis

priscis sacrum habitum & nominatum constet. Certe Vallesius de sacra philosophia cap. 71. comitiales etiam & maniacos eadem appellatione intelligi censet; vbi locum illum Matthæi expendit: *Domine miserere filio meo qui lunaticus est, & male patitur: nam saepe cadit in ignem, & crebro in aquam.* Vallesius: *Ex his verbis constat, haud dubie epilepticos dici lunaticos: constat quoque ex multis veterum locis, & ex communi hominum sententia, lunaticos vocari maniacos.* Et hoc, vt dixi, quia luna humores agit, maxime quo tempore pleno lumine fulget. Quamquam non omnes eodem lunæ statu moueri constat: magis enim in plenitunio qui biliosis & crudis abundant succis, quales sane melancholici, item comitiales ex atra bile; eiusdem autem sideris deliquio, qui pituitæ aut crudorum humorum vitio ad eos affectus procliuēs sunt; eodem Vallesio auctore. Sed de his hætenus.

Ex his patet ratio eius vaticinii, quo Sibylla dicit, sibi sedem in lunâ paratam post mortem, vt supra allato Plutarchi loco vidimus: quamobrem item Thespesium quidam apud eundem Plutarchum in libro de fera Numinis vindicta, ex somnio quod in Trophonii antro viderat, Sibyllam e lunæ globo de morbo & morte Vespasiani Cæsaris vaticinantem audiuisse dicatur. Siue eiusmodi somnium vere homini illi contigit, siue ipse finxit se vidisse, siue alii de ipso fabulati. Quicquid sit, non huius
mentio.

mentionem fecisset Plutarchus, nisi tali somnio vel figmento aliquam in natura subesse rationem putasset. Plutarchi verba hæc sunt : ἀλλ' ἤκιστα παρῶν Φωνὴν ὀξείαν γυναικὸς ἐν μέτρῳ φράσσασαν ἄλλα τέ τινα, καὶ χρόνον (ὡς ἔοικε) τῆς ἐκείνης τελευτῆς. ἔλεγε δ' ὁ δαίμων, τὴν Φωνὴν εἶναι Σιβύλλης, αἰεὶν γὰρ αὐτὴν παρὰ τῶν μελλόντων, ἐν τῷ προσώπῳ τῆς σελήνης περιφερμένην. βεβλόμενος δ' ἀκροᾶσθαι πλείονα, τῇ ῥύμῃ τῆς σελήνης εἰς τὸ θάλαττον, ὥσπερ ἐν Ἰαῖς δίναις ἐξεώθη, καὶ βραχέα κατήκασεν· ὧν ἦν καὶ τὸ παρὰ τὸ Ουεσάιον ὄρος καὶ τὴν Δικαιοαρχίαν ὑπὸ πυρὸς φορᾶ γενησόμενον· καὶ τι κοιμᾶλλον παρὰ τὸ τότε ἡγεμόνος, ὡς ἐδωλὸς ἐὼν νόσω τυραννίδα λείψει. id est, *Sed præteriens* (anima Thespæii) *acutam vocem mulieris audit, versu cum alia quedam renunciantis, tum & tempus, ut apparuit, quo ipse obiturus esset.* Hanc autem Sibylle esse vocem demon indicavit : nimirum hanc, dum in lunæ facie circumfertur, de iis quæ sunt euentura canere. Cum autem plura audire vellet, quo minus posset, rapida lunæ vertigo obstitit, cuius violentia in partem aduersam est abreptus. Quo factum ut paucula quedam dumtaxat ei audire licuerit. Ex quibus de Vesuuii monte & Puteolis, eum de imminente clade ab igne inde erupturo. Præterea breue quiddam de imperatore qui tum regnaret, quod cum bonus princeps esset, non ferro ut alii, sed morbo imperium relicturus esset. Nec vero ex hoc somnio tantum apparet id quod dixi

de

de vatum agnatione ad lunam ; sed & Plutarchus ipse , priscorum theologiam secutus , præfidentes vaticiniis dæmones in eo sidere tanquam in apto & familiari domicilio collocat , qui inde euocati descendant huc ad loca oraculis nobilitata , eorum quæ ibi geruntur curam susce-
pturi. *ἐκ αὐτῆς Νατρίβουσιν ἐπ' αὐτῆς (σελήνης) οἱ δαίμονες , ἀλλὰ χεχητηρίων δεῦρο κατὰσιν ὅππῃ μελησόμενοι.* Aliquot deinde eorum geniorum ceu familias & sodalitia nominat , tum etiam loca in quibus maxime vim suam ostendere solerent : Idæos Dactylos in Creta ; Corybantes in Phrygia ; Trophoniadas in Lebadia Bæotix. Cur autem anima Sibyllæ non simpliciter in luna , sed proprie *ἐν τῷ προσώπῳ σελήνης* , in facie lune esse dicatur , non immerito aliquis requirat. Age & istuc quicquid est arcani ex his literis effodere tentabo , quando in hæc auiæ Musarum loca nullius ante trita solo diuertere placuit.

CAPVT XIII. •

De facie Lune : & quid Sibyllæ cum eo meteoro.

Quam in luna Græci *faciem* (hoc enim vox *πρόσωπον* sonat) dixere , nihil esse aliud quam partium opacarum cum luminosis quandam mixturam & dispositionem satis constat. De causa quæ hanc varietatem facit liti-
gant

gant philosophi, quorum opiniones videre est apud Plutarchum in secundo de placitis philosophorum, & in libro de facie in orbe lunæ. Quidam lunæ naturam minus sinceram esse opinati sunt, ideoque maculosam videri, quod ex partibus partim perspicuis & igneis, partim opacis & terreis concreuerit; quæ fuisse videtur Anaxagoræ sententia apud Plutarchum citato loco. lunam talem apparere Διὰ τὴν ἀνωμαλότητα τῆς συγκρίματος Διὰ τὸ ψυχομιγὲς ἅμα καὶ γεώδες. ὡς ἀμειβόμεναι γὰρ τῷ πυρρῷ τὸ ζοφῶδες, *propter concretionis disparilitatem; in qua multum est frigidi & terrei admixtum: igneis enim & luminosis partibus tenebrofi multum esse interpositum.* Quam opinionem Stoici amplexi pariter in luna τὸ ἐτερείδες τῆς οὐσίας *substantia diuersitatem* agnouerunt: vno verbo, μὴ εἶναι αὐτῆς ἀκέραιον τὸ σύγκριμα. Ad quos mihi respexisse Philo Ebraeus videtur, cum in lib. de insomniis sic de lunæ natura philosophatur: λέγεται γὰρ, ὅτι σελήνη πῖλημα μὲν ἀκέραιον αἰθέρος ἔκτισιν, ὡς ἕκαστος τῶν ἄλλων ἀστέρων. κρᾶμα ἧ ἔκτε αἰθερώδους καὶ αἰερώδους ὀπίας, καὶ τό γε ἐμφερόμενον αὐτῇ μέλαν, ὃ καλεῖσιν ἴνες πρόσωπον, ὃδὲν ἄλλο εἶναι ἢ τὸν ἀναμειγμένον αἶρα, ὃς καὶ φύσιν μέλας ὢν, ἄχρως ἐρρῶν τείνεται. id est, *Sunt certe qui dicant, lunam non esse globum puri ætheris, ut cætera sidera, sed mixtum ex æthere aereque; & apparentem in ea nigredinem, quam nonnulli vocant faciem, nihil aliud esse,*
quam

quam admixtum aerem, qui suapte natura usque ad celum tenditur.

Cæterum non mihi facile aliquis persuadebit, naturam lunæ ex diuersis esse coagmentatam, velut corpora illa quæ mixta proprie dicuntur: quod si ita esset, non minus iis dissolutioni obnoxiam esse oporteret, neque esset cur cælestibus potius quam caducis aggregaretur. Quemadmodum neque iis facile accesserim, qui eandem lunæ quæ nostræ terræ naturam putant: in ea esse montes, & depressas conualles, lucos, maria, & cætera quæ apud nos reperiuntur. Quin habere & hanc suos habitatores, animantia multo his nobis cognitius pulchriora, eius virtutis quæ sit quintupla & decupla eius quam nostratia animalia ostendunt, ex Pythagora citato loco refert Plutarchus. Tametsi Aristoteles suos lunæ esse incolas alicubi agnoscere videtur: & Platonem in Phædone, sub finem dialogi, ea quam Socrates celebrat superiore terra & cælo contigua, earum quæ in luna sunt regionum varietatem per modum fabulæ adumbrasse censet Plutarchus; in quibus plagis omnia quæ apud nos sunt, atque adeo animalia, multo præstantiora haberi dicuntur. Sed profecto potior mihi videtur eorum sententia, qui allegorice hæc a Platone in hunc modum composita arbitrantur; quos & Origenes sequitur in septimo eorum librorum quos contra Celsum edidit.

De sideris autem huius natura & facie omnino sentiendum est, ut Aristoteles nobis proposuit, si sapere volumus: non vlla diuersorum mixtione ea maculas effici, sed quadam caelestis naturae in luna degenerantis defectione atque, ut ita dicam, detrimento, quod haec minus in se eius perfectionis habeat quam alia astra; utpote ab eo quod in eo genere perfectissimum est remotior, terris autem propinquior & caducis confinis. Itaque non solum in lucis participandae gradu inferior aliis stellis deprehenditur; quam non sibi insitam & vernaculam nacta est, verum aliunde accipit; sed etiam in figura. Cum enim communis omnium siderum & elementorum figura haec sit, quam omnium esse nobilissimam constat, nempe orbicularis, non tamen ita exactam luna hanc figuram, atque alia supra eam sita astra, habere potuit quemadmodum neque terrae moles adeo aequalis est rotunditatis, atque alia elementa. Proinde ut in terra sic in luna esse inaequalitates perquam naturae ordini consentaneum est. Quae de causa lunam quandam in caelesti natura terrae similitudinem atque rationem praese ferre censuit Aristoteles, ut variis suorum commentariorum locis Auerrois testatur. Eadem igitur naturae lege factum putandum est, ut nunquam luna lumen solis omni ex parte aequaliter recipere valeat; quod eius partes non eodem modo se habeant ad solem, sed quaedam lumen melius

melius conceptum repercutiant, nempe densiores, aliæ, licet non ita raræ vt penitus transmittant, rariores tamen sint quàm vt valeant ad nostrum obtutum repercutere; quo fit vt quandam nigroris & obscuritatis speciem eminus conspicientibus præbeant. Ita ex hac laxiorum partium cum spissioribus dispositione & contextu emerfit nobis facies illa in globo lunæ, quam prisci illi sapientes Sibyllinæ proprietatis symbolum atque imaginem esse voluerunt. Quo similitudinis fundamento, nunc explicandum est.

Quemadmodum igitur luna, vt modo ostensum est, non per totius globi compagem solis lumen concipit, sic neque mens Sibyllæ (eadem ratio est aliarum vatum) tota numinis afflantis luce exsplendet, sed ei cognitioni quam recipit rerum futurarum non paucae maculae & nubila interponuntur, (ita appello ambages & ænigmata, quibus oraculorum veritas infuscatur) vt etiam Maro his versibus testatur:

Talibus ex adyto dictis Cumæa Sibylla

*Horrendas canit ambages, antroque remugit,
Obscuris vera inuoluens.*

Quod adeo proprium oraculorum, vt eo sublato non amplius oraculum censetur. Vnde Græcis *λοξίας* Apollo dictus ab verborum obliquitate & ambagibus: quo etiam epitheto vsus Aristophanes in Pluto. Non quod Deus consulto luci, quam animæ infundit, nubes & caliginem

nem misceat, & negotium vltro hominibus facessat, vt Hieronymus exponit lib. 14. in Ezech. cap. 45. *multa*, inquit, *dicuntur in parabolis & anigmatibus*, vt qui habet aures audiendi audiat: *omnisque propheta in obscuritate continet veritatem*, vt discipuli intrinsecus audiant; *vulgus ignobile & foris positum nesciat quid dicatur*. Quod perinde est ac si quis imaginum perplexitatem, quæ in nonnullis speculis apparet, non ipsis sed formæ eius, qui se in illis intuetur, imputet; aut colores nubium, atque adeo arcus cælestis, aut vmbra corporum, lumini ipsi adscribat. Multo melior est Plutarchi interpretatio, qui naturæ animi humani id adscribit, qui nihil sine phantasia cognoscit. Huic vim suam accommodat Deus, velut alia agentia materiæ, quam informant, conditioni. Ita neque is proxime menti absque medio rerum futurarum notiones imprimit, sed interuentu imaginum phantasiæ, prout fert natura & captus animi humani. Cæterum eæ imagines aut iis quæ cognoscuntur ad amussim congruunt, aut cum aliqua permutatione, qua vna res per alterius speciem insinuetur, vt fit in allegoriis & ænigmatibus. Horum proinde modorum alterutro Deus futura vatibus significet necesse est. Atqui non priore modo: qui eorum tantum cognitioni conuenit, quæ consueta & naturali via sensuum & rationis occulta ex notis venantis comparatur. Superest igitur

igitur ut altero modo, per species quidem imaginationis, sed paulum permutatas, & a propriis rebus ad peregrinas quadam proportione atque similitudine detortas. Qui modus posterior conuenit animæ præter omnem rationis coniecturam emergenti in lumine diuino ad cognitionem rerum futurarum. Non quod Deus non possit, si velit, citra ambages & figuras indere alicui notiones claras, quibus futura præsentiat; ut cum Mosi ore ad os loquebatur, hoc est, menti illius sese nullius rei interuentu ingerebat; sed quia minus, ut dixi, is modus veritatis adipiscendæ congruens animæ humanæ.

Hoc probe intelligens Plutarchus in libro de Pythiæ oraculis, in quo disputat cur Pythia amplius responsa versibus non daret, eam vatem (eadem ratio est Sibyllæ, eadem cæterorum vaticinantium) sic se habere ad Deum dicit, ut instrumentum quod magis accommodatum sit opifici, magisque ei obediens, quam luna est soli ad luminis vices & transmissionem in terras tempore noctis, ne noctes omnino munere tanto, quale est lumen, careant. Et tamen (inquit) idem lumini in lunæ globum incidenti euenit, quod imaginibus iis quas specula varie ad oculos remittant, prout inter se conformatione differunt: aliter namq; eandem imaginem reddit bene plana & æqualis speculi superficies, aliter conuexa, aliter concaua. Eodem modo de luna existimandum censet; eam nempe

pe, tametsi ad id factam ut solis in se imaginem recipiat & terris ad tenebrarum solatium remittat, non tamen qualem a sole lucem recipit transmittere, sed multa propriæ substantiæ inæqualitate mutatam. Verba magni scriptoris, quibus hanc comparisonem proponit, tametsi insigniter corrupta, ut in vulgatis extant codicibus, referam, quia sine manuscriptis libris, quæ a me procul, restitui non possunt: ἔθεν ἔτε μᾶλλον ἰδέαν ἔοικε, ἔτε ὡς ὄργανον χρῆσθαι φύσει γέγονεν εὐπειθέστερον σελήνης. λαμβάνουσι δὲ παρ' ἡλίου τὸ λαμπρὸν καὶ πυρρὸν, ἔχ' ὅμοιον διποτέμπει πρὸς ἡμᾶς, ἀλλὰ μίχθεν αὐτῇ καὶ χρόαν μετέβαλε καὶ δύναμιν ἔχεν ἑτέραν. ἡ δὲ θερμότης καὶ παντάπασιν ἐξόχεται καὶ περιλέλοιπε τὸ φῶς ὑπὸ ἀσθενείας. Atque hæc recte Plutarchus de solis luce degenerante in globo lunæ: nisi quod non recte dicit, destitui omni calore lumen illud quod luna a sole in terram reflectit. Hoc enim falsum esse experientia docet, & ex ipsa Aristoteles lib. 4. de partibus, nempe ἐν πανσελήνοις ἀλεεινοτέρας εἶναι τὰς νύκτας διὰ τὸ φῶς τῆς σελήνης, *notites esse tepidiores in pleniluniis propter lumen lunæ.* Qua ratione idem in lib. 4. de generat. animal. lunam ceu alterum esse solem minorem censet. Sed hæc in transcurso, nunc ad rem.

Consequens est, ut ad hanc Sibyllæ cum luna comparisonem & similitudinem utriusque amplius declarandam exemplis ostendamus, quem-

admo-

admodum & lumen illud cæleste, quo Deus vatum animam collustrat, in vnoquoque eorum degeneret, ac varias assumat notiones atque eloquendi formas, prout in hominibus ingenia & mores variant. Vnde autem potius sermonis eius argumentum & demonstrationem petam, quam ab Hieronymo, latinorum Patrum doctissimo? Quæ igitur hic initio expositionis, quam in librum Amos prophetæ edidit, notat ad hæc verba: *Dominus de Sion rugiet*: subiungere haud grauabor. *Naturale est ut omnes artifices suæ artis loquantur exemplis, & vnusquisque in quo studio triuit ætatem illius similitudinem proferat. Verbi gratia, qui nauta est & gubernator, tristitiam suam comparat tempestati, damnum naufragium vocat, inimicos suos ventos contrarios appellat; rursum prosperitatem & lætitiæ auram placidissimam & secundos nominat ventos, tranquilla maria & æquora campi similia. E regione miles quicquid dixerit, scutum, gladium, lorica, galeam, lanceam, arcum, sagittam, mortem, vulnus & victoriam sonat. In ore philosophorum semper Socrates & Plato, Xenophon & Theophrastus, Zeno & Aristoteles, Stoici versantur & Peripatetici. Oratores Lysiam & Hyperidem, Periclem & Demosthenem, Gracchos, Catones, Tullios & Hortensios in cælum laudibus ferunt. Poetæ, si epici sunt, Homerum atque Virgilium, si Lyrici, Pindarum & Flaccum crebro sermone celebrant. Cur hæc dicta sunt? ut*

scilicet ostendamus, etiam Amos prophetam, qui pastor de pastoribus fuit, & pastor non in locis cultis & arboribus ac vineis confitis, aut certe inter silvas & prata virentia, sed in lata eremi vastitate, in qua versatur leonum feritas, & interfectio pecorum, artis suae usum esse sermonibus, ut vocem Domini terribilem atque metuendam, rugitum leonum & fremitum nominaret: euerfionem Israeliticarum urbium pastorum solitudini & ariditati montium comparans: Dominus, inquit, de Sion rugiet &c. Et in procœmio addit de imperitia eius quod ad stylum attinet: Ex hoc numero pastorum & Amos propheta fuit, imperitus sermone sed non scientia. Idem enim qui per omnes prophetas in eo Spiritus Sanctus loquebatur. Ut igitur lumen solis in luna, sic Spiritus Dei in animis vatum modificatur, naturisque diuersis se accommodat: in his eloquentius & fortius sonat, in aliis agrestius, ceterasque humanitatis differentias induit, auctore Hieronymo.

Multa & Plutarchus dicto loco habet in eandem sententiam: qui etiam numinis afflatum, quem Græci ἐνθουσιασμόν vocant, vino comparat, & Chæremonis affert sententiam, qua dicit vinum moribus bibentium obsequi atque attemperari: ὁ μὲν γὰρ οἶνος, ὡς ἔλεγε Χαιρέμων, τοῖς τρόποις κεράννυται τῶν πινόντων· ὁ δὲ μανικός ἐνθουσιασμός, ὥσπερ ὁ ἐρωτικός, χρῆται τῇ ὑποκειμένη δυνάμει, καὶ κινεῖ τῶν δεξαμένων ἕκαστον κατ' ὃ πέφυκεν. id est, Etenim vinum,

ut Chereemon dicebat, in mores bibentium transit: nec secius fatidicus furor, quemadmodum & amatorius, subiecta animi potestate viitur, & vnumquemque ut natura est aptus mouet. Cum igitur multa afferri possint, quibus vatum indoles & respectus ad vim diuinam adumbretur, nullam tamen constat huius societatis & diuinæ operationis nobiliorem esse similitudinem hac quæ a luna ducitur, in illo Thespesi somno expressam. Quam paulo latius explicare visum est, ut intelligatur, non de nihilo fingi Sibyllam in facie lunæ adhuc vaticinantem: & quia viri docti, cum varias a lunæ natura sumptas similitudines in suis hieroglyphicis traderent, hanc nescio quomodo silentio præterierunt.

CAPVT XIV.

De Sibyllæ cultu, sepulchro & epitaphio. Auctorum in his dissensio.

ADdam & de Sibyllæ cultu, sepulchro, & carmine illi inscripto quæ potui reperire. In his statim occurrit illud ex sæpius jam citato Aristotelis libro, de duplici cognomento Sibyllæ Erythrææ in Italia: *δυσαν μὲν Ερυθραίαν, ὑπὸ πνῶν Μελάγχραναι καλεσμένην.* Quid sit enim *μελάγχραναι* non intelligo: dictio nihili, pro qua legendum sine dubio est *μελάγχλαινα*,

elementi vnus mutatione. Est autem compositum nomen, ex μέλας, quod *nigrum* significat, & χλαῖνα, qua vsus Moschus in epitaphio Bionis :

καὶ σάτυροι μύροντο, μελὰ γ' χλαῖνοί τε πρήποι.
Quam plane veram esse lectionem res ipsa probat. Erat enim χλαῖνα antiquis crassioris vestitis genus, aliis superiniici solitum, ideoque hiemi accommodatum : vt ex prouerbio colligitur in eos qui rebus necessariis tempore alieno abutuntur : ἐν θέρει τὴν χλαῖναν κατὰ τρίβεις, *aestate lenam conteris* : nam & Latini græcam vocem vno elemento detracto in vsum traxerunt, pro χλαῖνα *lenam* dicentes. Hanc diuites ad cœnam prodeuntes purpuream gestabant : quo illud spectat Iuuenalis Sat. 3.

cauet hunc, quem coecina lana

Vitari iubet, & comitum longissimus ordo.

Plebei autem homines, item remoti a fastu, & in secessu viuentes, pulla aut nigra utebantur. Qualem & monachorum vestitum suo tempore fuisse testatur Eunapius in Ædesio, sed non absque morfu virulento, vt ethnicus : τυραννικὴν γὰρ εἶχεν ἐξουσίαν τότε πᾶς ἄνθρωπος μέλαιναν φορῶν ἐδῆται, καὶ δημοσίᾳ βεβλόμενος ἀχημονεῖν. *tunc enim tyrannicam habuit potestatem quisquis nigraveste indutus esset, & indecorum habitum publice profiteri vellet.* Vbi μέλαιναν ἐδῆται intellige μέλαιναν χλαῖναν. Læna igitur & nigra vsam fuisse Sibyllam id cognomen indicat, quo hanc homines illius temporis

poris designarunt, vt alieno a sexu vestis genere insignem : non videtur enim lana mulierum fuisse, sed virorum. Quod Iustinus Martyr parum aduertens in Admonitorio ad Græcos ἐπὶ αὐτῇ ei tribuit.

Aliud de cultu Sibyllæ quod dicam non habeo; nisi quod Constantinus Cæsar apud Eusebium de diademate, quod cum Apolline cui seruiebat commune gerebat, tradit: ἱέρεια ἦν τῷ Ἀπόλλωνος, Διάδημα ὅτιος τῷ θεοσκευομένῳ ὑπὸ αὐτῆς Θεῷ φορεῖται. id est, *Sacerdos erat Apollinis, diadema quale Deus quem colebat ferens.* Hoc diadema corona fuit ex lauro, solenne vatum ornamentum, quos hac causâ δαφνηφάγος vocat Lycophron in Alexandra; non enim quia laurum vorabant, vt Ronsardus noster accepit, & plerique omnes exponunt, sed quod illis quæstus & victus ex vaticinio esset, cuius argumentum & symbolum fuit laurus. Ita Tzetzes id epithetum explanat.

Quod ad sepulchrum autem eius attinet & epitaphium; quo in loco, vt primum id exequar, obierit, & sepulta fuerit, non conuenit inter auctores: nec mirum, quando neque de loco natali. Iustinus Martyr Cumis vita functam & conditam credidit, quod se ab eius vrbis ciuibus, cum in Italia esset, accepisse dicit, sibi etiam loculum, in quo eius reliquiæ positæ essent, monstratum refert in Parænetico jam sæpius

laudato : αὐτοὶ γὰρ ἐν τῇ πόλει γενόμενοι πάντων περικνηστῶν μεμαθήκαμεν, τῶν καὶ τὰς πό-
 πους ἐν οἷς ἐχρησμάδεις, ἡμῖν ὑποδειξάντων, καὶ
 Φακὸν ἵνα ἐκ χαλκῆ κατασκευασμένον, ἐν ᾧ
 τὰ λείψανα αὐτῆς σώζεσθαι ἔλεγον. *Ipsi enim
 cum in ea urbe essemus, ab iis qui hospites ad que-
 que visenda deducere solent didicimus, qui etiam
 nobis ostenderunt loca in quibus vaticinaretur, tum
 etiam loculum quendam lentis forma ex ære, in
 quo reliquias eius custodiri dicebant.* Suffraga-
 tur Trimalcio apud Petronium : *Nam Sibyllam
 (inquit) Cumis ego ipse oculis meis vidi in ampul-
 la pendere; & cum illi pueri dicerent, Sibylla ti-
 thelis? respondebat illa, apothanin thelo.* Suff-
 fragatur, inquam : quia licet nouum, inaudi-
 ditum & friuolum est quod de ampulla dicit,
 in qua Cumis Sibylla pendebat ; & de pueris
 illam, quid vellet, interrogantibus ; tum illa
 vicissim respondente : velle se mori ; occasionem
 tamen mimico spectaculo hinc præbitam appa-
 ret, quod Cumis sepultam esse Sibyllam vulgo
 persuasum esset. Nam & diu in eo antro, quod
 Cumis habebat, corpore ad extremam tabem
 prope absumpto, vitam in vnius vocis usu re-
 tinuisse dicitur, quemadmodum supra ex Seruii
 ad sextum Æneid. commentario ostendimus.
 Pausanias autem hanc in Troade extinctam lon-
 go æuo, sepultamque in luco Apollinis, cogno-
 mento Sminthei, cuius æditua fuisset, tradit :
 sepul-

sepulchrum etiam illi extructum operis eximii. Huic namque ad dextram apposita erat Mercurii statua ex lapide artificiose exsculpta, figura, ut mos fuit, quadrangulari; ad lævam Nympharum signa ex eadem materia, fonsque inibi iugi aquæ strepitu in conceptaculum defluens. Tanta est auctorum de loco, in quo sepulta fuit Sibylla, dissensio. Neque id sane mirandum in rebus tam vetustis & remotis. Duorum autem alterutrum non absurde dici potest: aut scilicet Sibyllam multo quidem tempore Cumis usque ad senectutem vixisse, non tamen ibi sed Erythris loco natali defunctam, in quem locum patriæ desiderio, ut est ingenium humanum, reuertisset: quod si recipimus, narratio Iustini & aliorum traditio plane ad nihilum redit; vel si Cumis conditam magis placet, Pausaniæ memoratum illud monumentum, quod in Troade habuit, ad memoriam tantum & speciem eadem a ciuibus positum dicemus: nempe cenotaphium potius quam verum sepulchrum, dum plures ciuitates sibi certatim, ut supra ostendimus, Sibyllam vindicant. Quorum utrum sit verisimilius unicuique liberum esto iudicium. Eleghos quidem, quos in columna sepulchri incisos fuisse refert Pausanias, quos & nobis legendos exhibet in Phocicis, omittere, cum sint elegantissimi, in longa præsertim & accurata de Sibyllæ rebus disquisitione, peccatum esset maximum

mun in Musas, quarum & sacerdos fuit. Hoc igitur in libri huius calce adscribere visum est :

Α δ' ἐγὼ ἅ Φοίβοιο σαφηγορὶς εἰμὶ Σίβυλλα,
τῷ δ' ὑπὸ λαϊνέῳ σύματι πυθόμενα.

Παρθένος ἀνδάεσσα τὸ πρὶν, νῦν δ' αἰὲν ἀναυδος,
Μοῖρα ὑπὸ σιβαρῇ τήνδε λαχῶσα πέδῃ.

· Ἀλλὰ πέλας Νύμφαισι καὶ Ερμῇ τῷ δ' ὑπό-
κειμαι,

Μοῖραν ἔχασ' Ἐκάτῳ τῆς τότε ἀνακτορῆς.
Apponam & latinam eorundem interpretatio-
nem ex Romuli Amasæi sententia, eorum in
gratiam qui græca assequi non possunt :

Illa ego sum Phæbi interpres non vana Sibylla,

Hic quæ marmoreo contineor tumulo.

Vocalis quondam, æternum nunc muta puella,

· Heu ! nimis hac fati compede pressa gravi.

Mercurio tamen ἔς Nymphis sociata quiesco :

Phæbo quod fuerim grata, ferens pretium,



PETRI

PETRI PETITI

Philosophi, & Doctoris medici,

DE

SIBYLLA

LIBER TERTIVS.

*De Sibyllinæ diuinationis
proprietate & oraculis.*



P R Æ F A T I O.

Superioribus libris vnâ tantum
fuisse Sibyllam ostendimus, inge-
nium eius, mores, longum æuam,
patriam, antra, peregrinationes e
veterum monumentis eruiamus, quo-
rum pleraque illi cum aliis fatidicis fe-
minis communia esse potuerunt; nunc
hocce in libro, quod magis illi pro-
prium & vernaculum explicare aggre-
dior: qualis scilicet fuerit eius diuina-
tio, quoue charactere ab aliorum va-
tum facultate secerni possit; cuius rei
ignorantia factum puto, vt pro vna
examen nobis Sibyllarum exoriretur.

Idque

Idque eo impensius nunc elaborandum est, quod initio eius rei explanationem polliciti sumus, cum auctorum testimoniis vnā fuisse Sibyllam probaremus. Profecto enim ex hac potissimum, quam hic inimus, disputatione doctrinæ illius alioqui *ἡ θεοδοξότης* confirmatio pendet. Exinde ad oracula, veniemus, quibus creditur prædixisse de Christi Domini aduentu & rebus; & quid de his sentiendum videatur aperiam. Principium autem disputationis, quid inter Sibyllam & Pythiam aliosque vates intersit palam facere. Hoc igitur Numinis freti ope agamus.

CAPVT I.

*Non eundem fuisse diuinandi modum,
quo Sibylla vsa est, & quo Pythia
Apollinis sacerdos & alii vates,
ostenditur.*

VT fere in aliis euenit, vt vltimæ & specificæ, vt loquuntur, differentiæ lateant, eo-que a paucis perspicui possint: sic & quæ Sibyllam ab aliis vatibus discrimina secernunt, non modo indoctum sed & eruditum vulgus hactenus

nus fugerunt. Hanc depellere animis caliginem pro virili conabor. Primum quidem quæ fuerit ratio Sibyllinæ diuinationis, quamque diuersa ab aliorum vaticiniis, ex his cuius perspicuum esse poterit: fuit enim in Sibylla vniuersalis quædam præfagiendi facultas, qualis nulli alii vatum tributa: neque temporibus loco cuiusquam peculiari addicta fuit, vt Pythiæ, sed quouis tempore & loco vaticinari poterat. Quippe eam vim nacta ab ipso conceptu, vt supra notauimus; cum Pythia non semper, neque pro arbitrio, vbi interrogaretur, responsa dare posset, sed occasionem atque, vt sic dicam, tempestiuitatem præstolari cogeretur, donec numen ipsam inuideret: semel enim tantum singulis mensibus afflari solitam Plutarchus tradit. Sed neque alibi quam Delphis in templo Apollinis, neque quouis eius templi loco, sed in adyto & specu, tripodique insidens, vaticinari poterat. Longe alia ratio Sibyllæ, cui, vt dixi, vis illa semper præsto quouis loco & tempore: neque tripode illi, aut fatidica aqua, aut lauro opus erat, vtpote natura vates & in potestate habens furoris illius vsum quo futura præuideret.

Quod equidem non dico, quasi putem semper eodem modo se habuisse ad expediendas muneris sui rationes, non aliquando melius aliquando deterius; quem tenorem & virtutis æquabilitatem ingenii humani conditio non capit; sed

sed quia posita naturæ opportunitate & voluntate, nunquam illi genii inspiratio deerat: non aliter illi, vbi opus esset, sese ex occulto adiungentis, atque in sententiâ Peripateticorum intellectus agens, qui ex mente Auerrois & Alexandri Aphrodisעי intelligentiâ est humanæ speciei illucens, ad libitum cuiusque vim suam & lumen animæ infundens. Quod enim lex naturæ & ordo in adiungendo ad animum humanum intelligentiæ præstat apud eos philosophos, id dæmon ex destinato & consulto faciebat in Sibylla: siue vt quantum in animam hominis posset declararet, & numinis in se honorem & cultum transmoueret, siue etiam vt veri improvidos in eum errorem deduceret, quod naturalis animæ humanæ insit futura prænoscenti facultas: quam tamen nullam illi esse a natura tributam, quæ quidem rationis captum excedat, supra ostensum est.

Quin fortasse quocumque vellet tempore, & quocumque corporis statu, Sibyllam vaticinari potuisse omnino sequitur: si verum est quod Proclus in Timæo prodidit, & supra recitabamus, statim a natiuitate hanc in voces fatidicas erupisse: *ὡσπερ ἡ Σίβυλλα παρ' αὐτὴν ἀποκύψων χρησµωδήσασα* &c. Quod idem de Apollonio Tyaneo & Sosipatra credi potest. Quibus dæmonem haud secus atque animam ipsam semper præsentem fuisse, ex iis, quæ de ipsorum actis historiæ produnt, intelligi potest.

Quibus

Quibus haud inferiorem in hoc fuisse Sibyllam constat: immo huic magis adhuc familiarem fuisse & præsto ad omnem diuinandi impetum dæmonem existimandum est. Quo magis mirari eos subit qui Pythias vates cum Sibylla confundunt: ad quem impegisse scopulum videtur Eusebius, dum sic de Sibylla in oratione ad Sanctorum cœtum tradit: ἡ τῶντων Ερυθραία Σίβυλλα, Φάσκεισα, ἑαυτὴν ἕκτη γενεᾷ μὲ τὸν κατακλυσμὸν γενέσθαι, ἱέρεια ἦν τῷ Απόλλωνος, Δι᾽ ὃν ἡμα Ὀπίσης τῷ θεοσκευομένῳ ὑπὸ αὐτῆς Θεῷ Φορῶσαι, καὶ τὸν τρίποδα, πρὸς ὃν ὁ ὄφις εἰλεῖτο, πρὸς ἑπέσσω. ὑποφοιβάσσω τε τοῖς χρωμένοις αὐτῇ. &c. Sibylla igitur Erythraea, quæ seipsam sexta post diluuium generatione vixisse & sacerdotem Apollinis fuisse dicit, diadema ex equo una cum Deo cui seruiebat gestans, & tripodam circa quem serpens voluebatur frequentans, & ipsam consulentibus responsa edens &c. Sane tripodem in templo Apollinis, quod Delphis fuit, tantum fuisse, ori speluncæ e qua oracula reddebantur impositum, cum alii scriptores antiqui censent, tum Seruius ad tertium librum Æneidos his verbis haud obscure innuit: *Tripodes mense fuerunt in templo Apollinis Delphici, quibus superpositæ Phœbades vaticinabantur.* Sed vnius Lucretii sufficiat auctoritas, dum ita de oraculo Delphico canit lib. 5.

*Quæ prius aggrediar, quam de re fundere fata
Sanctius, & multo certaratione magis quam
Pythia quæ tripode e Phœbi lauroque profatur.*

Neque mihi quisquam hic Erasmm obtrudat, qui non vnius oraculi & loci proprium fuisse tripodem censuit Chiliad. I. cent. 7. adag. 90. E tripode : *translatum* (inquit) *a tripode vel Delphica vel Pythia.* Nam hæc duo oracula quondam summam fidem apud mortales obtinuerunt. Hic enim error manifestior est, quam vt verbis confutari debeat. Multum & a Bacidum furore dispar vis Sibyllæ : siquidem & istorum temporarius fuit afflatus, quem illis a Nymphis excitari solitum antiquitas credidit. De quo vaticinii genere seorsim dicendum erit : vbi eadem soluetur difficultas quæ de Sibylla ; num scilicet plures ii, vt vulgo creditur, an vnus tantum eius nominis vates fuerit.

Quod autem mihi præcipuum in Sibylla, palmarium, singulare fuisse videtur, vniuersitas est diuinationis, ad omnia tempora, omnes euentus se extendentis. Euentus inquam, non rerum paruarum & ad priuatorum hominum fortunam peruenientium, sed magnorum virorum, puta regum & imperatorum, ad mutationes imperiorum, & præuia iis portenta & prodigia ; quæ quibus cerimoniis & sacris procurari deberent, distincte carminibus exposuit, vt mox dilucidis scriptorum veterum testimoniis probabo.

CAPVT

CAPVT II.

Vniuersitas Sibyllinæ diuinationis.

ENimvero mihi attentius contemplanti, & Sibyllæ diuinationem cum aliorum antiquorum vatum responsis comparanti, eadem huius ad aliorum facultatem ratio fuisse videtur, quæ Romanarum rerum ad gesta aliarum nationum, historiæ Polybii ad alias superiorum scriptorum historias. Quas sic inter se vt vniuersalia a particularibus differre Polybius ipse initio historiarum suarum præfatur his verbis: ἐν μὲν ἔν τοις πρὸ ἰστων χρόνοις, ὥσανει πορράδας εἶναι συνέβαινε τὰς ἡς οἰκισμένης πράξεις (Διὰ τὸ καὶ καὶ τὰς ὑπεβολὰς ἐπὶ τῇ συντελείᾳ αὐτῶν, καὶ καὶ τόπως διαφέρειν ἕκαστα τῶν πεπραγμένων) διὰ τῇ τῶν τῶν καιρῶν οἰονεῖ σωματοειδῇ συμβαίνειν γίνεσθαι τὴν ἰσορίαν, συμπλέκεσθαι τε τὰς Ἰταλικὰς, καὶ Λιβυκάς πράξεις, ταῖς τε καὶ τὴν Ἀσίαν καὶ ταῖς Ἑλληνικαῖς, καὶ πρὸς ἐν γίνεσθαι τέλος τῶν ἀναφορῶν ἀπάντων. id est, Enimvero ante ista tempora, quæ per orbem terrarum gerebantur ea quasi sparsa diuisaque erant: cum & susciperentur & finirentur singula eorum diuersas ob causas, & temporibus quoque ac locis inuicem distarent. Post ista vero tempora, vt in vnum quasi corpus coiret historia, euenit: vtque res Italica ac Libyca

Asiaticis & Græcis miscerentur, & omnes ad unum finem referrentur. Et non multo post de suo instituto : τὸ γὰρ τῆς ἡμετέρας πραγμάτων ἰδίων καὶ τὸ θαυμασίον τῶν καθ' ἡμᾶς κατεῶν, τῷτό ἐστιν. ὅτι καθάπερ ἡ τύχη σχεδὸν ἅπαντα τὰ τῆς οἰκισμένης πραγμάτων πρὸς ἓν ἐκλίπε μέγας, καὶ πάντα νέμειν ἠνάγκασε πρὸς ἓνα καὶ τὸν αὐτὸν σκοπὸν· ἔτω καὶ διὰ τῆς ἰσορίας, ὑπὸ μίαν σύνοψιν ἀγειν τοῖς ἐντυχχάνουσι τὸν χειρὸς τῆς τύχης, ὃ κέχρηται πρὸς τὴν τῶν ὅλων πραγμάτων συντέλειαν. id est, *Quod enim operis nostri proprium est, nostroque tempore mirandum accidit, hoc illud est : quod sicut fortuna res prope vniuersas totius qua habitatur orbis in vnā partem inclinauit, atque omnia ad vnum eundemque scopum vergere cogit : ita & nos scriptione hac sub vnum quasi conspectum lectoribus ponimus, quonam modo ad operis huius vniuersi consummationem ipsa se fortuna gesserit.*

Non possum commodiore ad propositum vti exemplo. Vt enim historiæ, sic vaticinia, coniuncta sunt rebus de quibus pronunciantur ; res autem in eam partem finemque vertunt, quo numinis ducit prouidentia, quam vbique Polybius τύχην, hoc est, *fortunam* vocat. Quo nomine Deum intelligit ; cum rerum vniuersitatis auctorem & causam primam, tum ordinis inuentorem atque custodem quo res humanæ procedunt ; occultis hominum consilia & facta habe-

habenis regentem, eumque ad exitum omnia ducentem, quem in arcanis æternitatis suæ optimum esse decreuit. Omnium enim occultæ & immobiles rationes alte sunt defixæ in sapientia Dei: quas quia fragiles hominum mentes videre non possunt, veteres vocabulo ab ignorantia sua nato designare instituerunt.

Cæterum recte atque etiam diuinitus Polybius ibi, ex accurata illa qua pollebat rerum cognitione obseruat, eiusmodi fuisse earum processum, vt inde cuius sagaci apparere possit, ea omnia, quæ ante Romanorum dominationem variis orbis partibus gerebantur, ita consulto dispersa atque comparata, quæ postmodum eodem providentiæ consilio ceu partes in vnum corpus, sic ipsa in vnius potentia & imperii maiestatem & supremum apicem coalescerent atque vt ita dicam coagmentarentur. Postquam igitur de alijs prioribus regnis, quæ maxime floruerunt, Persarum scilicet, Lacedæmoniorum, Macedonum dixit, eorumque angustias respectu vniuersi orbis terrarum ostendit, sic de Romano imperio subdit: Ρωμαῖοί γε μὴν ἔλυνα μέρη, σχεδὸν ἢ πᾶσαν πεποιημένοι τὴν οἰκωμένην ὑπέγκοον αὐτοῖς. ζῆλωτόν μὲν τοῖς νῦν ἔσιν, ἀνυπέβλεπον ἢ τοῖς ὑπὸ πικρομένοις ὑπερβόρην κατεσκεύασαν δυνατείας. id est, *At Romani non partibus solummodo aliquot, sed vniuerso fere terrarum orbe in ius ditionemque suam*

coactō, imperium suum in tantum euexerunt fastigium, ut prædicare quidem eius felicitatem præsens ætas merito queat: superare vero illud nulla vnquam sæcula valeant.

Haud aliter Plinius & ad hunc, opinor, Polybii locum respiciens, lib. 3. cap. 5. Italiam numine Deum electam dicit, *quæ sparsa congregaret imperia.* Age hunc magni scriptoris locum ipsismet eius verbis referamus: *Terra omnium terrarum alumna, eadem & parens, numine Deum electa, quæ cælum ipsum clarius faceret, sparsa congregaret imperia, ritusque molliret, & tot populorum discordes ferasque linguas, sermonis commercio contraheret: colloquia & humanitatem homini daret: breuiterque, vna cunctarum gentium in toto orbe patria fieret.*

Quorsum, dicet aliquis, hæc tam multa de imperii Romani magnitudine, & quid ad Sibyllam? Quia sicut Deus voluit vnum in terris esse imperium, quod potentia in vniuersum terrarum orbem diffusa imaginem gereret Ecclesiæ; sic & in iis ipsis gentibus ethnicis vnā quandam esse vatem, quæ vaticinii sui ambitu omnia quæ gererentur in mundo singulari afflatus potestate comprehenderet. Huiusmodi vero vatem Sibyllam fuisse dicimus; non tam vatem, quam thesaurum vaticiniorum & prophetiæ apud paganos: quo modo libros Moysis appellat Tertullianus, *thesaurum* scilicet *Judaici sacra-*

sacramenti, & inde nostri, hoc est, Christiani. Quæ enim pars terrarum, quæ regio, quæ gens, quæ ciuitas, cui non sua fata in iis voluminibus, quæ nomine eius circumferuntur, prænunciet? Non equidem quia putem Sibyllina hæc quæ in manibus habemus omnia esse genuina Sibyllæ; sed quod fieri posse non arbitror, ut omnia sint fictitia & notha. Tum si sint talia, ex ipsa tamen fabula intelligi potest, quid de Sibyllini afflatus maiestate fenserint ii qui hanc fabulam composuerunt: cui nunquam ditionem tam amplam tamque extensam & per omnem mundum & temporum circuitus patentem affinxissent, nisi aliunde nouissent, huiusmodi diuinationis immensitatem non esse a Sibylla alienam.

Huius argumentum fane haud subleſtum est quod de ætatum mundi diuisione ex Sibyllæ carminibus refert Seruius ad quartam eclogam hoc versu:

Ultima Cumæi venit iam carminis ætas.

ibi Seruius: *Sibyllini* (inquit) carminis, id est, Sibyllæ quæ Cumana fuit, & secula per metalla diuisit: dixit etiam, quis quo seculo imperaret: & solem ultimum, id est, decimum voluit. Nouimus autem eundem esse Apollinem: vnde dicit, iuxta jam regnat Apollo. Dixit etiam, finitis omnibus seculis rursus eadem renouari: quam rem etiam philosophi hac disputatione colligunt, dicentes

completo magno anno omnia sidera in ortus suos redire, & referri rursus eodem motu. Quod si est idem siderum motus, necesse est ut omnia quæ fuerunt, habeant iterationem. Vniuersa enim ex astrorum motu pendere manifestum est. Itaque in primis celebris hæc fuit ætatum diuisio & per omnes literatorum cœtus & libros peruagata; ut eorum monumenta versantibus notum est, qui aut eius mentionem faciunt, aut ad eandem alludunt. Maxime autem hanc versibus commendauit Hesiodus in poemate quod inscripsit ἔργα καὶ ἡμέραι. A quo Aratus accepit in Phænomenis: tum ab his Ouidius initio Transformationum: Maro etiam respexit in 3. Georg:

Aureus hanc vitam in terris Saturnus agebat.

Sed & Plato allusit manifeste octauo πολιτειῶν his verbis: ἐκ τῶν ἀρχόντες δὲ πάνυ φυλακικοὶ καλῶσονται, πρὸς τὸ δοκμάζειν τὰ Ἡσιόδῳ τε καὶ τὰ παρ' ἡμῖν γένη, χρυσῶν τε, καὶ ἀργυρῶν, καὶ χαλκῶν, καὶ σιδηρῶν. id est, *Ex his autem principes constituentur non admodum ad custodiam idonei, & ad examinandum genera illa, quæ apud Hesiodum & quæ apud nos referuntur: aureum scilicet genus, argenteum, & æneum, atque ferreum. Quod autem antiquissima sit hæc diuisio non modo ætatum per metalla, sed etiam imperiorum, apparet ex somnio Nabuchodonosoris Chaldæorum regis potentissimi Danielis*
capite

capite secundo. Quo somnio placuit Deo reuelare prophetæ illi sublimi præcipuas rerum humanarum vices, quas quinque ordine in orbem venturas quintuplex metalli genus in ea statua adumbrat: aurum, argentum, æs, ferrum, mixtum ex ferro & terra. Quo pacto & apud Hesiodum citato opere quintuplex hominum genus distinguitur. Sed de his alias diligentius; tum etiam de vulgata opinione, quæ unicuique planetarum propriam assignat metalli speciem. Quorum accuratior consideratio aliud tempus postulat.

Nunc sufficit nobis ostendere ex hac ætatum diuisione per metalla, & eorum qui seculorum decursu imperare deberent prædictione, quam Sibyllam Cumæam carmine expressisse Seruius loco allato testatur; ostendere inquam, quæ fuerit Sibyllæ facultas diuinandi, quam late patens & vniuersum complexa æuum. Quo nomine cum Mosè & Daniele comparari possit: quorum alter suum vaticinium ab ipsa rerum vltima origine repetit, cæli & terræ creationem, & cæterarum mundi partium & ornatus, vniuersa religionis mysteria & ritus tradit: alter vero imperiorum vices & successiones ad Christi vsque regnum prosequitur. Verum Sibylla non tam distincte hunc rerum ordinem, hasque reuolutiones temporum tradit: sed ob-

scuro magis & fabulis impedito dicendi genere,
vt paganæ conuenit,

Quale per incertam lunam sub luce maligna

Est iter in siluis, ubi cælum condidit umbra

Juppiter, & rebus nox abstulit atra colorem;
breuiter, quod & Maro de eadem, vbique *obscuris vera inuoluit*. Sic cum Moses diluuii vniuersalis, quo vnuerſum genus humanum, vna Noe familia excepta, extinctum fuit, historiam dedisset; hanc cladem horrendam Sibylla ad illud diluuium, quo Græcia sub Deucalione afflicta est, tranſtulit. Quod idem Moses narrat de primis ciuitatum conditoribus, & gentium tyrannis, quos *gigantes* vocat, tum arcis excelſissimæ ædificatione, quæ *turris Babel* ab euentu dicta est, qua homines superbissimi nomen suum posteris commendare voluerunt; Sibylla ad gigantum Deos in campis Phlegræis oppugnantium temerariam audaciam detorsit. *Titanes* autem vocat. Versus sic habent:

*ἀλλὰ καὶ αὐτοὶ ὑπέρβιον ἦτορ ἔχοντες,
ὑψιτα βελεύσονται ἐπειρόμενοι πρὸς ὀλεθρον,
ἀντίβιον μαχέσασθαι ἐπὶ θρανῶ ἀσεργένι.*

Hi vero (tantum præcordia vana tuebant)

Constituent tandem, properantes perdere sese,

Illato bello stellatum inuadere Olympum.

Quos repentina Oceani eruptione, non autem fulmine vt poetæ fabulantur, a tam furioso ausu repressos dicit.

Ab

Ab eiusdem item oraculis profectam arbitror opinionem de humanæ staturæ & virium detrimento temporum processu, de qua re Plinius sic lib. 7. cap. 16. *In plenum autem cuncto mortalium generi minorem in dies fieri (mensuram) propemodum observatur: rarosque patribus proceriores, consumente ubertatem seminum exustione, in cuius vices nunc vergat ævum.* Quippe & inter Sibyllæ vaticinia proditum fuisse de mundi consumptione per ignem, coniectare licet ex his Ovidii versibus in primo Transformationum; quibus Jouem de hominum sceleribus pœna ultima coercendis deliberantem inducit :

*Jamque erat in totas missurus fulmina terras:
Sed timuit, ne forte sacer tot ab ignibus æther
Conciperet flammæ, totusque ardesceret axis.
Esse quoque in fati reminiscitur, affore tempus,
Quo mare, quo tellus, correptaque regia celi
Ardeat, & mundi moles operosa laboret.*

Vbi fata more poetarum a Deo distinguit, tanquam extra voluntatem Dei posita: quod plane est poeticum & vanum. Bisariam autem fata vsurpantur; vel pro ratione immobilis legis rebus dictæ: vel pro oraculis quibus eius legis arcana enunciantur, qualia Sibyllæ in primis. Quod igitur Poeta *in fati* dicit, & Jouem eorum reminisci, tanquam hæc de *ἐκπρωσσε* in fatalibus legisset, allusio est ad Sibyllæ carmen
quo

quo mundi conflagrationem aliquando futuram vaticinata est. Verum de allusione vt magis constet, nonnulla de fatali ista mundi conflagratione attingere oportet: eoq̃e ipse hic Ouidii locus nos vocat, qui perabsurdum alioqui offert sensum, nisi commoda explicatione adiuvetur. Quod offendiculum nullius censura esse notatum in tanta eruditorum multitudine, qui Ouidii scripta quotidie euoluunt, satis mirari non possum.

CAPVT III.

Ouidii locus de fatali mundi conflagratione expenditur: vera huius sententia aperitur: tum de mundi per infinitos temporum circuitus exitu & restitutione.

Quod igitur in eo Ouidii loco offendit, nimirum hoc est. Iuppiter, summus princeps & moderator hominum & deorum, iratus mortalibus ob mores corruptos & nimiam scelerum licentiam toto terrarum orbe effusam, omnes, quod scilicet illi magis in promptu atque in manu supplicii genus, fulmine crebro delere cogitat: quod & re erat executurus, nisi mē-
tueret, ne tantis ignibus tota ætherea compages
penitus

penitus dissoluatur. Hic quæro, cur metuat iustus vindex id facere occasione poscente, quod fato inevitabili futurum aliquando scit? Ita enim mox reminisci fatalis eius casus dicitur:

*Esse quoque in fatis reminiscitur, affore
tempus*

Quo mare, quo tellus &c.

Cur, inquam, quod fatale est metuit, & non potius id ipsum exequi properat, quod ut accidat in fatis esse novit, ut hoc modo quod fatale est expleat? perinde ut in nostris literis euangelicis multa fieri dicuntur *ut impleantur scripturæ*, hoc est, præscita. Contra Iuppiter ne impleat fatale decretum, neue ipsum ad exitum opera sua traducat, videtur metuere, quantum quidem verborum series & contextus præ se fert:

Esse quoque in fatis reminiscitur, affore tempus

Quo mare, quo tellus, correptaque regia cali

Ardeat, & mundi moles operosa laboret.

Tela reponuntur &c.

Hoc igitur sensu quid absurdius dici potest, si ita ut verba sonant is locus accipiatur? Verum alia profecto huius sententia est: neque Deus id metuit, ne flammis mundum perdat, sed ne non suo tempore; quod nondum fatalis mundanæ conflagrationis terminus adesset. Nam & hoc maxime in fatis, non modo ut aliquid eveniat, sed ut suo tempore. Vnde illud in 10. *Æneid.*

Adue-

Adueniet iustum pugne (ne accersite) tempus. Iustum tempus vocat quod Græci εἰμαρμένον fato præstitutum & fixum.

Ex his intelligi potest, allusum his versibus esse ad Sibyllæ vaticinium de fatali terrarum & totius mundi exustione. Quod autem non semel sed infinities statis temporum interuallis & seculorum reuolutionibus hæc mutatio accidat, & in talem Sibyllæ vaticinium competat, locus Seruii supra allatus declarat: *Dixit etiam, (Sibylla) finitis omnibus seculis rursus eadem renouari.* Quod dogma de rerum certis temporum periodis ἀποκατάστασις & instauratione celebre apud philosophos & decantatum, a Sibyllæ carmine profectum esse idem Seruius ibidem obseruat. Mox enim post verba modo allata subdit: *Quam rem etiam philosophi hac disputatione colligunt, dicentes: completo magno anno omnia sidera in ortus suos redire, & referri rursus eodem motu.* Quod si est idem siderum motus, necesse est vt omnia quæ fuerunt habeant iterationem. Genera mutationum, quibus periodi finiuntur & instaurantur, duo posuerunt: κατακλυσμον & ἐκπύρωσιν, diluuium & conflagrationem; alii quidem per mundi partes tantum, vt Plato & Aristoteles; alii per totum mundum simul, quæ opinio fuit Heracliti & Stoicorum. De hac vniuersa rerum per ignem aut aquam consumptione & renouatione tradentem ex veterum

terum sententia Firmicum videre est libro tertio cap. 1. cuius verba subiungere haud abs re fuerit. Ibi de mundi ipsius agit genesi, non quia hanc ratione vlla posse explicari putat, sed doctrinae gratia. Sic autem loquitur: *Non fuit ista genitura mundi: nec enim mundus certum diem habuit ortus sui, nec aliquid interfuit eo tempore, quo mundus diuinae mentis ac prouidi numinis ratione formatus est, nec eo usque se intentio potuit humane fragilitatis extendere, ut originem mundi facili posset ratione concipere aut explicare, praesertim cum trecentorum millium annorum maior δποκατάστασις, hoc est, redintegratio, per ἐκπύρωσιν aut per κατακλυσμὸν spatium perficiatur.* His enim duobus generibus δποκατάστασις fieri consuevit: namque exustionem diluuium, hoc est, ἐκπύρωσιν κατακλυσμὸς sequitur; nulla enim re alia exusta res poterant renasci, nec vlla re alia ad pristinam faciem formatamque reuocari, nisi admixtiones, atque cœcretus puluis fauillarum, omnium genitalium seminum collectam conciperet fecunditatem &c.

Quando autem & quomodo hæ mutationes accidant, Seneca ex Chaldaeorum traditionibus explicat lib. 3. Quæst. natural. cap. 29: *Chaldaeorum ista vanitas, & Berosus qui Belum interpretatus est, dicit cursu ista siderum fieri: & adeo quidem affirmat, ut conflagrationi atque diluuiio tempus adsignet: arsuræ enim terrena con-*
rendit,

tendit, quando omnia sidera in cancro conuenient, inundationem futuram, cum eadem siderum turba in capricornum conuenerit. Idem refert Cenforinus de die natali cap. 18 : *Est præterea annus, quem Aristoteles maximum potius quam magnum appellat, quem solis & lune vagarumque quinque stellarum orbes conficiunt, cum ad idem signum ubi quondam fuerunt una referuntur: cuius anni hyems summa est cataclysmus, quam nostri diluuium vocant; æstas autem eipyroffis, quod est mundi incendium. Nam his alternis temporibus mundus tum ignescere tum exarescere videtur.* Mitto alia veterum loca: sunt enim prope innumera. Quod autem ad præsens institutum magis pertinet, dicam. Tametsi Sibyllam de utroque mutationis genere per aquam & ignem vaticinatam non dubito, non tamen mihi videri has clades pertinere ad ἀποκατάστασις, quam Maro in ecloga ex Cumææ Sibyllæ carmine futuram describit, & philosophorum doctissimi probarunt. Magna profecto diuersitas. Hæc namque totius generis humani ab extrema degeneratione & corruptione in optimum statum, nempe ab ætate ferrea in auream, regressum & restitutionem notat, neque interim quicquam de præcipuis mundi partibus & rerum naturis mutat. Aliæ autem mutationes, magnæ; de quibus Plato in Timæi initio, & post eum Cicero in somnio Scipionis dicit,

ditit, quibus terras exuri aut mundari contingit, non modo non omnem mundum destruunt, sed neque humanum genus vniuersum abolere possunt; cum non totam terram, sed quasdam tantum eius partes attingant: vt Macrobius recte notat lib. 2. cap. 11. *Nunquam tamen siue eluuiio siue exustio omnes terras aut omne hominum genus vel omnino operit vel penitus exurit.* Quod idem ex Platonis verbis in Timæo colligas. Sed & Aristoteles lib. 1. Meteor. cap. vlt. non nisi in partibus terræ has fieri mutationes docet, eosque, qui ex talibus euentis mundum corruptioni esse obnoxium ratiocinantur, irridet: γελῶσιν γὰρ (inquit) Ἀλλὰ μικρὰς καὶ ἀκαρπαίαις μετέβολαῖς κινεῖν τὸ πᾶν. *ridiculum enim ob leues paruasque mutationes mouere vniuersum.*

Quin nec cataclysmum, de quo est in historia Mosis, quæ inscribitur Genesis, vniuersum terrarum orbem operuisse satis constat: quod esse incredibile, neque ex Scripturæ verbis, si recte intelligantur, sequi, non desunt qui disputent. Qua de re elegans & erudita extat dissertatio Anonymi cuiusdam *de diluuii vniuersalitate* Geneuæ impressa apud Petrum Columesium anno 1667. Ex quo quiuis intelligat, multum has in partibus terræ accidentes mutationes differre ab illa generali rerum humanarum ἀποκατάστασις, de qua Sibylla & philosophi. Proinde Plato citato loco has non corruptiones simpli-

citer, sed purgationes & expiationes potius vocat: ὅταν ᾗ αὖ οἱ ὄμβροι, οἱ τὴν γῆν ὕδασι καθαίροντες, καὶ κλύσωσιν &c. *cum autem rursus imbres, qui terram aquis purificant, diluvium inuexerint.* Ad quem locum Proclus: καὶ γὰρ καθαρισμὸς ὁ μὲν γίνεται δι' ὕδατος, ὁ δὲ δι' πυρός. *fit enim lustratio per aquam, aut ignem.* Non recte igitur Firmicus ἀποκατάστωσιν simpliciter vocat eam renouationem quæ diluvio aut exustioni terrarum succedit; nisi forte hanc particularem apocatastasim dici placeat: est enim hoc nomen commune omni resolutioni. Sola autem hæc proprie & simpliciter rerum ἀποκατάστωσις dici meretur, quæ fit cum, ut Cicero dicit, ad idem, unde semel profecta sunt, cuncta astra redierint, eandemque cæli totius descriptionem longis interuallis retulerint. Quippe eadem cæli descriptione, iisdem stellarum motibus & configurationibus redditis, consequens putauerunt veteres illi naturæ interpretes, ut iidem rerum euentus, bella, paces, cæteraque humana, non quidem numero sed specie & qualitate, restituerentur.

Quod autem Sibylla huiusmodi in primis rerum omnium reditum & instaurationem magnis temporum interuallis necessario euenire censuerit, & carmine inter alia præscita celebrauerit, fidem fecerit quarta Maronis ecloga; si verum est, huius argumentum a Sibyllæ Cumææ libris desumptum esse: quod sane Eusebius credidit
in

in oratione de laudibus Constantini, vbi hanc eclogam græce conuersam totam de Christi aduentu exponit. Cui nostri fere omnes theologi subscribunt. Nos, an quæ ibi Virgilius canit ad Christum pertineant, aut omnino Sibylla Christum verum & vnicum hominum regem venturum prædixerit, infra videbimus. Illud interim concedi potest, multa Virgilium ibi mutuatum de Sibylla; cum id ipse præfari his verbis videatur:

Vltima Cumæi venit iam carminis ætas.

Nequæ enim Valerio Probo assentior, qui ibi *carmen Cumæum* exponit, non Sibyllæ Cumææ, sed Hesiodi, quem etiam Cumis natum constat: propterea quod & ipse varias hominum ætates per metallâ distinxit. Mihi verisimilius fit, Hesiodum a Sibylla hanc ætatum diuisionem sumpsisse, quam hanc ab Hesiodo: cum præsertim & Seruius Grammaticorum doctissimus, & cæteri omnes, ibi Cumæum carmen Sibyllinum interpretentur. Ita igitur hanc eclogam Maronis, vt a Sibyllæ carmine expressam, legentes fateri necesse est; ab ea quoque profectam hanc de vniuersali rerum omnium humanarum restitutione per statos & longissimos temporum circuitus doctrinam: quam tam plane his versibus Poeta insinuet:

*Alter enim tum Tiphys, & altera quæ vehat
Argo*

Delectos heroes: erunt etiam altera bella,

T a

Atque

*Atque iterum ad Trojam magnus mittetur
Achilles.*

Ita etiam Servius accipit, eiusque dogmatis auctorem Sibyllam hæud obscure proponit verbis supra allatis; quæ denuo in medium reducenda sunt, ut res pateat: *Dixit etiam* (Sibylla, de qua ibi loquitur) *finitis omnibus seculis rursus eadem renouari. Quam rem etiam philosophi hac disputatione colligunt; dicentes: completo magno anno omnia sidera in ortus suos redire, & referri rursus eodem motu. Quod si est idem siderum motus, necesse est ut omnia quæ fuerunt habeant iterationem.* Tum porro idem hæc verba explicans: *alter erit tum Tiphys: ex duabus interpretationibus quas proponit, posteriorem ipsammet quam sequimur priori præfert. Specialia* (inquit) *pro generalibus ponit. Nam per Tiphyn quemcumque gubernatorem accipimus: per Argo quamcumque nauem: per Troiam quamcumque ciuitatem: per Achillem quemcumque virum fortem. Videtur tamen locus hic dictus per ἀποκατάστασις, id est, per omnium rerum reuolubilitatem ex siderum ratione venientem, ut diximus supra.*

Hæc autem eo pertinent, ut omnes id quod dixi intelligant, mundanam fuisse vatem Sibyllam apud ethnicos: sicut Mosem apud Ebræos, & ex his fide oriundos Christianos: omnia scilicet tempora, & rerum humanarum vicissitudines

dines vaticinio complexam; cuius rei alia etiam argumenta adiungi possunt.

CAPVT IV.

*Aliæ obseruationes, quibus Sibyllinæ
diuinationis immensitas ampli-
us declaratur.*

IN his est istud, quod a Populi Romani iudicio & singulari erga Sibyllam pietate & reuerentia ducitur, a Virgilio etiam notata in sexto, vbi Æneam hæc Sibyllæ pollicentem inducit:

*Te quoque magna manent regnis penetralia
nostris.*

*Hic ego namque tuas sortes, arcanaque fata
Dicta meæ genti ponam: lectosque sacrabo
Alma viros. &c.*

Nisi forte putamus, temere & casu factum, vt orbis domitor populus, qui iura aliis omnibus daturus esset, vnam præ aliis cunctis vatem Sibyllam eligeret, quam de arduis quibusque rebus & ad summam imperii pertinentibus consuleret, cuiusque ad oracula, vbi quis grauior metus incidisset, velut ad sacram ancoram confugeret; ad id constitutis primæ nobilitatis viris quindecim, qui libros eius soli adire, & ex his quid agendum esset renunciare possent. Quæ religio tamdiu obtinuit quamdiu imperii Romani maiestas stetit. Nimirum qualis populus talis vates.

tes. Romani terrarum domini: non igitur alia vate vti debuerunt quam Sibylla, cuius, vt dictum est, afflatus & vaticinium nullis temporum, locorum, aut euentuum finibus circumscriptum esset.

Dixi, non alia vti debuisse vate: quod non ita intelligi velim, quasi credam, alios vates non fuisse, quibus auscultarent; nam & vaticiniis clari apud Romanos Martii fratres extiterunt, quorum præcita studiose asseruabant; & Bergomes utebantur Nymphælibris, quæ artem scripserat fulguritarum, apud Tuscos, auctore Seruio, ad versus modo laudatos e sexto Æneid. Id volo, Sibyllam supra cæteros vates honoratam fuisse a Romanis, vt eximiam & diuina quadam sorte electam, quæ summa auctoritate Populo Romano sua fata aperiret, tum, quod ad religionem in primis pertinet, quibus sacrorum ritibus & ceremoniis aut grates diis agendæ essent de prosperis rebus, aut placanda ira in aduersis, quibus denique prædicia sacris procuranda essent; de quibus paulo post dicendum erit.

Quod autem Romani tantum Sibyllæ oraculis tribuerunt, quis non causæ alicuius altioris destinationem agnoscat? siue Dei consilio, id, siue dæmonis factum est: cum neque Athenienses, neque Lacedæmonii, neque alia vlla Græciæ ciuitas gensue, sic affecti erga vatem eam fuerint, vt hanc aliis omnibus diuinis præferendam, & in eius oraculis sciscitandis salutem sitam arbitrarentur:

tur: quod Populo Romano persuasum fuisse ex omnibus historiis constat; cum Græcis quidem popularis, ac, vt ita dicam, domestica esset Sibylla, apud eos nata & educata, earumdem litterarum particeps, eodem sermone vaticinaretur; Romanis autem externa & peregrina esset. Hoc qui non admiratur, & forte quadam diuiniore factum non videt, valde obtusi est ad res perspicendas ingenii, hebetisque iudicii, qui tam manifesta discernere non valeat. Nihil enim mihi admirabilius videtur, quam feminam in Jonia, tam diffitis ab Italia oris, natam, ante Trojanum bellum, Romanis tanto ante tempore, vix dum fama cognitis, scripsisse oracula perpetua, quibus ad omnem rerum euentum feliciter vterentur. Quarum rerum quis aliam causam afferre possit, nisi quod Sibylla numinis, quo agebatur, instinctu fatalem ordinem sequebatur, quo Dei providentia aliarum gentium vires, per varios rerum humanarum euentus & reuolutiones, ad vnam Romani imperii maiestatem & supremum apicem paulatim, vt supra ex Polybio afferebamus, ducebatur? Sed quod ratio altius rerum ordinem intuentibus ostendit, ipsius Sibyllæ oraculis declaratum magis fidem inueniet, & vel inuitis extorquebit.

Est autem insigne istud, quo prædicit, fore vt e mari insula existat repente nunquam antea conspecta, quo tempore Romani victis Carthaginensibus bellum aduersus Philippum regem

Macedoniæ habebunt, atque omnes inter se gentes. Versus, quibus id prædicit, ex Plutarchi libro de Pythiæ oraculis referre opera pretium est.

Ἀλλ' ὅποτε Τρώων γενεὰ κατ' ὑπερθε γένηται
Φοινίκων ἐν αἰῶνι, τότε ἔσονται ἔργα ἄπιστα
Πόντος μὲν λάμψει πῦρ ἄσπετον, ἐκ δὲ κερ-
ραυνῶν

Πρηστῆρες μὲν ἄνω Διὸς κύματος αἰῆσιν,
Αμμιγα σὺν πέτρᾳ, ἥ δὲ σπρίζεται αὐτῇ,
Οὐ Φατὸς ἀνθρώποις νῆσος, ἢ χεῖρνες ἄνδρες
Χερσὶ βιητέμενοι τὸν κρείσσονα νικήσουσιν.

quæ sic Xylander vertit:

*Sed quando Pænos vincet Troiana propago,
Tunc incredibiles mortalibus evenient res.
Immensa canum fulgebit tunc mare flamma,
Fulminaque ardentes per cæcula vasta procellas
Torquebunt, saxumque simul: quod est insula
stabit*

*Firma loco, nullique hominum de nomine nota.
Tunc quoque præstantem superabunt deteriores
Vi propria freti, atque inuictæ robore dextre.*

Sunt autem in primis notanda quæ ibi Plutarchus ad eius oraculi declarationem affert, quæ proinde ipsius verbis subiungere placet: τὸ γὰρ ἐν ὀλίγῳ χρόνῳ Ῥωμαῖς τε Καρχηδονίων περιγενέσθαι καταπολεμήσαντες Αννίβαν, καὶ Φίλιππον Αἰτωλοῖς συμβαλόντα, καὶ Ῥωμαίοις μαχῇ κρατήσῃναι, καὶ τέλος ἐκ θυθῆ νῆσον ἀναδύνααι μὲν πρὸς πολλὰ καὶ κλύδωνος ὀπιζέσαντος, ἐκ ἂν εἴποι

ἔπειτα ὡς ἀπηντησεν ἅμα πάντες, καὶ συνέπεσε
 καὶ τύχην αὐτομάτως, ἀλλ' ἡ τάξις ἐμφαίνει
 τὴν προγνώσιν. καὶ τὸ Ῥωμαῖς πρὸ ἐτῶν ὁμῶς
 πεντακοσίων προεῖπεν τὸν χρόνον, ἐν ᾧ ἅπαντα
 τὰ ἔθνη πολεμήσουσιν ἅμα τῷτο ᾧ ἦν τὸ πο-
 λεμῆσαι τοῖς οὐκέτι δυνάσιν. id est, *Quod*
enim Romani breui temporis spatio Carthaginien-
ses subegerunt debellato Annibale, & ab iisdem ac
Ætolis Philippus praelio victus est, ac tandem e
profundo insula erupit cum multo igne & undis
ebullientibus: hæc nemo dicere potest simul omnia
fortuito casu euenisse, sed ordo prædictionem in-
dicat. Vt & hoc, quod Romanis ante annos fere
quingentos prædictum est tempus, quo bellum ad-
uersus omnes simul nationes gesturi essent: quod
factum est bello aduersus rebelles seruos suscepto.
 En quam stupenda attingit Sibylla e longinquo
 de Romanis, & bello quod iis fuit cum Pœnis;
 tum euerfa ab iisdem Carthagine; item de pro-
 digiis quæ post euenere; ad summum de serui-
 libello; & quod in primis notandum, quod
 eodem tempore ἅπαντα τὰ ἔθνη πολεμήσουσιν
 ἅμα, inquit Plutarchus, hoc est, omnes inter se
 gentes bello dimicaturæ essent. Quod supra a
 Polybio obseruatum recitabamus. Quo nihil
 in historia admirabilius contemplanti videri
 potest; & euidentis vigentis in his quoque per-
 plexis, & quæ fortuita vulgo censentur, numi-
 nis & prouidentię argumentum est. Præuisum
 tamen hoc a Sibylla Plutarchus testatur, qui car-

men eius integrum legerat ; cuius nobis miseræ reliquæ huc illuc per auctorum veterum tractatus dispersæ & fragmenta restant, ac ne illa quidem sincera, sed alienis maleferiatorum hominum fraude interpolata , vt quid genuinum, quid adscitum & nothum, vix discerni possit.

Non minus miranda quæ idem auctor paulo ante eadem charta dat Sibyllæ vaticinia alia, de prodigiis quibusdam posterius visis circa Cumas & Puteolos, contentus attingere suis verbis, cum vaticinia illa suo tempore extarent, nec Sibyllæ esse quisquam dubitaret. ταυτὴ δὲ τὰ πρόσφατα καὶ νέα. πάτη παρὶ τὴ Κύμην καὶ Δικαιαρχίαν, ἔχ' ὑμνέμενα πάλαι καὶ ἀδόμενα Διὶ τῶν Σιβυλλείων ὁ χρόνος ὥσπερ ὁ Φείλων ἀποδέδωκεν. ἐκρήξεις πυρὸς ὄρεϊς, καὶ ζέσεις θαλασσίας, καὶ πετρῶν καὶ φλεγμονῶν ὑπὸ πνεύματος ἀναρρίψεις, καὶ φθορὰς πόλεων, ἅμα τούτων καὶ τηλικούτων, ὡς μεθ' ἡμέραν ἐπελθῶσιν, ἀγνοῖαν εἶναι καὶ ἀπίθειαν, ὅπως κατὰ κήνητο τῆς χώρας συγκεχυμένης. ταῦτα γὰρ εἰ γέγονε πισθῶσαι χαλεπὸν ἔστι, μή τοι γὰρ περὶ πείν ἀνευ θεότητος. id est, Hec vero quæ recens apud Cumas & Puteolos acciderunt, nonne pridem Sibyllinis decantata carminibus tempus velut debitor persoluit? Eruptionem, inquam, montani ignis, feruorem maris, saxorum & massarum flagrantium vento explosa tormenta, tot tantarumque urbium interitum; vt hodie qui ea loca accedunt, ubinam conditæ fuerint discernere prorsus non possint,

*possint. Quod enim hæc omnino acciderint, diffi-
cile est credere, nedum prædici potuisse, absque
numinis afflatu. Hæc ibi ex Sibyllæ carmine
affert Plutarchus, sane digna in quorum confi-
deratione sistamus gradum, cum propter rerum
dignitatem, tum propter ipsam vatem, cuius
diuinationis præstantia & vniuersalitas ex his
clare admodum intelligitur.*

CAPVT V.

*Vaticinia supra ex Plutarcho allata
explicantur.*

PRimum illa consideremus de insulæ ortu
prædicta his verbis :

ἡ δὲ σφίγγεται αὐτῇ

Οὐ φατὸς ἀνθρώποις νῆσος.

Quæ sic Plutarchus explicat: καὶ τὰ πρὶ τῆς νή-
σος πάλιν, ἣν ἀνῆκεν ἡ πρὸ Θήρας καὶ Θερρασίας
πέλασσα. Latinus interpres ita vertit: *Et
illud de insula, quam ante Thera & Therasiam
edidit mare. Amiotus autem noster sic: Et
puis l'oracle qui fut donné de l'isle que produisit
la mer la, ou est aujourd'hui Thera & Therasia.*
Neuter satis commode. Sic oportuit: *Tum
oracula de insula, quam mare, quod est ante
Theram & Therasiam, sursum protulit.* Nempe
illud mare quod est supra eas insulas versus se-
ptemtrionem, vnde pontus supra Ægæum mare
incum-

incumbit. Hanc insulam tunc recens magno turbinum sonitu & flammarum e mari erumpentium terrore enatam neque vates neque Plutarchus nominant, ceu nomen ei nullum inditum fuerit : & *Φατὸς ἀνθρώποις νῆσος*. Attamen ex loco & tempore, quibus emerfisse dicitur, nempe circa bellum quod Romani aduersus Philippum regem Macedonum gesserunt, hanc ipsam esse colligo quam Plinius *Automaten* & *Hieram* vocat, Orofius *Vulcani insulam*. Plinii verba hæc sunt lib. 2. cap. 87. *Inter Cycladas Olympiadis CXXXV anno quarto, Thera & Therasia (supple enata.) Inter easdem post annos CXXX Hiera, eademque Automate.* Rursus lib. 4. cap. 12. *Thera, cum primum emerfisset, Calliste dicta : ex ea auulsa postea Therasia : atque inter duas enata mox Automate, eadem Hiera.* Subdit mox : *& in nostro æuo, Thia iuxta eandem Hieram nata.* Obiter mendum a nemine animaduersum auferam e textu Plinii. Quippe enatam mox Automaten, quæ Hiera eadem est, post Therasiam e Thera auulsam ; cum præcedente loco, non nisi post annos triginta & centum inter duas illas insulas enata Automate siue Hiera dicatur. Quare non *mox*, sed *post* legendum ibi esse res ipsa indicat : alioqui esset pugnantia in verbis Plinii.

Quo autem tempore prodigiosa hæc emerferit insula, & Plutarchus ibi, & Justinus lib. 30. cap. 4, vbi de rebus illius temporis, quo bellum

lum Romanos inter & Philippum Macedonum regem agitabatur, tradit. *Eodem (inquit) anno inter insulas Theram & Therasiam,* (ita enim legendum, non vt in excusis codicibus, *Theramenem & Therasiam*) *medio utriusque ripæ & maris spatio, terræ motus fuit. In quo, cum admiratione nauigantium, repente ex profundo cum calidis aquis insula emerſit.* De eadem insula accipiendus & Senecæ locus in 2. Natur. Quæst. cap. 26. *Cum maiorum nostrorum memoria, ut Posidonius tradit, insula in Ægeο mari surgeret, spumabat interdum mare, & fumus ex alto ferebatur.* Quibus ex locis patet, falli auctorem nuperum relationis de insula nunc vulgo Sant-Erini appellata, hoc est, Thera: cum eam insulam, quam Automaten & Hieram dictam fuisse ex Plinio ostendimus, cœpisse anno a Christi aduentu duodecimo emergere, inter Theram scilicet & Therasiam, prodit. Quomodo enim post Christum, quam Seneca maiorum suorum ætate enatam testetur; Justinus eodem anno quo Romanis bellum cum Philippo erat?

Quod spectat ad alias clades, quas idem Plutarchus recentes vocat, nempe non multum ab ea ætate qua scribebat remotas: facile ex iis quæ ibi memorat intelligi potest, cum loqui de memorabili illa ignium eruptione e monte Vesuuio, qua Plinium magnum vna cum multis Campaniæ vrbibus consumptum auctore Plinio altero, eius nepote, constat, qui eius cladis histo-

riam

riam in quadam ad Tacitum epistola describit. Fuit enim Plutarchus Pliniis suppar : nempe Domitiani, vel etiam supra, principatu viuens, Traiano etiam rerum potiente celebris, cuius præceptor fuit: vt quæ Plinii tempore acciderunt, πρόσφατα καὶ νέα πάθη, hoc est, *casus recentes & nouos* non immerito appellet; atque etiam eos qui sub Tiberio extiterunt, si sequentium principum breue æuum spectemus. Igitur ἐκρήξεις πρὸς ὄρεϊς *eruptiones montani ignis* de Vesuii incendio illo accipi debere palam est: ζέσεις αὐτὴν θαλάσσης *maris feruores* lapidumque tormento ignium eiaculationes ad Thiaï insulæ, cuius modo mentio facta est, orrum refero : Φθορὰς πόλεων *urbium funera* hiatu terræ haustarum, nullo superstitute vestigio, ad Pompeios non obscurum Campaniæ oppidum Neronis temporibus hoc modo abolitum. De qua horrenda calamitate videndus Seneca, qui eam lib. 6. Natur. Quæst. accuratissime describit. His addi possunt Asiæ vrbes duodecim, Tiberii ætate motu terræ noctis vnus mora prostratæ. Quos casus omnes tanto ante tempore a Sibylla fuisse prædictos ex his Plutarchi locis discimus.

Sed nos talia e veterum scriptorum monumentis vaticinia eruentes Scaliger, vir magnus, Animaduersionibus ad Eusebium inanis operæ arguit, reuocatque ab inutili labore; admonens, hæc a Græculis otiosis fuisse conficta &

pro Sibyllinis obtrusa. Hæc quam facile dicuntur, tam prompte refelli possunt. Non longa mihi erit cum Scaligero & aliis eiusdem opinionis altercatio. Quæram solum, putentne aliquam olim fuisse vatem quæ Sibylla diceretur? Non arbitror aliquem tam perfictæ esse frontis, ut id neget, quod tanto scriptorum omnium consensu proditum est. Si talis vates extitit, Sibyllæ nomine omnibus nota: necesse est, aliqua eius fuisse vaticinia; quomodo enim vates diceretur, cuius nulla extitissent vaticinia? Velim igitur mihi explicent, qua coniectura, quo indicio possim vera a fictis discernere? Magisne in his oculati & perspicaces, quam Heraclitus, quam Plato, quam Plutarchus, quam Pausanias, & alii iudicio & eruditione præstantissimi scriptores, nobis pro veris Sibyllæ oraculis legenda proposuerunt? Me quidem non agnosco esse tam astutum neque tam callidum. In his, ut in aliis longe a nostro sensu & providentia remotis, veterum testimonia libenter sequor, quodque maximi in talibus momenti arbitror, consentientem sapientum auctoritatem, ubi præsertim nullam idoneam video rationem qua infringi possit. Quod enim video obiici posse, unicuique censuræ illius tam inclementis fundamentum esse videtur; folius esse Dei illuminare hominum mentes ad pervidenda rerum futurarum arcana; non esse autem credibile, feminam dæmonum cultui manci-

mancipatam tali munere dignatam fuisse ; illa quæ nomine illius vaticinia circumferuntur , eiusmodi esse , vt si multo ante rerum euentus edita credantur , non potuerint aliunde nisi ab ipsa æternitate demitti, quod a femina ethnica omnino alienum censent : id ergo relinqui, vt posterius ab otiosis hominibus conficta credantur ; hoc inquam , inualidum esse fundamentum infra ostendam.

Hæc non ita dico , quod pertendam, omnia quæ Sibyllæ adscribuntur genuina illius esse ef-fata ; absit ; id volo , cum in hoc genere multa veris falsa inserta ac supposita esse constet, acerrimo opus esse iudicio ad constituendam aliquam rationem quam sequi debeamus, ne temere quæ sunt genuina explodamus , ficta amplectamur. Hæc autem ex Plutarcho afferre visum est tum propter tanti scriptoris auctoritatem , tum quia ex his apparet , nullam in rebus humanis maioris momenti accidisse mutationem, quam non longe ante in conspectu habuerit. Quod euidentius adhuc ex his quæ sum dicturus patebit.

CAPVT VI.

*Alia Sibyllina diuinationis proprietas
apertius declaratur.*

Sunt alia apud antiquos auctores Sibyllæ oracula, suo cuique studio & industria obseruanda ;

uanda ; vel potius legenda apud eos , qui pridem in his colligendis diligentiam suam ostendete voluerunt. Caterum ex iis , quæ modo ex Plutarcho exposui , intelligi potest , qualis fuerit character Sibyllinæ diuinationis. Hæc enim aut tota aut ex parte versata est in prodigiis , quæ quoque tempore euentura essent , notandis , tum explanandis sacrorum ritibus , quibus placanda ex his impendens deorum ira , clades auertendæ essent. Clarum id ex Romanæ historiæ monumentis , & scriptoribus eius gentis : quorum aliquot loca & prompta ex iis exempla subiungere haud abs re fuerit. Terentius quidem Varro in præfatione librorum de re rustica testatur his verbis ; supra quidem libro primo huius tractationis à me allatis , & denuo hic recitandis : *Neque patiar Sibyllam non solum cecinisse quæ , dum viueret , prodesse hominibus , sed etiam quæ cum perisset ipsa ; & id etiam ignotissimis quoque hominibus. Ad cuius libros tot annis post publice solemus redire , cum desideramus quid faciendum sit nobis ex aliquo portento : me ne dum riuo quidem , necessariis meis quod prosit , facere.* Et hoc quidem de causâ , propter quam ad irrisoleret ad Sibyllæ libros , obiter & in transcurso Varro , non tamen sine magna auctoritate.

Cicero ex professo & copiose idem in primo de diuinatione ostendit. Quo loco & responsa aruspicum cum Sibyllæ versibus congruisse testatur ; idque non in vno tantum prodigio , sed

in omnibus, quæ quodam tempore accidissent. Locum cum omnino adscribendum censui: est enim notatu dignus & magni inprimis ad hanc rem momenti: *Ad nostra iam redeo. Quoties Senatus decemuiros ad libros ire iussit?* Hic primum observa, vt *libros* simpliciter appellet, quibus Sibyllæ vaticinia continebantur: quo pacto nos Biblia vocamus, quibus totius religionis nostræ & diuinæ sapientiæ arcana traduntur. Sed reliqua videamus. *Nam & cum duo visi soles essent, & cum tres lune, & cum faces, & cum sol nocte visus esset, & cum ex celo fremitus auditus, & cum celum discessisse visum est, atque in eo animaduersi globi.* Delata etiam ad *Senatum* labes agri Priuernatis, cum ad infinitam altitudinem terra discessisset, *Apuliaque maximis terræ motibus conquassata esset: quibus portentis magna populo Romano bella, perniciosæque seditiones denunciabantur. Inque his omnibus responsa aruspicum cum Sibyllæ versibus congruebant.* Eodem loco post aliorum prodigiorum enumerationem subdit: *Nonne & aruspices ea responderunt, quæ euenerunt; & in Sibyllæ libris reperiæ eadem prædictiones sunt?*

His locis manifestum fit id quod dixi, de ratione & conditione Sibyllinæ vaticinationis; hanc scilicet in iis ipsis versatam, de quibus aruspices respondere solerent. Quod autem mos esset, si quæ prodigia & ostenta visa alicubi essent, ire ad aruspices, sciscitari eorum sententiam

tiam de iis portentis, quid agendum esset, quibus sacris procurari deberent, tot apud auctores loca extant, quibus id demonstrari potest, ut vanum mihi videatur in re manifesta diligentiam velle ostendere. Pergamus igitur, & quod propositum est aliorum auctorum non minus grauium testimoniis confirmetur. Ita igitur Plinius lib. 7. cap. 25. *Subsedit in Cumano arbor graui ostento, paulo ante Pompeii Magni bella ciuiliu paucis ramis eminentibus. Inuentum Sibyllinis libris, internecionem hominum fore, tantoque eam maiorem, quanto propius ab vrbe post ea facta esset.* Et lib. 11. cap. 29. ubi de locustarum maleficio agit: *Italiam (inquit) ex Africa maxime coorte infestant, sepe populo ad Sibyllina coacto remedia confugere inopie metu.* Vbi Sibyllina remedia appellat præcepta in iis libris scripta de iis, quæ ad placandam deorum iram, talibus inusitatis signis denunciata, fieri deberent. Nec dubium quin & fames inter portenta, ut ibi, referri debeat. Ita quidem & Iulius Obsequens in libro de prodigiis cap. 60. accipit: *Ex Sibyllinis supplicatum cum sex mensibus non pluisset.* Præterea cap. 72. *Pestilentia fameque ita laboratum, ut ex Sibyllinis populus circa compita sacellaque operaturus sederit.* Idem de aliis prodigiis cap. 42. *Crebro de cælo lapidatum est: lectis igitur Sibyllinis, inuentum est, tunc demum hostem alienigenam, qui terræ Italie bellum intulisset, pelli Italia posse, si Idea mater*

ex Pessinunte Romam adueheretur. Idem obseruare licet in Taciti annalibus lib. 15. vbi de incendio vrbs : Mox petit (Nero) a diis placula, aditique Sibyllæ libri, ex quibus supplicatum Vulcano & Cereri Proserpineque, ac propitiata Juno per matronas, primum in capitolio, deinde apud proximum mare. Nec minus confirmant, quæ ex veterum monumentis refert Lactantius lib. 2. de origine erroris cap. 4. Denique Gracchanis temporibus, turbata republica & seditionibus & ostentis, cum repertum esset in carminibus Sibyllinis, antiquissimam Cererem debere placari, legati sunt Ennam missi. Vnum addam ex Liuiio & Plutarcho, ex quo maxime intelligi potest, non modo quibus de rebus potissimum Sibylla, sed & quali afflata genio vaticinaretur. Verba Liuii hæc sunt lib. 2. Decade 3. In negotio Vestalium, quarum due stupri compertæ fuerunt, cum id facinus in prodigium versum esset, decemuiros libros adire iussi sunt. Et Q. Fabius Pictor Delphos ad oraculum missus est, sciscitatum quibus precibus supplicationibusque deos posset placare, & quænam futura finis tantis cladibus foret. Interim ex fatalibus libris sacrificia aliquot extraordinaria facta : inter quæ Gallus & Galla, Græcus & Græca, in foro boario sub terram viui demissi sunt in locum saxo conseptum, ibi ante hostiis humanis minime Romano sacro imbutum.

Meminit & Plutarchus in problematis Romanis nefariæ huius superstitionis & cruenti sacri,
non

non sine graui Romanorum censura, qui id facere sustinuisſent, quod in aliis gentibus palam, vt par eſt, damnarent, atque etiam in Bletoneſiis vindicandum cenſuiſſent. τῆς δὲ προφθάρως δεινῆς φανείσης, ἔδοξεν ἀναιρεῖσθαι τὰ Σιβύλλεια τῶν ἱερέων· εὐρεθῆναι δὲ Φασι χρησμὸς ταῦτά τε προσηλθόντας ἀλλοκότοις τοῖσι δαίμοσι καὶ ξένοις. ἀποτροπῆς ἕνεκα τῶν Ἰππώντορος προέειπε δύο μὲν Ἕλληνας, δύο ἤ Γαλάτας ζῶντας αὐτόθι κατορυγένας. id eſt, *Quod enim indignum facinus viſum eſſet, placuit vt ſacerdotes Libros Sibyllinos conſulerent. In his vero reperta ainnt oracula, quibus cum eadem prædicerentur, vt in perniciem ceſſura: tum quæ iuberent duos homines. Græcos & totidem Galloſextraneis deuouere numinibus & peregrinis demonibus, mali auerruncandi cauſa.* Quo ſane vel vno exemplo. patet, non recte iudicaſſe beatum Auguſtinum, cum lib. 18. de ciuitate Dei cap. 23. Sibyllam Erythream ſiue Cumanam nihil in toto carmine ſuo habere cenſet, quod ad falſorum deorum cultum pertineat. Quod poſt loca allata a nobis de iis, quæ Sibylla facienda præciperet, ſi in dubium vocari poſſet, plenam fidem acciperet hiſce locis Plinii ita prodentis lib. 7. cap. 35. de Sulpitia Patereuli filia, vxore Q. Fuluii Flacci: *electa* (inquit) *ex centum præcipuis, quæ ſimulacrum Veneris ex Sibyllinis libris dedicaret.* Quod ipſum & Valerius Maximus confirmat lib. 8. cap. 16. Sed & altero eiſdem loco lib. 14.

cap. 29. de priscorum Romanorum observatione : *Idem Floralia IV. Cal. eiusdem* (mensis Maii) *instituerunt Urbis anno quingentesimo sexto decimo, ex oraculis Sibyllæ, ut omnia bene deflorescerent.* Ne quid vîquam esset vacuum superstitione in naturâ, ac solis ipsius cursum vimque terræ & benignitatem festorum insania Sibyllæ oráculo traheret. Quid plura? Urbes etiam quibusdam locis Sibyllæ monitu conditæ. Auctor idem Plinius lib. 3. cap. 17. *Oppidum Eporedia Sibyllinis libris a populo Romano condi iussum.* Sed de his satis.

Hæc autem asserre visum est, ut intelligatur, qualis Sibyllæ diuinitas fuerit, quidue ipsa ab aliis vatibus differret. Apparet enim non vnus nationis fuisse Sibyllam, sed omnium, & plane mundanam : præterea non simpliciter prædixisse, quæ euentura essent, sed quatenus significata prodigiis & terroribus ; cum perpetuo ad vnumquemque euentum quid portenderet mali, & quibus sacris dii propitiandi essent, diceret, hocque modo magis ac magis superstitionem confirmaret : ut non immerito Casaubonus exercitat. XL. ad apparat. Annal. Baronii Num. 20. scripserit : *Nibil unquam ex illis libris (Sibyllinis) prolatum, quo gentium error & ille insanus demonum cultus non confirmaretur, aut etiam noua accessione impietatis non augetetur.*

CAPVT VII.

*An, quæ Sibyllæ nomine ferebantur,
oracula a quibusdam impostoribus
in occulto scriberentur, & pro
oraculis deinde populis ob-
truderentur.*

Hæc etiam argumento intelligi potest, non fuisse hæc, quæ pro Sibyllinis proponerentur populis, omnia quorundam fraude conficta, ut Scaligero supra laudato & aliis visum est. Quis credat, alicui homini in mentem venire posse, ut si oracula fingere velit, sic illa componat, ut homines insontes virginesque & pueros iugulari, aut viuos terræ infodi reipublicæ causa præcipiat? ut cuiquam, nullo odio impulsus, tam horrendæ in proprium genus crudelitatis auctor esse velit? Quam sæpe vatum monitu cæcæ sint humanæ hostiæ, historiarum veterum monumenta fidem faciunt. Res adeo nota, ut exempla superfluum putem referre. Noti sunt Lucretii Epicurei versus, quibus religionem ob hæc sacra infanda, ut scelerum auctorem, impugnat:

quin contra sæpius olim

*Religio peperit scelerosa atque impia facta,
Aulide quo pacto Triuiæ virginis aram
Ipbianasseo turparunt sanguine fœde,
Ductores Danaum &c.*

Sed & talium exempla olim in scholis rhetorum vulgata & declamationibus celebrata fuisse ex Petronio discimus, ubi de umbraticis illis declamatorum nugis agit: in quibus & *responsa* commemorat *in pestilentiam data, ut virgines tres aut plures immolentur* &c. Hec profecto immanitas in hominem non cadit, nisi a cacodæmone afflatum; neque ipse Plutarchus negare potuit, confessus in sylloge Quaestionum Romanarum, eiusmodi oraculorum auctores fuisse dæmones, non quoslibet, sed *ἀλλοτρίους καὶ ξένους*, hoc est, *alienos a nobis & peregrinos*. Ex quo efficitur, Sibyllam quoque ipsam, cuius similia responsa feruntur, non humano consilio, sed dæmonis infensi hominibus afflatu concitatam talia scripsisse. Præterea, qui potuissent fictis tam certo respondere euenta rerum? Quod enim, qui hæc ficta volunt, oraculorum ambiguitatem causantur, rem tam veris quam fictis oraculis communem afferunt. Cæterum non omnibus ea fuit ambiguitas, ut quo spectarent non rebus postea manifestis palam fieret. In oraculo quod Græcis datum bello Persico, quo iussi Athenienses ligneis muris urbem munire, perplexitas incescit, qui muri lignei intelligi deberent. Aliis alia cogitantibus, solus Themistocles verum oraculi sensum perspexit. Num igitur propterea putandum est, confictum id oraculum fuisse Themistoclis consilio, ac Delphis pronunciatum a Pythia ex compacto? Nemo quidem dixit
hæc-

hactenus; sed fieri non potuisse intelliget, qui historię illius momenta omnia sedulo expendet. Tum ex aliis responsis certo demonstrari potest: quę cum multa sint, diligentius perquire atque expendere non est pręsentis temporis. Solum, quod maxime negotium facit & multorum incredulitatis fundamentum esse arbitror, expendam ac remouere conabor. Nempe vnus Dei, qui vt omnium auctor & principium, omnium, quę sunt, rationes in sua æternitate continet, munus singulare esse scientiam futurorum dicunt. Quod igitur Dei proprium, qui fieri potest vt Dei hostes demones suis cultoribus conferant? Neque enim iis innata eiusmodi scientia esse potest, quam Dei esse propriam omnes fatentur; neque Dei munere iisdem tribui, qui, vt ait Judas Apostolus, non seruauerunt principatum suum, quos Deus in iudicium magni diei vinculis æternis sub caligine reseruat. Quod autem aliquis non habet, quomodo aliis largiatur? Hęc nisi fallor præcipua est ratio derogandi fidem Sibyllinis, & aliis pręscorum vatum responsis.

Sed qui sic disputant, non satis considerant eminentiam & amplitudinem virtutis diuinę, quę tanta est vt nullam non partem vniuersi attingat, moueat, gubernet, modo congruenti. Non enim, vt multa sunt finitę rerum creaturarum virtuti inuia, sic diuinę; sed hęc, vt omnium dõmina, nihil abs se omnino alienum

esse voluit. Itaque ne ipsa quidem damnatorum spirituum natura ita est a Deo aliena, ut nihil diuini luminis & sapientiæ ad eos vnquam perueniat. Sunt sane cacodæmones ejusdem cum angelis sanctis naturæ participes, nihil ab iis quod naturam attinet differentes. Proinde ut illi ex proprii gradus nobilitate luminis semper diuino patent, ad nonnullas de futuris, prout Deo visum est, excipiendas notiones, quas hominibus tradant: sic & mali dæmones nonnullis afflari interdum ejusdem veritatis supremæ radiis, ad quædam præsciscenda futurorum contingentium, mirandum non est: cum id naturæ eorum gradus & rerum ordo postulet. Estque hæc consideratio satis consentanea iis quæ habet beatus doctor Thomas Aquinas in secunda secundæ partis quæst. 172. artic. 5. & 6. *Supra intellectum humanum est non solum intellectus diuinus, sed etiam intellectus angelorum bonorum & malorum secundum naturæ ordinem. Et ideo quædam cognoscunt dæmones etiam sua naturali cognitione, quæ sunt remota ab hominum cognitione, quæ possunt hominibus reuelare. Quod postquam de naturali eorum cognitione proposuit, deinceps de ea quæ iisdem ex diuina reuelatione, aut beatorum angelorum illustratione, circa res futuras contingit, sequenti articulo in hunc modum sciscit: Deus utitur etiam malis ad utilitatem bonorum: unde & per prophetas dæmonum aliqua vera prænunciat;*
tum.

tum ut credibilior fiat veritas, quæ etiam ex aduersariis testimonium habet; tum etiam quia cum homines talia credunt, per eorum dicta magis ad veritatem inducuntur. Vnde etiam Sibylle multa vera prædixerunt de Christo. Sed etiam quando prophætæ dæmonum a demonibus instruantur, aliqua vera prædicunt: quandoque quidem virtute propriæ naturæ, cuius actor est Spiritus Sanctus; quandoque etiam reuelatione bonorum spirituum. Et sic etiam verum, quod dæmones enunciant, a Spiritu Sancto est. Hæc eo loco diuinus ille magister, quem in iis quæ ad contemplationem attinent, merito coryphæum & scholæ angelum dici, & semper venerandum censeo.

Cur autem ab angelis beatissimis, vel etiam Spiritu sancto dæmones interdum fiant compotes veritatis de futuris contingentibus, aliquam oportet esse rationem, quam beatus ille doctor non declarat, neque is quem testem citat Augustinus, theologorum aquila. Dæmonem post primi hominis lapsum vniuersi generis humani imperium vsurpasse, omniumque qui exinde in ortum venerunt rectorem & dominum se gessisse, extra controuersiam est: cum Scriptura id palam testetur, hocque fundamento religio nitatur. Iustum enim est regnum eius, cui se multi sponte submitunt. Quod Adamum fecisse legimus, cum dæmoni auscultans dictisque eius potius quam Dei credens, fidei eius se vltro com-

commisit. Quo pacto in eius potestatem incidit, pressusque est eius tyrannide, a qua non potuit liberari nisi per Christum: qui hac causa hominis naturam sumpsit, ut posset mori pro homine: quod & fecit; & iniuria occisus dæmonis impulsu & fraude, cui increduli Judæi ministrabant, cum esset innocentissimus, damnato expulsoque diabolo, ipse a morte, quam non merebatur, resurrexit, tum cæteris hominibus sibi fide in vnum corpus adiunctis similem reditum & immortalitatem absterisa delictorum labe commeruit. Ad eum igitur diem, quo passus est pro hominibus Christus, supremam in hominis potestatem dæmon exercuit; eos scilicet qui Deum ignorabant, & in tenebris antiquis versantes quo se conferrent, quidue spei hominibus relictum esset, nesciebant: quam omnium gentium a mundi exordio vsque ad Christi aduentum conditionem fuisse constat.

Hincque est quod Christus bis in Johannis euangelio diabolum *principem huius mundi* vocat; & Apostolus *rectores harum tenebrarum* dæmones appellat. Cum ergo earum gentium diabolus princeps dominusque esset, consequens fuit, ut nihil illi deesset earum rerum, quæ viderentur necessariae ad regnum tuendum, quod in homines adeptus fuisset. In his vel præcipuam fuisse aio. aliquam cognitionem futurorum contingentium: utpote qua maxime opinio-

opinionem diuinitatis apud omnes consequi posset. Est enim communis hæc hominum persuasio, propriam esse Dei hanc cognitionem; quod constat experientia, neminem scire posse suo pte ingenio & prudentia, quid sibi impendeat boni vel mali, aut aliis, in futuro tempore. Hinc igitur est, quod tot priscis seculis dæmon vates tot loca oraculis famosa habuit. Nimirum intellexit, quanti hæc reuelatio futurorum momenti esset allatura ad fidem gentilibus diuinitatis suæ faciendam; quæ nisi crederetur, non erat cur templa illi & aras homines dicarent, cur eum colerent, illi immolarent, & reliqua cultus diuini exhiberent.

Hanc igitur scientiam futurorum sibi semper arrogauit superbissimus dæmon, tum eius se esse compotem variis artibus persuadere hominibus studuit; partim quæ futura essent incredibili illa, qua pollet, sagacitate coniiciens; partim inuoluens ambagibus verborum, ne, quantumque in partem euentus cessisset, mendacii redargui posset. Verumtamen in his multa vidisse ac prædixisse vera, Deo concedente, cum historiæ monumenta fidem faciunt, tum rerum ordo, quem Deus in omnibus constituit, demonstrat. Vnde enim tam certa dæmon de futuro prænunciare potuisset, nisi Deus illi etiam adesset? Hoc igitur ea, quam dixi, ratione factum putandum est, ne quicquam eorum,

rum, quæ dæmonis regno conuenirent, a Deo contra ordinem rerum & consequentiam denegatum viderent. Quæ est autem hæc consequentia? Vt hominis primi facinus non in ipso tantum, sed etiam in maxima hominum parte vindicaretur. Quid enim iustius fieri potuit, quam id iugum ferre hominem, quod sibi arbitrio proprio imposuisset? Hac igitur ratione probe intellecta cessat omnis scrupulus, apparetque non esse alienum a dæmone, hunc de quibusdam futuris contingentibus, Deo concedente, certa oracula promere: cum quædam illi diuinitus concessa olim fuisse in sacris libris legamus; vt virum sanctum Job iis infortuniis mactare quæ in volumine nomine eius conscripto legimus: item transire in porcos & totum gregem fluctibus mergere, vt illi concessum fuisse in Euangelio legimus: immo vero, quod omnem superat audaciam, ipsum Dei filium rapere in templi Jerosolymitani fastigium, atque inde in montem excelsum. Quæ & alia non minus stupenda cum Deum a dæmoni annuisse legamus, cur quorundam, quæ euentura essent, concessam illi aliquando scientiam negemus, in pœnam eorum, qui prauissimis opinionibus atque omni vitiorum colluie corrupti talis seruitutis iugum merebantur, vt magis ac magis erroribus implicarentur? Non magis profecto mirum videri debet, Deum reuelare malis generis aliquid rerum futurarum, quam eius potestati

stati tot nationes florentissimas tam longo seculorum decursu permittere, numinis titulo atque auctoritate regendas; quod esse factum, & nunc fieri in maxima orbis parte, certissima literarum monumenta & recentes historiae testantur.

Quod cum mecum attentius reputo, satismirari non possum, Patrum nonnullos tantum laboris sumere in suis disputationibus contra gentes, ut probent, nihil Apollinem vidisse de futuris euentis, ac dæmonum oracula omnia falsa fuisse, vel certe quibus rerum exitus respondisset, fortuito & casu quodam id accidisse. Ita quidem Theodoritum Cyri episcopum in crudito opere quod curationem Græcarum affectionum appellat, æstuantem videmus in re minime necessaria, dum oraculis antiquis omnem fidem abrogare conatur: ceu in hoc Christianæ religionis pro-
ra & puppis, quod aiunt, versetur, si oracula illa omnia falsa fuisse probentur. Quem inanem esse metum abunde supra ostendimus. Neque porro ad rem pertinet, quod idem Theodorus obiicit, de falsitate oraculorum. Neque enim pertendimus, semper dæmonem vera dicere, cum sit mendax, præsertim de futuris; sed hoc volumus, non illi esse negatum verum aliquando dicere; prout illi Deus tribuit vera loqui, cum de præsentibus occultis, tum de futuris quæ ex illo homines sciscitantur. Quod autem id tenentes ne latum quidem digitum, quod

quod aiunt, a recepta theologorum doctrina recedamus, locus supra citatus ex Thomæ summa declarat. Immo hoc ipsum est, quo discerni verè prophetæ a prophetis dæmoniorum possunt; quod illi semper vera dicunt, hi aliquando falsa. Ita idem Thomas ibi ex Chrysostomo.

CAPVT VIII.

An prisca vates, qui in gentibus responsa dabant, temere & fortuito futurorum euentuum veritatem attigerint.

NON est proinde quod iis accedamus, qui propterea quod dæmon non semper vera de futuris contingentibus pronunciat, sed falsa interdum, & plane falsus fuisse deprehenditur, exinde inferunt, non nisi casu vera aliquando dicere: ac temere nominum & verborum de omnifariis rerum euentibus multitudinem effundere vates, ac in immensum tempus, velut in mare profundum, demittere atque dispergere, quo verba illa cadant securos; casu autem fieri ut quædam interdum in id incidant quod vere euenturum est. Ita Boethus Epicuri sectator apud Plutarchum de Sibyllæ & aliorum vatum responsis differens inducitur, congruenter scilicet disci-

disciplinæ quam profitebatur. Σίβυλλαι δὲ, αὐταὶ καὶ Βακίδες, ὥσπερ εἰς πόντον ἀτεκμαίρ-
τως τὸν χρόνον κατέβαλον καὶ διέσπειραν ὡς ἔτυ-
χε παντοδαπῶν ὀνόματα καὶ ῥήματα παιδῶν
καὶ συμπλημάτων. οἷς γινομένων ἐνίων διὰ τύ-
χης, ὁμοίως ψεῦδός ἐστι τὸ νῦν λεγόμενον, καὶ
ὑπερβν ἀληθῶς εἰ τύχοι γένηται. Sed & Dio-
genianum citat Theodoritus dicto loco eadem
sentientem: νῦν ᾧ τοσῶτοι τοῖς εἰρημένοις περσ-
θήσω, ὅτι μάλιστα μὲν τὸ ἀληθεύειν ποτὲ τὰς κα-
λαμένους μάντις ἐν ταῖς περαγορεύσεσιν, ἐκ ὀπι-
σθήμης, ἀλλὰ τυχικῆς αἰτίας ἔργον ἂν εἴη. & γὰρ
τὸ μηδέποτε τὰ περχειμένους τυγχάνειν, ἀλλὰ
τὸ μὴ πάντοτε, μηδ' ὡς ὀπιτοπλείσων, μηδ' ὡς
ἐξ ὀπισθήμης, ὅταν τις καὶ ποτὲ τυγχάνῃ καλεῖν
περχειλήφωμεν, οἱ διειληφότες τὰς ὑφ' ἑκαστον
ὄνομα τεταγμένας ἐνεργεῖς ἐννόας ἐαυτῶν. id est,
*Nunc vero tantum hoc superius dictis adiiciam, quod
si quando veri inuenti sunt in suis prædictionibus ii,
qui vates appellantur, nullius quidem scientiæ sed for-
tunæ opus id fuit. Haud enim fortunæ opus ap-
pellandum censemus, si quis nunquam propositum
sibi finem assequatur, sed si non semper, nec plu-
rimum, verum raro citraque scientiam assequa-
tur, distinguentes singulis nominibus attributas
manifestasque animi nostri conceptiones. Hæc
ex Diogeniano Theodoritus. An autem illo,
qui genere Pergamenus, Plutarchi suppar, & vt
verisimile est, amicus, quippe in eorum nume-
ro, quos in Symposiacis laudat; aut alio; aliis
considerandum relinquo.*

Verum huius opinionis vanitatem Serapion ex eadem Plutarchi disputatione strenue redarguit, cuius verba superioribus adiungere visum est: Τοιαῦτα τὸ Βοήθῃς διελθόντος, ὁ Σεραπίων, δίκαιον, ἔφη, τὸ ἀξίωμα πρὸς τῶν ἔτιως λέγει Βοήθῃς ἀορίστως καὶ ἀνυποθέτως λεγομένων εἰ νίκη στρατηγῶν προείρηται, νενίκηκεν· εἰ πόλεως ἀναίρεσις, δόλωλεν ὅπως ἢ ἔμόνον λέγεται τὸ γενησόμενον, ἀλλὰ καὶ πῶς, καὶ πότε, καὶ μετὰ τι, καὶ μετὰ τίνος, ἔκ· ἔστιν εἰκασμός τῶν ἄλλα γενησομένων, ἀλλὰ τῶν πάντως ἔσομένων προδήλωσις. id est, *Hæc cum Boethus diceret: vera est, inquit Serapio, hæc sententia de iis, quæ ita prædicuntur, sicut Boethus dixit, indefinite & incerto argumento: puta, si vicit imperator, cui prædicta fuit victoria; si vrbs deletur, cui excidium prædictum est. Vbi autem non modo quid futurum sit, sed etiam quomodo, quando, qua occasione, quo auctore, prædicatur; non est hoc coniectatio eius quod fortasse futurum est, sed certo futuri prædictio.* Hæc est igitur solutio: non posse dici fortuitum quod non simpliciter affirmatur futurum, sed iis adiunctis signatum atque definitum, quibus particularia indicari solent & quasi digito monstrari, nempe loco, tempore, modo, personarum differentiis. Quod genus prædictionis non scientia, sed solo numinis afflatu hominibus comparari Ptolemæus in centiloquio fatetur his verbis: ἔγχαρ ὅτι δυνατὸν, τὸν ὀπισήμονα τὰς μερικὰς ἰδέας τῶν πραγμάτων.

γυμάτων ἀναστῆλαι. Et paulo post: μόνοι γὰρ οἱ ἐνθουσιῶντες προλέγασιν καὶ τὰ μερικὰ. *Neque enim fieri potest, ut aliquis sola scientia humana fretus particulares rerum differentias prænunciet. Soli etenim numine afflati & diuino furore correpti predicunt particularia.*

Quod autem & Sibylla & Pythiæ multa hoc modo, hoc est, distincte & particularibus signata differentiis futura prænunciarint, exemplis deinceps ostendit Plutarchus: in quibus & illud oraculum affert, quod Lacedæmoniis prolatum fuit, tunc cum Agesilaus & Leotychides inter se contenderent, vter Archidamo patri in regnum succederet. Cuius oraculi multa fit mentio in monumentis Græcorum, Xenophon-tis tertio Ελληνικῶν, Pausaniæ Laconicis, Plutarchi Agesilao. Est autem eiusmodi:

Φράζεο δὴ Σπάρτη, καίπερ μέγалаυχος
ἔῃσσι,

Μὴ σέθεν δρετίποδος βλάβη χωλὴ βασιλεία.
Δηρὸν γὰρ μόχθοι σε καταρήσσωσι ἄελπτοι,
Φησίεργτόν τ' ὅππῃ κῦμα κυλινδομένον πολέ-
μοιο.

id est,

*Sparta caue, quamvis alte te gloria tollit,
Rex valida tibi det pedibus ne incommoda
claudis.*

*Namque insperatos cogeris ferre labores,
Pestiferosque diu belli subsistere fluctus.*

Neque est quod fictum e re nata id oraculum tunc suspicemur ; propterea quod Plutarchus tradit, a Diopithe quodam istud fuisse propositum super ea contentione, quæ tunc in partes ciuitatem scindebat ; aliis Agefilao regnum decernentibus, aliis Leotychidi : Diopithes autem in Leotychidæ partibus fuisse videri possit. Verum quæ eo loco scribit Plutarchus eam suspensionem facile a Diopithe depellunt. *Ἦν ὁ Διοπέθης ἀνὴρ χρησμολόγος ἐν Σπάρτῃ, μαντείων τε παλαιῶν ὑπὸ πλεῶσι, καὶ δοκῶν περὶ τὰ θεῖα σοφὸς εἶναι καὶ περιττός· ἔτος δ' αὖ ἐφη θεμιτὸν εἶναι χυλὸν γενέσθαι τὸν Λακεδαιμόνος βασιλέα, καὶ χρησμὸν ἐν τῇ δίκῃ τοῖς τοῦ ἀνεγίνωσκε. id est, Erat Diopithes vates Sparte, vir veterum oraculorum memoria abundans, tam magna pollens auctoritate apud populum, quod maiorem rerum diuinarum cognitionem & sapientiam præ aliis omnibus adeptus videretur. Is fas esse negabat claudum Lacedæmone regem creari, & tale in ea lite vaticinium proferebat.* Ita regnum Agefilao, qui claudus erat, derogari eo oraculo monebat iste Diopithes ; quem vt dixi, tam prolixum & honorificum Plutarchi testimonium suspitione omni fraudis liberat. Cui si locus fuisset ullus, profecto non præterisset tam perspicacis prudentiæ virum, tam rigidum censorem omnis fraudulentiae, & superstitionis, quam singulari volumine impugnandam censuit, implacabilem hostem, si quæ vnqua

vnquam fuit. Idne in re tanti momenti dissimulasset tam acris tam seueri supercilii philosophus, si suspicioni locum vllum esse putasset?

Atqui alias non parcere solitum censuræ in tales impostores, locus ostendit in Nicia: vbi de concionibus agit, quas tunc Athenienses de Siculo bello habebant, tum oppositis Nicia & Alcibiadis factionibus: illo vehementer id bellum dissuadente; hoc omni vi instante vt susciperetur. Cum enim vates aliquot & sacerdotes idem quod Nicias censerent, Alcibiades alios habebat vates, & oracula de eo bello suscipiendo in medium proferebat; nempe falsos aut pecunia corruptos vates, ficta oracula. Καί τοι λέγεται πολλὰ καὶ πρὸς τῶν ἱερέων ἐναντιῶν πρὸς τὴν στρατείαν ἀλλ' ἰτέρως ἔχων μάντις ὁ Ἀλκιβιάδης, ἐκ δὲ ἱνῶν λογίων πρὸς φέρει παλαιῶν, μέγα κλέος τῶν Ἀθηναίων διὰ τὴν Σικελίας ἔσσεσθαι. Etsi enim homo Græcus, nobilissimum Græciæ imperatorem expresse non taxat impietatis; tamen iis, quæ deinceps subinngit, satis nefariam eius viri in oraculis fingendis ambitionem & perfidiam declarat; oraculi, quod sub idem tempus Atheniensibus redditum fuit, mentionem faciens: quo jubebantur Clazomenis accersere Hesychiā Mineræ sacerdotem: Χρησμὴ δὲ πινος κελύοντος αὐτῆς ἐκ Κλαζομένων τὴν ἱερείαν τῆς Ἀθηναίων ἄγειν, ἐκαλεῖτο δ' Ἡσυχία, καὶ ἴδτω

ἦν, ὡς ἔοικεν, ὃ παρήναι τῇ πόλει τὸ δαιμόνιον, ἐν τῷ παρήναι τὴν ἡσυχίαν ἄγειν. id est, *Quo-*
dam vero oraculo iubente ipsos (Athenienses)
Clazomenis euocare Minerue sacerdotem, quæ
Hesychia vocabatur; idque erat profecto quod
Deus ciuitati faciendum præcipiebat, vt in præ-
sens quietem ageret. &c. Est autem obscuritas
 in verbo ἄγειν. Græcinamque τὸν δῆνα ἄγειν
 dicunt pro *ducere aut euocare aliquem*: Sed &
 ἡσυχίαν ἄγειν *agere quietem*, hoc est, quiescere,
 cessare, alicui negotio supersedere. Vnde illis
 caligo. Nam cum Deus illis, cognominis sa-
 cerdotis symbolo, quietem imperaret; ipsi in
 personam intenti, mulierculam ad se nihil sibi
 profuturam vocarunt, quietem longe saluber-
 rimam reliquerunt.

Sed & Socratici dæmonis testimonio eosdem
 Alcibiadis vates perfidiæ & fraudis euincit Plu-
 tarchus: quo instinctus de more Socrates eam
 expeditionem Atheniensium reipublicæ fore
 perniciosam, multos familiarium admonuit.
 Ita nulla ex hoc Plutarchi loco ratio sumi potest
 contra antiquas prædictiones.

Disimulare tamen non possum, accidere in-
 terdum, vt ex duobus vaticiniis, quæ de eo-
 dem negotio proferuntur, quorum vnum ex
 certa futuri præuisione editum est, alterum fi-
 ctum & casu effutitum, vtrum sit diuinum
 vtrum fictum distingui prorsus non possit: si
 nimirum ita res eueniat, vt prædictum est. Quæ-
 dam

dam enim fortuito iaci interdum ab imprudentibus. per modum vaticinii, quæ nihilo aliter eueniant ac si vere præuisa fuissent, negandum non est : cum præsertim huius rei testis Augustinus , notis sibi & recentibus exemplis verum esse confirmet lib. 12. de Genesi ad litteram his verbis : *Vigilantibus etiam, neque ullo morbo afflictis, nec furore exagitatis, occulto quodam instinctu ingestas esse cogitationes, quas promendo diuinarent, non solum aliud agentes, sicut Caiphas pontifex prophetauit, cum eius intentio non haberet voluntatem prophetandi, verum etiam id suscipientes, ut diuinandi modo aliquid dicerent, nouimus. Nam quidam inuenes iocando, ut fallerent, ubi peregrini iter agebant, mathematicos se esse sinxerunt, ignorantes omnino utrum duodecim signa dicerentur. Qui cum hospitem suum mirari cernerent quæ dicebant, attestati esse verissima, audacius in plura progressi sunt. At ille attestans ad omnia mirabatur. Postremo ab eis de filii salute quesuit, quem diu absentem desiderabat, & quod inopinate tardaret, nequid ei accidisset, sollicitus erat. At illi non curantes quid post eorum abscessum veri cognosceretur, dum tamen in præsentia letum hominem redderent, mox profecturi responderunt: saluum ac propinquantem, & eo ipse die, quo hæc loquebantur, esse venturum; neque enim metuebant, ne, cum dies peractus esset, eos ille redarguendos postridie sequeretur. Quid multa?*

X. 4.

Dum.

Dum iam abire disponderent, ecce subito adhuc eis illic positis venit. Hæc ibi Augustinus; neque vno contentus exemplo aliud insuper profert, quod apud ipsum legat qui volet.

Hunc modum futura prædicendi idem Augustinus, ut visum est, *instinctum* vocat, impetum scilicet quendam dicendi scientiæ expertem. Quod genus prædictionis cum fortuitum censeatur, habet tamen suas causas, vel cælum, vel morbum, vel humorem quendam corporis, vel dæmonum ludibria; Suesiano auctore in libro de prophetia cap. 12. Sed co-
vnde sumus digressi reuertamur. Fit ergo, ut dicebam, confusio & perplexitas in prædictionibus, cum & quæ futura esse finguntur, & quæ ex vero afflatu & certa cognitione prænunci-
antur de iisdem rebus, ita eueniunt ut prædictum est. Quæ adhuc maior incidit perplexitas, cum duobus de eadem re promittentibus sese effari quod futurum est, vnus affirmat, alter negat: puta in exemplo supra allato, male cessuram Atheniensibus expeditionem contra Siciliam, quod vates alii dicebant; aut prosperam fore iisdem Atheniensibus & gloriosam, quod Alcibiadis arioli pollicebantur. Quamlibet enim in partem euentus caderet, necesse erat, eorum vatum aliquos vera dixisse: siquidem duarum propositionum de futuro contingenti necesse est alterutram esse veram vel falsam. Sic olim in circi Romani factionibus

nibus de cursorum victoria, cum duorum spondentium neuter sciret plane cui colori, Veneto an Prasino, palma cessura esset, semper tamen horum alteruter obtinebat sponsonem.

Recte igitur Serapio ille apud Plutarchum dicto loco distinguit inter euentum, qui prædicitur sine vlla circumstantia aut particulari differentia, & euentum prænunciatum cum præscriptione modi, temporis, loci, & aliis proprietatibus: illum scilicet prædicendi modum posse in veritatem iucurrere citra vllum numinis afflatum, & plane casu; non autem posteriorem, qui sic aliquid futurum denunciat, vt circumstantias non omittat. Qualis modus est vaticinii de non eligendo in regem Agesilao, quia claudus esset. Quod enim istud oraculum non fuerit fictum, & fraude suppositum a Diopithe, præter auctoritatem Plutarchi, qui sic huius mentionem facit, vt minime ipsum falsi suspectum habeat, magnum insuper argumentum est, non fuisse in eo locum tali suspitioni, quod nec Lysander, qui in factione erat contraria & partibus Agesilai impensissime studebat, neque ipse porro Agesilaus, nec cæteri earundem partium, quos magno numero ille sibi virtutis commendatione adiunxerat, quicquam eiusmodi suspicati traduntur. Quo quid magis promptum obuiumque erat ad dicendum, præsertim Lysandro, imperatorum illius temporis clarissimo, maximæque tunc apud Lacedæmonios auctori-

tatis & potentia, & quod caput est, acerrimi ingenii viro, si quid eiusmodi Diopithi obici potuisset, quo eius vaticinii fides in dubium adduci posset? Non tamen id facere ausus, sed ita interpretatus est, ut in Leotychidem potius, qui non immerito adulterini ortus suspectus erat, traheret. *πρὸς ταῦτα Λύσανδρος ἔλεγεν, ὡς εἰ πάνυ φόβοιντο τὸν χρησμὸν οἱ Σπαρτιάται, Φυλακτέον αὐτοῖς εἶη τὸν Λεωτυχίδην· ὃ γὰρ εἰ παραλαίους τις τὸν πόδα βασιλεύσοι, τῷ Θεῷ Διαφέρει, ἀλλ' εἰ μὴ γνήσιον ὦν μηδὲς Ηρακλείδης, τῷ τὴν χολὴν εἶναι βασιλείαν.* id est, *Ad hæc Lysander dicebat: Si magnopere istud oraculum timerent Spartiatae cauendum iis esse Leotychidem. Neque enim Deo curæ esse, si quis offenso pede regnaret Lacædæmone, sed si legitimus non esset hæres, neque familia Heraclidarum: tunc enim vere regnum claudicaturum.*

Maxime autem prædictionis illius ratio, & rerum exitus tanta fide respondens, admirationem mouere debet, si quis eorum temporum historiam nouerit. Quod enim tam aperte oraculo designatur Agesilaus, dum metueretur Spartanis *χολὴν βασιλείαν* vates edicit: istud tam proprium suspicionem facit fraudis at eorum, quæ ex regno claudæ euentura prædicuntur, malorum euentus, historiarum omnium fide contestatus, talem profecto suspicionem remouere debet. Cum enim iis tempo-
ribus

ribus, cum id oraculum a Diopithe prolatum fuit, Lacedæmonii, victis per Lyſandrum Athenienſibus & tyrannide oppreſſis, maxime opibus & potentia florent, nec modo in Græcia ſed etiam in Aſia armorum gloria & imperio vbique principes eſſent; quis tunc in animum induceret, aut ſuſpicari poſſet, ſi Ageſilæus regno potitus fuiſſet, futurum vt ea conuerſio ſequeretur, quæ poſtea accidit, & ſub Ageſilæo tanto imperatore eas clades paterentur Lacedæmonii, quæ eorum potentia finem afferrent? Conſtat enim, eorum vires iis laboribus ac bellorum tempeſtatibus, quas prædicat oraculum, adeo fuiſſe attritas, vt nunquam valuerint poſtea reſurgere ac priſtinum imperium recuperare.

Διὸν γὰρ μόχθοι σε καταχρήσασιν ἄελπτοι.

*Diu labores te inſperati atque inopinati com-
prehendent.*

Tum illud,

Φθισίβροτον τ' ὄπι κῦμα κυλιδομένη πολέμοιο.

Bello aduolucnte fluctum hominibus exitialem.
Nimirum vere clades eas ἀέλπιδος dicit oraculum, quas tunc nemo prudentia vlla futuras ſuſpicari poſſet, nemo niſi numine afflatus prænunciare. Huius tamen oraculi quis vates auctor fuiſſet non declarat Plutarchus, ſed ſolum a Diopithe prolatum fuiſſe in cauſa principum: quod is oraculorum veterum, quæ vndi-

vndique studiole colligebat, promptuarium esset: Non solus vero Diopithes in id studium incubuit, sed alii etiam complures: in quibus Alyrium, Herodotum, Philochorum, & Istrum Plutarchus nominat in libro de Pythiae oraculis. Quin philosophorum omnium πολυμαθές Porphyrus multa collegerat, eo consilio ut e iis materiam atque opportunitates ad philosophandum captaret; quæ de re liber ab eo compositus extabat ita inscriptus: περὶ τῆς ἐκ λογίων φιλοσοφίας, id est, *de philosophandi modo ex oraculis*. Citant hunc cum alii Ecclesiae patres, tum Theodoritus eo loco, qui a me supra est notatus, euidenti hallucinatione Zenobii Acciaolus qui duas voces ἐκ λογίων iungens, atque ἐκ λογίων legens, librum *de philosophia electorum* passim vertit. Tantum ab eo abfuit Porphyrius, ut quæ priscis temporibus oracula circumferrentur, ab aliquo fingi potuisse arbitraretur. Non fuit profecto tam vesanus Porphyrius, ut quæ commentitia esse suspicatus esset, non modo colligere, sed & trahere ad philosophicae contemplationes sustineret, & tam misere otio suo abuti vellet. Hoc quidem de tali viri quis sibi persuadeat? Restat igitur, ut hunc veritatis eorum oraculorum certum fuisse credamus, ac certa habuisse indicia, quibus ficta a ingenuis discerneret. Nam vulgus a nebulis potuisse decipi nihil mirum; doctos quidem & perspicaces viros, qualis Plutarchus

Porphyrius, & alii eius ordinis, potuisse, non arbitror.

Possem alia complura afferre prisco ævo red-
dita Sibyllæ, Pythiæ, & aliorum vatum ora-
cula non minus admiranda, quorum veritatem
nemo veterum suspectam habuit; sed vereor
his recensendis diutius morari cordatos lecto-
res: qui profecto si dictis animum intendere
velint, cognoscent, non omnia antiquorum
oracula fuisse commentitia, sed multa ex iis
dæmonis afflatu rerum futurarum veritatem
attigisse, Deo tribuente aliquando dæmonibus,
vt vera hominibus in pœnam eorum impietatis
& idololatriæ aperiat. Sed mihi de Sibyllini
spiritus & oraculorum ratione consideranti du-
dum aurem vellit genius meus de Nostradamo
Gallorum vate, si quidem vates fuit, celebra-
rimo editis carminum fatidicorum centuriis,
quæ etiamnum circumferuntur. Huic qui-
dem, si vatem vere fuisse concedimus, id fuerit
commune cum Sibylla, quod non vnius tem-
poris aut gentis res vaticinio attigerit, sed præ-
cipuos omnium euentus incredibili sit numi-
nis præsentia complexus, neque minus vates
mundanus quam Sibylla dici mereatur. De
cuius facultate cum varia admodum sint homi-
num iudicia, vt in tam occultis vsu venit, ac
alii hunc vt Iouis arcanis admissum & futuro-
rum omnium conscium & cælo delapsum ve-
nerentur & suspiciant, alii vt impostorem &
fatuum

fatuum explodant : non erit abs re, opinor, aut iniucundum lectoribus, quid de illo sentiendum putem deque eius vaticiniis, data occasione proferre.

CAPVT IX.

De Michaele Nostradamo & fatidicis eius centuriis iudicium.

Primum de eius genere, natura, & studiis pauca : ex quibus nonnulla ad propositum coniectura sumi potest. Patria huic Salyum tellus fuit, quæ vulgo Prouincia antiqua appellatione dicitur : vrbe sancto Remigio. Pater Jacobus Nostradamus vrbis notarius, vt vulgo loquimur. Mater Renata de Sancto Remigio. Maiores bene versati in mathematicis & medicinæ scientia : quorum vnus Renati regis Ierusalem & Siciliæ, alter Joannis Calabria principis, Renato rege nati, medicus fuit. Quod suæ stirpis decus, ac sibi a maioribus velut per manus traditam disciplinarum mathematicarum peritiam, ipse testatur. Harum studium exinde cum medicina coniunxit, vtrique vacans ar-
ti. Sed maxime astrologicis iudiciis & prædictionibus vltra ingenii humani captum innotuit, non solum popularibus & vulgo, sed etiam regi Henrico secundo & Catharinæ reginæ, duci item Allobrogum, & Margaretæ regis
Henri-

Henrici sorori, doctissimæ heroinæ & literatorum faultrici. Ab iis principibus euocatus non semel, consultus, & in admiratione habitus fuit. Exinde & in archiatrorum albo, eorum qui ordinarii dicuntur, regis munere adscriptus. Erat autem doctor medicus Monspekiensis.

Natura fuisse melancholicum & *ὀκταλινόν* vel scripta eius fidem faciant. Vt enim Theophrastus Heracliti Ephesii philosophi, qui *σκοτεινός* dictus est, obscuritatem, qua in scribendo usus est, temperamento eius melancholico adscripsit: sic eidem causæ dicendi perplexitatem & negligentiam, quas in prosa etiam Nostradamus legentibus primæ fronte obiicit, tribuendam putem. Quod autem melancholici diuinæ insanix, quæ prophetas facit, humoris atri, quo abundant, in primis sint opportuni, ostendit Aristoteles, & ego etiam disserui in mea Dissertatione de furore poetico: cuius specimen in vestibulo meorum Poematum placuit dare, tanquam gustum plenioris tractatus, quem Deo iuuante sum editurus.

Medicinæ insignia adeptus &, ut fit, ciuitates alias inuifere cupidus, peruenit Agennum Nitiobrigum oppidum, visitque Iuliam Cæsarem Scaligerum, illum heroem, omnibus quæ hominem literarum cupidum ad astra ferunt ornamentis ad miraculum instructum; cuius amicitiam nactus, ac eo aliquandiu usus, simul-

tatem

tatem vitare non potuit, quæ etiam carminibus eiusdem in lucem erupit. Quo verisimile est non parum eius famæ detractum. Maxime autem fraudi illi fuit ipsa gloria. Cum enim quas vulgasset Ephemerides, eæ ob prædictionum veritatem in pretio essent, & ab omnibus expeterentur, cupido lucri typographos & librarios quosdam inducit, ut ad diuendendas quas in manibus haberent nugas triobolarium mathematicorum, nomine Nostradami abuterentur. Hinc sinistra de eo hominum iudicia & maleuolorum voces, etiam doctorum. Quo in genere Jodelli Parisiensis poetæ epigramma, quo in Nostradami nomen lusit, in primis argutia late tunc vulgatum fuit:

Nostra damus cum falsa damus, nam fallere nostrum est:

Et cum falsa damus, nil nisi nostra damus.
Aliquot etiam epigrammatis in eum inuectus est Scaliger, quæ cum aliis eius poematis excusa sunt typis. In Farragine:

*Cur Nostradamus se esse ait prophetam?
Quia ducit ortum a Benjamin prophetis.
Quod si a Mahomet, qui fuit propheta,
Bis Nostradamus sic erit propheta.*

Rursus in Hipponacte:

*Vt Nostradamus veritatis euersor
Tuto queat futura ficta mentiri,
Se cælitus feruoris igne demissi
Lymphatico furore dixit apprehendi.*

Quid

*Quid sentiamus? docte Ruffe, querenti
 Canam: canenti Musa succinet verum.
 Non est Platonis execrandus, infamis
 Engastrimuthus, sternomantis Eurycle:
 Nisi a Tagete est institutus Ethrusco,
 Vel Brachmanum cratere; vel choro nudo.
 Non Zoroastris implet aura diuini;
 Anas Pronoea Stoici fauet nulla;
 Non dat Themis responsa, que dabat quondam;
 Non inde Pythou, qui secutus est illam;
 Non arciger Pythonis acer occisor;
 Non Nympholeptos: Baccholeptos est nequam.*

Item in eodem libro :

*Si Nostradamus, quid pudere sit, nescit:
 Quod est paratum, nec reconditum, & presens;
 Quanam futura notione mentitur?*

Hæc Scaliger sub Hipponactis titulo; & merito: sunt enim Hipponactea plane & eandem rabiem spirantia, digna Hipponacte ebrio, non Scaligero sobrio; sed non aliena tamen a Scaligero irato & Hipponactis Musa instincto. Iratus profecto hæc in Nostradamum dabacchatus est Scaliger: qua causa iratus, quidue dolens, me latet, nec scire multum laboro, neque ad rem pertinet: modo constat iratum fuisse: secus non verisimile est, quo familiariter usus fuerat, hunc tam proterue & furenter laceraturum fuisse, quem tot magni viri & principes, rex quoq; ipse, in admiratione habuit, cuius prognostica Joannes Auratus illi æqualis, poeta insignis,

Y

ingenio

ingenio & eruditione non vulgari, quod scripta eius indicant, tanti fecit, ut illa notis & interpretationibus illustrare non dedignatus fuerit, ut quidem testatur Bibliothecæ Gallicanæ compiler de la Croix du Maine.

Sed & Ronfardus eidem Nostradamus testimonium reddit in quodam poemate, ac vatem esse agnoscit, licet cuius causæ impulsu prædiceret, definire non audet. Versus Ronfardi si quis requirit, adscribere haud grauabor:

Ou soit que du grand Dieu l' immense eternité

Ait de Nostradamus l' enthousiasme excité :

Ou soit que le Demon bon ou mauvais l' agite :

Ou soit que de nature il ait l' ame subite,

Et outre le mortel s' elance iusqu' aux cieux,

Et de la nous redit des faits prodigieux :

Ou soit que quelque esprit sombre & melancholique

D' humeurs crassés repët le rendre fantastique :

Bref, il est ce qu' il est, si est ce toute fois,

Que per les mots douteux de sa prophete voix,

Comme un oracle antique, il a dès mainte année

Predit la plus grand part de nostre destinée.

Fuere & alii in eodem albo, quos videre est apud auctorem anonymum apologiæ Nostradami, quam præfixit eiusdem tetraſtichorum enarrationibus. Quibus & Gallicæ bibliothecæ auctor imodo laudatus addi potest, qui Nostrada-

stradamum vnum e magnis illius temporis astrologis, & merito, habitum testatur. Ac de Nostradamo hætenus.

Consequens est, vt, quod polliciti sumus, de eius facultate prænoscenti futuros rerum euentus, qua non modo quæ naturæ necessitate proueniunt, ex causarum quibus continentur cognitione, vt in astronomia vsu venit, vt eclipses solis & lunæ, tempestates, & alia ab astris pendentia certo a peritis præuideantur; sed etiam quæ in hominis consilio & voluntate sita sunt, vt fiant, aut non fiant; de ea, inquam, facultate eius quid sentiendum putem, disseram paucis. Qui plura volet, auctorem anonymum, qui apologiam eius gallice scripsit, legat: præcipua attingam. Qui Nostradamum incessunt, partim vatem esse confitentur, sed dæmonis mali instinctu: quales falsos fuisse prophetas, Balaamum, Sibyllam, Pythiam, & alios dæmonum cultores & socios constat; partim vatem fuisse negant, eius vero prognostica meras esse nugas: quorum si quid verum comperiatur, non scientiæ vlli, sed fortunæ adscribi debeat: vt delvisis melancholicorum censet Aristoteles, quæ casu interdum ad verum attingunt; propterea quod tali corporis habitu præditi παντοδαπὰς ὁψεις ὁρῶσι, omnifarias vident rerum imagines & simulacra sensui impressa: quæ cum illi sequantur, fit vt interdum veritatem assequantur: vt iis accidit, qui multa

X 2

iaciunt,

iaciunt, ὡς περ γὰρ λέγεται, ἂν πολλὰ βάλῃς, ἄλλοτ' ἄλλοιον βάλλῃς, καὶ ὅτι τῶν τε το συμβαίνει, inquit in lib. de diuinatione per insomnia cap. 2.

Quod ad priores attinet, qui vatem hunc fuisse fatentur, mea in præsens nihil refert quo genio & numine impulsus Nostradamus diuinauerit, modo diuinum fuisse constet. Supra enim probauimus, cacodæmonem multa de futuris contingentibus, Deo concedente, præscire, & hominibus superstitiosis olim aperuisse, & nunc & per omnes ætates indicaturum. Hos itaque mittamus. Sed neque longa aduersus alios disputatione opus est. Neque enim hic est locus, qui verbis aut disputatione egeat, ubi experientia præsto est. Itaque omissis eorum dubitationibus, quibus Anonymus bene & sufficienter occurrit, id vnum videndum est; quæ prædixit Nostradamus futura, ita, vt prædixit, euenerint, an frustra operæ istius fuerit? Si enim probari potest, multa & effatu digna ab eo multo ante quam euenirent prædicta fuisse, quis hunc verum fuisse prophetam neget? An vllum certius argumentum dari potest, aliquem esse vatem, quam si quæ futura vaticinatur, ea ad præscriptum accidunt, atque rebus manifestis congruant? Dixi, multa esse oportere: etenim vt prouerbio fertur μία χελιδὼν ἐὰρ & ποιεῖ, *vna hirundo non facit ver.* Nunc qui centurias eius accuratius considerarunt; vt præfatus anonymus auctor, qui

qui eas , vt dixi, exposuit , & monachus ille ab eo laudatus, nec nominatus ; testantur, ex mille tetrastichis & supra, quæ ille reliquit, nullum esse quod non duas aut tres prædictiones veras contineat, rerum in oriente & occidente gestarum , per omnia regna , omnesque gentes. Quibus ex numeris subductis quanta prædictorum multitudo existat, quivis intelligit. Qui igitur argumenti huius vim certius cognoscere volet, expositiones præfati Anonymi legat, qui Nostradami prædictionum specimen dedit.

Interim illud dicam , si verum est quod dicunt, scripsisse Nostradamum suas prædictiones ante annum Christi 1555 ; dubitari non posse, quin vates fuerit , & quidem egregius , qui tam multa de annis sequentibus, non indistincte sed enucleate & appositis circumstantiis atque etiam nominibus quorundam , per quos prædictorum euentuum rationes expediuntur, prænunciauerit. Nam & monachi nomen , qui Henricum tertium Gallorum regem execrabili parricidio sustulit, in vaticinio eius expressum legitur , quem Clementem vocitatum nemo nescit : & carnificis, quo percussus est Momorancius sub Ludouico XIII, nomen apposuit : tum alia complura eiusmodi prædixit , quæ quomodo sine exterioris cuiuspiam intelligentiæ afflatu scire potuit, non video : quem anno 1566 e viuis excessisse constet. Hæc quidem tam particularia , nulla humani ingenii coniectura

sciri potuisse, palam est : ergo diuino afflatu, vel certe genii alicuius boni vel mali impulsu.

Neque obstat, quod ipse Nostradamus, quæ de futuro videbat, cælo imputet, in epistola ad Filium scribens, *se haud lymphatico instinctu, sed astronomicis studiis talia consecutum* : quando item eadem charta, in iis quæ de futuris contingentibus prædicit, *non alio se lumine illustratum, quam diuino*, præ se fert. Ita ergo dicta illa, quæ pugnare videntur, componenda sunt, ut intelligamus, huic mathematicam lucubrationem cuiusdam præparationis loco fuisse ; cui vehementius incumbens abstraherat animum ab alienis curis & cogitationibus. Quo fiebat, ut in quadam furoris ecstasi positus luminis statim diuini influxum susceperet. Sic Elisæus vates, ut est in quarto Regnorum, cum propheta esset celeberrimus, a regibus de cuiusdam expeditionis euentu consultus, non prius respondit quam citharistes adduceretur. Sic multa diuinis illis Ecclesiæ magistris, Clementi Alexandrino, Origeni, Augustino, Chrysostomo, inter lucubrandum diuinitus oblata nullus dubito, quæ aliter non vidissent. Sic & poetæ secessus & mentis intensio inflamat; neque secius propterea numinis præsentiam sentiunt :

alterius nam

Altera poscit opem res, & coniurat amice.
inquit Horatius in arte. Nihil ergo absurdum, putare, Nostradamum & ingenio (quod ipse prædicat,

dicat, & maioribus suis fert acceptum) & studio ac peritia astrorum præstanti excelluisse: simul genii alicuius boni vel mali, vel etiam, si fas dicere, Dei luce extraordinaria, ad illa occulta excitatum fuisse. .

Sic autem existimo, Nostradamum prorsus exteriore & extraordinaria causa impulsum te-
trasticha illa fudisse: quali autem: diuina, an
dæmoniaca; cordatus lector ex hac fabula æsti-
met, quam iam sæpius memoratus apologiæ au-
ctor anonymus se a viro nobili Florinuilla &
eius coniuge accepisse testatur. Cum enim iis
familiariter vteretur Nostradamus, & aliquando
apud eos esset: quodam die accidit, vt Florin-
uilla in corte inferiore castelli deambaret cum
Nostradamo. Cum ecce duo iis porcelli oc-
currunt, quorum vnus candidus erat, alter
niger. Animi gratia interrogat Nostradamum,
quid fieret illis? Ille statim: nigro, inquit, ve-
scemur nos; albus autem lupo in prædam
cedet. Hoc audito Florinuilla secretum man-
datum dat coquo, vt procellum album vespe-
re coquat cœnæ inferendum. Mactatur ne-
frens, veruque, vt mos, transfixus, exinde fo-
co lucenti admouendus erat; cum necessitate
quadam oborta e culina foras se proripit co-
quus, mox rediturus. Interea temporis eo
intrat lupæ catulus domesticus, visumque por-
cellum inuadit dentibus, clunesque momento
absumit. Redit coquus, & voratum a lupo

magna ex parte porcellum videns, illico alterum, nigrum scilicet, foco succidaneum dat, & mensæ postea infert. Tum Florinuilla ad Nostradamum: Heus (inquit) Nostradame, porcellum album comedimus, neque lupo cum profecto attinget. Nostradamus negat album esse eum quem ederent, sed nigrum. Accersitur coquus: qui factum, ut expositum est, declarat; omnibus qui aderant prædictionis fidem obstupescientibus.

Hoc ne cui incredibile videatur, aliud factum non vsquequaque absimile referam ex Suetonio. Accusatus apud Domitianum Ascle-tario mathematicus, tanquam aliquid arte sua prædixisset de futuro eius exitu, in eiusque conspectum adductus, interrogatus ab eo est: quem ipsum manere exitum putaret? quo respondente: fore ut breui laceraretur a canibus; interfici quidem sine mora hominem imperat Domitianus; verum ad coarguendam temeritatem artis, sepeliri quoque accuratissime iubet. Quod cum fieret, euenit ut repentina tempestate deiecto funere, semiustum cadauer discerperent canes. Ita non vanam fuisse astrologi de se vaticinationem euentus ostendit. Nunc si quis hæc diuinitus iis hominibus, partim iocularia, partim nullius momenti, patefacta putat, caueat ne in Deum peccet, dum eum ad tam humilia & friuola deducit: non, quod non omnia comprehendat prouidentia Deus, qui vndiquaque est immen-

immensus; sed quia non eundem ad omnia modum gubernandi tenet, neque in parvis vim illam exercet, qua futura hominibus ostendit, sed in maximis tantum, aut quæ ad gloriam suam pertineant. Ista igitur minima & ludicra dæmonibus improbis, velut otiosis & male feriatis relinquit, similibus hominibus, hoc est, curiosis supra modum & superstitiosis reuelanda: vt olim Socrati occursum porcorum in quadam via, & vexationem transeuntium amicorum per illam viam. Quæ scilicet dæmon facit postea: vel si talia quæ prædicuntur ita ab humano arbitrio dependeant, vt ne ab ipsis quidem geniis procurari aut præuideri suapte intelligentia possint; ibi haud absurdum, interuenire bonos genios siue angelos, Deo illis tribuente, vt talium cognitionem demittant ad importuna illa infelicium dæmonum cum hominibus commercia, vt prauæ curiositatis, ambitionis, & nequitiae dent poenas. Ita & istorum leuium præuisio originaliter a Deo est, sed modus diuersus, multum infra eorum dignationem, quos Deus propriæ afflatu suo ad æternitatis suæ consortium & temporariam participationem admittit.

Quod igitur hoc modo maligni dæmones, & per eos olim Sibylla, alique antiqui vates, multa e futuris etiam contingentibus scire potuerint, ex his planum esse potest. Quæ diuini etiam Augustini sententiæ consona esse

ostendo ipsius verbis prolatis ex libro 7. Confessionum cap. 6. *Tu enim Domine iustissime moderator vniuersitatis, consulentibus consultisque nescientibus, occulto instinctu agis: ut, dum quisque consulit, hoc audiat, quod oportet cum audire, occultis meritis animarum, & abyssu iusti iudicii tui; cui non dicat homo: quid est hoc? aut, quid hoc? Non dicat, non dicat: homo est enim.*

• Hæc autem studiosis & veritatem amantibus in hunc modum de omnibus externorum vatum responsis proposuisse sufficiat; alijs, sine ratione obstinatis ad negandum atque irridendum quæcunque de hoc genere apud antiquos aut recentiores scriptores prodita extant, aut a quocumque quantumuis fide digno teste referuntur, ad coarguendam eorum temeritatem subnectere placet, quæ Paulus Jovius in elogijs doctorum virorum prodit de Bartholomæi Coclitis, metoposcopi & chiromantis, prædictionibus atque vaticiniis: *Extat (inquit) de his præclaræ ac admirabilis fidei catalogus, ipsius Coclitis manu perscriptus, de iis quibus varia violentæ mortis pericula denunciauit, exactissimo post eius interitum fortunæ obsequentis euentu comprobatus. Quo fit, ut me quoque, inueteratæ exercitationis in hac luce Romana non facile credulum senem, in sententiam adducat ipse exactæ ætatis, & integri iudicii, Lucas Gauricus; cum ingenue fateatur, se a Coclite seuere amiceque admonitum,*

ut violenti cruciatus causas effugeret ; cum id ipse, sui natalis, negligentia patris, ignarus, ex siderum scientia anteuertisse nequiverit. A Joanne enim Bentiuolo arreptus, & ex præalta trochlea suspenso fune quinquies quassatus, ideo pœnas dederat, quod excessurum patria & dominatu, in eius anni prognostico prænucciaffet. Ille & Gauricus inter Italiæ astrologos maxime inclytus ; qui de Henrici secundi Gallorum regis obitu interrogatus, respondit: fore, ut ex vulnere in singulari certamine accepto occumberet ; quod & evenit, cum cuidam ex aulicis ludicra pugna invito concurrere voluisset.

CAPVT X.

Aliorum vaticiniis celebrium virorum exemplis eadem opinio confirmata.

SEd & alia id genus vatum præscita feruntur non minus miranda ; utpote quibus singulares hominum nondum natorum proprietates ac rerum euentus ita expresse enunciantur, ac si iis vatibus præsentibus fuissent. Quo in genere primus occurrit Malachias quidam archiepiscopus : de cuius vaticiniis quæ in libello, cui titulus est *Reductio analytica doctrinæ diui Thomæ*, typis Petri de Bresche, Parisiis scripta, reperi,

reperi, subiungere haud grauabor: *Beatus Malachias archiepiscopus Ardinensis, & monachus natione Hibernus, spiritu indubie prophetico, summus ecclesie antistites, quotquot post eius obitum ecclesiam rexerunt, & forsitan recturi sunt, typicis quibusdam nominibus ex ordine secundam proprias singulorum notas præsignauit. Contemporaneus fuit D. Bernardo, qui vitam eius descripsit. Vixit anno Domini 1137. obiit anno 1148 die 2. Nouembr. Eorum qui iam præterierunt P. Franciscus Alphonsus Giacconius ordinis predicatorum, nominum typicorum rationes singularem sagacitate reddidit, ita ut nescias, quid magis in his mireris; obscuritatem & vilitatem eius, unde nomen ad significandum desumptum est; an vero potius vocis proprietatem ad indicandum illud, ad quod significandum impositum est. Quamuis enim quedam, cum proprietate vocis indicent, quod denotatum a cæteris sui ordinis personali nota discernat, quedam vero cum quadam improprietate & corruptela vocis idem præstent; nihilominus ita apposite personales cuiusque proprietates designant, ut neque alteri conuenire, neque idem significantius denotari potuerit. Initium symbolicæ prophetiæ; *Ex castro Tyberis*; quod de Cælestino II. exposuit Giacconius, propterea quod Tybernas fuit, & ante pontificatum dictus Guido ex Castro. Finis autem prophetiæ: *Gloria oliue*. Quod symbolum, ut alia aliquot sub finem præcedentia, nondum interpretem*

pretem nacta sunt. Nam Giaccorius interpretationes suas vltra Vrbanum VII non perduxit; cuius symbolum in eiusdem Malachiae catalogo hæc verba habet: *De rore cali*; hac coniectura, quod hic Bossanensis archiepiscopus in Calabria fuit: quam regionem mannae, quæ nihil aliud quam ros caelestis certas in plantas decidens, nobilioris prouentu celebrem esse vel mulierculæ norunt. Non defuere tamen, qui quorundam ex sequentibus symbolis sensum, post Giacconium, coniectura satis verisimili, ex euentu assequerentur. Vt istud: *Montium custos*, de Alexandro VII, qui montes in familiæ insignibus habuit. Idemque alii conati in hoc: *Sidus oloris*; & ad Clementem IX traxerunt, qui Rospigliosus vocabatur, ex nominis literis per anagrammatismum eruentes, mutato P in D. Vnde epigramma:

Clementi dentur clauēs; clementia regnet;

Rospigliosus abhinc sidus oloris erit.

*Nomen id omen habet: nam P dum vertitur
in D*

Dempturus populo est, non positurus onus.

Infeliciter & adulatorie, atque etiam putide: dum elementi P in D mutati licentiam ad mysterium, vel certe augurium, demendi populo oneris non imponendi trahit. Alioqui nihil minus prophetæ conuenit, quam ista nominum literis occulta abscondendi ratio. Absit vt credamus, tot & talibus elementis nomina
vlla

vlla initio fuisse constructa, vt ex iis pristina sede motis, atque aliter ordinatis, noua consurgant nomina, rem longe diuersam significantia. Quod si aliquando contingit, vt sensus aliquis illi, cuius id nomen est, conueniens efficiatur, fortuito id omnino accidit, nec vlla prouidentia aut consilio ita euenire putandum est, sed temere & casu; vt quod olim in Chiorum lapicidinis saxo diffisso caput Panisci extiterit: vti ex Carneade refert M. Tullius lib. 1. de diuinatione.

Quo magis hoc omnibus appareat, insigne anagrammatum vanitatis exemplum proferam, ab Ægidio Menagio, viro priscae & recentis literaturæ ornamentis florentissimo, & per vniuersam Europam variis ingenii ac ratoris eruditionis monumentis celeberrimo, relatum in vita Ærodi. Ibi Petri Loerii facit mentionem, in præfectura Andegauensi consiliarii, Ærodiæ æqualis: viri quidem eruditi, sed orientalium in primis linguarum admiratione & amore vsque adeo insanientis, vt nihil non vulgarium nominum, quibus vrbes in Gallia, pagi, castella, aggeres, prædiola appellantur, ab Ebræa aut Chaldaica lingua deduceret: edito etiam *de colonis Idumæis* libro, talibus ineptiis referto, id publice professus. Sed & idem nihil non apud Homerum anagrammatismi ope inueniebat: vt in hoc versu Odyss. A.

Σὸν δ' ἔπω τις ἔχει καλὸν γέρας, ἀλλὰ
ἔκνηλος.

In hoc igitur versu, quem Anticlea Vlyssis mater profert ad filium, iste Loerius resolutione literarum hæc verba inueniebat:

Πέτρος, Λωέριος, Ανδένκιος, Γάλλος, Τλείη.

Petrus, Loerius, Andinus, Gallus, Huilla.

Est autem *Huille* nomen pagi, Loerii patria. Immo vero ex literis residuis α, χ, κ, annum quo nomen prædicto versu absconditum, ipsi reuelandum esset, nempe 1620, notatum pertendebat; ne quid scilicet in eo versu, quod ad se non pertineret, esse videretur. Ex his de hominis illius ingenio, & anagrammatum vanitate, quivis iudicare potest.

Extant præterea Joachimi monachi vaticinia & imagines, quibus propria quædam Pontificum Romanorum prænunciantur, cum explanationibus Pauli Principis de la Scala, siue Scalligeri, Veronensium Marchionis, cuius de vate isto verba hæc sunt in primæ imaginis explanatione: *Iste autem Joachimus natione Calaber fuit, & monachus ordinis S. Benedicti, atque in Florensi canobio eiusdem professionis abbas. Multa scripsit, & in omnibus ferme libris suis consuevit miscere prognostica. Commentatus est in Apocalypsim, & Esaiam, Jeremiam &c. Et contra Petrum Lombardum theologum librum composuit, qui postea concilio Lateranensi reiectus est. Vixit tempore Urbani tertii, & anno Domini 1178 Veronæ eundem conuenit. Hæc princeps ille de la Scala: vir, quod commentarius ille indicat,*
in

in pontificum Romanorum historiis egregie versatus. In calce autem explanationum hanc apponit coronidem : *Hæc enim omnia ad annum Domini 1389 impleta sunt. Reuelata autem erant Joachimo, dum esset abbas in monasterio Florensi in Calabria, circa annum Domini 1176.* Tum verba Abbatis eius, quibus suas reuelationes concludit, hæc affert : *Potens est Dominus mutare propositum suum, quia in manibus eius omnia astra sunt celi.* Quibus verbis haud obscure innuit, sibi has prædictiones expressas via peruulgata mathematicorum : nempe ex cælestium motuum computatione, secundum regulas astrologiæ iudiciariæ; quam tamen ab Ecclesia damnatam constat. Apparet autem, ad nihil aliud inductam astrorum mentionem, quam ut hoc peripetasmate altioris societatis & commercii occulta tegeret. Qua etiam arte vsum Nostradamum ad suas prædictiones in lucem protrudendas verisimile est. Illud non dissimulabo : me, cum primum in eas imagines ænigmaticas & prognosticas incidi, horrore perculsum : adeo tetrae ibi effigies pontificum Romanorum; quorum vix ullus figuratur, cui non aliqua apposita bellua, vel belluæ portentum. Quo in genere portentosa in primis & terribilis, quæ ad vaticinium 15. ponitur. Monstrum poetarum chimæra tetrius draconis corpore, capite humano & coronato, belluinis auribus, cauda serpentis, qua stellas detrahit, in mediis

mediis flammis, haud dubie infernis, insidens. Hac autem imagine & vaticinio apposito designari Vrbanum sextum interpreter censet: quem proinde terribilem pontificem vocat.

His Joachimi vaticiniis accedunt alia Anselmi episcopi Marficani, scripta ab eo anno Christi 1278. quæ post obitum Bonifacii octavi in lucem data sunt. Neque hæc Princeps Veronensis indigna existimavit, quæ simili expositionum luce ad hominum intelligentiam excitaret. Magna & prædictionum Hieronymi Sauonarolæ Ferrariensis, ex ordine prædicatorum, viri doctrinæ haud vulgaris, & sanctitatis confessæ, admiratio fuit: quibus euentus prænotatos ad præscriptum respondisse, omnium experientia fidem faciente, testatur Joannes Franciscus Picus in patruī vita. Ac de his hætenus.

Hæc autem paulo diligentius differere visum est, ad comprimendam eorum temerariam censuram, qui quæ in veterum monumentis Sibyllæ nomine prolata vident præscita, ejus genuina esse nolunt; ob hoc ipsum, quia sequentibus rerum euentis certius, quam fieri posse putant, comprobata videantur.

CAPVT XI.

*Quod non omnia, quæ Sibyllæ nomine feruntur, genuina eius sint :
& de ratione dignoscendi genuina ab adulterinis.*

NEc tamen is sum, qui in omnibus, quæ Sibyllæ nomine iactantur, obstringam fidem meam. Verisimile est enim, multa ab otiosis hominibus atque nebulonibus, iam inde a priscis seculis, nomine eius conficta ac veris inserta fuisse. Idque ostendit cura Romanorum principum discernendi vera a falsis, de qua passim in historiarum monumentis fit mentio. Cornelius quidem Tacitus annal. lib. 6. *Simul commonefecit (Tiberius:) quia multa vana sub nomine celebri vulgabantur, sanxisse Augustum, quem intra diem ad prætorem urbium deferrentur, neque habere priuatim liceret. Quod a maioribus quoque decretum erat, post exustum ciuili bello capitolium, quesitis Samo, Ilio, Erythris, per Africam etiam ac Siciliam, & Italicas colonias, carminibus Sibyllæ; una seu plures fuere; datoque sacerdotibus negotio, quantum humana ope potuissent, vera discernere.*

Quæ tamen cura non obstitit, quin de eorum vaticiniorum plerisque ambigeretur. Ut de isto, quod Tiberii principatu vulgatum fuisse inter

inter prodigia, quibus prænunciata est mors Germanici, refert Dio lib. 57. *Neque parum movit animos hominum oraculum quoddam pro Sibyllino habitum, nihil quidem ad isthæc, sed ad nostra tempora pertinens, in hanc sententiam:*

*Τεῖς ὃ τετρακοσίων ὤντε λαομένων ἐνιαυτῶν,
Ρωμαίους ἐμψυλος ὀλεῖ στίσις.*

*Ast ter tercentum reholutis protinus annis
Roma intestina perdetur seditione.*

Hoc carmen Tiberius ut falsum cavillatus, omnes libros fatules inspexit, aliosque probavit, alios rejecit. Neque ideo non istius memoria duravit, animosque percellit tempore Neronis, cum urbem incensam populus videret. Cum Nero, ut est apud eundem Dionem, populi consolandi causa, nusquam hos versus inter Sibyllina repositos diceret. Sed homines aliud canere cœperunt:

Ἐκείνος Αἰνεαδῶν μητροκτόνης ἡγεμονεύσει.

Ultimus Aeneadam matris interfectior imperabit.

Siue id vere oraculo proditum, siue multitudo sponte non sine afflatu numinis protulit, siue ex statu rerum, qui tum erat, coniectura ducta.

Sed & sub mortem Caesaris dictatoris rumorem fuisse a Quindecimviris profectum, siue verum siue fictum, de Sibyllæ vaticinio, idem Dio testatur: quo prædictum esset, *Parthos, nisi a rege, non posse vinci.* Qua de re etiam Suetonius, ubi de L. Cottæ sententia: *Quoniam libris fatalibus contineretur, Parthos, nisi a rege, non posse vinci.* Ex multis quoque Ciceronis locis liquet,

in epistolis ad Lentulum, vbi de negotio Ptolemæi in regnum reducendi ex Sibyllæ libris loquitur, quod in iis de rege esset prædictum. Item in libris de diuinatione: *Sibyllæ* (inquit) *versus obseruamus, quos illa furens fudisse dicitur; quorum interpres nuper falsa quædam hominum fama dicturus in senatu putabatur: eum quem re vera regem habebamus, appellandum quoque esse regem, si salui esse velimus.* Et mox: *Cum antistitibus agamus; ut quiduis potius ex illis libris, quam regem proferant: quem Romæ posthac nec dii nec homines esse patientur.* Ex quibus verbis apparet, quantum Cicero & alii procures & cordati viri illius temporis, non quidem de Sibyllæ oraculis, sed de eorum fide, qui illa proferrent, dubitarent. Nec immerito: cum solis sacerdotibus, hoc est, Quindecimuiris, liceret adire libros Sibyllæ, & ex iis, quæ viderentur, ad populum proferre.

Quantum porro impostores & agyrta Sibyllæ nomine abuterentur, ex Luciani pseudomante, & libro de morte Peregrini intelligi potest: quibus locis Alexandri illius pseudoprophetae vaticinium refert pro Sibyllino, ab ipso prolatum, quod scilicet aut ipse de se composuerat, aut a suis amicis & hypophetis acceptum, Sibyllæ nomine idiotis proponebat. Quibus similia post mortem Peregrini cynismum professi ejusdem sectæ & factionis homines Sibyllæ Bacidis nomine vulgabant. Cæterum omnia
in

in hoc genere fuisse conficta & supposita incredibile est. Neque tot seculis Sibyllinorum auctoritas & fama apud gentes durare potuisset, si omnia eo nomine prodita fuissent ficta. Libet enim hic vti ratione eadem, qua vtitur Cicero in lib. 2. de natura deorum; vbi de deorum opinione apud homines: *Quod nisi cognitum comprehensumque animis haberemus, non tam stabilis opinio permaneret, nec confirmaretur diuturnitate temporis, nec vna cum seculis atatibusque hominum inueterare potuisset. Etenim videmus ceteras opiniones fictas atque vanas diuturnitate extabuisse. Quis enim Hippocentaurum fuisse, aut Chimeram putat? quæue anus tam excors inueniri potest, quæ illa, quæ quondam credebantur, apud inferos portenta extimescat? opinionum enim commenta delet dies, naturæ iudicia confirmat.*

Quæ autem horum vera, quæ ficta censeri debeant, certo diiudicare haud promptum, immo perdifficile arbitror: sunt tamen quædam, ad quæ aliquis respiciens, id saltem assequatur, vt non multum aberrèt a scopo. Primum enim in iis, quæ Sibyllæ nomine feruntur, quid Sibyllæ conueniat, quid non, videndum est. Hoc autem cum ex iis, quæ de ingenio, moribus eius atque institutis, aut natura eius afflatus exposuimus, perspicui poterit: tum eorum, quæ eius esse propria nemo ambigit, oraculorum comparatione cum aliis, quæ in controuer-

siam incidunt. Præterea non parum interest, quales sint, quia aliquid pro Sibyllino proferunt & venditant, quorsum, quo tempore, & ita de alijs adiunctis, quæ non parum ad fidem faciendam aut detrahendam faciunt. Quæ enim graues & antiqui scriptores Sibyllæ nomine proferunt, genuina eius esse probabiliter credi possunt: ut quæ supra a Plutarcho laudata proposui. Quæ autem pseudopropheta Alexander apud Lucianum, aut stulta cynicorum quorundam ambitio de Peregrini obitu, nemo non merito ab illis nebulonibus ficta iudicet.

Ad hunc modum pleraque eorum, quæ in libris Christianorum occurrunt, Sibyllæ adscripta, mihi admodum suspecta sunt; quæ præsertim dilucidius de Domini aduentu & rebus tradunt, quam in Sibyllam ethnicam vatem competat. Facileque assentior doctrinæ principibus viris, qui octo illos Sibyllinorum oraculorum libros piæ Christianorum seplasiæ & fraudis magna ex parte inuentum censent. De qua re, quæ maxime inter doctos in controuersia & disputatione est versata, post suo loco dicemus.

Nec defuerunt, qui, quæcunque nomine Sibyllæ ferantur versibus expressa, ipsius poeticæ compositionis & numerosæ orationis argumento, falso illi adscripta contenderent: quod talis oratio furenti non conueniat. Ita quidem M. Tullius in secundo de diuinatione libro his
verbis

verbis : *Non esse autem illud carmen furentis, cum ipsum poema declarat ; est enim magis artis & diligentiae, quam incitationis & motus ; tum vero ea quae ἀκροστιχίς dicitur, cum deinceps ex primis versus literis aliquid connectitur.* Et paucis interiectis : *At quod (ita enim scribo, pro Atque, quod perperam est in vulgatis editionibus) in Sibyllinis ex primo versu cuiusque sententiae, primis literis illius sententiae carmen omne praetextitur. Hoc scriptoris est, non furentis : adhibentis diligentiam, non insani.* Ibi duo proponit M. Tullius, quibus conuincatur, praedictio aliqua non esse Sibyllae : si nimirum poetico stilo scripta sit, & ἀκροστιχίδα habeat : quod utrumque magis attenti animi sit quam furentis. Ita & Varroni esse visum refert Dionysius Halicarnassensis lib. 4. antiquitat. Romanar. non posse videri Sibyllae esse, quae talis diligentiae notam praeferrant, immo hac nota supposititia a Sibyllinis discerni. ἐν οἷς εὐρήσκειται τινες ἐμπεποιημένοι τοῖς Σιβυλλαίοις (χρησιμοὶ) ἐλέγχοντες ἢ τὰς καλεσμένας ἀκροστιχίδας λέγω ἢ ἃ Τερέντιος Ουάρρων ἰσόρηκεν ἐν τῇ θεολογικῇ πραγματείᾳ. id est, *In quibus inveniuntur quaedam supposititia, quae deprehenduntur acrostichidum, quas vocant, discrimine.* Sequor autem hic Ter. Varronis au. floritatem, qui ista prodidit in commentariis theologicis. Insignis locus hic Halicarnassensis historici, de acrostichide in versibus Sibyllae falso adscriptis ; &

notatu in primis dignus, propter singularem ecclesiæ doctorem Augustinum, qui in lib. 18. de ciuitate Dei cap. 23. hoc tanquam magnum argumentum profert, quod Sibylla Erythræa de Christo prædixerit; quia in quibusdam eius nomine prolatis versibus, de iudicio vltimo & signis, quæ ipsum præcedent, hæc notatur acrostichis:

Ἰησοῦς Χριστὸς Θεὸς ὁὗς σωτὴρ.

JESUS CHRISTUS, Dei filius, Saluator.

Qui si memoratum Dionysii locum legisset, aut Varronis ab illo laudati meminisset, non tanti huiusmodi versus fecisset; neque in eorum numero, qui est viginti septem, mathesim suam ostendere voluisset. *Et sunt versus viginti & septem, qui numerus quadratum ternarium solidum reddit. Tria enim ter ducta fiunt nouem. Et ipsa nouem si ter ducantur, vt ex lato in altum figura consurgat, ad viginti septem perueniunt.* Vbi (obiter vt dicam) figuram ex lato in altum consurgere intelligit: cum qui numerus erat planus, multiplicatione per primum numerum fit solidus: nam ibi altum idem est quod profundum. Neque ex primis quinque vocabulorum græcorum, quæ acrostichide inueniuntur, ἰχθὺς nomen, quod *piscem* significat, & mystice *Christum*, effici ad rem pertinere putasset. Sed fortasse non satis valida hæc ratio eradendi e Sibyllinorum albo carminis, quod in eo acrostichis deprehendatur: aut nu-

meris

meris adstrictæ orationis vsus omnis detrahendi vaticiniis aut Sibyllæ aut aliorum vatum, quod talis compositio ex afflatu loquentibus parum conueniat. Qua de re, vt minus plana, aliquid, veritatis declarandæ causa, subiiciendum videtur.

CAPVT XII.

*An metrum aut acrostichis aliena
a stilo oraculorum : Et de poetica
Sibyllæ.*

EX loco supra allato Ciceronis patet, videri ipsi alienum ab prædictione, quæ diuino afflatu contingit, colorem omnem poeseos & modulum versificationis. Ratio eius : quia nemo furore correptus carmen condere potest, quod hæc opera artem postulet, quæ in furentem non cadit. *Non esse autem illud carmen (Sibyllæ) furentis, cum ipsum poema declarat : est enim magis artis & diligentia, quam incitationis & motus &c.* Si vera est hæc ratio, non modo a propheta, sed & alienum a poeta erit carmen & quoduis versificationis genus : si quidem & poetam furore oportere corripi, vt bene officio fungatur, communis omnium prope eruditorum sententia est. Vt enim ait Seneca in libro de tranquillitate : *frustra poeticas fores mentis compos pepulit.* Quod a Platone acceptum ; qui id in dialogo, cui titulus

Phædrus, docet. Quid quod Cicero ipse epistolis ad Q. Fratrem, excusans quod versus non scribat, quos ut faceret Quintus hortabatur, *sibi deesse ἐνθουσιασµὸν*, hoc est, furorem diuinum, causatur? Si sese non posse versus facere illo tempore fatetur, quod furore caret; igitur hunc poetis ad versus faciendos necessarium esse existimat. Non ergo furor verificationi obstat; sed vim, qua perficiatur excitat potius. Plura autem de his in nostra dissertatione de furore poetico.

Præterea aut omnino aliquam fuisse vatem quæ Sibylla diceretur, & diuino afflatu prædiceret, credidit Cicero; aut nullam fuisse, & fictum quicquid de illa dicitur. Si prius verum est, quomodo postea hanc versibus cecinisse oracula sua negetur, quam Plato, Aristoteles, omnes denique, qui huius mentionem fecerunt, *χρησµωδὸν* vocent? Si non putauimus vera, quæ Sibyllæ tribuuntur, neque ipsam extitisse vquam, aut vaticinatam; certe non ea causâ carmen illi derogandum est, quia tale opus humani ingenii non est furentis, sed qui nulla omnino extitit Sibylla, & omnes, qui illam fuisse perhibent, mentiuntur. Non tamen puto aliquem esse tam impudentem, nedum M. Tullium, singularis ut facundiæ sic prudentiæ auctorem, atque etiam, ut ex multis eius dictis intelligo, sapientem, ut, quam omnes fuisse agnoscant, & tanto consensu asserant, vatem negare aude

audeat. Fuisse igitur aliquando Sibyllam, & versibus vaticinatam, credendum est, quam omnes, ut dixi, *χρησιμωδὸν*, hoc est, poetriam vatem, & versibus responsa edentem fateantur.

Quod autem idem Cicero eam diligentiam, qua nomina in carminis modum alligentur, ut poetica fiat compositio, in mente motam & furore percitam cadere negat; si inorbosum furorem intelligit, qualis melancholia laborantium aut phreneticorum, & si solum in Sibylla furorem cogitat, neque aliam fuisse causam illi carminis fundendi existimavit, neque ipse equidem putem tali furore impulsum esse aptum versibus faciendis; verum non dicimus ex solo furoris impetu Sibyllam cecinisse, sed dæmonis, cui serviebat, afflatu, vel dei, si deum illi affuisse credendum est. Quid autem incredibile est, hominem quavis mentis alienatione extra se positum versus fundere, alieno intellectu, dæmonis scilicet suggerentis illi verba & voces modulatas? Equidem non video, quid in eo euentu insit quod negotium facere possit: satisque mirari non possum, tam futili argumento quenquam ausum fuisse impugnare Sibyllæ poeticam aut acrostichidem; par enim ratio est. Neque enim dici potest, non potuisse dæmonem, quos versus Sibyllæ dictaret, eum in modum disponere, ut ex literis primis versuum compositis aliqua sententia efficeretur.

Age

Age & Justinum Martyrem audiamus, qui eodem modo de Sibyllæ poesi philosophatur in parænetico ad Græcos : αὕτη γδ ὅχ ὥσπερ οἱ ποιηταί, καὶ μετὰ τὸ γράψαι τὰ ποιήματα εἶχεν ἐξουσίαν, διορθῶν καὶ ὀπιζέειν, μάλιστα δὲ τὴν τῶν μέτρων ἀκρίβειαν· ἀλλ' ἐν μὲν τῇ τῆς ὀπιπνοίας καιρῷ, τὰ τῆς προφητείας ἐπλήρησ' παυσανμένης ἢ τῆς ὀπιπνοίας, ἐπέπαυτο τῶν εἰρημένων μνήμη. τὸτ' ὅν αἶλιον τὸ μὴ πάντα τὰ μέτρα τῶν ἐπῶν τῆς Σιβύλλης σωζεῖν; id est. Huic enim (Sibyllæ) haudquaquam sicuti poetis, & postquam poemata effuderunt, facultas fuit emendandi atque poliendi carmina ad accuratam compositionis normam; sed in ipso afflatu tempore munus vatis implebat. Cum autem inspiratio cessasset, simul cum ipsa dictorum memoria peribat. Quæ causa est, cur non omnes verbum suum numeri & leges in Sibyllæ carmine seruentur. Ex his Justinii verbis duo aperte colligi possunt : vnum quidem, eodem numinis afflatu Sibyllam & prædixisse futura, & metro expressisse, non tamen accurato, quod quæ furor dixisset furore transacto reuocare ad emendandum non posset, ut poetis mos est. In carmen, ut furoris impetu effusum fuisset, manere imperfectum necesse erat. Suffragatur Justinus Hesiychius Illustris : εἰ ἢ οἱ εἰς αὐτῆς ἀτελεῖς εὐρίσκοντα καὶ ἄμετροι, ὅτι αὐτῆς ἡ αἰτία, ἀλλὰ τῶν ταχυγράφων, αἰσχυροφθασάντων τῇ ῥύμῃ τὸ λόγος. ἅμα γδ τῇ ὀπιπνοίᾳ.

πνοία ἐπέπαιτο ἢ τῶν λεγομένων μνήμη. id est, *Quod si eius versus aliquot imperfecti & metricis legibus parum congruentes inueniantur, non eius id culpa, sed notariorum accidit, qui impetum verborum assequi non potuerunt. Quod simul inspiratus desisset, dictorum intercideret memoria & vānesceret.*

Hæc illi auctores : qui in eo conueniunt quidem, quod ambo Sibyllam non proprio ingenio, sed numinis aut genii instinctu, versibus, quæ futura essent, cecinisse fatentur; discordant vero, quod Justinus de Sibylla, vt de erudita muliere loquatur, dum hanc, quos per furorem alienata mente versus fudisset, potuisse ad se reuersam, si memoria eorum duraret, emendare dicit : & quia dictorum memoria cum furore caderet, mansisse eos versus multis locis inemendatos, rudes, incultos; Hesychius autem videtur opinari, nihil hanc extra furoris impetum & numinis afflatum potuisse, quippe arte omni versificatoria carentem : quam si habuisset, profecto quos vaticinantis ab ore notarii excepissent, emendare ipsa atque ad meliorem compositionis modum redigere potuisset. Nec leuis ex hoc Hesychii loco contra Justinum difficultas exoritur. Vel enim aderant Sibyllæ vaticinanti, qui quæ diceret notis exciperent ; vel prorsus nulli : si illud verum est, non video, cur non potuerit furore transacto, quos furens versus pronunciaffet,

εμεν.

emendare, etiam si horum non posset recor-
dari, cum possent ex notariorum libris resti-
tui integri atque representari; si autem nulli
aderant qui exciperent, ipsa autem quæ dixisset
furens post furorem sibi in memoriam reuoca-
re nullo modo posset, qui potuerint versus illi
fatidici ad posteros manare?

Hæc dubitatio cum solui non possit, tenen-
da omnino est Plutarchi sententia; qui in li-
bro toties citato de Pythiæ oraculis Sibyllam
fuisse cruditam censet, utpote a Musis in Heli-
cone educatam. ὁμοία γ' ὡς τὰν Σίβυλλειων.
ἐπειδὴ γὰρ ἔστιμεν καὶ τὴν πέτραν γενόμενοι τὴν
καὶ τὸ βουλευτήριον, ἐφ' ἧς λέγεται καθίζεσθαι
πρῶτον τὴν Σίβυλλαν, ἐπὶ τῇ Ἑλικῶνος ὠδῶν-
νομένῃ, ὑπὸ τῶν Μουσῶν τραφεῖσιν. id est,
Similia item de Sibyllinis (supple oraculis:) nam
cum nostrum quisque ad petram curiæ vicinam
accessisset, atque consedisset, eam, cui primum in-
sedisse fertur Sibylla, postquam eo venit a Musis
educata &c. Quod enim hanc a Musis edu-
catam dicit, & ingenio aptam, & studio ad
versus scribendos promptam fuisse putandum
est. Si quidem absurdum est, aliquem edu-
cari a Musis, cuius non ingenium a natura
probe sit comparatum ad eas artes tractandas,
quarum Musæ præsides dicuntur. Nam neque
aliter intelligimus aliquem aspici a Musis na-
scentem, aut videre Musas interdum aut in so-
mnis sibi apparentes, quam talem commode a

natura

natura ad poeticam esse factum. Hoc etiam modo Horatii illa intelligo:

Quem tu Melpomene semel

Nascentem placido lumine videris &c.

tum quod narrat Hesiodus initio *Θεογονίας*, sibi aliquando apparuisse Musas in Helicone oves pascenti: & quod Persius in prologo negat, se sibi videri esse poetam, quod in bicipiti vnam somniasse Parnasso non meminisset. Quæ per figuram dicta intelligendum est, ad significandam animi indolem poeticam, aut alienam a Musis.

His consentaneum est, non ore tantum, & inconsulto impetu, & per furorem eos versus fatidicos expressos Sibyllæ, ut Justino martyri, & Hesychio, aliisque multis visum est; sed ipsam scripsisse manu propria oracula sua, eo stilo, qui iis conueniret, hoc est, poetico, cum poeticæ artis perita esset. Nec tamen scripsisse sine genii instinctu, sed hunc socium scribundis oraculis habuisse. Neque enim putandum, eiusmodi furore correptam futura enunciasse, qui mentem illi omnem sic excuteret, aut artis usum interciperet, ut eo furore transacto non posset reminisci eorum, quæ furens prædixisset: sed quo animus dumtaxat illuminaretur. Quo pacto sanctos Hebræorum prophetas ad vaticinandum impulsos credimus, sensibus integris, memoria incolumi, iudicio constanti. Quod de Sosipatra dæmonum alumna muliere

muliere tradit Eunapius: quam nobis σωφρό-
νως ἐνθροισάν depingit. Quod autem Sibyl-
la & poetices perita, & manu propria, quæ vel-
let, scribere posset, testatur Pausanias in Phoci-
cis de Herophile, ipsamet Sibylla, de qua loqui-
mur; dum hanc hymnos in Apollinem scri-
psisse refert. Δήλιοι ἧ καὶ ὕμνων μέμνηται τῆς
γυναικὸς ἐς Απόλλωνα.

Neque obstat, quod quidam versus in Sibyl-
la oraculis non satis ad exactam metrices le-
gem exacti occurrunt: cum & apud Homerum
tales reperiantur, partim ἀκέφαλοι dicti, cum
quid deest initio, vt in hoc:

Ἐορέης καὶ ζέφυρος &c.

partim μέγρεσι, cum in fine: quasi excaudatos
aut cauda mutilos dicas; partim redundantes
initio aut in fine; vel etiam κολοῦξες mutilos,
si in medio deficiat: vt alia compositionis me-
tricæ vitia omittam, quæ critici in poetarum
principe obseruant: Vt in primo versu Iliados,
qui scandi non potest:

Μῆνιν ἄειδε θεά Πηληϊάδεω Ἀχιλῆος.

quæ tamen Homerus ad mensuram reuocare
neglexit, cum posset. Nempe viro illi diuino
& maximarum virtutum sibi conscio indignum
maiestate sua visum, ad hæc minuta & plane
grammatica descendere, aut suspicionem præbe-
re, tanquam in leuibus reprehendi metuisset.
Ita Plutarchus de illius versus ἀμετρία iudicat
in libro de ratione, qua quispiam se in virtutis
studio

studio profecisse deprehendat : Ομηρος ὃ τὸν
 πρῶτον δ' διηνέχθη τῶν εἰχῶν ἄμετρον ἐξενέγ-
 κων· τοσῶτον ᾤειν ἀπὸ Φρονήματ' εἰς τὰ
 λοιπὰ διὰ τὴν δύναμιν· id est, *At vero Homerus*
non dubitavit primum suorum versuum sinere in
lucem prodire immodulatum: tanta illi ad reli-
qua poematis virtutis fiducia superfuit. Si vir-
 tutis abundantia & fiducia obstitit Homero,
 quo minus ubique mensuræ in versibus funden-
 dis haberet rationem: quanto magis decuit Si-
 byllam, quam apte semper versus caderet, secu-
 ram esse in oraculis.

CAPVT XIII.

Quod Sibylla haud notariorum siue
librariorum opera, sed propria manu
carmina sua scripserit; ac scripto
potius quam voce, quæ nosset
de futuris, expromeret.

QUod ergo non vsquequaque elaborati sunt
 ac perfecti Sibyllæ versus, non hæc causa
 est, quam memorati auctores opinantur, eorum
 quæ in afflatu expressisset obliuio, sed incuria &
 contemptus emendationis: neque verum est,
 cecinisse hanc tantum, non scripsisse. Reuera
 enim oracula sua composuit, ac literis ipsa con-
 signauit, variis, apud quas versabatur, gentibus

atque ciuitatibus custodienda, cum & poetria esset & vates. Quo etiam discrimine distinguitur a Pythia Apollinis Delphici sacerdote. Huic namque, cum indocta esset, vt supra obseruabamus, omnino opus erat notariis, qui furentis verba exciperent: vtpote cuius poesis tota ab afflatu penderet, quo transacto, neque reuocare in memoriam versus, neque componere aut emendare potuisset. Ita ad nihilum eius vaticinatio rediisset. Aut igitur vaticinium ab iis ipsis, qui hanc consulebant, per notarios excipiebatur, aut ipsi postea audita memoria repetentes chartæ mandabant, vt domum referrent. Ita quidem de quodam oraculo Atheniensibus reddito tempore belli Persici exponit Herodotus lib.7. *ταῦτίσφι (ἡπιώτερῳ γὰρ τῶν περτέρων καὶ ἦν καὶ ἐδόκεε εἶναι) συγγραψάμενοι, ἀπαλλάσσοντες εἰς τὰς Ἀθήνας.* id est, *Hæc cum mitiora viderentur responsa, postquam scriptis mandarunt, Athenas sunt profecti.* De iis loquitur, quos Athenienses miserant Delphos sciscitatum de vitanda clade, quæ a Persis imminebat. Hinc quorumdam suspicio, non prolatos a Pythia eos versus, sed a peritis factos, qui responsa sine arte edita, postea numeris additis ad versuum formam redigebant. Plutarchus de Pythiæ oraculis: *πολλῶν δὲ ἦν ἀκρίει, οἳ ποιητικοὶ λινες ἄνδρες ἐκδεχόμενοι τὰς Φωνάς, καὶ ἀπολαμβάνοντες, εἰ καὶ ἀγνοοῦσι τὸ χρηστήριον, ἔπει, καὶ μέτερον, καὶ*

καὶ οὐδὲν
pro ἀγέ
περτέρων
qui di
etiam
ciperent
rhythm
in ipso
tamen
chus
conf
respo
tand
mul
vo

fer
po
a
t

καὶ ῥυθμὸς, οἷον ἤχεῖα (ita enim scribendum pro ἀλῆα) τοῖς χρησμοῖς ἐκ τῶ πρῶτοντος ὑπερέκοντες. id est, *Sed & multos audire erat, qui dicerent, nonnullos artis poeticæ peritos viros etiamnum sedere apud oraculum, qui voces exciperent, iisque stylum heroicum, metra & rhythmos, ceu vasa sonorem edentia, oraculis in ipso temporis articulo circumponerent.* Quam tamen suspicionem vanam fuisse docet Plutarchus, communi eruditorum consensu; quo constat, fuisse tempus, cum Pythia versibus responsa ederet: unde occasio Plutarcho disputandi in eo libro, quod eius tempore, immo multo ante, desuisset Pythia modulatas edere voces.

Secus dicendum de Sibylla; quam versibus semper vaticinatam constat. Verum hæc cum poetices perita esset, aliorum ministerio ad suas prædictiones literis mandandas non utebatur, sed ipsa in otio & secessu, cum se numine afflari sentiret, eius impulsu ad oracula scribenda se componebat. Immo non erat mos eius voce oracula reddere, sed scripto potius: quemadmodum ex Virgilio colligi potest, cum Æneam Heleni monitu inducit rogantem Sibyllam, ut sibi fata sua viua voce expromeret, non autem, ut solebat, in foliis scriberet.

*Tantum foliis ne carmina manda,
Ne turbata volent rapidis ludibria ventis:
Ipsa canas, oro.*

Quorsum autem spectet, quod in tertio Æneidos habet, de eiusdem consuetudine scribendi responsa in foliis arborum, quæ in ordinem disposita integram oraculi sententiam sciscitantibus exhiberent legendam, sed quam nemo tamen ex iis assequi posset, priusquam scriptura legeretur, Sibylla excedens simul ianuam aperuisset, ventus irrumpens foliorum illam compositionem de improviso turbaret: quid, inquam, sibi tali figmento velit, non est facile explicare; nisi forte hac sermonis ambage oraculorum perplexitatem insinuare voluit. Quemadmodum in vanitatem somniorum eadem imagine in sexto eiusdem operis ludit, vlmum describens, medio orci in limine, opacam, ingentem, cuius sub foliis omnibus hærent somnia:

In medio ramos annosaque brachia pandit

*Vlmus opaca, ingens: quam sedem somnia
vulgo*

*Vana tenere ferunt, foliisque sub omnibus
hærent.*

An igitur & illic Maro, ut Epicureus, (qui fuisse creditur) responsa in foliis solitam scribere Sibyllam fingit, ut non minus vana illa esse, atque insomnia, ostenderet? quippe quibus eadem atque illis sedes, caduca arboris folia. Tametsi enim & hoc loco sexti Æneidos, & in tertio, tum in quarta ecloga, egregie Sibyllini carminis diuinitatem commendat; sci-
mus

mus tamen hunc poetarum esse morem, ut in suis poematis nullius se doctrinae finibus contineri patiantur, sed libere, quo eos rapit ingenii tempestas, ferantur: modo in Academiam, aliquando in Lyceum, nonnunquam in Porticum, interdum in Epicuri hortos, omnium placita sectarum in suis operibus notari ambitiosius affectantes. Ut in presenti loco Epicuri opinionem, diuinationem omnem explodentis: verum oblique & figurate: non ut eam doctrinam probaret, sed ne silentio præteriret.

Nec me interea fallit, proditum a Varrone, Sibyllam solitam uti foliis palmarum: ita enim testatur Seruius Maronis interpret. Symmachus autem in epistola quadam libri quarti ad Protadium, hanc oracula sua in linteis scripsisse refert. *Et Martiorum quidem vatum* (inquit) *diuinatio caducis corticibus inculcata est. Monitus Cumanos* (siue Sibyllæ Cumææ) *linthea texta sumpserunt.* Vbi *linthea texta* intelligit linteos libros: quales olim sub Imperatoribus asseruatos in Vlpia bibliotheca ex Vopisco discimus in vita Aureliani; quem ait iussisse, ut sua Quotidiana, quas scilicet Græci ephemeridas vocant, in libris linteis scriberentur. Ita quibus in foliis vaticinia consignaret Sibylla non satis exploratum habemus, palmæ, an papyri, an aliarum arborum; neque omnino qua in materia. Hæc tamen de

scriptione & libris Sibyllæ silentio premenda non putavi.

Cæterum notis etiam Sibyllam significasse futura, idem Seruius ad tertium Æneidos tradit; & ita hæc Maronis verba exponit:

foliisque notas & nomina mandat.

Tribus (inquit) modis futura prædicit: aut voce, aut scriptura, aut signis: id est, quibusdam notis, ut in obelisco Romæ videmus; vel, ut alii dicunt, notis literarum, ut per unam literam significet aliquid. Ex his tribus prædicendi modis duos priores, vocem scilicet & scripturam, omnes agnoscunt: scripturam in primis, quam illi magis familiarem fuisse ostendi; de tertio modo ambigi potest. Quas notas intelligat, satis declarat, cum eius generis censet, cuius quæ Romæ in obelisco viscebantur. Has enim fuisse hieroglyphicas, hoc est, animalium aliarumque rerum effigies & sculpturas, ex Plinio constat: qui lib. 36. cap. 8. has Ægyptiorum literas, hisque obeliscos conscriptos fuisse, testatur. *Primus omnium id instituit Mitres, qui in Solis urbe regnabat, somnio iussus: & hoc ipsum inscriptum in eo. Etenim sculpturæ illæ effigiesque, quas videmus, Ægyptiæ sunt literæ.* Et cap. 9. de obeliscis duobus, qui Romam ex Ægypto translati, tradens: *Is autem obeliscus, quem diuus Augustus in circo magno statuit, excisus est a rege Semneserteo, quo regnante Pythagoras in Ægypto fuit; centum viginti quin-*
que

que pedum
lapidis: is
peatibus m
nature in
lophie d
est, fuer
in usu;
rum pr
corum
lam, d
imus.
tem A
se.
nes
mni
dem
de
qui
scr
qu
e
t

que pedum, & dodrantis, præter basim eiusdem lapidis: is vero qui est in campo Martio, nouem pedibus minor, a Sesostride. Inscripti ambo rerum naturæ interpretationem Ægyptiorum opera philosophiæ continent. Et hoc, inquam, dubium est, fuerintne eæ notæ hieroglyphicæ Sibyllæ in vsu; cum eiusmodi scribendi vsum Ægyptiorum proprium fuisse constet, non autem Græcorum. Græcam vero genere fuisse Sibyllam, & græce scripsisse, supra abunde ostendimus. Non est autem verisimile, Græcam vatem Ægyptiis notis & hieroglyphicis vsum fuisse. Quorsum enim? ad velandas prædictiones? quasi dictionis perplexitas communis omnibus prophetis non sufficeret. Mihi quidem verisimile non fit. Nec magis probabile de altero notarum genere: cum scilicet aliquid per vnam litteram significatur. Is modus scribendi enim inuentus est potissimum ad quam celerrime excipiendas loquentium voces, ideoque in vñ ταχυγράφων, hoc est, notariorum. Sed & ad rerum scriptarum occultationem: cuius plures modos videre licet apud Cardanum lib. 12. cap. 61. de varietate naturæ. Si quidem nullam extat exemplum vatis, qui talibus notis futura expresserit. Vt omittam, non potuisse iis vti Sibyllam; si verum est, harum inuentorem fuisse Tyrone[m] Ciceronis libertum, aut, vt alii dicunt, Mæcenatem. Sed de poesi & stylo Sibyllæ hæcenus: nunc de Sibyllæ libris.

CA-

CAPVT XIV.

*De antiquis & genuinis Sibyllæ libris.
Quid sint Operta Apollinis.*

HOrum duplex genus distingui potest : antiquorum, & recentiorum. Antiquos voco, quos veteres Græci & Romani habuerunt; recentiores, quos posterior ætas inuexit. Prioris generis centum Seruius Grammaticus agnoscere videtur, cumque numerum indicari his Maronis verbis in antri Sibyllæ descriptione;

*Excisum Euboicæ latus ingens rupis antrum,
Quo lati ducunt aditus centum, ostia centum:
Vnde ruunt totidem voces, responsa Sibyllæ.*

Ita igitur Seruius ad tertium Æneidos; *Sane sciendum, omnia responsa Sibyllæ plus minusue centum non contineri sermonibus. Vnde Virgilius ait: quo lati ducunt aditus centum &c.* Item in sextum Æneidos ad citatos versus; *Ostia centum. Finitus numerus pro infinito: licet & possit rationabiliter dictum esse. Responsa enim Sibyllæ in hoc loco plus minus centum sermonum sunt.* Obiter dicam: restituenda sententiæ negatio non, vt in priore loco, sic: *Responsa enim Sibyllæ non plus minus centum sermonum*; aut certe delenda e priore loco. Si cum negatione malumus legere, sensus erit: centum omnino fuisse Sibyllæ responsa; non plura aut pauciora. Subdit Seruius: *Inueni-*

untur

untur tamen Apollinis elogia (scribe *logia*, id est, oracula) *& viginti & quinque & trium sermonum* : unde *& melius est finitum pro infinito accipi*. Ita parum certus ille, videtur de Sibyllæ librorum numero ; si tamen *sermonum & responsorum* nomine libri intelligi debent.

Cæterum Lactantius lib, i. cap. 6. cum plures Sibyllas agnosceret, singulis suum librum attribuit : *Et sunt singularum* (inquit) *singuli libri* : qui quia Sibyllæ nomine inscribuntur, unus esse creduntur : *suntque confusi, nec discerni ac suum cuique assignari potest, nisi Erythrææ.* &c. Vnus igitur Sibyllæ liber dumtaxat, si vna tantum fuit Sibylla, quod nos volumus. Immo plures eiusdem libri, quot scilicet fuisse Sibyllæ dicuntur : si quidem, eodem Lactantio teste, Sibyllæ nomine omnes inscripti erant, ideoque crediti unus esse, cum essent confusi, neque horum esset diuersitas, qua discerni possent. Quod & Lactantius ipse credidisset, nisi illi, quominus verum fateretur, anticipata opinio de multitudine Sibyllarum prodita a Varrone obstitisset. Ita igitur ipsius Lactantii verbis, contra eius sententiam, verisimiliter ostendi potest, decem fuisse a Sibylla conscriptos oraculorum libros. Sed bonus earum rerum auctor Fenestella mille tantum circiter Erythrææ Sibyllæ versu ex Asia Romam allatos tradit. Quare non absurdum

fuerit putare, non pauca supposititia & notha Sibyllinis iam tum fuisse inserta.

Porro ex iis versibus, siue Pythiæ, siue Sibyllæ, alii erant reconditi neque in vulgus prolati, alii editi & mundo noti. Quæ diuisio non modo de libris fatalibus vsurpata, sed etiam aliis multis bonorum auctorum. Nam & in philosophia Platonis & Aristotelis compertum habemus, quædam fuisse *δωρὸν ἔχουσα* & *ἀνένδοτα*, solis eruditis scripta, ideoque in occulto habita. Haud aliter apud antiquos arcana quædam vaticinia Pythiæ & Sibyllæ fuisse putandum est, in templorum adytis & archiuis reposita, ad perpetuitatem. Quo in genere ponenda fortasse quæ Marcus Tullius *operta Apollinis* vocat, in primo de diuinatione, his verbis: *Eodem modo multa a vaticinantibus sæpe prædicta sunt: neque solum verbis, sed etiam versibus, quos olim Fauni vatesque canebant. Similiter Marcius & Publicius vates cecinisse dicuntur. Quo ex genere Apollinis operta prolata sunt.* In secundo etiam libro eiusdem tractationis eorundem mentionem facit: *Eodemque modo, nec ego Publicio, nescio cui, nec Marciis vatibus, nec Apollinis opertis credendum existimo: quorum partim fæta aperte, partim effutita temere, nunquam, ne mediocri quidem cuiquam, non modo prudenti, probata sunt.* Huiusmodi arcana oracula penes Vcientes fuisse idem auctor citato primo de diuinatione libro tradit, ideoque

que in opertorum Apollinis ordine habenda; quæ non fuisse ficta neque friuola, ut ille Academicorum ritu in utramque versans partem disputat, euentus ostendit. Ita igitur ibi scriptum est: *Quid, quod in annalibus habemus, Veienti bello, cum lacus Albanus præter morem creuisset, Veientem quendam ad nos hominem nobilem profugisse, eumque dixisse, ex fatis, quæ Veientes scripta haberent: Veios capi non posse, dum is lacus redundaret, & si lacus emissus lapsu & cursu suo ad mare profluxisset, perniciosum populo Romano; sin autem ita esset eductus, ut ad mare peruenire non posset, tum salutare nostris fore.* Et paulo post: *Cum autem Veientes bello fessi legatos ad Senatum misissent, tum ex his quidam dixisse dicitur: non omnia illum transfugam ausum esse Senatu dicere; in iisdem enim fatis scriptum Veientes habere, fore ut breui a Gallis Roma caperetur. Quod quidem sexennio post Veios captos factum esse videmus.*

Hæc quis ficta dicat, quæ manifestis rebus vere fuisse præuisa & prædicta euentus ostendit? Itaque vel hoc exemplo indubitato confirmari potest, quod supra dicebamus, de scientia dæmonum: neque hos ita esse ab omni cum diuinis commercio & societate remotos, ut non ad eos inde crepuscula & fulgores quidam futurorum indices, moderante Numinis prouidentia, perueniant. Multa quoque apud Græcos

Græcos auctores occurrunt, quæ ad hæc Apollinis operta merito referuntur. Vt quæ Herodotus in Terpsichore de oraculis a Pisistrati posteris Athenis in arce relictis tradit : ἐκ τῆς αὐτῆς δὲ ὁ Κλεομένης ἐκ τῆς Ἀθηναίων ἀκροπό-
 λος τὰς χρησμούς, τὰς ἐκτείντο, πλεύτερον μὲν οἱ Πεισιπρατίδοι, ἐξελαυνόμενοι ἢ ἔλιπον ἐν τῷ ἱερῷ. id est, *Cleomenes autem in templis habebat oracula, sumpta ex arce Atheniensium, quæ prius erant penes Pisistrati posteros, ab iis autem, dum urbe expellerentur, relictæ ibi fuerant.*
 παλαιὰς autem χρησμούς, *antiqua oracula* vocabant : quod epithetum quoties occurrit, de opertis Apollinis intelligendum est. Sic apud Plutarchum in Agesilao Diopithes ille, cuius supra mentio habita est, vir χρησμολόγος, *oraculorum peritus enarrator*, μαντικῶν παλαιῶν ὑπόπλευρος, *plenius, suffertus veterum vaticiniorum* dicitur : quæ scilicet studiose in templorum archiuis scrutabatur, atque inde effossa in lucem suo tempore proferebat ; vt illud de regno claudicante, in altercatione Agesilai & Leotychidæ. De quo genere oraculorum insignis in primis locus eiusdem Plutarchi in Lyfandro : ἄλλον τε λόγον ἐκ Δελφῶν ἀνικομίσαντες εἰς τὴν Σπώρτην κατέβαλον καὶ διέσπειραν ὥς ἐν γεάμμασιν διπορήσας ὑπὸ τῶν ἱερέων φυλάττειν παμπάλαιοι δὲ ἱνες χρησμοί, καὶ λαβεῖν οὐκ ἔστι τῶν, ὅδ' ἐντυχεῖν θεμιτὸν, εἰ μή τις ἄρα γεγωνὸς ἐξ Ἀπόλλωνος ἀφίκοιτο. id est,

*Tum alium insuper Delphis sermonem transmis-
sum in vulgus Lacedæmone spargebant; quod sci-
licet vetustissima oracula arcanis libris perscripta
apud sacerdotes seruarentur, quæ nec ipsis fas
esset promere, aut illa inspicere, sed alicui tan-
tum, qui Apollinis stirpe editus esset, si eo se confer-
ret.* Neque obstat, quod istud oraculum,
quod tunc pro vero & antiquo prolatum fuit,
ab antistitibus & ariolis, qui Lysandri parti-
bus fauebant, confictum fuisse non dubitatur.
Sufficit nobis, quod vetera oracula ἐν ἀπορρή-
τοις βιβλίοις, in reconditis libris archiuis-
que templorum fuisse, ex hoc loco pateat. Ne-
que enim is sum, qui omnia eius generis vera
fuisse pertendam: multa enim fuisse falsa non
dubito; omnia, incredibile est: aut nullam
priscis Græcis fuisse religionis curam, nullam
Romanis, omnia sine dispectu sine iudicio re-
cepisse, quæ vates & sacerdotes proponerent,
fatendum. Quod de acutissimis prudentissi-
misque gentibus putare captum excedit naturæ
humanæ. Non solum rectores ciuitatum, re-
ges, imperatores, iis oraculis priscis fidem ha-
bebant, sed & philosophorum doctissimi, qui-
bus imponere non fuisset facile. Quo in nu-
mero & Porphyrius, vt supra a me notatum, adeo
persuasus fuit de veritate antiquorum oracu-
lorum, vt inde capta opportunitate libros de
methodo philosophandi ex oraculis non dubi-
tauerit scribere.

Hæc

Hæc igitur sunt operta Apollinis, partim vera, partim ficta & supposititia, sed ita ut fraus non lateret: ut qua usum Heraclitum in poetis occultanda in Dianæ fano refert Tatianus in oratione contra Græcos: ἔτ' ἂν ἐπαι-
 νέσαιμι κατακρύψαντα (κατακρύπτειν) τὴν πόησιν
 ἐν τῷ τῆς Ἀρτέμιδος ναῷ μυστηριωδῶς, ὅπως
 ὑπερβῇ ἢ ταύτης ἑκδόσις γένηται. id est; *Neque
 laudauerim Heraclitum, qui in templo Dianæ
 abscondit poesim suam, ut postea hæc rei mysticæ
 in modum proferretur in lucem.* Ex quo patet,
 philosophos sua scripta in templis condidisse:
 quod dum Heraclito exprobrat Tatianus, ceu
 ambitione ad id faciendum impulsio, incitiam
 aut malignitatem suam prodit. Ignorat enim,
 hunc veterum morem fuisse, ut sua scripta in
 templis deponerent: non eo consilio, ut po-
 steris venerationi essent, tanquam consecrata,
 sed quod ea tutius in loco religioso reponi ar-
 bitrarentur. Sic Galenus initio libri primi de
 compositione medicamentorum per genera,
 volumina eius argumenti Romæ ab se in pa-
 cis delubro cum aliis multis recondita fuisse
 dicit: quibus eius ædis incendio consumptis,
 coactus fuerit alia novis vigiliis, amicis id po-
 stulantibus, substituere, cum nulla priorum
 apud amicos exemplaria extarent. Nec feci-
 us poetas solitos, Augusti ævo, sua poemata
 ad perennitatem deponere in Palatini Apolli-
 nis templo, ex Horatio discimus in epistola ad
 Iulium Florum:

Quid

*Quid mihi Celsus agit? monitus, multumque
monendus,*

Privatas ut querat opes, & tangere vitet

Scripta, Palatinus quæcumque recepit Apollo.

Eundem morem & sæculo Homeri obtinuisse colligo ex Platone, qui Homeri ἀπόθεσσις ἐστίν, hoc est, operata & recondita carmina citat in Phædro.

CAPVT XV.

*De vulgatis Sibyllæ oraculis: & de
quodam enigmate, quod in illis
libris inuenitur.*

Superfunt alia oracula, quæ Sibyllæ nomine passim circumferuntur, octo libris comprehensa. De his vetus inter eruditos est contentio, verane sint Sibyllæ vaticinia, an falso illi adscripta. Multi vera esse censent & amplectuntur. Quo in albo est in primis Sebastianus Castalio, qui eos libros Σιβυλλικῶν χερσῶν versione & notis illustrata edidit, Xystus Betuleius, M. Antonius Antimachus: cuius præfatio ad eos libros græce scripta extat; quibus recentiores alii complures subscripserunt. Alii omnino hæc a Sibylla profecta inficiantur. Ego ut omnia, quæ iis libris continentur, notha esse non ausim contendere, sic neque omnia sine discrimine pro veris amplecti.

plecti. Signanda hæc sunt linea alba, neque committendum, vt vana attoniti religione, quia quædam in illis libris laudata a Patribus, & nomine Sibyllæ reperiuntur, propterea & hæc & alia genuina eius effata credamus. Quis enim, quæso, (vt inde censuram hanc ordiar) veterem Sibyllam, de qua tam multa hæctenus ex veterum monumentis expressimus, eorum auctorem dicere audeat, quæ in primo sermone de vnius Dei principatu, de mundi creatione, hominis primi ortu & constitutione, paradiso, priorum hominum vita longa, artium inuentione, & aliis, Mosis historiæ propheticae consentanea leguntur; & non potius ab aliquo Iudæo conficta, vel potius a Christiano: hoc consilio, vt quæ postea de Christi aduentu, & mysterio redemptionis humanæ, eiusdem Sibyllæ nomine dicturus esset, fidem facilius inuenirent? In quibus & illud de Dei nomine ænigma occurrit, quod eruditorum ingenia multiformi coniecturarum ambage hæctenus torfit, & tale est:

Εννέα γράμματα ἔχω, τετρασύλλαβός εἰμι,
νόει με,

Αἱ τρεῖς αἱ πρῶται, δύο γράμματα ἔχουσιν
ἐκάστη,

Ἡ λοιπή ἧ τὰ λοιπὰ, καὶ εἰσιν ἄφωνα τὰ
πέντε.

Τὰ πάντος δ' ἑξήμισ' ἑκατοντάδες εἰσὶ δις
ἑκτά,

καὶ

καὶ τρεῖς τρεῖς δεκάδες, σὺν γ' ἑπτά· γὰρ δὲ
τίς εἰμι,

Οὐκ ἀμύνησ' ἔση θείης παρ' ἐμοί γε σοφίης.

Sic autem hos versus latine vertit Castalio:

*Sunt elementa nouem mihi, sum tetrasyllabus
autem:*

(*Percipe me*) *primæ tres syllabæ efficiuntur*

Ex binis omnes elementis: cetera restant

In reliquis: quorum sunt non vocalia quinque.

Totius numeri bis sunt hecatontades octo,

*Et ter tres decades, cum septem. Si scieris
me,*

Non te, qua potior, sapientia dia latebit.

Quis credat antiquæ Sibyllæ esse hæc? Primum.

Deus est, qui loquitur, Noah autem patriarcham

mox arcam ingressurum alloquitur: tum hæc lo-

quens inducitur, quæ apud Esaiam prophetam

legimus parua immutatione. Ita enim ibi

cap. 66. Deus loquitur: *Cælum sedes mea, ter-*

ra autem scabellum pedum meorum. Quæ

Pseudo Sibylla his verbis exprimit:

Οὐρανὸν ἐνδεδύμαι, περιέβλημαι ἢ θάλασσαν·

Γαῖα δὲ μοι στήριγμα ποδῶν.

id est,

Cælum pro vestitu gero, & mari ut inuolu-
cro & pallio utor,

Terra autem fulcrum est pedum meorum.

Sequitur ænigma, de quo agitur nunc,

Εὐνέα γράμματ' ἔχω &c.

Hoc igitur de Jchoua, quod nomen est ineffabile Dei apud Hebræos, quidam interpretantur; Joannes autem Picus de Messia nomine dictum existimauit. Ita quidem Leo Suauius habet in præfatione ad scholia sua in libros Paracelsi de vita longa. Quem virum laudare minus piget, ut eruditum; alioqui nimis superstitiosum & nugis Paracelsicis atque magicis addictum. Ibi ita refert: *Joannes Pantheus Venerus in libro Voarchodumie enigmatica, Jchoua interpretatur, quod Joannes Picus nomen futuri Messie existimat: ille ad chymiam suam detorquet. Vim inferat, nec ne, iudicio prudentum relinquo.* Mihi cum auctorem ignotum esse fateor, solum ex titulo & verbi monstro, quo librum suum inscripsit, velut ex ynnægue, quod dicitur, leonem, hominem inepte ambitiosum & in literis circulatorem olfacio.

Cæterum longe diuersam eiusdem ænigmati interpretationem affert Cardanus lib. 10. de rerum varietate cap. 52. quam se habere ab Emaro Ranconeto in Senatu Parisiensi præside, testatur. Nempe quæ illo ænigmati traduntur, ad amussim in *ὑπερπικρόν*, quod latine *auripigmentum* dicitur, metallici genus, conuenire demonstrat. Quam demonstrationem non fuit consilium huc transferre, utpote prolixior. Satis sit locum studiosis indicasse. Illud non præteribo, quod ad enarrationis illius auctorem attinet: quippe hanc citato loco

Carda-

Cardanus Emaro Ranconeto adscribit acceptamque fert. *Cum* (inquit) *in hos sermones incidissem, probari hanc artem* (chryfopoeiam, cuius periti iactant se metalla in aurum conuertere) *illustris Emarus Ranconetus præses Lutetianus demonstrauit carmine Sibyllino; adeoque ad amussim, ut cum ambigua soleant esse talium responsa, hac in causa clariora solis luce ænigmatis verba fuisse videantur. Itaque que ille doctus vir miro expressit artificio, prout ab illo accepi dum Lutetiæ essem, subiungam. Nihil clarius: aperte enim dicit, se accepisse, cum Lutetiæ esset, eius ænigmatis demonstrationem ab Emaro Ranconeto.*

Nunc Leonem Suauium citato loco se se eius demonstrationis auctorem primum profitemem, ac eam ceu proprium inuentum vindictarum iure repetentem, audiamus. *Sicnos* (inquit) *per lusum adolescentes adhuc, versibus Sibyllinis græcis de diuino nomine, vocem græcam δεσπινὴν accommodauimus: in quo omnia pulchre conuenire videbantur. Nempe nouem litteræ, quatuor syllabæ, tres primæ duarum singulæ literarum, reliqua reliquarum, id est, trium, mutæ quinque v̄ semel sumptio, vocales ergo quatuor. Restat in numero, qui ex literis colligitur, difficultas: quam enarrauit Emarus Ranconetus, vir apprime doctus, Cardano, cum ab Emilio Perotto, viro eruditissimo atque integerrimo, accepisset, qui in his artibus disceptandis mecum maxi-*

nam voluptatem capiebat. Id enim qualecumque est, inuentum est meum: ut libellus ille noster fidem facit. Exinde ad Cardani tractationem transit, quam *variā & maculosam* appellat: inscitiae etiam arguit in arsenico & auripigmento, quæ Cardanum ait distinxisse, tanquam res diuersæ his vocabulis significantur. Verba Cardani hæc sunt: *Accedit illud, quod res ipsa verbis & nominis expositioni congruit, ut alias docuimus: nam & arsenico æs in argenti similitudinem transit, & in auripigmento aurum continetur.* Ex his igitur verbis arguit, Cardanum falso putasse, arsenicum esse diuersum ab auripigmento; cum hæc nomina solo linguarum discrimine differant: quod enim Græci *ἀρσενικόν* vocant, Latini *auripigmentum* appellant. Sed hæc censura iniqua est. Neque enim sic locutus Cardanus, quod hæc nomina rerum diuersarum putaret; sed cum duo arsenico tribuat, vnum quod in argenti similitudinem transeat, alterum quod in se aurum contineat, hoc posterius exprimere volens, vocis latinæ commoditate vtendum censuit, propterea quod & in ipsa aurum continetur, vtpote composita ex duobus nominibus, *auro & pigmento.*

Hæc autem de illo ænigmate referre visum est, vt appareat, multa in illis *Σιβυλλικῶν* libris inserta esse notha, quæ nemo sanus Sibyllæ adscribere audeat. Si enim verum est, quod
memo-

memorati viri docti putarunt, ænigmate illo significari arsenicum, vt materiam opportunam chymicis ad aurum faciendum: quis satis mirari possit impudentiam nebulonis istius, qui hæc ausus sit Sibyllæ oraculis interponere, &, quod maioris amentię est, Dei optimi maximi persona ad tales imposturas vti? Cum præsertim Deus ibi inducatur Noah patriarcham de mox futuro diluuiio admonens, nisi homines resipiscant, adeoque illi imperans, vt iis proximam cladem & supplicium imminens denunciet: quod & facit. Statim enim ænigmati de auro faciendo subiungitur patriarchæ concio ad homines. Vt nihil magis ab eo negotio, quod ibi agitur, alienum & importunum dici possit ænigmate. Tametsi istud incongruens & inconditum defendit Cardanus, sed frustra. Ita enim hic citato loco: *In quo & illud mirum videri posset, quod tam procul vates abscedat a proposito. Sed hæc & maiora longe sunt vatum priuilegia, & maxime lymphaticarum & fanaticarum.* Esto. Fanaticis ius sit dissentanea & absona miscere: num & Deus fanaticus, vt si loquens inducatur, dum de aliquo loquitur, statim sine ratione aliud nihil ad rem, de qua agitur, pertinens, atque remotissimum interponat? Vt omittam, quam sit alienum a tanta maiestate, docere homines artem auri efficiendi; quos non multos post

annos ob auaritiam, ambitionem, & alia vitia aquis submergere decreuisset.

Jam si non *ῥεσενικόν*, (quod ridiculum dictu in oraculo) sed *σωτῆρ θεός*, *Seruator Deus*, in illis nouem literis continetur, vt Joannes Auratus, vir doctissimus, ariolabatur; non minor sequitur ineptia & absurditas Sibyllæ, ænigmate inuoluentis rem omnium manifestissimam. Quid enim manifestius, quid magis in confesso apud omnes mortales, quam Deum conseruare & tueri omnia in vniuerso? Quid hic opus ambagibus, quid obscuritate sermonis, ad id tegendum, quod velis nolis parens rerum natura explicat, quod cæli enarrant, elementa loquuntur, inanimata pariter & animata indubitatis documentis persuadent? Vnde enim philosophi hanc doctrinam, nisi ab ipsa natura hauserunt? in quibus & auctor libri de mundo ille quicumque est, cuius hæc in eo libro diuina extat sententia: *Σωτῆρ μὲν γὰρ ὅντως ἀπάντων ὄντι, καὶ γενέτωρ τῶν ὁπωσδήποτε καὶ τόνδε τὸν κόσμον συντελεσμένων, ὁ θεός.* id est, *Etenim cunctorum, quæ rerum natura complectitur, cum seruator est Deus; tum vero quæcumque in hoc mundo quoquo modo perficiuntur, eorum omnium idem genitor est.* Et in capite eiusdem libri vltimo inter multifarias Dei appellationes, & epitheta, quibus indigitatur, *σωτῆρ τε καὶ ἐλευθέριος* vocatur.

Quor-

Quorsum igitur ænigmate absconderet Sibylla, quod abscondi nullo modo potest? Cum præsertim rationi humanæ incomprehensa religionis christianæ mysteria, illaque altissima supremæ sapientiæ consilia, de restituenda in pristinam dignitatem hominis natura atque ab orco reuocanda, quanta nullus sanctorum vatum, orationis. perspicuitate & diligentia plane historica expediat.

Patet itaque ex his, neutram harum explanationum attingere ad sensum ænigmati. Non tamen continuo sequitur, nihil subesse ad sapientiam pertinens: quod negare non ausus Cardanus. *Si non hoc, (inquit) aliud quippiam Sibylla indicare potuit valde vile.* Esto sane. Neque enim is sum, qui omnium, quæ in iis libris vulgatis Sibyllinorum continentur, nihil vere Sibyllinum esse contendam, sed veris multa falsa esse assuta.

CAPVT XVI.

An Sibylla de Christo predixerit.

Genuina autem illa a nothis & supposititiis discernere non cuius promptum. Quade re pridem disceptatio inter eruditos mota est, de iis, quæ in memoratis libris plane christiana & euangelica inueniuntur; num vere tam diuina scripserit Sibylla, an ei piorum

nebulonum fraude afficta, ex eorum secta, quos docti ethnici a Sibyllinorum carminum studio, & obiecta ubique auctoritate, Σιβυλλισαῖς vocabant? De hac quaestione, quam apud homines non socordes & eruditos profligata videri potest, ducente tamen tractationis Minerua ipsa & proposito, aliquid omnino attingere oportet. Sed paucis: quando, quæ mihi attentius rem mecum consideranti in mentem venerant, ab aliis occupata video. Quod autem ex iis omnibus, quæ hæcenus de Sibylla exposui, præcipuorum auctorum ac totius antiquitatis firmata consensu, sequitur, quominus proferam, nulla me cuiusquam reuerentia deterrebit.

Non mihi fit verisimile Græcam mulierem, ab infantia in gentium religione educatam, malis geniis & lemuribus deuotam & consecratam, eorum mancipium & familiare instrumentum, idololatriæ omnis, omnium impiarum superstitionum magistram & antistitam, electam fuisse a Deo optimo maximo, cui tota diuinitatis adyta & sacra patetaceret, tantumque lucis supernæ infunderet, quantum nulli sanctorum prophetarum.

Enimuero Deum afflare quem vult, dicunt, & Balaami, deorum sacerdotis & pseudoprophetæ, exemplum adducunt: cui Deus, ut ex libro Iudicum constat, illustre expressit de Christo vaticinium, & benedictionem populi electi,

electi, cur
uouendu
& condu
huius ra
pressa e
stellam
ram dic
tum se
fuit.
rigit I
conv
que f
cider
seph
eius
rat
vo
vt
te
te
E

electi, cum ad eum maledicendum ac diris deuouendum ab impio Moabitarum rege accitus & conductus fuisset. Scio : sed non eadem huius ratio & Sibyllæ. Illi ariolo inuito expressa est confessio aduentus Christi, quem stellam vocat, & ex gente Israelitica exorituram dicit: quæ maxima non gentis illius tantum sed vniuersi generis humani benedictio fuit. Quid mirum, si consilii impietatem corrigit Deus? si maledictionem in benedictionem conuertit? Hoc certe non ex proposito, neque secta, quam in operibus tenet, sed ex accidenti. Quo pacto fratrum consilium de Josepho in ipsius Josephi salutem, & vniuersæ eius domus, idem bonus Deus vertit. Hæc ratio Dei est, hæc sapientia, ex prauis hominum voluntatibus & factis nefariis bonos & longe vtiliores proferre euentus atque opportunitates rerum magnarum; secus fieri non permetteret. Vt paucis absoluam: conductus fuerat Balaamus ad maledicendum Israeli; non impediuit Deus quin malediceret, solum cui malediceret ostendit. Impiis igitur idolorum cultoribus maledixit, & quod sequitur, populo Dei fausta, salutaria, gloriosa Numinis præpotentis instinctu præfagiit.

Quam dispar Sibyllinorum de Christo oraculorum ratio? Qui enim sic de Christo est vaticinatus vt Balaamus, ex accidenti, paucis, & per ænigmata, idque inuitus, hunc merito

omnes solennium prophetarum catalogo expungendum putent; qui autem sic, ut Sibylla in vulgatis libris, quid quæso causæ afferri potest, cur verorum prophetarum, qui de Christi aduentu & rebus prædixerunt, non plane albo adscribi mereatur? Quid de regis Chaldaeorum Nabuchodonosoris visione illa dicam, quam habuit dormiens, ingentis supra modum statuae, quæ figura erat præcipuorum regnorum mundi? nunquid egregiam continet de Christo vaticinationem? Postquam enim multiformem eius ex metallis diuersis structuram exposuit, subdit: *Videbas ita, donec abscissus est lapis de monte sine manibus: & percussit statuum in pedibus eius ferreis & fictilibus &c.* Omnes enim lapidem eum abscissum sine inanibus, de extraordinaria Christi ex Judæorum gente citra viri operam procreatione interpretantur. Ita propheticum fuisse illud regis Chaldaei somnium non ambigitur: neque tamen propterea prophetarum in numero habendus Nabuchodonosor, utpote qui habuit tantum imaginem futuri, rerum alioqui & mysterii ignarus. Neque enim simplex imaginum informatio aut intuitus prophetam facit; sed earum, quas videt, imaginum significatio, cum somnianti aut videnti, quo spectent umbræ & simulacra manifestatur. Daniel vero ipse, qui quid somnium illud portenderet intellexit, & regi interpretatus est, vere propheta

pheta m
annumer

Idem

quibus

& disti

circumfl

gelistæ.

Kaj

Παν

Βλέ

Κω

Δα

Κύ

Εξ

Χ

Δ

Tum

dais

F

it

phetæ munere functus est, adeoque prophetis annumerandus.

Idem de Sibyllæ oraculis dici non potest; quibus nihil expressius, nihil perspicuum magis & distinctum, cum omnia de Christo appositis circumstantiis definiat, haud secus atque Evangelistæ. Ut illa de Christi miraculis:

Καὶ τότε δὴ νοσερὲς ἰήσεται, ἡδ' ὀπμώμεν
 Πάντας, ὅσοι τῷ πίνεν ἐνὶ ποιήσονται.
 Βλέψουσιν ἢ τυφλοὶ, ἀτὰρ βαδισί τε χωλοί,
 Κωφοὶ τ' εἰσαίσουσιν, λαλήσας δ' ἐλαλέοντες.
 Δαίμονας ἐξελάσει, νεκρῶν δ' ἐπανάστασις
 ἔσται.

Κύματα πεζεύσει, καὶ ἐρημαίῳ ἐνὶ χώρῳ
 Ἐξ ἄρτων ἅμα πέντε καὶ ἰχθύος ἐναλίοιο
 Χιλιάδας κορέσει πέντε, τὰ ἢ λείψανα ἑπτῶν
 Δώδεκα πληρώσει κοφίνους.

Tum illud de iis, quas Christus passus a Judæis, contumeliis:

Εἰς ἀνόμων χεῖρας καὶ ἀπίστων ὕστατον ἦξει.
 Δώσουσιν ἢ Θεῷ ραπίσματα χερσὶν ἀνάγκοις,
 Καὶ σῶμασιν μισῶσι τὰ πλῆσματα Φαρμα-
 κόεντα,
 Δώσει δ' εἰς μάστιγας ἀπλῶς ἀγνὸν τό τε νῶ-
 τον.

item:

Καὶ κολαφιζόμενος σιγήσει, μή τις ὀπιγνῶ
 Τίς, τίνος ὢν, πόθεν ἦλθεν, ἵνα φθιμένοισι λα-
 λήσῃ.

Καὶ

Καὶ σέφανον φορέσει τὸν ἀκάνθινον.

Πλευρά τε νύξουσιν καλάμῳ Διὰ τὸν νόμον
αὐτῶν.

Quibus versibus furor alapas Christo infligentium, atque os eius conspuentium, & flagellantium, ac tandem configentium quam graphice exprimitur. Tum, quod satis in oraculo, si oraculum est, mirari non possumus, coronæ spineæ fit mentio. Cui illud accedit, non minus mirandum, de potu fellis & acetī, qui illi in cruce pendentī oblatu fuit.

Εἰς ᾗ τὸ βεῶμα χολήν, καὶ εἰς δίψαν ὄξος
ἔδωκαν

Τῆς ἀφιλοξενίης αὐτὴν δείξαι τράπεζαν.

Et alibi :

Εἰς δὲ τὸ βεῶμα χολήν, καὶ εἰς πότον ὄξος
ἀκροῖαν

Δυσσεβέως δώσας, κακῶ βεβηλημένοι οἱ ξερῶ
στήθεα καὶ καρδίαν, αἰτὰς ὀμμασιν σὺν ἐσ-
ρῶντες,

Τυφλότεροι παλάμων, φοβερώτεροι ἐρπυ-
σίων,

Θηρῶν ἰοβόλων βαρεῖ πεπεδημένοι ὕπνω.

Ἀλλ' ὅταν ἐκπετασῇ χεῖρας, καὶ πάντα με-
τρήσῃ,

Καὶ σέφανον φορέσῃ τὸν ἀκάνθινον, ἥδ' ἐγὼ
πλευρῶν

Νύξουσιν καλάμοισιν, ὅτε χάριν ἐν τρισὶν
ῥαῖς

Νύξ' ἔσται σκοτόεσσα πελώριος ἡματι μέσσω
&c.

Quod

Quod eni
tus est Au
priis Chri
cius : Qu
nus meus
meam mis
propriis &
celle est,
que porro
is eiusmo
talia prom
pris man
Immo hu
tum opo
bus Deu
planas &
que ape
Meri
tam ex
fed ficta
Cate
tentian
ponan
fio Sib
re Sib
rum f
perspic
tur.
tius in
accusa

Quod enim in paucis Daudidis psalmis admiratus est Augustinus, de nonnullis maxime propriis Christi patientis: vt in Psalmo 21. verba eius: *Quare me dereliquisti? &: foderunt manus meas & pedes meos. item: & super vestem meam miserunt sortem*; in pluribus non minus propriis & euidentibus quibus obstupefcat, necesse est, oraculis Sibyllæ, si vera sunt. Neque porro quod de regis Chaldæi somnio & aliis eiusmodi diximus, de Sibylla ausim dicere, si talia protulit, vt hanc, quæ proferret & scriptis mandaret, non intellexisse credamus. Immo huic Deum ore ad os, vt Mosi, locutum oportet: quod de iis dicunt Hebræi, quibus Deus non per figuras & ænigmata, sed per planas & proprias rerum notiones singula quæque aperit.

Merito igitur doctiores oracula illa Sibyllæ tam expressa de Christo non putarunt vera, sed ficta & supposita a Christianis.

Cæterum non desunt, qui hic mediam sententiam quodam arbitrii temperamento proponant. Nempe in his oraculis, quæ de Christo Sibyllæ nomine proferuntur, quædam vere Sibyllina esse, alia notha, pia Christianorum fraude veris inserta, quæ scilicet magis perspicua sunt & rerum circumstantiis notantur. Ita rem componit Richardus Montacutius in quartæ exercitationis sect. 4. vtrumque accusans, & Baronium Cardinalem & Casaubonum:

bonum : illum, quod omnia, quaecumque de Christo in vulgatis Sibyllinis leguntur, genuina vatis illius esse putaverit; hunc, quia omnia de Christo supposita a Christianis censeat. *Neque ullo modo (inquit) probari debet, nedum defendi, doctissimi exercitatoris (Casauboni) opinio, qui quaecumque manifesta reperiuntur de Christo Jesu, & Christi in carne omnivaria, sub nomine Sibyllarum recitata, vel etiam Hydaspiæ & Trismegisti, συγματίζει & conficta arbitrat, ut pias fraudes a maioribus.* Verum tam probus & æquanimus censor debebat nobis indicare in illa oraculorum farragine, quæ γνήσια Sibyllæ essent, quæ supposita. Quod non facit, quando & manifesta de Christo in iis libris reperta non æquum censet tanquam notha expungi, eoque nomine Casaubonum culpat, quod omnia huius generis notis configat. *At (inquit) veteres illi gentium philosophi, rhetores, philologi, grammatici, civitatum magistratus & principes, quibus antiqui Ecclesiæ patres oracula illa Sibyllæ proponebant, non tarde fraudem subodorati fuissent, si ullam iis subesse credidissent.* Quasi vero Celsus, in eorum philosophorum albo, in iis disputationibus, quas aduersus eum Origenes habuit, non aperte obiiciat, Christianos παρερραΐσθαι μὴ εἰς τὰ ἐκείνης πολλὰ καὶ ἐλάσφημα εἰκὴ δύνασθαι. hoc est, multa potuisse falsa iis libris temere & impia in Deum dicta inferere. Ita vocat quæ de Christi DE I
humana

humana nat
guntur. T
proferebant
tio, non f
um argum
Sibyllæ ge
dem prob
ninci pass
ritatis Si
manos,
culis fu
Dionysi
Φυλακ
Σεβασ
Ne
le a C
nis, c
anti
tur
retu
Q
sp
fo
g
f

humana natura & laboribus in Euangeliiis leguntur. Tum Sibyllinorum, quæ Christiani proferebant, publicus contemptus & aspernatio, non suspitionis in illis malæ fidei idoneum argumentum censeretur debet? Nam si illa Sibyllæ genuina esse credebant, cur non iis fidem præbuerunt, & se de vera religione conuinci passi sunt? cum tantæ apud eos auctoritatis Sibyllæ effata essent, maxime apud Romanos, quibus nihil sanctius olim Sibyllæ oraculis fuisse constat. Ita enim de iis tradit Dionysius Halicarnassæus: ἡδὲν ἔτιω Ῥωμαῖοι φυλάττεισιν, ἔτε ὅσιν κτῆμα, ἔτε ἱερὸν, ὡς τὰ Σιβύλλινα γέσφата.

Nec vero melior responsio est Origenis: male a Celso fraudis argui Christianos in Sibyllinis, qui aliter conuinci non possint, quam si illis antiquiora Sibyllinorum exemplaria proferrentur, in quibus nihil de Christo proditum legeretur. Parum solida, inquam, hæc responsio. Quam multa critici in auctoribus antiquis ut spuria obelo configunt atque expungunt, ex sola coniectura, quod ea stylo alicuius, aut ingenio, aut moribus, aut instituto parum consentanea iudicant? Sic Aristarchus celebris grammaticus, nulla alia in plerisque quam iudicii sui amussitati fiducia, & longo usu in literis, qui Homeri versus genuini essent, qui nothi, pronunciabat, tanto omnium eruditorum assensu, ut non temere eorum versuum aliquis

aliquis satis Homericus videretur, quem non ille esse talem comprobasset. Quam eandem iudicii auctoritatem Varroni concessam in recensendis Plauti fabulis testatur Gellius lib. 3. cap. 3. quem locum adscribere operæ pretium est : *Verum esse comperio, quod quosdam bene literatos homines dicere audiui : qui plerasque Plauti comœdias curiose atque contente lectitauerint, non indicibus Helii Sedigiti, nec Claudii, nec Aurelii, nec Accii, nec Manilii, super his fabulis, quæ dicuntur ambiguae, credituros, sed ipsi Plauto, moribusque ingenii atque linguae eius. Hac enim iudicii norma Varronem quoque esse usum videmus. Nam præter illas unam & viginti, quæ Varroniana vocantur, quas idcirco a cæteris segregauit, quoniam dubiosæ non erant, sed consensu omnium Plauti esse censebantur; quasdam item alias probauit, adductus stylo atque facetia sermonis Plauto congruentis: easque iam nominibus aliorum occupatas Plauto vindicauit. Hæc ille.*

Si Aristarchus de Homeri versibus, Varro & alii Romani de Plauti comœdiis veritatem citra exemplarium fidem, solo iudicio freti, cognoscere potuerunt; cur non Celsus ille philosophus, & alii ethnicorum disciplinis præstantes viri, pronunciare de Sibyllinis, quæ horum genuina quæ spuria cenferi deberent? Omitto, non fuisse procliuè neque, neq; Celso aliis priuatis hominibus, adire ad illa genuina & sincera Sibyllæ

Sibyllæ exemplaria, si qua essent, ad redarguendam impostorum fraudem, utpote quæ, ut supra ostendimus, in urbium archiuis & fanorum sacrarum procul a profanorum curiositate laterent; Romæ in primis ea religione custodirentur, ut nemini mortalium ea inspicere liceret, nisi viris quindecim, idque Senatus decreto, quo illa inspiciendi potestas fieret.

CAPUT XVII.

Sibyllæ & aliorum ethnicorum vatum oracula nullius auctoritatis:

& de Hyfthaspe mago.

NON solum vero falsi suspecta Ethnicis fuisse oracula illa de Christo, sed etiam Ecclesiæ; quo nihil ad eorum auctoritatem infringendam vehementius iudico. Alioqui dicant mihi eorum assertores, cur Apostoli, & qui propius eos insēcuti sunt, in suis apud Græcos & alias externas nationes concionibus non illa iis de Christo testimonia proposuerunt, Paulus præsertim, qui Arati, Epimenidis, Menandri versus ad Athenienses verba faciens sacræ interponit concioni: cur igitur de Sibyllæ oraculis ne verbum quidem? cur ne ad Romanos quidem scribenti venit in mentem Sibylla, cuius sanctam iis auctoritatem esse ignorare non potuit? Scio quid Clemens scri-

ptum reliquerit in sexto Stromat. solitum hunc in sermonibus ad ethnicos ablegare eos non modo ad Sibyllæ, sed etiam ad Hystaspis magi libros, his verbis, quæ tanquam e concionibus eius excepta profert : λαΐετε τὰς Ἑλληνικὰς βιβλους· ὁπίγνωτε Σίβυλλαν, ὡς δηλοῖ ἓνα θεόν, καὶ τὰ μέλλοντα ἔσεσθαι· καὶ τὸν τσαύωην λαβόντες ἀνάγνωτε. id est, *Libros græcos sumite in manus, agnoscite Sibyllam, quomodo unum Deum significet, & ea quæ sunt futura. Hystasperm quoque sumentes legite.* Verum quod tales Apostoli conciones citat Clemens non mirabitur, qui eius libros studiose euoluerit. Ita multa alia in iis occurrunt scripta apocrypha, quæ temporibus illis, quibus scribebat, passim circumferebantur. Hæcque ut literarum studiosus & πολυμαθὴς non veretur proferte in medium oblata occasione, ne ignorasse videretur. Sic in tertio eorundem librorum hæc Christi verba ex Evangelio Ægyptiorum refert : ἦλθον κατὰλύσαι τὰ ἔργα τῆς θηλείας. *Veni solvere opera femine* ; hoc est, ut ibi interpretatur, cupiditatis, quam feminam appellat. *θηλείας μὲν τῆς ὁπιθυμίας ἔργα ἣ γένεσιν καὶ φθορὰν.* *Opera autem cupiditatis sunt generatio & corruptio.* Post quæ verba subdit Christi colloquium cum Salome : Cum (inquit) Christus dixisset : *Veni addissoluendum opera femine*, hoc est, cupiditatis, cuius opera sunt peccata & animæ interitus, quærit Salome : *Quousque morientur homines ?* cui respondet Scruator :

Quam.

Quamdiu parient mulieres, hoc est, cupiditates operabuntur. Rursus Salome non intelligens allegoriam subdit: *Recte ergo feci quæ non peperi.* Ibi porro rursus subdit Dominus: *Omni herba vescere, ea autem, quæ habet amaritudinem, ne vescaris.* Quo innuit, liberum esse unicuique matrimonio uti, aut continentiam servare, si cui alterutrum amarum molestumque videatur.

Hæc ea causa adnotare visum est, ut omnes intelligant, quantum sibi & Clemens & alii eius ætatis permiserint in quibuscumque citandis veterum scriptis, non multum curantes, vera essent an ficta & supposititia, quæ in medium proferrent. Ac de aliis, quos citat, mitto in præsens dicere: certe quod ad Hystaspem attinet, cuius lectionem suis auditoribus commendasse Apostolum Paulum in concionibus autumat, quantum erret, ex iis quæ de Hystaspe illo mago tradit Ammianus Marcellinus lib. 23. intelligi potest, neque abs re sit locum referre: *Magiam opinionam insignium auctor amplissimus Plato machagistiam esse verbo mystico docet, diuinorum incorruptissimum cultum, cui scientiæ seculis priscis multa ex Chaldeorum arcanis Bæſſrianus addidit Zoroastres: deinde Hystaspes rex prudentissimus Darii pater. Qui cum superioris Indiæ secreta fidentius penetraret, ad nemorosam quamdam venerat solitudinem, cuius tranquillis silentiis præcelsa Brach:*

manorum ingenia potiuntur : eorumque monitu rationes mundani motus & siderum ; purosque sacrarum ritus, quantum colligere potuit, eruditus, ex his quæ didicit aliqua sensibus magnorum infudit : quæ illi cum disciplinis præsentendi futura, per suam quisque progeniem posteris ætæ-ribus tradunt. Ex eo per secula multa ad præsens una eademque prosapia multitudo creata deorum cultibus dedicatur. Feruntque etiam, si iustum est credi, ignem cælitus lapsum apud se sempiternis foculis custodiri, cuius portionem exigua- ut faustam præisse quondam Asiaticis regi- bus dicunt.

Ex hoc, inquam, Ammiani loco patet, quam sit absurdum putare, talem virum ab Apostolo fuisse propositum populis, cuius libros de ve- ro DEI cultu & rebus diuinis consulerent: quem, velut alios eius sectæ, deorum, hoc est, cacodæmonum multitudinem agnouisse & pro- fessum fuisse, magiæ definitio, siue interpre- tatio, a Platone in primo Alcibiade tradita, declarat. Hanc enim dicit esse θεῶν ἱερὰ πείσαν *deorum cultum* ; quemadmodum & Apuleius refert in apologia. Sed & illam ignis, quem cælitus delapsus finge- bant, custodiendi & re- gibus præferendi superstitionem ab eodem Hy- staspe transmissam aliis magis indidem patet. Quod satis est ad incutiendum cuius Christiano horrorem librorum Hystaspis, nedum tan- to Apostolo, Vt satis mirari non possim, tali quoque

quoque teste ad Christum ethnicis insinuandum sustinuisse vti Justinum Martyrem in apologia secunda. Quo loco etiam deplorat temporum conditionem, quod Imperatorum edictis prohiberetur lectio librorum Hystaspis, Sibyllæ, & prophetarum. At enimvero etiam si illud concederetur, ab illo mago mentionem Christi inter deos factam fuisse; quis tamen non videt, tali testimonio admittendo latam ethnicæ superstitioni omni atque idololatriæ aperiri portam, pietatis autem christianæ puritatem contaminari, dum impuri dæmones deorum nomine in eiusdem cultus societatem vocantur. Eadem ratio est Sibyllæ; quæ & ipsa, vt supra monstratum est, falsorum deorum cultum præcipit. Non minus proinde temere Lactantius Sibyllam & Mercurium sanctissimis Hebrææ gentis prophetis aggregat atque componit in primo de falsa religione. *Nunc (inquit) ad diuina testimonia transeamus: sed prius unum proferam, quod est simile diuino, & ob nimiam vetustatem, & quod is, quem nominabo, ex hominibus inter deos relatus est.* Mercurium, quem Thoh Ægyptii vocant, a quo & literas & leges accepisse dicuntur, intelligit: ab aliis idem *ter maximi* cognomine adiuncto nominatur. Cuius tamen testimonio certiora multo Sibyllarum carmina ibidem censet.

CAPVT XIX. .

*Augustini, Hieronymi & Ambrosii
de Sibyllinis, quod ad religionem
attinet, iudicium.*

SEd ex omnibus argumentis, quæ aduersus Sibyllæ diuinitatem & falso tributam auctoritatem afferri possunt, validissimum illud mihi videtur, quod ex Ecclesiæ iudicio ducitur. Quo argumento Augustinus contra Faustum Manichæum utitur; qui Sibyllæ, Orphei, & aliorum externorum vatum testimonia, ad gentes de Christo persuadendas accommodatiora & efficiora esse contendebat iis omnibus, quæ in Hebræorum prophetarum libris de eodem scripta extant. Hunc igitur Manichæum in hoc deceptum dicit, quod non attendit, in nullis ecclesiis illa (Sibylla vaticinia) recitari, cum Hebræi prophetae in omnibus gentibus clareant, atque ad Christianam salutem tanta infidelium examina deducant. Ita ille in libris contra Faustum. In quibus adhuc expressius alibi: Sibylla porro, vel Sibylle, & Orpheus, & nescio quis Hermes, & si qui alii vates, vel theologi, vel sapientes, vel philosophi gentium, de filio Dei, aut de patre Deo, vera prædixisse seu dixisse perhibentur: valet quidem aliquid ad paganorum vanitatem reuincendam, non tamen ad istorum auctoritatem.

*authoritatem amplectendam, cum illum Deum
 nos colere ostendimus, de quo nec illi tacere
 potuerunt, qui suos gentiles populos ad idola &
 demonia colenda partim ducere ausi sunt, par-
 tim prohibere ausi non sunt. At illi sancti au-
 ctiores nostri &c. Quibus verbis Augustinus
 omnem plane Sibyllæ oraculis in Ecclesia au-
 thoritatem derogat, duabus de causis. Prima
 est Ecclesiæ consuetudo; quod hæc nunquam
 solita sit Sibyllæ & aliorum ethnicorum vti te-
 stimoniis in negotio religionis, vel aduersus
 paganos. Altera est ipsius Sibyllæ improbi-
 tas, diuinis profana miscens, ac eadem char-
 ta celebrantis Christum, simul populares suos
 ad falsorum deorum cultum inuitantis, atque
 infandos sacrorum ritus docentis. Quo vtro-
 que modo Sibyllæ de Christo vaticinia explo-
 duntur planissime. Priore quidem sic. Sen-
 tentia est M. Tullii ab ipsius naturæ adytis
 prompta: *Omni in re consensus omnium genti-
 um lex naturæ putanda est.* uæ lex naturæ
 falsa esse non potest. Quanto magis consen-
 sus omnium fidelium, qui Ecclesia dicitur?
 Alii enim homines naturæ lumine & ratione,
 quæ omnibus est communis, reguntur; Eccle-
 sia Spiritu Sancto, qui neque fallere neque falli
 potest. Cum igitur Ecclesiæ consensu iudi-
 catum sit, & consuetudine firmatum, non esse
 dignam Sibyllam cuius testimonium inter iusta
 fidei instrumenta habeatur, vel apud ethnicos,*

ad insinuandam iis veritatem religionis christianæ ; annon ex hoc vel maxime intelligi potest, falsa esse illa de Christo vaticinia, quæ eius nomine feruntur ? Neque enim talia aliundè illi, quam a Spiritu Dei offerri potuissent. Hoc autem dici non potest : quia frustra essent vaticinia illa , quorum nulla auctoritas, usus nullus in Ecclesia esset. Nihil autem Deus temere aut frustra facit.

Sed neque huiusmodi omnium fidelium consensus in explodendis Sibyllæ libris inanis & nulla vehementi fulta ratione censeretur debet. Quæ ratio alia esse non potest, nisi quod nunquam satis compertum fuit atque exploratum Ecclesiæ, hæc vaticinia de Christo vera esse Sibyllæ, aut illi numinis afflatu expressa. Quod sane ad illa explodenda sufficit. Quia non est maiestatis Ecclesiæ , incerta pro certis amplecti & proponere : cum sit columna & firmamentum veritatis ; ita Apostolo perhibente in 1. ad Timoth. cap. 3. Quod igitur Ecclesiæ semper incertum fuit, hoc quisquam pro certo amplecti, tueri, asserere audeat ? Saltem igitur Sibyllina de Domino oracula incerta esse fatendum est : quod, ut dixi, satis est ad imponendum silentium iis, qui illa pro idoneis veræ religionis testimoniis venditant.

Sed & illud vehemens ad abrogandam Sibyllinis auctoritatem omnem argumentum censendum , quod habet idem Augu-
stinus

stinus in lib. 18. de ciuitate Dei cap. 47. vbi postquam concessit, non incongrue credi posse, non modo apud Iudæos, sed etiam in aliis gentibus extitisse homines, quibus humanæ per Christum redemptionis mysterium reuelatum fuerit, quique ad hoc etiam prædicendum impulsæ sint, *sive (inquit) participes eiusdem gratiæ fuerunt, sive expertes, sive per malos angelos edocti sunt; quos præsentem Christum, quem Iudæi non agnoscebant, scimus fuisse confessos.* Postquam hoc dixit, paulo infra versus finem capitis subdit: *Sed quacumque aliorum prophetiæ de Dei per Christum Jesum gratia proferuntur, possunt putari a Christianis esse confictæ.* Vbi quandam insinuat distinctionem: nempe in eorum numero, quibus extra populum Dei apud alias gentes natis reuelatum est Christi mysterium, quosdam gratiæ eius fuisse participes, & pertinuisse ad spirituales Ierusalem; alios ex eo electorum numero non fuisse. Illorum igitur si quæ extent prophetiæ de Christo, vt beati Job, esse amplectendas; horum autem, qui gratiæ expertes fuerunt, vaticinia, si quæ ferantur, credi posse conficta a Christianis. Quibus verbis amplius declarat, vt non est absurdum credi, Sibyllæ & aliis ethnicis vatibus reuelatum Christi gratiæ arcanum & prædictum, sic neque absonum videri debere, si quis ea de Christo vaticinia supposita a Christianis censeat.

Ecce , quam aperte Augustinus Christianorum veterum fidem in venditandis Sibyllæ oraculis suspectam habet. Vt desinant quidam partium magis quam veritatis studiosi theologi acerbius incusare Casaubonum , quod in exercitationibus ad Baronii annales , in disputatione de Sibyllæ oraculis hæc scripserit : *Postremo id vehementer mouet , quod videam , primis Ecclesie temporibus quamplurimos extitisse , qui facinus palmarium iudicassent , figmentis suis celestem veritatem adiutum ire. Quo facilius scilicet noua doctrina a gentium sapientibus admitteretur.* Quam Casauboni censuram expendens Montacutius in quarta exercitatione : *Quam vellem (inquit) Casaubonus spongiam induxisset importunis illis &c.* Neque hanc ferendam viri doctissimi censuram , & merito a Rosvveydo flagellatam , censet. Ergo & illa Augustini modo allata flagellanda est , & sponsia ei , vt magnæ importunitatis , inducenda. Quod enim magnus hic Ecclesie doctor putari posse dicit de Sibyllæ & aliorum ethnicorum vatum de Christo oraculis , hæc scilicet a Christianis fuisse conficta , id ipsum factum putauit Casaubonus : in quo nihil aliud quam iudicium Augustini sequitur. Eant igitur , & eadem censura , qua Casaubonum explodunt , & propemodum impietatis damnant , Augustinum in ordinem cogant , & importunitatis damnent.

CAPVT XIX.

Alia Augustini verba expenduntur: Montacutii in iis hallucinatio demonstratur.

Postquam dixit Augustinus: quæcumque aliorum, hoc est, ethnicorum de DEI per Christum Jesum gratia proferuntur, putari posse a Christianis conficta; mox exinde hanc consequentiam infert: *Ideo nihil est firmitus ad conuincendos quoslibet alienos, si de hac re contenderint, nostrosque fulciendos, si recte sapuerint, quam ut diuina prædicta de Christo ea proferantur, quæ in Judæorum scripta sunt codicibus. Quibus auulsis de sedibus propriis, & propter hoc testimonium toto orbe dispersis, Christi usque quaque creuit ecclesia.* Quia, inquit, quæ ab Ethnicis profectæ de Christo prophetiæ iustam apud Judæos & Ethnicos ipsos fraudis suspicionem habent, & suppositæ a Christianis videri possunt; nihil tutius & firmitus esse potest ad Ethnicos pariter & Judæos conuincendos iis locis, quæ de Christo perscripta extant in Judæorum libris. Hæc sententia est horum verborum Augustini. Ex qua efficitur, minime esse laborandum nobis de illis Sibyllæ de Christo oraculis, siue res sit nobis cum Judæis, siue cum paganis, cum ab utroque hominum genere repudiari possint, ut Christianorum signa,
Verum

Verum Montucutius, qui vbique inter Baronium & Casaubonum caduceator incedit, ne omnem Sibyllæ libris auctoritatem deroget, quod facit Casaubonus contra Baronium, saltem ad Ethnicos confundendos valere Sibyllæ oracula contendit, immo nihil validius iis contra eos afferri posse: apud Judæos autem agentibus minime iis esse vtendum, quod talibus gentium vaticiniis nullam fidem adhiberent. Hos igitur Christum negantes solis Hebræorum prophetarum, quos recipiunt, testimoniis esse refutandos; quemadmodum Sibyllæ suæ oraculis Ethnicos. Sic autem hanc rationem in quarta Exercitationum Ecclesiasticarum sect. 4. in disputatione contra Rosveydum explicat: *Gentiles & pagani Judæorum vaticiniis num sunt inuoluendi? qui nec prophetas ipsos olim nossent, nec quid dona prophetiæ & charismata possent. Meministi, opinor, relatum a te nuper de Cypriano viro disertissimo & acerrimo disputatore, admorsum illum a Firmiliano apud Lactantium, quod contra paganus Demetrianum scribens prophetarum vteretur Θεοφωγεύων & Apostolorum testimoniis, cum ille ea ficta, fucata, futilia diceret & commentitia. Meministi, Chrysostomo eandem omnino fuisse mentem, Hieronymo eandem. Immo vero rationem id suadere non ignoras, vt in principiis iisdem subsistentes per communia & confessa principia refellamus. Quid ergo Augustinus in contrarium*

erarium adductus ? quasi vir, si quis alius, architectonicotatos & dialecticarum peritissimus rationum, tam pueriliter hallucinari poterat, ut paganos conuincendos, informandos, docendos e Scripturis, quas non acceptabant, opinaretur. Certe aliter non erat Augustinus hac in re animatus, quam ille, qui Cyprianum sugillabat. Hæc ille de testimoniis aduersus Ethnicos proferendis. De Judæis autem sic : *Judæi veteris testamenti scriptores diuinitus inspiratos libentissime fuerant admissuri. Ex iis facillime poterant & clarissime de Jesu Christo refutari. Et abunde sunt a Patribus (hoc enim præstitit Justinus Martyr & alii) refutati. At iidem prophætæ non erant pari modo suffecturi ad paganos refutandos, quibus non erat æque persuasum ac Judæis de illorum auctoritate. Judæi, quibus optime persuasum fuerat de prophetis & illorum vaticiniis, verisimiliter refelli poterant per oracula Sibyllina; tamen cum & illi respondere possent, illorum vaticinia conficta fuisse per Christianos, quod peræque gentiles & cum pari ratione non poterant respondere, standum docet Augustinus testimoniis prophetarum. Ita quoslibet alienos apud Augustinum non ad genera singulorum, sed ad singulos unius generis referemus, cum de iis loquatur Augustinus.*

Ita ergo Montacutius verba illa quoslibet alienos in superiore Augustini loco accipit, ut ad solos Judæos pertinere censeat : quasi Augustinus

gustinus *quoslibet alienos* dicens, quoslibet particularium Judæorum tantum intelligeret, non autem quoslibet homines alienos a fide christiana. Quia in re quantum a mente Augustini aberret, aliis ipsius Augustini locis ostendi potest. Id enim agit Montacutius, ut ostendat, solis Sibyllæ & aliorum ethnicorum de Christo testimonius redarguendos esse ipsos ethnicos, minimi esse momenti illa testimonia aduersus Judæos. At hoc plane est contra Augustinum, qui in libris contra Faustum Manichæum laudato supra loco eum hæreticum, id ipsum quod Montacutius defendentem, explodit, eo hunc deceptum dicens, quod non attenderet, *in nullis ecclesiis Sibyllæ illa vaticinia recitari, tum Hebræi prophetæ in omnibus gentibus clareant, atq; ad christianam salutem tanta infidelium examina deducant.*

Præterea quod non modo Judæos sed & paganos Scripturæ testimoniis de Christo conuinci posse censuerit Augustinus, clarissimis eius dictis ostendi potest. Primum quidem iis, quæ habet in capite 46. lib. 18. de ciuitate Dei, ubi de dispersione Judæorum agit per omnes terras. Quod factum censet Dei prouidentia, ut extarent ubique codices, & præterito essent nobis prophetarum de Christo testimonia, quæ gentes a Christianis supposita suspicari non possent; cum ii codices illa testimonia continentes essent penes Christianorum infensissimos hostes Judæos, & ab iis summa dili-

diligentia asseruarentur. Verba adscribam: *Judei autem, qui eum (CHRISTVM) occiderunt, & in eum credere noluerunt, quia oportebat eum mori & resurgere, vastati infelicius a Romanis, funditusque a suo regno, ubi iam eis alienigenæ dominabantur, eradicati sunt, dispersique per terras. Quandoquidem ubique non desunt (supple: Judei) & per scripturas suas testimonio nobis sunt, prophetias nos non finxisse de Christo; Rursus paulo infra: Nobis quidem illæ (scripturæ) sufficiunt, quæ de nostrorum inimicorum (Judæorum) codicibus proferuntur, quos agnoscimus, propter hoc testimonium, quod nobis inuiti perhibent, eosdem codices habendo atque seruando, per omnes gentes etiam ipsos esse dispersos, quaquauersum Christi ecclesia dilatatur. Hoc etiam de eadem re ibidem subiungit: Demonstravit ergo Deus Ecclesie in eius inimicis Judæis gratiam misericordiae suæ; quoniam sicut dicit Apostolus: delictum illorum salus est gentibus: & ideo non eos occidit, id est, non in eis perdidit quod sunt Judei, quanquam a Romanis fuerint deuicti & oppressi, ne obliti legem Dei, ad hoc, de quo agimus, testimonium nihil valerent. Ideo parum fuit ut diceret: ne occideris eos, ne quando obliuiscantur legem tuam; nisi etiam adderet: disperge illos: quoniam si cum testimonio scripturarum in sua tantummodo terra non ubique essent, profecto Ecclesia, quæ ubique est, eos prophetiarum, quæ de Christo præmissæ sunt, testes in omnibus gentibus habere non posset.*

Quod

Clara horum locorum sententia est, propterea dispersos per omnes nationes Judæos, non autem, ut eorum meritum fuit, internecione deletos, ut Christianis aduersus paganos disputantibus, scripturæ, quam penes se diligenter alleruant, certis de Christo testimoniis & vaticiniis inservire vel inuiti possent. Quo pacto ostendit Augustinus, Scripturam prodesse non modo ad Judæos, si animum aduertere velint, sed etiam Ethnicos de Christi gratia conuincendos. Quod cum locis allatis manifestum est, tum maxime euident & lucē meridiana clarius fit isto eiusdem loco in Psalmi 40. enarratione. *Maior seruiet minori: modo impletum est; modo, fratres, nobis seruiunt Iudæi, tanquam capsarii nostri sunt, studentibus nobis codices portant. Audite in quo nobis Iudæi seruiunt, & non sine causa. Cain ille frater maior, qui occidit minorem, accepit signum ne occideretur, id est, ut maneat ipse populus. Apud illos sunt prophete & lex, in qua lege & in quibus prophetis Christus prædicatus est. Quando agimus cum paganis, & ostendimus hoc euenire modo in Ecclesia Christi, quod ante prædictum est de nomine Christi, de capite & corpore Christi, ne putent nos sinxisse illas prædictiones ex his rebus quæ acciderunt, quas existimant nos conscripsisse, quasi futuræ essent, preferimus codices Iudæorum. Nempe Iudæi inimici nostri sunt, de chartis inimici conuincitur aduersarius.*

Hæc

Hæc ibi Augustinus: quibus Montacutii scrupulus facile tollitur, absurdum putantis proferre ethnicis Scripturæ testimonia, quibus non credunt. Nam si iis simpliciter testimonia illa absq; vlla præfatione & præparatione opponerentur, valeret ratio illa; non autem, si fiat, quod dicit Augustinus. Primum quidem doceantur ethnici, inimicos esse Christianis Judæos; non fauere proinde hos illis, nedum quicquam eorum gratia de Scripturis mentiri vellent: præterea, in sacris eorū codicibus, quos cum summa semper cura & fide seruarunt, hæc ipsa reperiri scripta de Christo, quæ Christiani credunt. Quibus sane intellectis, facile omnis remouetur suspicio fraudis ab iis, quæ a nobis proferuntur, testimoniis de Christo. Hæc est ratio disputandi aduersus paganos de vera religione ex Scripturæ oraculis. Quam & Firmianus lib. 5. c. 3. agnoscere & commendare videtur his verbis, in quendam sui temporis calumniatorem Christianæ pietatis agens: *Non est mirum, si tu, qui a Dei sapientia longe remotus es, nihil prorsus intelligis eorum, quæ legisti: cum Judæi, qui a principio prophetas leſtitauerant, quibusque sacramentum Dei fuerat adsignatum, tamen quid legerint, ignorauerint. Disce igitur, si quid tibi cordis est, non idcirco a nobis Deum creditum Christum, quia mirabilia fecit; sed quia vidimus in eo facta esse omnia, quæ nobis annuntiata sunt vaticinio prophetarum. Fecit mirabilia: magum putassemus; ut & vos nuncupatis, & Judæi tunc putauerunt; si non illa ipsa facturum*

Christum propheta omnes vno spiritu prædicassent.

Ita intelligendum illud a Montacutio allatum de Cypriano martyre; quem eo nomine reprehendit Lactantius eiusdem libri capite 4. quod aduersus quendam Demetrianum, putum putum ethnicum, disputans, solis eum Scripturæ testimoniis, quam ille utique vanam, fictam, commentitiam putabat, refelli posse sperasset. Quod factum sic ibi improbat Lactantius: *Nam cum ageret contra hominem veritatis ignarum, dilatis paulisper diuinis lectionibus, formare hanc a principio tanquam rudem debuit, eique paulatim lucis principia monstrare, ne toto lumine obiecto caligaret.* Credo etiam hoc velle Lactantium: debuisse prius erudiri hunc ethnicum, de Judæorum gente, antiquitate, religionis ritibus, prophetis, tum iis, quæ in Christum egissent, odio in Christianos; hocque modo illi insinuare veritatem eorum, quæ Christiani de Christo crederent, cum illa in Judæorum libris tanto ante prædicta pateret. Hæc namque lucis ethnicis insinuandæ principia & præliminia. Postquam scilicet paganarum superstitionum vanitas humanis philosophorum & historicorum testimoniis patefacta fuisset. Hi namque gradus: primum demonstrare, quæ pagani de diis dicunt falsa & absurda esse: deinde ad Judæorum religionem transire: ex his ad Christianos. *Oportebat* (inquit) *huic, quia nondum capere poterat diuina, prius humana testimonia offerri, id est,* *philoso-*

philosophorum
refutaretur
putat Lactantius
prophetarum
tinentur,
animorum
flino tra
cta a Ch
cibus,
riantur
No
aut ho
dorum
gat.
non
diffe
retu
uis
ces
ma
ra
li
A

philosophorum & historicorum, ut suis potissimum refutaretur auctoribus. Non ergo absurdum putat Lactantius, vrgeri ethnicos testimoniis prophetarum, quæ in sacris Judæorum libris continentur, si id fiat cum opportuna & conuenienti animorum præparatione. Qualis hæc ab Augustino tradita, vt insinualet illis, non posse esse ficta a Christianis, quæ in sacris Judæorum codicibus, ita vt Christiani proferunt, scripta reperiuntur.

Non minus fallitur idem auctor, cum fidem aut honorem vllum paganos habuisse literis Judæorum, & prophetarum eius gentis oraculis, negat. Immo apud gentes nemo doctus extitit, qui non de Mose prophetarum antiquissimo audisset, & magnum fuisse virum & diuinum fateretur. Non ipsi philosophi a peripato, quantumvis argumentosi, & naturalium rationum ænaces, negare potuerunt, quin, quæ Moses scriptis mandasset, diuina essent, sed ea nolebant ad literam accipi. Quo sane spectant Simplicii verba lib. 8. physic. auscult. in digressionem contra Philoponum, quibus negat, Mosis verba, quæ initio voluminis rerum primam originem exponunt, ad eum sensum, quem litera sonat, trahi debere, quemadmodum Philoponus volebat: ἐννοεῖτω, ὅτι μυθική τις ἔστιν ἡ παράδοσις, καὶ δὲ τὸ μύθων Αἰγυπτίων εἰληκυσμένη. id est, *Sciat, quod ibi traditur fabulosum esse quiddam, a fabulis Ægyptiis tractum.* Quod non sicut dicit, quia Mossem contemnebat, sed quia hunc aliud, quam sonant verba,

innuisse censebat. Neque enim philosophi Ægyptiorum fabulas contemnebant, sed venerabantur potius, eodemque habebant loco, quo nos Scripturæ anigmata: ut patet ex Plutarchi libro de Iside & Osiride. Sed & Porphyrius in libro de antro Nympharum eiusdem prophetæ verba: *Et Spiritus Domini ferebatur super aquas*: quid sensus occulti habeant, ex Numenii Platonici sententia exponit. Multa, hic possem adiungere in eandem sententiam ex Eusebii Pamphili præparatione euangelica, sed nolo in re cunctis obuia esse longus: sufficiunt enim quæ ex Augustino attuli, de suspecto Sibyllæ & aliorum externorum vatum testimonio, in iis, quæ ad Christum pertinent.

Quodcumque autem testimonium iustam habet fraudis & falsitatis suspicionem, siue Sibyllæ, siue cuiuslibet alterius auctoris, non esse idoneum ut ex eo vlla certa eliciatur probatio, siue contra paganos, siue contra Judæos, qua de Christi aduentu & diuinitate conuinci possint, palam est.

CAPVT XX.

*In eos qui Sibyllina, licet ficta, ut putant, a
Judæis, magni ad eos conuincendos
momenti esse putant.*

Quamobrem satis mirari non possum, quosdam recentiores viros doctos tantum Sibyllinis nonnullis tribuere, ut nihil ad infringendam Judæorum pertinaciam valentius esse putent. Quod enim dicunt,
inter

inter oracula, quæ Sibyllæ nomine vulgata a Judæis fuere, illud fuisse de rege venturo, cui vniuersus terrarum orbis subiiciendus esset, idque oraculum prodixisse illo ipso anno, quo Pompeius in Syria res gerens cepit Jerosolyma; qui cordatis viris probari possit, non video. Istud enim oraculum, quod a Judæis tunc temporis suppositum fuisse dicunt, his versibus aiunt contineri, qui in nostris Sibyllinorum libris sub finem secundi libri leguntur:

Αὐτὰρ ἐπεὶ Ρώμῃ καὶ Αἰγύπτῳ ἑκσιλεύουσιν
 Εἰς ἓν ὀθήσονται, τότε δὲ ἑκσιλεία μεγίστη
 Ἀθανάτῃ βασιλῆος ἐπ' ἀνδρώποισι φανεῖται.
 Ἡξεί δ' ἄγνός τις ἀνὴρ πάσης γῆς σκῆπτρα κρατῆσων,
 Εἰς αἰῶνας πάντας ἐπειθόμενοις χρόνοις.
 Καὶ τότε Λατίνων ἀπεραιήτητος χόλος ἀνδρῶν
 Τρεῖς Ρώμην ὀκλήῃ μοιρῇ καταδηλήσουσιναι.
 Πάντες δ' ἀνδρῶποι μελὰ θροῖς ἰδίαισιν ὀλένται,
 Ὅπότεν ἕρνοϊν πυρρὸς ῥέυσῃ καταράκης.

Apponam versionem Castalionis, ut græca illa omnes intelligant:

*Sed postquam Roma Ægyptum reget, imperioque
 Frenabit, summi tum summa potentia regni
 Regis inextincti mortalibus exorietur.
 Rex etenim sanctus veniet, qui totius orbis
 Omnia seclorum per tempora sceptrâ tenebit.
 Tuncque Latinorum non eluctabilis ira
 Tres Romam tristi sacrorum flamine perdent.
 Atque suis homines perdentur in adibus omnes,
 Tum cum de calo torrens fluat igneus.*

Vbi luculenta est prædictio eius potentiae, quam totis, postquam illud oraculum proditum est, viginti annis Augustus, Lepidus, & Antonius vsurparunt, qui ob hanc Triumviri dicti sunt, tres scilicet summi principes imperii Romani, ut ipsi consententur. Atqui non video quomodo iste Judæus, a quo hanc prædictionem Sibyllæ nomine fabricatam & vulgatam autumant, de triumviratu & iis temporibus tanto ante præscire potuerit. Viderunt ipsi hunc nodum, sed

non expediunt, neque de modo, quo cum expediant, vel cogitant quidem; & contenti difficultatem indicasse, tanquam nihil ad se pertineret, transuolant. Si quis (inquiunt) credere nolit, hac futura potuisse præsciri a scriptoribus Sibyllinorum, per me licet ut credat, quemadmodum ante Corn. Lentulus, ita quoque huius exemplo istos triumuiros ad inuadendam rempublicam instigatos fuisse versibus illis Sibyllinis, quorum tanta apud Romanos esset auctoritas.

Quibus verbis magis se ipsi impediunt, quam expediunt: cum eos Romanos censent versibus illis supra allatis ad inuadendam rempublicam instigatos fuisse. Quæro enim, cum versus illos Sibyllinos vocant, genuinosne Sibyllæ intelligant, an a quodam Judæo suppositos, ut diserte alias dicunt? Si genuinos intelligunt, sequitur, Sibyllam vere de magno rege & triumuiris vaticinatam, neque nomen Sibyllæ inane esse, ut putant. Si autem Sibyllinos vocant Sibyllæ nomine confictos a Judæis, manet perplexitas, quomodo illis temporibus Judæorum quisquam de Romanis triumuiris vaticinari potuerit. Idem tamen manifesta contradictione, ubi de libris apocryphis agunt, Judæos illos, qui de Christo & aliis diuinis Sibyllæ nomine prædixerunt, Numinis afflatu id egisse confiteri videntur his verbis: *Ita omnino credimus, omnes istos, quos diximus, libros, vergentibus ad finem Danielis hebdomadis, a Judæis toto orbe dispersis fuisse compositos, Deo impellente ipsorum mentes ad significandum gentibus Christi aduentum.* Ergo ex his quidem verbis Judæi illi impostores prophetæ fuerunt. Atqui hoc ipsum postea negant in capite de iis, quæ hodie supersunt, Sibyllinis: *Nec tamen opus est, ut propterea prophetidem vel prophetam fuisse existimemus, quicumque istorum fuerit auctor carminum.* Cum enim duas fuisse Erythreas Sibyllas scribat Strabo, alteram præscam, alteram vero quæ Alexandri Magni vixerit, temporibus, facile Judæis fuit imponere legatis Romanorum, missis ad Erythræa Sibylla colligenda carmina, obtrudendo mercem quæ ex sua prodiiisset officina, pro antiqua & præscâ Sibylla, carminibus.

Quod

Quod si respondeant, non eo modo se se Judæos illos arbitrari impulsos ad significandum gentibus Christi aduentum, quo fuerunt prophetæ impulsæ, per afflatum scilicet proprie dictum & reuelationem; sed quomodo impelli homines dicuntur ad aliquid agendum ex solo instinctu; ut vellent ex prophetarum antiquorum libris quædam ad Messie aduentum & regnum pertinentia excipere, quæ metris græce exprimerent, & pro Sibyllinis vulgarent; hoc modo vitatur contradictio, sed rediit perplexitas de prædictione triumviratus apud Romanos futuri: cum mentis humanæ caput excedat, aliquem Judæorum videre sine afflatu diuine, quæ alicubi terrarum post viginti annos futura sint. Quamobrem hoc tam perplexum & inenodabile consideranti mihi nihil tutius videtur, quam regem eum, de quo Sibylla Cumæa loquitur, hoc modo accipi, quo Seruius in 4. Eclogam interpretatur, ad hunc versum:

Vltima Cumæi fecit iam carminis ætas.

ibi Seruius: Sibyllini, id est, Sibyllæ quæ Cumæana fuit & secula per metalia diuinit: dixit etiam, quis quo seculo imperaret, & solem vltimum, id est, decimum voluit. De qua expositione supra iam a nobis dictum est. Sed nihilominus quæ eo loco sequuntur apud doctissimum interpretem subiungere hic etiam non grauabor: Dixit etiam (Sibylla) finitis omnibus seculis rursus eadem renouari: quam rem etiam philosophi hac disputatione colligunt, dicentes, completo magno anno omnia sidera in ortus suos redire, & referri rursus eodem motu. Quod si est idem siderum motus, necesse est, ut omnia quæ fuerunt, babeant iterationem. Vniuersa enim ex astrorum motu pendere manifestum est. Hoc secutus Virgilius dicit, reuerti aurea secula, & iterari omnia quæ fuerunt. Veram esse hanc Seruii interpretationem versus eadem ecloga indicat:

jam redit & virgo, redeunt Saturnia regna,

cum aliis aliquot sequentibus; quos nemo non videt, conceptos ex veterum opinione de mundi ætatum successionem & reuolutionibus: quarum in ordine beatissimus hominum status censetur fuisse sub Saturno. Hæc autem

notanda in primis verba: *Dixit etiam Sibylla, finitis omnibus seculis rursus eadem renouari &c.* Quibus celebratam Platonice rerum omnium ἀνακαταστάσις, hoc est, restitutionem & renouationem designat, quam ibi iterationem vocat. Quod caue intelligas de vna reuolutione, qua semel in pristinum statum omnia restituantur, qua completa hæ vices desinant: cum eas reuolutiones procedere in infinitum velit Sibylla, quam secuti sunt Pythagorici, & qui eos imitati, Platonici. Quod cum ita sit, non apparet mihi, quid necesse sit, hanc Sibyllæ memoratam restitutionem esse hanc ipsam, cuius nobis auctor Christus, expiatis morte sua hominum peccatis. Multo verisimilius est, ethnicam vatem profana & paganica scripsisse. Hæc quidem interpretatio, quam ex Seruio attuli, multo est simplicior quam ista, quæ machinam velut in fabula inducit, Judæum scilicet, nescio quem, istius oraculi de Christi aduentu auctorem. Fac autem, vtramque esse æque verisimilem, quid tum postea? Nempe animus in ancipiti pendeat & fluctuet semper necesse est. Ex dubia autem & controuersa interpretatione, quid aduersus Judæos aut Ethnicos solidi ad fidem veræ religionis faciendam exprimi possit, non video.

Restat, vt quid illis versibus græcis, quos pro Sibyllinis proferunt, faciendum, explicem. Ego a Christianis posterius factos & suppositos, cum aliis plerisque, qui in hodiernis Sibyllinorum libris leguntur, censeo: alios proinde ab illis Sibyllæ oraculis, quæ Pompeio res in Syria gerente, & sub tempus triumuiratus, circumferebantur. In quibus & de rege orbis domitore prædictum fuisse facile concedo & certum habeo; sed non illo, quem sancti prophetæ venturum prædixere, verum tali, qualis initio Saturnus fuisse fingitur in seculo aureo, iuxta hypothesein illam paganicam restitutionis earumdem rerum, per infinitas reuolutiones, vt modo dictum est.

Hæc sunt, quæ mihi probabilius de Sibylla & Sibyllinis, post tot homines doctos, qui de iis scripserunt, dici posse visa sunt.

F I N I S.

L4i

401 in 75171

